



BIBLIOTECA NAZ.  
Vittorio Emanuele III

XV III

C

63

RR  
VII  
19

RR  
VIII  
29

22  
—  
1111  
—  
11

22  
11  
11



2

SAMUELIS RACHELII, J<sup>C</sup>ti,  
& in Illustri Holsatiæ Academia  
Antecessoris,

*De*

JURENATURÆ  
ET  
GENTIUM

*DISSERTATIONES.*

---

KILONI,

Literis Joachimi Reumanni. Acad. Typogr.

Anno cl<sup>o</sup> l<sup>o</sup> c. LXXVI.

Ex Bibl.

Ios. Ren. Card.

Imperialis.





*SERENISSIMI  
BRUNSVICENSIVM ET LUNEBVGENSIVM*

**DVCIS,**

**SPECTATISSIMÆ FIDEI  
ET PRIMÆ DIGNITATIS  
CONSILIARIO,**

*PERILLVSTRI AC GENEROSISSIMO  
DOMINO,*


**DOMINO OTTHONI  
GROTE,**

**TOPARCHÆ IN FRIDELAND ;  
Dynastæ in Wedeshüttel, Fachsenfelde, Jü-  
en, Wreßädt & Kneßebeck &c.**

**PATRONO ET AMICO  
SVO MAGNO,**

**Salutem & Felicitatem perpetuam.,**

**Magnum**

  
**M**Agnum TE fore, magnisq; rebus ac muneribus admotum iri, PERILLUSTRIS DOMINE GROTE, non tam divinabam, quàm ex certis indiciis colligebam, cum Studiorum gratia in Academia JULIA unà essemus, ibiq; nescio quotmodios salis consumeremus. Quo familiari convictu sicuti ingenia moresq; animi rectissime explorari possunt, ita ad amicitiam conciliandam & conservandam is plurimum confert. Discendi cupiditas in TE erat flagrantissima, &, licet inprimis iis TE studiis traderes, quæ animum perficiunt, etiam illas artes & exercitia sedulò adjungebas, quibus corpus ad pacis belliq; munia promptè ac dextrè obeunda, vel ornari, vel instrui, & pro natalium TUORUM conditione fortuna splendidior haberi posset. Morum vero ea erat suavitas & facilitas, ut meliores & politiores quosque in TUI amorem pelliceret, TIBIq; ipsi olim ad luculentos honores viam expeditiorem paratura esset. Ut adeo vehementer gaudeam, id, quod tum animus præsagebat, non solùm evenisse, sed & virtutem TUAM cum Fortunæ præmiis, atque hujus arbitrium cum istius meritis suavi æmulatione contendere. Etsi vero ad humanitatem compositi mores secundum vetus verbum

bum magnis honoribus plerumque mutari soleant; id tamen iis tantum accidere puto, qui fortè animus Virtute & Prudentia leviter tinctum & non penitus imbutum habent. Quamlibet enim Societatem, modo illa verè sit talis, nomenq; suum tueri possit, magis Amicitia, quàm Justitia conservari, verissimè dixit Aristoteles. Si igitur non solum inter personas naturali necessitudine conjunctas, sed & ex instituto hominum Amicitia vel inter æquales, vel inter inæquales, ipsosq; Imperantes & subditos obtinet; hanc convenientibus ubique officiis stabilire, & membra Societatum mutuam sibi operam ac benevolentiam præstare addecet. Quam fragile enim & caducum sit Principum imperium, nisi Amicorum adminiculo fulciatur, nemo non intelligit. Si cui enim arcana imperii, vel exercitum, vel castellum illi commiserint, Amicitia opus cum primis est, si fidem servet, eamq; proditione aliisq; pessimis modis non prostituat, etiamsi istud etiam jubeat Justitia, hoc veteret. Xenophon, qui sub persona Cyri ideam Optimi Principis repræsentare decreverat, hanc illi tribuit vocem ad Cambysem: *Te, mi Cambyses, scire volo, non aureum hoc sceptrum esse, quod Regnum tibi conservet: sed Amici fideles Regibus & verissimum & tutissimum sceptrum sunt. lib. 8.*

Hoc

Hoc quamvis Principes haur difficulter intelligere possint, amicorum fide, ope atque consilio imperii molem præcipuè niti; non tamen perinde facile iis est, veros fidosq; amicos, ab iis qui tales se simulant, discernere, sed hanc ad rem ipsis probitate morum, & judicii maturitate multaq; experiëntia opus est: quod in suo Cyro etiam idem Scriptor his laudat verbis: *Magnum & illud argumentum est, quod in exitu vitæ ipsi accidit, tum ipsum fuisse bonum, tum rectè judicare potuisse, quosnam & fideles, & benevolos, & constantes haberet amicos. lib. i. de exped. Cyri.* Cum igitur SERENISSIMUS Brunsvicensium ac Luneburgensium DUX, Prudentia, Clementia, imperandi arte laudatissimus PRINCEPS, TE, PERILLUSTRIS DOMINE GROTE, inter SUOS Amicos, & quidem inter Fidelissimos Fidelissimum habeat, singulariq; judicio ad tantæ Gratiae penetralia TE admiserit; dignum hoc TUOq; officio facis, quod omnia BONA FIDÈ facis. In quæ tempora inciderimus, quam dubia sit Martis alea, calculus licet bene positus quomodo suum pretium sæpè Fortunæ arbitrio amittat, omnesq; rationes turbentur, vides. His itaque rectè moderandis cum exactissima Prudentia opus sit, qualis vix capax est animus cujusquam hominis, non solum illi laudandi sunt, quorum consilia felicem sortiuntur exitum;

tum, sed & ii in pretio habendi, qui nihil temere, inconsultò vel astutè susceperint, modò omnia bona fide, eaq; , qua fieri potest, prudentia, tempori ac necessitati non rarò servire iustia, egerint, etiamsi interdum illorum incepta propter rerum humanarum inconstantiam expectato successu destituantur. *In adeundis periculis, inquit Cicero, consuetudo imitanda medicorum est, qui leviter agrotantes leviter curant: gravioribus autem morbis periculosas curationes & ancipites adhibere coguntur. Quare, in tranquillo tempestatem adversam optare, dementis est: subvenire tempestati quavis ratione, sapientis: eoq; magis, si plus adipiscare re explicata boni, quàm addubitata mali.* Quemadmodum vero Reges & Principes Amicis maximè fidelibus; ita non minus etiam hi sinceris Amicis indigent, quò istorum curæ horum vel consilio adjuventur, vel ministeriò expédiantur, tantoq; magis adversus invidorum & malevolorum technas, calumnias, simulationum & dissimulationum tendiculas, Amicorum fidelium phalange sint muniti, magisq; tuta & firma iis sit Principum gratia, atque his ipsis Sua variis temporum vicissitudinibus exposita fortuna. Ut adeò graviter errare, & in Prudentiæ regulas impingere videantur magni Principum Amici, quibus ea re suam potenti- am sæpe ostentare volupe est, quàm impunè sibi liceat

ceat alios contemnere, irritare, offendere, adfligere aut plane opprimere; cum tamen rarò hoc omnino impunè fiat, quod malus diuturnitatis & impotentis potentiaè custos sit Metus vel Odium. Beneficiis igitur ut Amicos sibi adjungant, Beneficiis illorum fidem & obsequium provocent, sibiq; adstruant, omnes prudentes suadent, imò hortantur. Cum igitur, **PERILLUSTRIS DOMINE GROTE**, olim nescio quid in me **TUO** Amore dignum deprehenderis, nisi ut id unum profitear, me candore & Amore nunquam **TIBI** concessisse, neque ab hac propensione magna, qua ornatus es, **Fortuna TE** dimoverit; hanc sanè **TUAM** erga me humanitatem & benevolentiam grata mente & recolo, & exosculor. Bene memini, qua ratione Amicitia personarum inæqualium, quæ καὶ ὑπεροχὴν Philosopho dicitur, sit colenda & firmanda, ut quantum dignior Amicus virtute aliisve bonis civilibus alteri præstat, tantò plus isti de Amicitiaè bono proprio sit tribuendum. Itaque cum **TE, PERILLUSTRIS DOMINE**, & natalibus, & potentia, & virtute, & magnis meritis munerumq; splendore antecellere videam, meum est devoto Amore & conveniente Honore prærogativam illam atque eminentiam **TUAM** prosequi. Quo fine meum de **JURE NATURÆ ET GENTIUM** commentarium, ceu meæ observantiaè

vantiæ argumentum non solum consecrare TIBI, sed & publicè apud alios, imò, si ætatem mea ferre possint, apud posteros exstare volui, ut omnes intelligant, quò TU dignitate excellenrior es, tantò me TUI semper observantiorum futurum esse. Nosti meum ingenium, quod nihil sordidè captem, vel ambitiosè adfectem; hoc tamen per TUAM TE bonam mentem promissiq; fidem oro & obtestor, ut veteris amicitiae memoriam & fructum mihi meisq; conservare ne dedigneris, præsertim si (ut sumus homines) humani quid mihi acciderit. Nos illum favorem, quibus poterimus officiis, cultu & obsequio vicissim demereri studebimus, Deumq; precabimur, ut omnia TIBI TUÆq; Generosissimæ Familiæ feliciter eveniant, seque debitorem reliquorum pro nobis delegari patiatur.

PERILLUSTRIS GENERO,  
SITATIS TUÆ

Scribebam in Academia Holf.  
quæ est Kilon. a. d. XXII.  
Jan. clc lcc LXXVI.

observantissimus

SAMUEL RACHELIUS.  
Σὺν



ΣΥΝ ΘΕΩ.

DISSERTATIO PRIMA

# DE JURE NATURÆ.

I.

**J**uris multiplex & varia admodum Divisio tradi solet. Ulpianus, cum Juris vocabulo pro ipsa Jurisprudencia, seu disciplina Juris, usus fuisset, duas illius Studii facit Positiones, quod aliud sit Publicum Jus, aliud Privatum. Atque hoc tripartitum esse ait: collectum etenim est ex naturalibus præceptis, aut gentium, aut civilibus. *l. 1. §. 2. ff. de Just. & Jur.* Describit deinde suo more Jus Naturale *d. l. §. 3.* Jus Gentium *d. l. §. 4.* Jus Civile *l. 6. cod.* Cajus dispescit omne Jus in Civile & Gentium. *l. 9. ff. cod.* Per istud non Juris disciplinam, sed Jus quod quæque Civitas ex instituto sibi proprium constituit: per hoc Jus Naturale intelligit. Alias Divisiones & subdivisiones jam prætermitto. Ego enim juxta præceptum Dialecticorum talem quæro Divisionem, quæ fiat in partes immediatas. *Arist. 2. post. anal. c. 13.* Unde Divisio in proxima debet resolvi membra, neque saltus, ut ajunt, in ea est faciendus. Juxta has itaque regulas si Ulpiani & Caji divisiones examinentur, neutra censuram philosophicam sustinebit. Sanè quod illam divisionem attinet, quæ Ulpiano tribui solet, potius Tribonianò accepta ferenda fuerit. Ulpianus enim Jus absolute sibi non habuit propositum, ut illud ceu genus universum in species suas

A

suas

suas tribueret; sed loquitur speciatim de Jure Romano, dicitq; illud collectum esse ex præceptis naturalibus, gentium & civilibus. Est autem verissimum, Jus Romanum, h. e. Jurisprudentiæ Ro. libros varii generis leges ac præcepta complecti, partim ex Jure Naturæ, partim Gentium deprompta, partim domestica & in Rep. Ro. nata & constituta. Jus Gentium ego hic intelligo propriè dictum, cujus vestigia videre licet in *titt. ff. de acq. rer. dom. de capt. & postlim. de remilit. de legation.* Quamvis non nesciam, & aliàs demonstraverim, & Naturale Jus & Gentium ab Ulpiano perperam describi. Tribonianus autem cum primùm presso pede Ulpianum fuisset secutus, dixissetq; Jurisprudentiæ studium occupari vel in Jure Publico, vel Privato, atque hoc collectum esse ex præceptis naturalibus, aut gentium, aut civilibus, *S. ult. Inst. de Just. & Jur.* mox transiturus ad *Tit. 2.* ejus Rubricam generationem hanc inscribit, *De Jure Naturali, Gentium & Civili.* Hæc itaque Divisio non rectè se habet, si Divisum de Jure absolute tali sit accipiendum; neque enim fit in partes proximas & immediatas, ut ex sequentibus mox erit manifestum. Sed nec Caji est exacta Juris divisio. Præterquam enim quod Jus Gentium æquivocè pro Jure Naturæ venditet, Civile Jus ita describit, ut hæc duæ species Divisi naturam absolute consideratam non exhauriant. Docent autem Philosophi, quod singulæ quidem partes divisionis minus continere, quàm divisum: omnes vero simul sumptæ illud exæquare sive exhaurire debeant.

II. Rectissimè ergo Aristoteles *s. Nicom. 7.* Jus dividit in Naturale & Legitimum: ut hoc posteriori membro contineantur omnes leges arbitrariæ, sive illæ peculiariter utili-

utilitati civitatis cuiuspiam serviant, sive quæcunque ejus generis sint aliæ. Atque hæc divisio uti in partes proximas & immediatas diducitur, ita omnes Juris species sub his continentur, & ad illas tanquam genera sua referri possunt.

III. Dicas, neque Philosophum Jus ἀπλῶς consideratum divisisse; sed Civile Jus. Sic enim ait d. Cap. τὸ δὲ πολλὸν δικαίον, τὸ μὲν φυσικόν ἐστὶ. τὸ δὲ νομικόν. Jus Civile aliud Naturale est, aliud Legitimum. Hujus rei hanc illerationem habuit. Docuerat Civitatem esse Societatem Naturalem, maximeq; perfectam, ejusq; finem esse ἀνθρώπινον, cui reliquarum Societatum inferiorum vel simplicium fines subsint & subserviant; adeoq; Hominem non solum esse φύσει ζῶον κοινωνικόν, naturā animal sociale, sed & esse φύσει ζῶον πολιτικόν, h. e. ipso Natura instinctu ad Civilem Societatem duci. Licet enim Homonaturā appetat Bonum, idque etiam consequatur in Societate Conjugali, Paterna, Domestica, & aliqua in his beatitate fruitur; non tamen illa est ita perfecta, neque τὸ πλεονεξίας τῆς αὐτοῦ ἐξουσίας, fastigium omnis ubertatis, complectitur, veluti Civilis Societas. 1. Polit. 2. Itaque cum Felicitas Civilis ne quidem sit absolutè Summum Bonum, sed in suo genere, puta vita civili; dubium non est, quin Natura voluerit Hominem ducere ad vitæ genus, statum & societatem perfectissimam, in qua consequeretur πλεονεξίαν ἀγαθῶν, bonum humanum, idq; maximè perfectum. 1. Nicom. 2. §. 8.

IV. Quod ut rectius intelligatur, sciendum, Societatem esse unum quiddam compositum ex multis individuis, ad bonum commune connitentibus. Sed, quæso, quid est illud, quod Societatem ut Unum quiddam constituit?

stituit? Lex. Hujus enim vinculo societas quæque continetur, & ad eundem communem finem omnia Societatis membra obligantur. Neque enim imperare sibi, neque se prohibere quisquam potest, ait *Justinus l. 51. ff. de recept. qui arbitr.* Quòd si dixeris *Ordine Societates* contineri, nihil illa oratio à superiori discrepabit. *ἡ γὰρ μέ-  
ζης νόμος, Lex enim est Ordo;* inquit Philosophus, 2. *Polis 12.*

V. Societates omnes vel sunt a Natura, vel ab Instituto hominum. Istæ sunt, quibus ipsa Natura finem naturalem præfixit, & Homini illum consecrandi appetitionem iniecit, idoneisq; in hunc usum adminiculis eum instruxit. Natura enim uti nihil facit frustra, ita nec in infinitum progreditur, sed aliquo fine ultimo appetitum humanum terminari, & in eo adquiescere vult. Hæ sunt, quæ hominum placito & arbitrio Utilitatis, multum mutantis variantisq; ratione instituuntur.

VI. Cum igitur omnes Societates Juris vinculo contineantur, omnesq; fateantur, Jus esse quiddam, quod Societates humanas conservet; harum vero diversissimi sæpe sint fines, non unius generis Jure illas regi posse, manifestum est, sed partim Naturali, partim Arbitrario. Sed neque hoc neque istud in quibuslibet societatibus omnino idem est, quin pro diversa societatum, & finium illis propositorum, differt. Alio enim Jure regitur Societas Conjugalis, alio Paterna, alio Herilis: & sic in cæteris quoque res se habet. Præterea nec Societates Naturales unice apud nos constituuntur Jure Naturali, sed in subsidium adhibentur sæpe plurimæ leges arbitrariæ. Nam quod essentiam & finem istarum Societatum attinet, illa Jure Naturali constituta sunt:

at

at Media & subsidia illuc ducentia, aur utilitatis, αὐταρ-  
κειας, vel εὐμερίας ratione comparata, arbitrio hominum  
magnam partem permiffa sunt, adeoq; arbitrario jure  
determinantur.

VII. Quemadmodum autem ipſæ Societates Hu-  
manæ inter ſe differunt, & aliæ aliis ſunt Perfectiores; ita  
quoque diverſarum ſocietatum diverſa Jura alia aliis  
ſunt Perfectiora. Nam etſi quodque Jus Naturæ in  
quaque ſocietate Naturali ſpectatum ſit perfectum; ſi ta-  
men ipſas ſocietates earumq; fines inter ſe contendas,  
Jura perfectiò earundem ad ſolidam εὐδαιμονίαν ſive εὐπρα-  
ξίαν conſequendam alia aliis ſunt perfectiora; ſive κυριό-  
τητα, autoritate diverſa prædita. Proinde ſi Jura ali-  
arum Societatum Naturalium cum Jure Civili conferas,  
dicendum erit cum Ariſtotele ex 5. Nicom. 6. § 7. & 8. *In  
illis non eſt Jus Civile, ſed Jus quoddam certum, & ex iſtius  
ſimilitudine ita appellatum. Jus enim (κατ' ἔχον) inter  
illos eſt, quibus & Lex inter ipſos communis eſt.* Apparet  
hinc Juris & Legis Vocabula ἀφ' ἑνὸς dici, quæ primariò  
Jurì Legi; civili, ſecundariò aut ſequiori loco ac gradu  
aliarum ſocietatum Juribus ac Legibus tribuantur. Hinc  
cum Paraphraſtes Græcus ad illum Philoſophi textum Ju-  
ris Patrii & Herilis meminifſet; hæc ſubjicit: *κυρίως πῖνον  
καὶ ἀληθῶς δίκαιόν ἐστι τὸ Νεμεμητικόν, καὶ τὸ διορθωτικόν. ὅπῃ  
ἐστι τὸ πολιτικόν.* *Propriè ergo vereq; Jus eſt, id quod Diftri-  
butivum Jus ac Correſtivum dicitur: quod Civile Jus eſt.*

VIII. Hinc colligere eſt, cur Philoſophus non Jus  
indeterminatè, ſed Jus Civile, quo Civitas omninò uti-  
tur, diverſerit in Naturale & Arbitrarium. Deligendum  
ſcilicet erat primarium analogatum, uti Latini Philoſophi

minùs latinè hoc appellant, ex cujus conditione quodammodo etiam intelligi poterat illorum Jurium natura, quæ à Jure *κνελως* dicto, h. e. Civili, inferiori loco distant. Itaque si perfectissimæ Societatis Naturalis Jus perfectissimum rectè tribuitur in Naturale & Arbitrarium; non dubium est minùs perfectarum Societatum Naturalium Jura eandem conditionem subire. Ratum itaque esto, quod omne Jus, quo Civitas, vel Homines, *Φύσει ζῶα πολιτικά*, utuntur, vel sit Naturale, vel Arbitrarium.

IX. Juris itaque in universum Divisio optima est, quam tradidit Philosophus, *Nicom.* 7. Quod aliud sit *Φυσικόν*, Naturale, aliud *νόμιμον*, Arbitrarium. Naturale ita ibidem describit, quod ubique gentium eandem vim obtinet, neque à placito Legislatoris existit. Atque hoc ejusdem cap. §. 5. his illustrat verbis: *Id quod constat natura, immobile atque immutabile Jus est, & ubiq. eandem vim habet: quemadmodum ignis hic & apud Persas urit.* Ex his facile quidem colligitur, quam latè se porrigat hujus Juris obligatio, putà quod ad omnes homines pertineat, plura tamen hic investiganda sunt.

X. Antequam verò ipsa Juris Naturalis penetralia inspiciamus, nonnullæ loquendi formulæ ac voces explicandæ & invicem secernendæ sunt, ut inoffenso pede procedat nostra disputatio. Notandum itaque primò est, inter Justum Naturale & Honestum non esse nullam differentiam. Etsi enim natura & qualitate morali hoc cum isto conveniat, saltem diverso considerandi modo & respectu tamen inter se differunt. Si enim, semotis aliis Honesti significationibus, illud Honestum intelligas, quod

quod in virtute morum & actionibus inde descendenti-  
bus cernitur; Justum ab eo hæcenus distabit, quod obli-  
gationem simul & respectum ad alium contineat. Ho-  
nestum vero solius sui subjecti & possessoris perfectionem,  
præstantiam ac decus denotet. Non tamen hoc adsevera-  
bo, ac si omne Honestum etiam Lege Naturali sit com-  
prehensum, ut naturam Justi induat, cum etiam multa  
opiniõne & moribus Honesta censeantur, quæ lege ceu  
Justa non sunt sancita, cum primis Naturali. Agnovit  
hoc discrimen ipse Ulpianus l. 42. ff. d. V. S. & l. 1. §. 5. ff.  
de extraord. cognit.

XI. Inter Honestum ipsum & Decorum magna  
quoq; est cognatio, ut tamen etiam hæc inter aliquod  
deprehendatur discrimen. *Decorum*, inquit Cicero, id  
est, quod consensaneum sit Homini excellentia in eo, in quo  
natura ejus à reliquis animantibus differt. Cum vero con-  
traria se mutuo illustrare soleant, non incommodè huc  
referri poterunt ejusdem verba, quibus ille *Ineptum* de-  
scribit lib. 2. de Orat. *Quem nos Ineptum vocamus, is mihi  
videtur ab hoc nomen habere ductum: quod non sit apertus, idq;  
in sermonis nostri consuetudine perlatè patet. Nam qui aut,  
tempus quid postulet, non videt, aut plura loquitur, aut se  
offensas, aut eorum, quibuscum est, vel dignitatis vel commodi  
rationem non habet, aut denique in aliquo genere aut incon-  
cinnus, aut multus est, is Ineptus esse dicitur.* Guilielmus  
Grotius de Princip. Jur. nat. cap. 3. n. 4. putat: *Decorum*  
aliàs nomine *Consilii* exprimi solere, idq; habere vim non  
Obligationis, sed Exhortationis, Cicero agnovit quidem  
illud discrimen, sed exprimere non potuit: *Qualis*, in-  
quit, sit differentia *Honesti & Decoris*, facilis intelligi, quàm  
expla-

explanari potest. Quidquid enim est quod deceat, id tunc apparet; cum autegressa est Honestas. Richardus Cumberland in *Proleg. de Legib. Nat.* §. 16. juxta suam Hypothesin de Benevolentia eleganter hæc illustrat. Quoniam, inquit, Status universorum hominum omnibus animi corporisq. bonis naturalibus, apte inter se proportionatis, & ad optimum finem adornatis, cumulatusissimus, naturaliter pulcherrimus est, (utpote definitioni Pulchritudinis è partium figura & symmetria desumpta planè congruus) manifestum est, illas actiones, quæ ita eliciuntur, ut ad hunc Statum constituendum aut conservandum ex intrinseca sua vi sint idoneæ, meritis dici Pulchras seu Decoras. Atque hinc explicari potest τὸ καλὸν & τὸ πρεπόν seu Decorum, quod in actionibus virtutis toties celebrant Philosophi. Mihi ita videtur, quod, licet magna hæc inter sit adfinitas, à verè Justo longius absit Decorum, propius Honestum, saltem multis in rebus.

XII. Autor Anonymus Belga *diff. Epist. de Justo & Decoro*, cum & ipse aliquam inter hæc differentiam agnovisset, in duas classes Peccata dividit, quod alia sint contra naturam strictè loquendo, alia contra decorem seu dignitatem hominis naturalem *p. 41. & 89.* Hoc discrimen quamvis ratione non destituatur, & sint omnino varii moralitatis gradus, non tamen mihi placet ita describi peccata adversus dignitatem hominis commissa, quibus Deo aut proximo nihil subtrahatur, quod Justitia iis largiri jubet. Neq. etiam hanc in rem promiscuè adducta exempla mihi probantur, quasi Concubinitus & Ebrietas non nisi decorem & dignitatem hominis lædant. Reliqua ad explicationem vocum paulò antè memoratarum suppleantur ex iis, quæ in *Prolegomenis ad Ciceronis Officio-*



ciorum libros differui. Ubi etiam prolixè docui, quid sit Officium, & quo pacto etiam hoc à Justo differat. Latius illud hoc patere, neque istud semper Obligationis necessitatem involvere, in aprico est. *Quanto latius patet Officiorum, quàm Juris regula* inquit Seneca lib. 2. de Ira. cap. 27.

XIII. Præterea multum etiam differunt, *Esse à natura*, seu, *provenire à naturali inclinatione*: aut, *esse conveniens naturæ, sive juri naturali*: & *revera esse à Lege Naturæ*. Naturalia enim sæpe dicuntur etiam illa, ad quæ 1. Natura inclinatur, 2. quæ tantum permittit, 3. quæ Honestæ suo modo esse judicat, etsi non planè Debita, 4. quibus Jus Naturæ non repugnat, & quæ hætenus Justa dicuntur, quod careant injustitia. A Lege Naturæ sola illa profisciscuntur, quæ fieri vel non fieri Natura jubet, sicut istud omitti, hoc fieri sine peccato nequeat. Guililemus Grotius in eleganti Opusculo postumo, eoque adfecto, de Princip. Jur. Nat. cap. 2. n. 3. aliam adhuc significationem suppeditat, qua Naturale id denotat, quod plerumque fieri solet: quam tamen ipsius Frater Hugo Grotius jam antè proposuit lib. 2. de J. B. P. cap. 12. §. 26. Cui adfinis est illa, qua Naturale denotat id, quod ab inveterata consuetudine est profectum: qualia ab iis, quæ propriè sunt Juris Naturalis secernenda esse monet Mevius in Prodr. insp. 2. n. 8. Et hinc explicationem petit l. 10. §. 4. ff. de minorib. & l. 7. ff. de R. I. His ita præmissis, propiùs ad rem accedamus.

XIV. Jus igitur Naturale quando dicimus, primò omnium non immeritò quæritur, quænam sit illa Natura Non hic conquiram farraginem plurimarum sententia

rum, aut diverfarum opinionum. Vel unius enim hanc ad rem fufficere poterit Seldeni diligentia. *lib. 1. de J. N. G. jux difc. Hebr.* Sed recta via veritatem indagabo. Commodiffimè itaque hoc mihi referre videtur Justinianus ad Providentiam Divinam. §. 11. *Inf. de J. N. G. & Civ. Naturalia*, inquit, *jura, qua apud omnes gentes pereque observantur, divina quadam providentia conftituta.* Idemq; alibi fic ab eodem explicatur, *Jus naturale eft, quod cum ipfo genere humano rerum Natura prodidit.* §. 11. *Inf. de rer. div.* Quia enim, uti fuprà dictum fuit, Homo naturā eft animal Sociale, hoc eft, accepit inftinctum atque inclinationem à Natura, qua ad Societatem ineundam ducitur; eoq; fine præcipuum ab eadem instrumentum accepit, *Orationem*; illa omnia non poffunt aliunde effe, quàm à Deo: cujus Providentiæ ficuti aliæ res creatæ ad fuum quæque finem ordinantur, atque ea ratione confervantur; ita quoque Homo per ordinem Societatum ad finem à Deo præfcriptum ducitur. Aut hoc nifi ita fit, fequeretur hoc absurdum, bruta, plantas, resq; creatas cæteras majori curæ effe Deo, quàm Hominem; cujus tamen gratia omnia condita effe Stoicis dudum placuit: neque à quoquam, qui fanæ mentis fit, negari poterit. Et licet his obftare videantur illa Apostoli verba *1. Cor. 9. v. 9. Num boves curæ funt Deo?* potius tamen eft, ut iisdem illa confirmentur. Nec enim vult Apostolus, quod boves prorfus curæ non fint Deo; fed quod magis curæ illi fint Homines. Præclare Liber Sapientiæ *cap. 6. v. 8. Parvum & magnum ipfe fecit.* ὁποῖος τὸ μέγιστον καὶ τὸ πάντων, & pariter providentiam habet de omnibus, hoc eft, nullam rem providentia & cura fua deftituit. Merito itaque vapulat Hottomanus.

mannus in Commentario Bachovii *ad. d. §. 11. Inst. de J. N. G. & civ.* inconsideratè nimis dictitans, verba illa, *divina providentia constituta*, ineptè esse adjecta, quia Civilia quoq; jura ita sint constituta. Esto enim quod Providentia divina aliquando Legislatorum consilia & prudentiam dirigat in condendo jure arbitrario; maximum tamen inter hoc & Naturale Jus discrimen est reliquum. Hoc enim Jus non nisi à Providentia divina, unicè & immediatè proficiscitur: Atque sicuti fas est Legislatoribus hominibus in suo Jure arbitrario aliquid mutare, aut abrogare; ita in Jure Naturali idem velle tentare & frustra fuerit, & nefas.

XV. Cajus vero *l. 9. ff. de Just. & Jur.* quem item sequitur Justinianus *§. 1. Inst. d. t.* Jus Naturale, quod ille κατὰ φύσιν ibi Jus Gentium appellat, paulò aliter describit, *Quod naturalis ratio inter omnes homines constituit.* His consentanea tradunt non pauci JCrī. Ita Grotius Naturalis Juris matrem dicit esse ipsam Humanam Naturam, in *Proleg. de Jur. Bell. & Pac.* Et cum huic *lib. 1. cap. 1. §. 10.* tum aliis plurimis definitur hoc Jus Naturale per dictatum Rectæ Rationis. Cui non audita illa Philosophorum vox, ὁ νόμος ἔστι λόγος ὁ ἀεὶ ὁσθός, *Lex* (cum primis Naturalis) *est Recta Ratio?* Est, inquit Cicero *1. de Legg. unum Jus*, quo devincta est hominum societas: & quod lex constituit una: quæ lex est Recta Ratio imperandi atque prohibendi: quam qui ignorat, is est injustus, sive est illa scripta utpiam, sive nusquam. Plura in eandem sententiam ab aliis dicta congerere nolo.

XVI. Videntur autem istiusmodi loquendi formulis hoc velle indicare: Providentiam divinam, à qua  
Homo

Homo instinctum & propensionem ad Societates Naturales accepit, easdem tali jure munivisse, eoq; vinculo connexas conservare, quod Rationali Hominis Naturæ quàm maximè sit accommodatum. Si enim alias res creatas inspicimus, convenientissimis mediis & instrumentis quasque ad suum finem instructas esse deprehendimus, ut non tam absurdum quàm impium dictu cogitatuq; fuerit, Hominem vel minori vel nulli curæ esse Deo. Aristoteles ubi contendit, Naturam nihil fecisse frustra, & imprimis Homini certum præfixum esse ab ea finem, mediâq; ad hunc obtinendum simul suppeditata, idipsum his inter alia verbis illustrat. *Utrumnam fabri & sutoris (adde apium, formicarum, bombycum, & similibum rerum) aliquod est opus, & aliqua actio, hominis vero erit nullum? atque ad desiderium is inertiamq; natus reperietur? An potius ut oculi, manus, pedis, singularumq; adeo partium suum cujusque opus ac manus est, sic Homini quoque præter hæc omnia aliquod opus esse statuemus? 1. Nicom. 7. §. 33.* Cum ergo Homo à Natura conditus sit animal sociale, & opus ejus proprium est, Vivere secundum Rationem, ut in vita civili semper sit occupatus *Ορεσζία*, regulas vivendi Rationali ejus ac Sociali Naturæ convenientissimas Providentia divina præscripsit, quæ sunt ipsa Jura Naturæ, hoc est, profectæ à Natura Naturante, Deo, sua Providentia omnia ad debitum finem convenientibus mediis dirigente: accommodataq; Naturæ Naturæ, Homini, animali Rationali & Sociali. Grotius in Proleg. de J. B. P. idipsum his indicat verbis: *Inter hæc quæ hominis sunt propria, est appetitus societatis, non qualicunque, sed tranquilla, & pro sui intellectus modo ordinata.* Illa Ordinatio à Providentia divina constituitur per . Jura

Jura sua, quibus quamque Societatem ejusq; partes conglutinat. Hinc etiam Aristoteles 1. *Polit.* 2. rectè docet, Orationem, instrumentum à Natura Homini concessum ad societatem rectiùs colendam, commodam esse, destinatamq; à Providentia divina ad declarationem ejus, quod prodest, & obest, justi item atque injusti.

XVII. Præterea Jus Naturale quidam ita interpretantur, quod naturâ cognosci possit, & cujus Principia etiam Homini sint congenita: eumq; in finem adduci consueverunt illa Apostoli *ad Roman. cap. 1 & 2.* τὸ γνωστὸν τῷ θεῷ φανερόν ἦν ἐν ἀνθρώποις. ὁ γὰρ θεὸς αὐτοῖς ἐφανερώσει, *Illud quod de Deo cognosci debeat, manifestum illis est redditum. Ipse enim DEUS illis manifestavit.* Et ibidem: γνώτες τὴν θεὸν, οὐχ ὡς θεὸν ἐδόξασαν, *Cum Deum cognoverint, non ut DEUM glorificaverunt.* Nec non illa: τὸ ἔργον τῷ νόμῳ, χαρτῶν ἐν ταῖς καρδίαις αὐτῶν, *Opus Legis scriptum in cordibus gentilium.* Quem textum plenius & accuratius explicavit Jo. Adamus Osiander *Tractatus de Typo Legis Natura parte speciali.* Et quidem verissima est illa divisio Theologiæ Naturalis, & Revelatæ. Ista uti omnia officia Pietatis, ita & reliqua Jura Naturæ complectitur, & lumine Rationis è rebus qua facta sunt, vel fiunt, sensibusq; nostris obijciuntur, ad Deum cognoscendum ascendit: cujus principia, quemadmodum aliarum philosophicarum disciplinarum, menti nostra naturaliter sunt insita. Verba sunt τῷ πάντῳ nostraris Calixti *Apparatus Theol. p. 3.* At hæc Principia qualia sint, & an sint homini congenita, & quidem ἀεὶ πικῶς sint congenita, non idem omnes, sed magnam partem contrarium sentiunt. Epicurus quidem illa Principia, προλήψεις, *Anticipationes*, Cicero passim *Notitias*, Igniculos & Semina  
B 3 appél-

appellat. Jo. Sperlingius, eximius Philosophus Wittenbergensis, illas Notitias ita describit, quod sint *Habitus à prima infantia insiti, & à Natura antequam Ratio se exserere queat, inscripti*: dividitq; illas in Speculativas, & Practicas. cap. 1. diff. de Principiis nobiscum natis. Sed quod pace & hujus & aliorum fiat, mihi hactenus non est verosimile visum, ejusmodi Habitus nobis in ipsa infantia connasci, aut connatos esse. Nam

*Cum ventum ad verum est, sensus moresq; repugnant.*

Si enim integrarum propositionum, quibus Leges Naturales constant, cognitio connascitur hominibus, una omnium de his notitia foret, quod, quæ natura insunt homini, ea semper & omnibus insint. Aliter vero rem se habere, Experientia affatim docet. Itaque vero magis consentanea mihi videntur illa Balthasaris Meisneri *Phil. Sobr. Sect. 4. cap. 9. qu. 1. De connata*, inquit ille, *notitia lis est orta, quam nonnulli nihil aliud esse videntur, quam solam divinam & facultatem Deum agnoscendi, quam primum Ratio sese in homine exserere incipiat.* Et illa Timpleri lib. 3. *Metaph. cap. 1. qu. 9. Homini innata quidem est facultas & habilitas ad comparandam cognitionem principiorum, non autem ipsa cognitio.* Gemina quoque hîstradit Piccartus *Synop. Organ. c. ult. Colligamus*, inquit, *etiam hoc, principia non à natura nobis insita esse, sed Facultates quasdam à Natura nobis insitas, quibus velut adminiculis ad eorum notitiam deveniamus.* His accedit Autor Anonymus *Belga diff. Epist. de Justo & Decoro p. 73. Quam etiam ob causam Guil. Grotius de princ. jur. nat. cap. 1. n. 5. Naturam interpretatur, naturalem illam Dei operationem, quæ mentibus nostris insedit, cujus DEUS autor est.*

XVIII. Veta-

**XVIII.** Veteres quid etiam hac de re senserint, facile inde æstimes, quod Plato in Philabo memoret, nascentibus propinari poculum Lethes sive oblivionis, quæ per debitam Educationem discussa, discere illos, & quasi reminisci communes illas notitias: Et quod Aristoteles lib. 3. de Anima, Intellectum comparet tabulæ rasæ, cui nihil inscriptum sit, inscribi vero omnia possint. Platonicos tamen quod attinet, videntur illi alibi Legum Naturalium Ideas innatas statuere. Quæ de re ingenuè & modestè ita loquitur Cumberlandio disq. Philos. de Legib. Nat. proleg. §. 5. *Mihi certè non obvenit tanta felicitas, ut tanto compendio ad Legum Naturalium notitiam pervenirem. Nec visum est consultum, totam Religionis Naturalis & Morum doctrinam illi Hypothesi (de Notitia Legum Naturalium innata) superstruere, quæ à plerisque tam Ethnicis Philosophis quàm Christianis fuit rejecta. Statui tamen hanc opinionem non impugnare, quoniam animus exopto ut valeat, quantum valere potest, quidquid pietati & bonis moribus favet; quia non est impossibile, ut & nobiscum nascantur hujusmodi Notitia, & ab extra denuo imprimantur.*

**XIX.** Neque etiam alteri sententiæ quidquam patrocinator textus ille Apostoli; illum enim D. Thomas in Commentario suo ad illam Epistolam item interpretatur de Intellectus lumine interno, quod inde gentilibus potuerit manifesta reddi voluntas Dei. Nam quamprimum usus Rationis scintillare incipit, subinde aliæ atque aliæ Leges naturæ, Hominiis naturæ Rationali & Sociali exactè respondentes, in animo Hominiis promulgantur, quas Recta Ratio, hoc est, Prudentia in vita sequitur; nisi Rationi, antequam per Prudentiam suam

am perfectionem & ἀρετήν fuerit consecuta, obstitérine voluptatum & vitiorum illecebræ, aut in herba bonam morum frugem opprefferit, vel mala, vel nulla, aut neglecta educatio. ἐστὶ γὰρ ἡ κακία φθαρτικὴ δέχτης, *Vitium enim principium delendi ac perimendi vim habet*; inquit Aristoteles 6. *Nicom.* 5. §. 16. Et cap. 12. §. 33. Item 7. *Nicom.* 8. §. 12. Qua dere graviter conqueritur Cicero 3. *Tusc. quæst.* his verbis: *Natura parvulos nobis dedit igniculos, quos celeriter malis moribus opinionibusq; depravatis sic restringimus, ut nusquam Natura lumen appareat. Sunt enim ingenis nostri semina innata virtutum: qua si adolescere liceret, ipsa nos ad beatam vitam Natura perduceret. Nunc autem, simulatque editi in lucem, & suscepti sumus, in omni continuo pravitate, & in summa opinionum perversitate versamur, ut penè cum lacte nutricis errorem suxisse videamur. Cum vero parentibus redditi, id est, magistris traditi sumus, tum ita variis imbuimur erroribus, ut vanitati veritas, & opinioni confirmata Natura ipsa cedat. Cebes in sua Tabula hoc ita depinxit, ut in prima vitæ porta homini occurrat Ἀπάτη, *Impositura*, πάντας τὰς ἀνθρώπους πλανῶσα, *seductrix omnium hominum*, quæq; omnibus propinet πλάνην καὶ ἀγνοίαν, *Errorrem & Ignorantiam*. Atque hinc fit, quod tam varix de Jure naturali exstiterint opiniones, plurimum sæpe distantes: & quod ejus investigatio tam sit difficilis, ejusq; præcepta modo liquidiùs modò obscuriùs innotescant & promulgentur.*

XX. Redit itaque summa hactenus dictorum ad tria illa capita: Primum est, Jus Naturæ originem & auctoritatem suam habere à Providentia divina. Alterum, Leges & præcepta ejus Hominis naturæ Rationali & Sociali



ciali convenientissimè accommodata esse. Absit vero ut quis hic intelligat Hominis naturam varia vitiorum labe corruptam; hæc enim inquinamenta cum Juri Naturæ contraria sint, DEUS integræ & minimè corruptæ naturæ humanæ sua jura conformasse existimandus est. Etsi enim bonus animus haut difficulter suos nexos agnoscat, qualis tamen esse debeat, non omnino ignorat: Unde etiam hoc tertium fuit propositum, Jus Naturæ etiam ideo tici, quod lumine naturæ rationalis percipi & cognosci queat; adeoq; falsum esse, quod non nemo temerè effutiit, absque verbo revelato nobis de Jure naturæ certò constare non posse: cui ipse Apostolus contradicit, qui gentiles Juris Naturalis religionem proculcantes ἀναισθητοί, *inexcusabiles* pronuntiat ad Rom. cap. 1. His paulò post etiam quartum adjicietur, quod hoc Jus etiam conveniens sit Naturæ Naturanti, hoc est, ipsi Deo, à cujus Justitia hi radii prominent. Hæc quatuor Juris Naturalis requisita sive proprietates velim diligenter notari, & ubi opus est, conferri inter se atque conjungi. Sic enim non solum multæ frivolæ, sed & quæ difficiles videri possint, quæstiones non magno negotio expediuntur.

XXI. Quæ cum ita sint, non parùm miror, tot vel veteres vel recentiores fuisse repertos, qui non solum dubitarunt, sitne aliquod Jus Naturale, sed etiam omni animi contentione illud oppugnarunt. Sanè siquid ex illis Atheismo infectum pectus habuere, & Jus Naturæ omne ex Societatibus profligatum ivere, fecere utique, quod facere consueverunt illi, quibus decretum est, qualicunque θέσει διαλέσθην. Reliquis & circa summa prin-

principia Juris Naturalis (de quibus post plura) aliter adfectis quid in mentem venerit, hariolari nequeo. Inter veteres Archelao, Anaxagoræ discipulo, Laërtius hæc tribuit: τὸ δίκαιον εἶναι καὶ τὸ αἰσχρὸν ὃ φύσει, ἀλλὰ νόμῳ, *Justum & turpe nullum esse naturâ, sed lege.* Idem in vita Aristippi Cyrenaicis tribuit, μηδὲν εἶναι φύσει δίκαιον, ἢ καλὸν, ἢ αἰσχρὸν, ἀλλὰ νόμῳ καὶ ἔθει, *Nihil esse naturâ justum, vel honestum, vel turpe, sed lege & consuetudine.* Sceptici quoque apud Sextum Empiricum adversus Mathematicos p. 464. contendunt, φύσει νόμων ἔδεν μέλει, *Natura leges non esse cura.* Carneadis Académici quæ fuerit sententia, verbis dicam Lactantii ex lib. 5. de Instit. cap. 10. *Jura sibi homines utilitate sanxisse varia pro moribus, & apud eosdem pro temporibus sæpe mutata; Jus autem Naturale esse nullum &c.* Idem videtur sensisse Horatius, quando ita scribit lib. 1. Sat. 3.

*Jura inventa metu inijusti fateare necesse est:*

*Tempora si fastosq; velis evolvere mundi.*

*Nec Natura potest justo secernere iniquum.*

His etiam deteriores sunt χερσὶ δίκαι, qui Jus sua manu metiuntur, & res maximè contrarias, Vim & Jus consociare volunt: quorum hæc vox est: ἀνδρὶ τυραννικῇ ἢ πύλει δέχῃν ἐχθρὴν ἔδεν ἄλογον. ὃν συμφέρον, *Homini aut civitati imperium habenti nihil absurdum, aut à jure, vel ratione alienū videri debet, modo expediat.* Thucyd. lib. 6. Idem fuit error Lacedæmoniorum, de quo Plutarchus in Agésilao: *Lacedæmonii primam honesti partem ponentes in Patria sua utilitate, jus aliud nec norunt, nec discunt, quam unde Sparta putent posse augeri.* Quapropter Athenienses illis exprobant, *Honesti eis videri quæ suavia sunt; justa, quæ utilia.* Imò etiam ex mente quorundam veterum ita differit ipse Aristoteles 1. Nicom. 3. §. 3.

In iis rebus, quæ honesta & iusta sunt, quas Politica considerat, est tanta varietas, tantaq; in eis versatur erratio, ut hominum placito, non autem natura constare videantur. Epicurus cum Providentiam divinam egerasset, idem venenum imbibit, quem refutat Cicero 1. de Legg. Carneadem Lactantius, & Grotius in Proleg. de J. B. & P.

XXII. Qua causa inducti tam absurdè de Jure Natura, præter Atheismi hypothesein, nonnulli senserint, videtur rectè adsecutus esse Bachovius, Philosophus & Jctus, si quis alius, magnificandus, qui ad §. 1. Inst. de Jur. nat. gent. & civ. scribit, quod, cum apud diversas gentes non solum diversa sed & contraria jura moresq; obtinere vidissent in rebus, quibus normam Jus Naturæ dederat, tandem præcipiti temeritate omne Jus Naturale abnegaverint. Plures etiam causas recenset Mevius suo Prodomo Ins. 2. n. 2. p. 51. Atque hoc ipsum scrupulum etiam videtur movisse Aristoteli, qui cum sibi objecisset, quæ à Natura sunt, immutabilia esse, Jus vero Naturæ apud gentes videri mutari, eo prolabitur, ut dicat, saltem apud Deos fore Jus immutabile. 5. Nicom. 7. §. 5. Ita bellicosæ gentibus non solum licitum, sed & gloriosum fuit, latrocinii infestam habere viciniam. Latrocinia nullam habent infamiam, quæ extra fines cujusque civitatis sunt; inquit de Germanis Cæsar. Persis minimè fœda visa fuit iniquitas. Aegyptiis probata fuit absurdissima & teterrima idololatria: quibus non solum θεοπροφητεία, ιερογλυφικά, ιερογλυφικά, de quibus Apóstolus cap. 1. ad Roman. sed etiam Porrum & Cæpe pro numinibus culta. Quid dicam de immanitate sacrificiorum Phœnicibus, Gallis quondam, Massagetis, Tauroscythis, Derbicibus, Arcadibus, Jonibus, & nunc C 2 Mexi.

Mexicanis, Peruanis, aliisq; Indis, uſitatorum, qui teneram prolem immolarunt? aut de crudelitate Japonenſium, qui Bonziorum conſilio vel fatum abigunt, vel recens editum ſuffocant? aut de fœda libidine Sinenſium, præpoſtera Venere ſe inquinantium? Alibi honeſtum fuit virginibus ſupro dotem quarere. Apud Lacedæmonios nulum fuit adulterii crimen. *Memoratur dictum Gerada cujusdam Spartiata ex antiquiſſimis, qui hoſpiti ſciſcitanti, qua eſſet pœna apud ipſos in adulteros conſtituta, reſpondit: Adulter hoſpes, non invenitur apud nos. Quo ſubſiciente, Quid ſi inventus ſit? Taurum, inquit Geradas, luit ingentem, qui capite trajecto Taygetum bibat ex Eurota. Obſtupeſcente illo & dicente, Qui exiſtat bos tantus? ridens Geradus, Qui, inquit, adulter exiſtat Lacedæmone? Verba ſunt Plutarchi in Lycurgo p. m. ſo. ex verſione Herm. Cruſerii.* Furtum quoque quàm callidiſſimè apud eosdem perpetratum militaris artis creditum fuit egregium *αγορην* *Qua* actirociniū. Quapropter ſi quis deprehenſus fuiſſet in furto, multa verbera ſtagello accipiebat: memoratq; Plutarchus d. l. ſuo xvo ſe multos adoleſcentes hanc ob cauſam in ara Dianæ Orthiæ inter plagas mori viſiſſe. Profuit hæc diſciplina eò, ut perhibeatur quidam, qui vulpeculam ſurriperat, eamq; amiculo involverat, quum ventrem ſuum laniarer beſtia unguibus & dentibus, ne detegeretur, intermori ſuſtinuiſſe. Tam putidis navis conſpurcata fuerunt Lycurgi Rhetræ, aliorumq; ſive Legum tabulæ, ſive morum inſtituta, & in deteſtabilem progreſſa licentiam exempla: quorum plura commemorare nolo, quod veterem novamq; terrarum vel hoc vel ſuperiori ſeculo deteſtarum ac cognitarum hiſtoriam legenti illa non poſſint

sint non frequenter esse obvia. Videantur *Plutar. de Isid. & Osir. Juven. Sat. 15. Strab. lib. 8. Herod. lib. 1. Diod. Sicul. J. Caf. Ovid. Lactant. Tertull. Theodoret: Hugo Linscotanus, Josephus Acosta, Aloysius Cadamustus, Lud. Vartomannus: ex quibus aliisq; compendium istiusmodi horribilium flagitiorum collegit Georg. Calixtus in sua Epit. Theol. Mor. pag. 40. & seqq.*

XXIII. Superiora vero si pensiculatè examinata fuerint, tam impie de Dei Providentia & Jure Naturali sentientes vel iis refutari posse existimaverim. Neminem enim fore puto, qui temere inficiaturus sit, Hominem naturâ esse animal sociale. Neminem quoque fore puto, qui neget, cujuslibet Societatis vinculum & munimentum esse aliquod Jus, Jurisq; communionem à communione Societatis segregari non posse. Neminem item fore puto, qui diffiteatur, esse quasdam Societates Naturales, hoc est, ad quas ineundas & colendas Providentia divina Homini instinctum inseverit, facultatesq; hanc ad rem necessarias addiderit: adeoq; neminem tandem fore puto, qui, si concesserit, esse quasdam Societates Naturales, easdem tamen contendat vinculo Juris à Natura esse destitutas. Si enim Providentia vult finem, ipsam Societatem, & bonorum pro cujusque Societatis conditione communionem; utique & illud simul largita est, sine quo ista haberi aut conservari nequeunt, ut scilicet certo Juris respectu & ordine omnia procedant, interq; membra Societatis sine injuria & illæsa pace ac concordia communicentur. Nihil ex his sine absurditate negari posse existimo, adeoq; omnes, quibus non læva mens est, rata hæc habituros esse confido. Hujus argumenti vim, qua

fuit ingenii iudiciiq; præstantia, probè perspexit ô Εξ-  
 γης, Alexander Aphrodisiensis, cujus pauca verba,  
 licet omnia legi mereantur, hic adducam ex lib. 2. de  
 Anima. cap. 42. Si sociales, ait, ac communicabiles natura  
 sumus; impossibile autem est durare Societatem sine Iustitia,  
 necesse est, Jus quoz Naturâ esse. Qui, quoniam apud al-  
 ios aliud jus est, propterea negant ipsum esse naturâ, certè  
 id Naturâ docent esse, quod apud omnes idem est. Con-  
 firmat idem Seneca Ep. 48. Non potest quisquam beatè de-  
 gere, qui se tantum intuetur, qui omnia ad suas utilitates  
 convertit: alteri vivas oportet, si vis tibi vivere. Hac So-  
 cietas diligenter & sanctè observanda est, qua nos omnibus  
 miscet & indicat, aliquod esse commune jus generis humani.

XXIV. Veritati tam perspicuæ multi multas ne-  
 bulas offundunt, quibus lumen ei obstruant. Carneadem  
 Jus omne sola Utilitate merientem jam refutavit Lactan-  
 tius & Grotius. Verum sanè est, Juris Naturalis esse ma-  
 ximam utilitatem ad conciliandas, continendas & conser-  
 vandas societates. Si tamen per falsam hypothesin sin-  
 gas Hominem naturâ non esse Socialem, neque arbitra-  
 ria conventionē Societates inter se constituere, nihilo-  
 minus Jus Naturæ ipsius Naturæ Rationali propter Ho-  
 nestatem, quam in se præcipuè habet, conveniret,  
 cumq; ad hujus persecutionem & fugam contrarii obli-  
 garet. Hoc est quod his verbis significat Aristoteles  
 1. Rhet. 13. Est quoddam, inquit, quod profitentur omnes, na-  
 tura commune justum, & injustum, etiamsi nulla Societas in-  
 vicem sit, nullaq; pactio. Bene etiam hac de re loquitur Sar-  
 rokius cap. 2. de Offic. n. 10. Verissimum est magnam inesse his  
 anticipationibus ad societates tuendas vim, & magnam pro-  
 inde

nde hominibus utilitatem ab iisdem provenire : Honestatem eusem naturâ procuratrice ortam consecuta est Utilitas; non utilitatem Honestas.

XXV. Alii vi veritatis adacti de Homine quidem, id quod est, sentiunt, videlicet, quod sit animal naturâ Rationale & Sociale; id tamen hac cavillatione enervare student, Hominem non actû, sed aptitudine tantum esse animal sociale. Notum est potentias naturâ priores esse operationibus; ut tamen tales operationes Homo libenter producat, quales à potentiis naturalibus proficisci queunt. Cum ergo Homo à Natura acceperit inclinationem ad societatem, etiam appetitu suo ad usus sociales ducitur. Secus qui fecerit, à natura humana illum discedere, & vel in Deum vel Bestiam degenerare ait Aristoteles 1. Polit. 2. sub finem. Quia igitur Homo infans nascitur, & Rationis usus paulatim progreditur, eumq; non uno momento perficit, primum quidem naturâ ad societatem aptus est, ut tamen mox actu societatem expetat, ineat, & actibus socialibus sibi illos, & se aliis devinciat. Atque cum appetitum Deus tam altè infixit animo hominis, ut nemo nisi monstrosus huic ordini ac destinationi divinæ obniti velit, quandoquidem non individuâ quibusdam eum inpresum, sed ipsi naturæ humanæ tributum esse cernimus.

XXVI. Si igitur Natura nihil facit frustra, eademq; in progressu in infinitum abhorret, necessum est, Appetitus humanus ut aliquo bono adquiescat, cujus ipsius quoque Natura autor sit. Hoc vero non potest esse illud, quàm cujusque Societatis naturalis Finis naturalis. Si ergo Homo natura appetit Societates, vel maxime

ximè appetit etiam societatis finem: & si Societates naturales aliæ aliis sunt perfectiores, & fines earum uni fini ultimo sunt subordinati, hunc finem atque hoc summum bonum Societatis naturalis perfectissimæ maximè expectet, qui consistit in *συνεξία* & exercitio jurium naturalium. Non igitur appetitui Hominis Sociali satisfacit, si incidat in qualemcunq; vitam socialem, sed talem, qualem DEus naturæ hominis sociali & rationali constituit, & qualem ipsa Ratio ei commonstrat. Est igitur, quod Homo societates expectat etiam propter impatientiam solitudinis, nec non propter periculi damne metum; eximæ tamen ejus naturæ multo nobiliorem finem propositum esse, facillè hinc colligi potest.

XXVII. At, inquiunt nonnulli, hinc secuturum esse, quod Jus Naturæ ex mera appetitus humani inclinatione oriatur. Ego vero exiis, quæ jam proposui, non nisi ineptè hoc consectarium confici existimo. Finis enim, ad quem appetitus humanus naturæ ductu excitatur, à Providentiæ divinæ, non autem arbitrio humano est constitutus, qui cum & ipse consistat in *πράξις*, qualis & naturæ humanæ & huic fini convenit, & quoque similibus actionibus obtrineatur, hisq; omnibus Juris Naturalis regulis conformibus; à Deo quoque has ipsas sancitas, earumq; promulgationem usui rationis non corruptæ inditam ab eo esse, qui Rationem dedit, certissimum est.

XXVIII. Immeritò itaque vapulare videtur Grotius, quando Robertus Sarrokius aliiq; ceu minùs rectè ab ipso dictum cavillantur, Societatis custodiam Juris Naturalis fontem appellari posse. Legantur, si tanti visa fuerint, ejus verba *cap. 2. de Offic. n. 10.* Neque enim uspi-

am



am invenias, Grotium docuisse, appetitum & custodiam Societatis, esse Juris naturalis *unicos* fontes, qua vocula ejus sententiam corrumpit Sarrokius. Quem temere videtur secutus esse Dn. Osiander, qui in suis *ad Proleg. Grotii Annotatt. observ. 4.* ita loquitur: *Non satis accurate dicitur, societatis custodiam esse fontem Juris naturalis, praesertim si exclusivè hoc intelligas.* Quæ enim ego supra *th. XX.* conjungenda esse monui, ubi opus est, eadem nec Grotius disjungi voluit, ceu ex contextu verborum ejus cuivis obvium est. Nam quod ajunt, custodiam Societatis indifferentem esse ad bonam & malam Societatem, falsa hititur hypothesi. Grotius enim quando Jura Naturæ commonstrari ait à Natura hominis Rationali & Sociali, non certè talem Societatem etiam designavit, qualem inter se fortè habent latrones: sed penitus exclusit, quod hæc ipsius rationali naturæ minimè conveniat. Imò, si accuratè philosophari velimus, istiusmodi malorum hominum confluges, factio, ac globus, ne quidem Societatis nomen merebitur, ceu aliàs ostendimus. Quando igitur Dn. Osiander Grotium ita emendat, melius dici, fontem Juris Naturalis esse ipsum Deum, non solum consentientem, sed & præcuntem habet ipsum Grotium. Hæc enim sunt illius verba in *Proleg. Sed naturale jus, sive illud sociale, quanquam ex Principiis homini internis profluit, Deo tamen adscribi merito potest.* Et mox *lib. 1. de J. B. P. c. 1. n. 10.* Jus naturale refert ad autorem Naturæ Deum. Idem confirmat in *Annotatis* ad jam allata ex *Prolegomenis* verba testimonio Chrysostomi & Chrysippi.

XXIX. Sunt qui hac ratione ad evertendam Juris Naturalis existentiam utuntur, Hominem à Deo li-

D

bere

bere esse conditum animal sociale, adeoq; etiam Jus inde arcessitum esse merè voluntarium. Quod enim naturà justum est, illud utique ante voluntatem liberè præcipientis Legislatoris jam tale fuerit necesse est, sic ut ideo is illud voluerit & exegerit, quod suâ naturâ justum jam sit, non autem quod ex determinatione libera voluntatis demum justum esse cœperit. Si igitur dem, Hominem potuisse condi animal rationale, & quidem liberè sine appetitu sociali; non tamen sequitur, postquam Deo visum est, Hominem actu non minùs condere animal sociale, atque rationale, Jus naturale sociale esse voluntarium. Non enim hujus juris existentia apta est unicè à sociali natura hominis, quamvis hinc liquidius innotescere, & certius demonstrari possit. DEUS enim illius autor est, qui licet juxta concessam hypothésin liberè hominem socialem creasset, Rationalem tamen dum creavit, eiq; divinæ particulam auræ communicavit, Leges naturales, tanquam radii à Justitia Dei essentiali emissi, in se semper & ab æterno fuere justæ, quæ cum Hominis naturæ rationali non solum, sed & sociali sint convenientissimæ, & DEUS actu hominem socialem creaverit, non potuit non etiam Homo ad actus sociales jure naturæ debitos obligari. Simili ad destruendum Jus naturæ argumentatione usus fuit Joannes Szydlovius, Reformatus, contra quem prolixè disputat Dn. Osiander *Typ. Leg. natur. lib. 21. & seqq.* Imo ipsis illius fratribus Riveto, Voëtio, Marefio & Amyraldo vehementer illa doctrina, unde non nisi absurdissimæ & detestabiles opiniones consequuntur, displicuit. Audiamus paucis differentem hac de re Amyraldum in præfatio-

tione speciminis Animadversionum in Exercitationes de Gratia Universalis pag. 95. Docuerunt nonnulli Theologi, iijq; non in celebres, Vitiū a Virtute non differre natura sua, & quidquid interest inter ea discriminis, id omne esse ex liberrima Dei voluntate profectum. Id & per se falsum est, & tale, ut sua sponte mens humana ab eo abhorreat. At præter dirisatē quam in se habet, quis non videt ex eo sequi necessariū liberum Deo fuisse, non modo nullas nobis de Virtute deq; Vitiō ferre leges, quo mentes & appetitus nostri soluti vagarentur, sed etiam præcipere, ut adfectibus nostris intemperanter indulgeremus: quod si fecisset, id, quod nos nunc appellamus Vitiū, pia res atque sancta futura erat? Quin, quod cogitatum horrendum est, potuit Deus ex egregio dogmate, scilicet! ab hominibus exigere, ut Numen suum odio acerrimo prosequerentur? Id autem non maculam aliquam in religionem inducit, sed est ipsa religionis perniciēs, & via latē strata ad perditissimam & desperatissimam impietatem.

XXX. Dixi Jus Naturæ accomodatum esse Humanæ naturæ Rationali & Sociali. Addo jam, esse quoque idem conveniens ipsi Naturæ divinæ. Quia enim Homo ad imaginem Dei est conditus, illaq; interprete Apostolo, consistit in Justitia & Sanctitate, decrevit Deus ab æterno, ut homo justitiam & bonitatem divinam agendo imitaretur. Nam sicuti Providentia divina quaslibet res dirigit cuique non solum rei, sed & bonitati & gloriæ divinæ convenientem; ita ab æterno fuit in mente divina norma quædam concepta, cui res cæteræ & cum primis homines obsequerentur ac subessent, & juxta quam Providentia curam universi, & speciatim actionum humanarum attemperaret. Illa norma solet

dici *Lex Dei aeterna*. Intellectus enim Dei nihil nisi ab æterno concipit; siquidem novi, inusitati, aut in tempore Deus conciperet, mutabilis foret ejus scientia, cujus tamen perspicacia intimè omnia penetrat.

XXXI. Illa Lex Dei ut *Æterna* cluet, ita quoque Immutabilis est. Deus enim propter scientiæ suæ infallibilitatem in eadem voluntate sua perseverat, neque à quoquam ejus decreta mutari possunt, quæ pro perpetua norma & ordine sunt sancita: adeoq; nisi illa primæva Imago divina per lapsum in homine fuisset extincta, ubique is secundum legem Dei æternam voluntati divinæ paruisset atque satisfecisset. Atque hanc Legem Dei æternam credo Platonem significare voluisse per *ἀὐτοῦ νόμος οὐρανός*, quam inter Deos obtinere statuit. Cui gemina tradere videtur ejus discipulus *s. Nicom.* 7. §. 6. Planius de eadem Cicero, quæ audiri meretur. *Hanc inquit lib. 2. de legg. video sapientissimum fuisse sententiam, LEGEM neque hominum ingenii excogitatam, neque scitum aliquod esse populorum, sed æternum quiddam, quod universum mundum regeret imperandi prohibendiq; sapientia. Ita principem legem illam ac ultimam mentem esse dicebant, omnia ratione aut cogentis aut vetantis Dei, ex qua est illa Lex, quam Dii humano generi dederunt. Idem paulò post: Orta est Lex sempiterna cum mente divina. Quamobrem Lex vera atque princeps apta ad jubendum & ad vetandum, ratio est recta summi Jovis. Idem: Summa Lex divina mens est. Libris de Finibus hæc ejusdem leguntur: Dei ad naturam apta ratio vera illa & summa Lex à Philosophis dicitur. Augustinus lib. de catechizandis rudib. cap. 18. dicit, Legem Dei æternam explicari per congruentissimas leges admiranda dispositionis, quibus Deus creaturas ordinare*  
no-ve-

noverit. Et *lib. 1. de lib. arb. cap. 5.* ita ab eodem describitur:  
*Lex aeterna & ratio in mente Dei existens, quæ res omnes per  
 consentanea media in suos fines diriguntur.*

XXXII. Est igitur inter Providentiam divinam & Legem Aeternam maxima cognatio. Illa quaslibet res dirigit ad finem cujuslibet naturæ & quoque divinæ bonitati convenientem, ejusq; singularem curam habet. Hæc sub obligationis necessitate easdem ad suos quasque fines devincit. Aliter tamen homines intellectu præditi obligati sunt, aliter res creatæ ratione destitutæ. Hæ ad obedientiam inclinatione naturali necessaria ducuntur; hominum vero obsequium cum libertate est conjunctum. Etsi igitur omnia, præter Deum, huic Legi æternæ subsint, rationem tamen præcepti propriè non habet, nisi respectu liberè & cum ratione agentium. Hujus igitur Legis Aeternæ radii sunt Leges Naturales, quas nobis Ratio, divinæ particula auræ, indicat, persuadet ac promulgat. Atque hinc est, quod, quidquid Jure Naturæ vel præcipitur vel vetatur, illud non bonum nec malum est ideo, quod Deus illud liberè voluerit præcipere, hoc vetare; sed quia intrinsecus illud omne bonum, & hoc omne malum est, Deus illud non potuit non præcipere, hoc vetare. Ut ita simul intelligas, quo pacto hoc jus divinum Naturale, à Jure divino arbitrario differat, *Grot. lib. 1. de J. B. P. cap. 1. n. 10. & 15. Guil. Grot. de prin. jur. nat. cap. 3. n. 2.*

XXXIII. Jam quidem ordinis ratio postulare videtur, ut Juris Naturalis definitio succedat, quæ à variis varia admodum fuit tradita. Inter has non est postremo loco ponenda illa Grotii, quæ legitur *lib. 1. de J. B. P. cap. 1. n. 10.*

*Jus Naturale est dictatum rectæ rationis, indicans ætui alieni, ex ejus convenientia aut disconvenientia cum ipsa natura rationali inesse moralem turpitudinem aut necessitatem moralem, ac consequenter ab auctore naturæ Deo talem actum aut præcipi aut vetari.* In hac descriptione quid fortè desiderari possit, aliàs demonstrabitur. Utar jam libertate, ut ex mea sententia illud ita describam: Jus Naturæ est Jus, à Providentia divina juxta ideam Legis æternæ profectum, Homini naturæ rationali ac sociali accommodatum, quod in illius mente per Rectam Rationem promulgatum eum obligat, ut suas actiones ad hujus Juris normam componat, atque ita suam felicitatem consequatur. Variæ aliorum Definitiones aliæ circumferuntur, quarum nonnullas, veluti Gregorii de Valentia, Tanneri, Martini Bonacina, Roberti Sanderfoni, & aliorum recenset atq; examinat Osiander *de Typ. leg. nat. lib. 42. & seqq.*

XXXIV. Singulas hujus descriptionis partes pluribus illustrabo, ut tantò rectius de hujus Juris natura & proprietatibus constet, judicariq; possit, an secundum regulas dialecticas illa descriptio concinnata sit. Protinus vero id moneo, inter Jus Naturæ & Jus Naturale me nulum agnoscere discrimen, neque placere, quod istud ad Legem Dei æternam, hoc ad hominem referatur à Mevio in *Prodr. Insp. 2. n. 5.* Definitionem quod attinet, Jus omne cum rectè dividatur in Naturale & Legitimum, proximum genus Juris Naturalis constitui, quod sit aliquod jus, seu aliqua Juris in genere considerati species, & quidem propriè dictum Jus, quod obligat. Rejicienda igitur est illa Juris Naturalis divisio, qua in Obligativum & Permissivum dispescitur. Præter alios etiam Seldenum hanc

hanc divisionem amplexum fuisse miror, *lib. 1. de J. N. G. ux. discip. Hebr.* Cum enim Obligatio, ipso fatente Seleno, Juris verè dicti sit caput & anima, illa, quæ à Jure Naturali normam non acceperunt, sed arbitrio hominum seu adiaphora relicta sunt, obligationis necessitati ab hoc quidem jure exempta, adeoq; hæc Juris nomine ingenienda non sunt. Quia in re consentientem habemus Guil. Grotium *de prin. jur. nat. cap. 2. n. 10. & cap. 3. n. 3.*

XXXV. Dicis, majori autoritate hanc divisionem suffultam esse, putà Modestini, qui *l. 7. ff. de Legg.* ait, *Legis virtus est, imperare, vetare, permittere, punire.* Imò si veram philosophiam, & non simulatam adfectamus, neque hæc possunt omnino admitti, aut satis bene defendi. Nam per virtutem Legis aut Juris puto non malè intelligi vim & autoritatem obligandi, quæ vel diserte præcipientio, vel prohibendo explicatur. Utriusque generis legibus cum præcipientibus tum prohibentibus Poena tanquam subsidium præsidium ac telum servit, ut, cum Lex vel Jus primario obliget ad faciendum, aut non faciendum, secundario contraria facientes obliget ad poenam.

XXXVI. Neque etiam, si ex vero res æstimabitur, Permissio Legis Jurisq; virtus erit. Primò enim diligenter secernenda esse monemus Permissa à Jusis Veterisq; Sunt quædam, ad actiones humanas pertinentia, quæ nulla lex neque jubens neque vetans determinavit, adeoq; circa ista Libertas humana cum non sit restricta, Licitæ & Permissa illa dici solent, Græcis *ἀδιάφορα*. De æquivocatione vocis *Liciti* vel *Licere* vid. Guil. Grot. *de princ. jur. nat. cap. 2. n. 9.* Nemini non apparet, hujus generis Permissa cum non sint talia ex sanctione Legum, talem quoque

que Permissionem non posse esse virtutem legis. Unde rectè monet Mevius in *Prodr. insp. 2. n. 7.* multum inter se discrepare Naturale jus, & Libertatem naturalem. Quandoque & Permissum opponitur tantum vetito. Ita v. g. Lex divina *Levit 18. v. 18.* vetat, ne quis conjugis suæ sororem isti superstiti superinducat uxorem; colligunt ergo hinc Sanchez & alii, permissum lege quidem divina esse, ista defunctæ sororem ejus duci uxorem posse. Sed virtutem Legis & Juris quod attinet, hujus Permissionis illi oppositæ par cum superiori ratio est. Etsi enim ex illa lege verante mihi constet de voluntate legislatoris, quod conjugium cum defunctæ conjugis sorore velit esse inter permilla, non tamen hoc est ex virtute legis, ut quæ ad tale conjugium nullo modo obligat, sed sine ulla determinatione juris hoc tali casu arbitrio humano permittit, nisi superveniens fortè lex arbitraria etiam circa tale matrimonium libertatem naturalem agendi restrinxerit. Minimè omnium Legis virtuti tribuenda sunt illa Permissa aut Licita vulgò dicta, quæ fortè in foro humano impunitatem habent, cum sint reapse injusta. Quò referri quadantenus potest illa Juris regula: *Non omne quod licet honestum est. l. 144. ff. de R. I.* Quod si vero lex quædam fanciat hoc modo permilla, ut hinc jus oriatur ita liberè agendi, ut agens in eo absque injuria impediri nequeat, v. [g. si legislator jubeat, luporum venationem cuivis subdito debere esse liberam ac permissam; hæc sanè permissio est à virtute legis. Obligat enim ejusmodi lex, ne quis eum, qui huic studio incumbere velit, impediat in eo: adeoq; illa lex est prohibitive (liceat ita loqui) concepta circa aliquod, quod illa velit esse inter licita ac permilla talia,



alia, in quibus nemo possit jure impediri. Hoc expedire nonnulli student hac distinctione, quod alia sit Permissio Facti, alia Juris: & ajunt, Deum permittere plurima peccata, permissione facti, ista non impediendo: Permissionem autem Juris includere negationem prohibitionis & præcepti. Deinde Permissionem Juris iterum dupliciter considerant, ceu videre est apud *Osiandr. in Annos. ad Gros. lib. 1. de J. B. P. obs. 3. ad th. 9.* Sanè in rebus merè adiaphoris & à Jure non determinatis etiam non nisi iniquè impeditur quis ab alio; sed hinc non sanctio legis specialis, sed Jus Libertatis latius patens læditur.

XXXVII. Fortassis ergo non etiam est nullum discrimen, inter Permissa sive Licita esse, & inter Permittere: vel sinere, ut aliquid sit inter permissa licitave, &, disertè jubere, ut aliquid sit permissum. Prius Legi & Juri propriè non comperit, quod Obligare, & sinere inter permissa esse, nullatenus conveniant. Ut vero aliquid inter Permissa jubendo referatur, Lege effici potest, quæ tum circa illa, tanquam singularem materiam est occupata, certo jure circa eam dictato. Atque hoc modo Permissa sunt objectum Legis externum, ut tamen hujusmodi legis permissio obligationem contineat, vim fieri aut impedimentum ei injici vetans, qui ea agere velit, quæ lex permissa, hoc est, non injusta esse voluit. Hoc est, quod paucis Grotius indicare instituit: *Permissio propriè non actio est legis, sed actionis negatio, nisi quatenus alium ab eo, cui permittitur, obligat, ne impedimentum ponat. lib. 1. de J. B. P. cap. 1. §. 9.* Si quæ igitur sanctione legis fuerint permissa, ab hoc objecto externo Jus Permissivum appellari, idq; Juri Obligativo contra distingui non convenit,

venit, cum & istiusmodi sanctioni obligationem inesse  
commonstraverim. Nam si vel hoc divisionis exem-  
plum admittere, vel Modestino servire allubescat, aliud  
erit non solum Jus Permissivum, sed & aliud Imperans,  
aliud Vetans, aliud Puniens. Quæ uti inconcinna sunt,  
ita minimè probari posse puto, quibus *angelica* placet.  
Add. Bœclerus ad Grotii *lib. 1. cap. 2. §. 9.* Guil. Grotius  
*de princ. Jur. nat.* ita hæc distinguit, ut dicat, plus esse  
*Concedere*, quam *Permittere. cap. 1. n. 10.* Atque hinc aliud  
constituit Jus Naturæ Præceptivum, aliud Concessivum  
*cap. 7. n. 1.*

XXXVIII. Sed nec illa Juris Naturalis in Primæ-  
vum & Secundarium divisio toleranda est, quia non so-  
lùm in patrocinium erroris inventa, quo in communio-  
nem Juris Naturalis bruta ab Ulpiano admissa fuerunt, sed  
& omni solida ratione destituta est. Cum igitur in *proleg.*  
*ad Offic. Cicer. §. 9.* & quoque aliàs ostenderim, cur hæc  
divisio recipienda non sit, ipsaq; nostra definitio indicet,  
ad Homines tantum Juris Naturalis obligationem per-  
tinere; neque altera illa divisio Juris Naturalis in Animale  
& Rationale majoris pretii putanda est, quandoquidem &  
ipsam Hugo de Roy veteris erroris regendi gratia cōmen-  
tus est. *lib. 1. de eo quod Just. tit. 2. Mevius in Prodr. Insp. 2. n. 3.*  
Cum enim *Disp. de Jure in genere*, invictis argumentis  
demonstraverim, bruta nullius Juris propriè dicti ne-  
quidem capacia esse, sequitur omnino, neque Juris Na-  
turalis obligationem aut participationem ad illa extendi  
posse. Add. *Salmasius de Usuris. cap. 9.*

XXXIX. Videamus, quæso, quomodo cōtra hæc dispu-  
tet Hugo de Roy, in libello, *Deo quod justum est. Deinceps*,  
inquit,

inquit, opponit alius, *Juris nomen non meretur, quod ratione caret. Quod concedimus, quia omnino verum est. At ex eo nihil inferri potest contra Jus nostrum (Animalc) naturale. Illud enim ratione non caret, neque ex parte sui quia nihil à Deo absque ratione conditum est. Concedit ille veritati, & simul ei contradicit. Quis unquam dubitet, omnia à Deo sapientissimè & optima ratione condita esse, res non minùs inanimatas quàm animatas? hinc verò promiscuè rationis, & cum hac indissolubili nexu conjuncti Juris illas fieri compotes, absurdum est. Hoc ille prospiciens ita pergit: *Forſan inſtabis quiſpiam, ea, qua diximus, de ratione Juris non ſufficere, atque inſuper eorum, quibus conditum eſt, rationem requirere. Sed admittenda non eris inſtantia in terminis ullius juris, nedum Naturalis; quod rationem humanam in animalibus, quibus conditum atque inſitum eſt, non requirit, ſed capacitatem notitias Juris ſeu principia præſata recipiendi, & perfectionem illis convenientem, qua in brutis aequè ac ratiocinantibus reperitur & cernitur. Principia illa naturalia ad unicum ſummum caput referri poſſe ait, Se ſuaq; diligere; hoc enim ſub ſe continere cætera, qualia ſunt, defendere vitam, tueri corpus, conjunctionem maris & feminæ appetere procreandi cauſa, curam gerere ejus quod procreatum eſt, ſequi bona, vitare mala, eligere profutura, declinare nocitura. Imò vero illa inſtantia rectiſſimè ſe habet, & falſiſſimum eſt, quod nullius juris ſubjectum rationis debeat eſſe particeps. Nam per Jus propriè dictum libertas agendi certo modo adſtringitur aut determinatur. Libertas vero agendi neceſſariò cohæret cum Ratione, qua cum bruta prædita non ſint, cujuſli-**

bet juris, & cumprimis naturalis, capacitate etiam destituuntur. Et licet bruta nonnulla videantur simili modo peragere, atq; homines; non tamen ea fiunt cum ratione, neque liberè, etiam si fiant ἀχαλινως, sine freno; sed inclinatione merè naturali, eaq; necessaria. Atque hinc accidit, quod bruta se defendant qualicunque modo, sine jure, sine injuria, l. 1. §. 3. ff. si quadr. pamp. fecis. dic. Homines verò defensionem adhibent vel justè, vel injustè, aut partim justè, partim injustè. Bruta procreandæ sobolis gratia conjunguntur quidem, sed sine fide, sine vitio adulterii, stupri vel incestus. Homines verò obligati sunt Jure Naturali ut hos similesq; actus secundum normam Legibus præscriptam exercent. Si ergo brutis denegat rationem humanam, denegandum quoque illis est Jus omne humanum. Maximè vero Humanum jus est Naturale, sapientissimè à Deo solius Hominis naturæ Rationali accommodatum. Quod si inclinationem brutorum ad modò memoratas actiones velis appellare Rationem, id quod facit Hugo de Roy, & propter illam inclinationem Juris illa capacia facere, vocum æquivocatione lusus fit, & tam Rationis quàm Juris nominibus abutitur, cum hanc philosophiam tractantibus hoc cumprimis debeat esse propositum, ut rerum vocumq; proprietates, non autem similitudines Rationis Jurisq; easq; multum dissimiles, conflectentur. Rectius igitur hæc ita explicat Rittershusius ad Oppiani Cyneg. p. 28. cujus hæc sunt verba: *Jus naturale desinunt ita Jcti, non quod tam bardi essent, ut non intelligerent, ubi ratio non esset, ibi nec Jus verè & propriè acceptum poni posses, sed quod indicare vellent, nullo certiori argumento cognosci, quod aliquid sit Juris naturalis, quàm ubi hoc ipsum, quod homi-*

homines ratione duce faciunt, bruta quoque natura instinctu & inclinatione atque impetu faciunt. Pari modo hæc interpretatur Gerb. Joh. Voss. lib. 3. de Idolat. cap. 61. Ingenuè fateatur Mevius, aut ex secta sua studio errasse JCros veteres, si verè Jus animantibus tribuerunt, aut vero impropria locutione tribuisse, cujus in iis materiam, vel imaginem & umbram conspicerent. Insp. 2. prodrom. p. 57.

XL. <sup>ut</sup> Tam in brutis quàm hominibus convenientem perfectionem cerni ait Hugo. Quod uti verum quidem est, non tamen eadem est perfectio Hominis, & tor brutorum animalium. Neque etiam sequitur hinc, si bestiarum quæque suam à Providentia divina acceperunt perfectionem, ergo tam sunt compotes Juris Naturalis, atque Homines. Quod si bruta naturæ instinctu se suaq; diligere, defendere & similia agere videas, non tamen vera sunt simpliciter illa Hugonis: *Hæc natura justa sunt. Hæc omnibus animalibus bona & equa sunt.* Et post: *Profectò non id de Jure Naturali, quin vero ne quidem de ullo in rerum natura jure querendum est, an inclinatione naturali, an ratione humana ejus operatio fiat, sed an in se bonum & æquum spectandum est.* Potest enim id, quod natura omnia animalia docuit, ita intelligi, ut operatio per rationem hominum propria sit, operatio autem per inclinationem cæterorum animalium naturæ adscribatur: nec tamen eo minus utraque ad eundem naturæ finem, & eundem justitiæ naturalis scopum tendat. Hæc omnia falsæ hypothesei servire, nemo non videt. Verum est, Providentiam divinam quaslibet res creatas ad finem sibi convenientem condidisse, motuq; interno ad hunc obtinendum necessario instruxisse: quem suum finem si etiam bruta adipiscantur, hoc ipsis bonum est;

est, Finis enim & Bonum materialiter idem sunt. *1. Nicom. 1.*  
 Et quamvis Justitia quædam, quæ Equitas alias dici solet,  
 etiam Equi boni nomine veniat; ridiculum tamen est,  
 velle hoc æquum bonum cum bono finalibutorum con-  
 fundere, & hinc communionem Juris & Equitatis etiam  
 brutis vindicare. Sive autem quid fiat inclinatione na-  
 turali, sive ratione, non tamen ad Jus naturæ, imò ad  
 nullum omnino Jus dignoscendum vel tribuendum inter  
 hæc interesse, longè falsissimum est. Et licet quidam bru-  
 torum hominumque actus videantur ad eundem finem con-  
 tendere, non tamen simpliciter ille idem est, eodemque  
 ab utrisque modo obtinetur; Homines enim ad finem à  
 Natura sibi propositum non solum justè contendunt, sed  
 & justum: cum brutis neque modus, neque finis à Natura  
 sub qualitate Justì propriè dicti sit commendatus.

XLI. Quid multa? ludit hic Autor æquivocatione  
 vocum & phrasium. Quando enim Brutis communio-  
 nem Juris tribuit, Jus propriè dictum; quale nos quæri-  
 mus, & quærere debemus, non intelligit: atque insuper  
 Jus Naturale cum Legè Dei æternæ, quæ etiam suo mo-  
 do bruta attrinet, perpetuo confundit. Hinc ait, in brutis  
 cerni obligationis & juris vestigia: nolle hoc fæctos, bruta  
 quidquam jure vel injuria facere, ut propriè sumuntur  
 Jus & Injuria: cum cætera animalia rationis expertia in  
 suo officio persistant, Hominem ratione præditum animal  
 à suo officio exorbitare, & quotidie labi: se non credere,  
 sed certò scire, hominibus præter communia naturæ com-  
 munis, insuper nobilissima illa rectæ rationis principia  
 cum anima rationali indita esse: Legem naturalem no-  
 biliori modo hominibus inditam esse: cum de Jure Na-  
 turæ

turæ agat, se non eam legem intelligere, quæ ad moralem doctrinam pertinet, & soli humanæ menti, ut tali, indita est, ad discernendum bonum à malo, ad dijudicandum æquum ab iniquo, justum ab injusto, honestum à turpi. Si igitur, fatente Hugone, bruta propriè dicti Juris capacia non sunt, & Lex Dei æterna propriè tantum obligat ratione utentes libereq; agentes, bruta vero modo multum diverso ad suos fines ordinat, cur ergo ille vitiligit?

XLII. Fortunius Garcia, JCtus Hispanus, Jus Naturale distribuit in Gubernatum & Gubernans. Quorum illud brutis, hoc hominibus attribuit. Prius ideo, quoniam Juris naturalis moderamen non brutorum esse inquit, sed Dei omnia gubernantis. Posterius hanc ob causam, quoniam in hominibus ratio est, qua duce omnia faciunt, quæ Juris naturalis haberi solent. Hæc distinctio præ cæteris Hugoni de Roy placet, ut tamen eadem hæcenus displiceat, quod quamvis rationi omnia pareant, ac consequenter etiam ea, quæ juris naturalis sunt, ipsa tamen Ratio à Deo omnia gubernante dirigatur æquè, ac inclinatio naturalis brutorum. Hæc animadversio rectè se habet, ipsamq; illam distinctionem destruit. Si enim omnia omnino à nutu cuncta moderantis Dei præcipue apta sunt, etiam Ratio sub Providentiæ divinæ regimine continebitur, atque hæcenus omne Jus Naturale erit Gubernatum. Quamvis etiam bruta inclinationes naturales à Deo acceperint, Providentiæ divinæ in quibusque illas conservet, atque ad convenientes fines ordinet, non tamen brutorum operationes hoc instinctu excitæ aut perfectæ justæ sunt dicendæ, nisi æquivocatione ludere velis, imò ne quidem capaces sunt Juris Naturalis, neque ullius

ullius alius propriè dicti, etsi. Legi Dei æternæ hi motus, inclinationes, & operationes sint consentaneæ. Scilicet errorem errore tegendum esse multi putant, ne perpluat. Si tanto studio in scrutanda veritate uterentur, quanto inveteratos errores defendere satagunt, longè rectiora docuissent.

XLIII. De Jure Naturæ Reductivo seu Negativo (cui Naturale Positivum quidam opponere solent.) item quod Jus Naturæ quædam disponat directivè, quædam coactivè: item quod aliquod Jus Naturæ sit ἀπλῶς, aliud secundum quid, vel ex certa hypothese; videatur Guil. Grocius de *prim. Jur. nat. cap. 2. n. 1. 4. 5. & 6.* De altera illa distinctione, quod Jus Naturæ vel illuminet intellectum, vel obliget conscientias, videatur Idem *cap. 4. n. 1.* Quod aliud sit Juris Naturæ positivè, aliud privativè, legere est apud. *Mev. in Prodr. insp. 2. n. 6.* ubi vulgo hoc discrimen acceptum fert.

XLIV. His ita discussis, vera & notatu digna Juris Naturalis divisio superest in Generale & Speciale. Utrumque non nisi homines obligat, quod ex superioribus manifestum est; hoc tamen discrimine, quod istud omnes obliget homines, & quidem quæ tales, in quacunque vixerint Societate: hoc vero non absolute omnes homines Societate humana universali comprehensos, sed illos omnes, qui speciali Societate aliqua naturali continentur, sibiq; invicem pro diversa natura talium Societatum propter specialem necessitudinem vel respectum ad peculiariora Juris Naturalis officia obligati sunt. Tales Societates sunt imprimis Conjugal, Paterna, Herilis, & ex his conflata Civilis, de quibus plura deinceps.

XLV. Pro-



**XLV.** Providentiæ divinæ cum acceptum tulerim Jus omne Naturæ, ab illa quoque ejus proficiscitur obligatio; ut adeò, si qui appetitum Societatis ejusq; conservationem Juris Naturalis fontem unicum esse existiment, frustra sint futuri. Si enim omnis Juris obligatio principaliter suam auctoritatem consequitur à Deo, vel maximè eandem ab eodem autore habet Jus Naturæ, uti pluribus demonstravi in *prolegom. ad Offic. Cicer. & Disp. de Jure th. 11.* Quia vero Homo non solum ad ineundam Societatem variis causis externis impellitur, sed insita appetitione Societates inprimis naturales desiderat: & vero Natura hanc cupiditatem ideo Homini indidit, quod illas suas Societates ejus naturæ planè convenientes esse sciret, inq; harum finibus suam felicitatem & perfectionem adsecutus adquiescere posset, ideo simul illas Societates certo jure atque ordine instruxit, qui ejus naturæ rationali exactè responderet, ut cum sui similibus honestè, feliciter & summa cum voluptate in iis vivere posset. Non igitur placet illa quorundam à Sarrokio repetita genealogia: *Indigentia ab avia genuit metum, Metus avia genuit societatem, Societas ejusq; custodia genuit dictamina de officiis, adeoq; se matrem juri naturali pulchrè comprobavit. cap. 2. de Offic. n. 10.* Deus enim condidit Hominem animal rationale & natura Sociale. Idem Societates naturales instituit, & quidem Hominum bono: quod ut esset verè tale, non sola utilitate externa commendabile, sed perfectum atque perpetuum, etiam hominem cum homine in Societatibus certo jure conjungere & sibi invicem obligare voluit.

**XLVI.** Ex his rectè poterit colligi, quanta sit Juris Naturalis obligatio, quantaq; auctoritas. Nam Aristoteles

teles loco suprà citato aiebat, quòd ubique eandem vim obtineat, sicuti ignis apud Græcos & Persas, alibiq; terrarum urit. Unde & ipsi & aliis Græcis hoc Jus dicitur κοινὸς νόμος, seu, τὸ κοινὸν δίκαιον, *Communis lex*, seu, *Commune jus*; *Commune jus humanitatis*, Ciceroni & Apulejo: *Commune jus generis humani*, Senecæ: *Commune jus gentium*, Cornelio Nepoti: *Communis omnium lex*; Demostheni, Isocrati & Quintiliano. Pertinet huc textus ex 1. *Rhet.* 13. pr. 157, ὁ μαντινὸν καὶ πᾶντις φύσει κοινὸν δίκαιον καὶ ἀδίκον, καὶ μὴδεμία κοινωνία πρὸς ἀλλήλους ἢ, μὴδὲ συνθήκη. *Est quoddam, quod profitentur omnes naturæ commune justum, & injustum, etiamsi nulla societas invicem sit nullaq; pæctio.* Cum enim hujus juris capita sint stricturæ ipsius Justitiæ divinæ, & Providentia divina appetitum humanum, libertatis competentem, iis obligaverit, ipsorum hominum bono, ut hanc normam secuti, veram solidamq; beatitatem consequi possint, & illa omnia hominum naturæ rationali & sociali convenientissimè condiderit, ipsaq; Ratio promulgationem eorundem sentiat, agnoscat, intelligat, uti paulatim actus Intellectus primus in secundum invalescit, ideo his juribus omnes omnino homines obligari par est, eò quod sint tales.

XLVII. Itaque verissimè post alios dixit Justinianus d. §. 11. *Inst. de J. N. G. & C.* quod Jura Naturæ non solum apud omnes gentes peræquè observentur, sed divina Providentia constituta semper firma & immutabilia permaneant. Aristoteles quidem rem ipsam vidit, sed causam ejus adsequi haur potuit, ut qui, Providentiam divinam quod attinet, parùm sibi constare videretur. Verba ejus ex Sophocle petita notatu dignissima, & cum iis, quæ

quæ proximè præcedenti thesi recitavi, coherencia hæc sunt: *ὁ γὰρ πρὶν πλάσθαι, ἀλλ' αἰ ποτὶ ἦν, καὶ οὐκ οἶδεν ἔξ ὧν φανῆναι.* Non etenim id nunc, & heri, sed semper fuit. Et nemo scit, unde ejus ortus sit 1. *Rhet. c. 13.* Quid ergo prodest tibi, mi Philosophhe, omnis tua scientia, utcumque magna & admiranda, si hoc cum Sophocle nescis? Lex quidem Dei æterna ab æterno fuit in Dei intellectu, ejus vero præcipua pars, Jus Naturale, declarari & promulgari cœpit cum genere humano, ex quo etiam ejus obligatio effectum nata cum ipso genere humano durabit. Sed hæc ignorasse videtur Aristoteles, recteq; se scire putavit, Mundum esse ab æterno.

XLVIII. Neque audiendus hic est M. Ant. Majorius, qui ad d. l. *Rhet.* scribit, sibi videri, Philosophum per *δικαίων τὸ κοινόν*, *commune jus*, non solum Jus Naturæ, sed & Gentium completivoluissè: quam ad rem infirmo ibi utitur argumento, & faciliè ex textu Aristotelis integrè collato redargui poterit. Est ergo hoc Jus adeò firmum & immutabile, ut ne DEus quidem illud velit aut possit immutare. Non vult, quia constanti hoc ordine Societates naturales ejus Providentia regere decrevit. Non potest, quia ut hoc jure & ordine actiones humanæ in Societatibus procedant, omnino Dei justitiæ est consentaneum, ut si ab illo jure recessum fuerit, non possit non violari Justitia divina, quæ cum Deo essentialis sit, DEus sibimet non repugnabit. Multò minus ergo quidquam in his mutare poterit Homo, quisquis ille fuerit, sive imperans, sive parens, imò ne universum quidem genus humanum vel tantillum in iis mutare poterit, etiam si gigantea protervia contra Deum ferociens

ciens' conspiret. Peregre<sup>gi</sup> Cicero hac de re loquitur apud Lactantium *lib. 6. cap. 8. Huic Legi* (de Naturali sermo est) *nec abrogari fas est, neque derogari ex hac aliquid licet, neque tota abrogari potest. Nec vero aut per Senatum, aut per Populum solvi hac lege possumus. Neque est quarendus explinator, aut interpret ejus alius: nec erit alia lex Roma, alia Athenis: alia nunc, alia posthac. Sed & omnes gentes, & omni tempore, una Lex & sempiterna & immortalis continebit: unusq; erit communis quasi magister & imperator omnium DEus ille, Legis hujus inventor, disceptator, lator: cui qui non parebit, ipse se fugiet, ac naturam hominis adspernabitur: atque hoc ipso luet maximas pœnas, etiamsi cœtera supplicia, quæ putantur, effugerint. Sunt hæc profectò auro contra cara, dignaq; quæ attentè expendantur; nihil enim in iis frustra aut temere positum est.*

XLIX. Viderit ergo Dn. Osiander, quomodo verum esse, & defendi queat, quod ille & in *Typo Leg. natur. th. 44. 45. & in Annos. ad Grotii lib. 1. de J. B. P. c. 1. th. 10. obs. 5.* tam confidenter adseverat, Legem Naturæ in statu integritatis non eandem esse cum Lege Naturæ in statu corruptionis. Hoc, ni fallor, ita ipsi excidisse videtur, quod Legem Naturæ per Habitum definivisset, & ceu quiddam Habituale, uti ipse ait, Hominis animo insidere dixisset, ut adeò nec Legum Naturæ in se & in abstracto, nec animum hominis qualis esse debeat, sed hunc corruptum, & istum habitum (scilicet!) vitiorum illuvie contaminatum & quasi submersum consideraverit. Neque etiam distinguendum est cum Martino Schokio de *Jur. Nat. th. 50.* inter præcepta Juris Naturalis Universalis, & Particularia, quasi ista nequeant, hæc vero mu-  
tari

tari queant. Neque enim fieri posse ait, ut ex cujusquam animo penitus deleatur hoc generale principium, Bona esse faciendā, & Mala fugiendā; etiamsi nonnulli homines aut populi putent, furtum, adulterium & similia alia non esse turpia. De his enim quid sentiendum sit mox audiemus. Perquam verò ridiculus est Gratianus, qui *decret. dist. 5.* profitetur quidem Jus Naturæ esse immutabile, ut tamen suam sententiam protinus mutasse videatur, siquidem illius sunt, quæ ibi leguntur verba: *Cum Naturale jus in Lege & Evangelio dicatur esse comprehensum, quadam autem contraria his, quæ in lege statuta sunt, nunc inveniantur concessa, non videtur Jus Naturale immutabile permanere. In Lege namq; precipiebatur, ut mulier, si masculum pareret, quadraginta: si vero feminam, octuaginta diebus à templi cessaret ingressu: nunc autem statim post partum ecclesiam ingredi non prohibetur. Addit insuper alia æquè insulsa, & refutatione indigna.*

L. Nec est quod quis objiciat contraria Juribus Naturæ patrata facinora & exempla, quorum nonnulla suprâ recensui. Nec enim in his spectandum est, quid factum sit, sed quid fieri debuit; uti omnino plurimum à Facto Jus distat. Locum hic habere potest, quod Cicero in Tusculanis Quæstionibus de Natura dixit: *Nunquam naturam mos vincet; est enim semper invicta.* Scitè etiam distinguendum est inter id, quod Normæ & Regulæ vice actionibus est præscriptum, & inter Actiones ipsas, quæ ad amussim ejusmodi examinatæ ei modò conveniunt, modò ab illa longissimè abeunt: adeoq; res diversissimæ invicem distinguendæ sunt, Jus ipsum ejusq; observantia aut neglectus. Sicuti ergo non mutatur lex humana factis

fortè subditorum contrariis solis ; multò minùs Lex Naturæ, etiam si pravo more corrupti integri populi contrarium fecerint, mutationē hinc recipit. Illustrari hæc & superiora possunt per insigni disputatione Socratis de Legibus Naturalibus instituta apud Xenophontem lib. 4. memorab. An quasdam, mi Hippiæ, non scriptas leges esse nosti ? Eas, ait, quæ ubivis locorum eodem modo observantur. Hæne dicere potes, ait, ab hominibus esse conditas ? Qui possum ? inquit, cum homines universi convenire non possint, nec eodem sermone utantur. Quosnam igitur, ait, leges hæc condidisse arbitraris ? Equidem, ait, hæc leges hominibus à Diis ferri existimo. Nam apud homines universos hoc primùm lege receptum est, Deos esse colendos. Annon & Parentes ubique locorum receptum est honore prosequendos esse ? Etiam hoc, ait. Non & illud, quod neque parentes cum liberis, neque liberi cum parentibus consuescere debeant ? Illa mihi lex, ait, mi Socrates, non jam amplius esse Dei videtur. Quamobrem ? inquit. Quod enim advertam, nonnullos hanc non observare. At enim, ait Socrates, etiam alia multa contra leges committunt. Verùm qui leges divinitus conditas violant, pœnas dant, quas homo nulla ratione potest effugere, quemadmodum nonnulli leges latas ab hominibus transgredientes, quò minus pœnas dent, vel latendo, vel vim adhibendo effugiunt. — Sentio tecum, inquit, hæc etiam in parte. Quid autem ? de bene nobis facientibus vicissim bene merendum esse, annon ubivis gentium legibus consentaneum est ? Est, inquit. Et committitur etiam adversus hoc. Quo fit, ut & illi, qui in hoc delinquant, pœnas dent. Memorabilis est textus in lib. 1. magn. moral. cap. 34. Justorum quedam natura, quedam lege sunt. Verum arbitrari ita oportet, ne putemus nunquam exci-

excidere qua natura sunt, quæ sanè etiam mutationem subeunt: ut, inquam, si jaculari omnes semper sinistra annitamur, tandem sinistra manu aquè ac dextra utemur. Atqui à natura sinistra est: at dextra nihilominus natura potiora sunt, sinistris, tamen si cuncta sinistra, sicut & dextra, facimus. Neq; quod mutari hac queant, ob hoc à natura non sunt: verum si ut plurimum diutiusq; ita permaneant, & sinistra est sinistra, & dextra dextra, id quod à natura est. Idem in à natura iustis, si nostro usui mutantur, non ob hoc à natura iusta non fuerint, imò equidem fuerint. Nam quod ut plurimum perdurat, id propalam iustum à natura est: quod vero nos constituimus, legeq; sciscimus, id certè iustum, atq; etiam ex lege iustum nuncupamus. Prestat igitur iustum, quod à natura est, illi, quod ex lege. Hæc si Aristotelis sunt, merentur conferri cum iis, quæ leguntur 5. Nicom. 7. §. 5. & seqq. ubi ita loquitur: Id quod constat natura, immobile atque immutabile est, & ubique eandem vim habet; quemadmodum ignis & hic & apud Persas urit. Jura autem quotidie vident immutari. Sed hoc non est ita, cum sit tamen aliqua ex parte. Quanquam apud Deos fortasse nequaquam ita habens. Sed ut ut hoc habet, apud nos certè est aliquid quamvis naturale, tamen mutabile, etsi non omne. Veruntamen hoc non obstante Jus aliud natura valet, aliud non natura. Porro quodnam & quale etiam eorum, quæ aliter evenire, quæq; mutari possunt, natura constet, & quod rursum non natura valeat, sed lege & consensu, siquidem ambo peraquè sunt mutabilia, facile intelligitur. Ac cæteris quoque rebus poterit eadem distinctio accommodari. Manus enim dextra valentior est sinistra naturâ. Atqui evenire potest, ut aliqui sinistra perinde ut dextra utantur. Hæc ille, cujus sententiam aliàs planius exposuimus.

LI. Ra-

LI. Ratum ergo sit, quod Cicero ait, neque factis contrariis, neque sanctionibus humanis Jus Naturæ posse *Abrogari*, hoc est, obligationem ejus omnino tolli & antiquari: neque posse ei *Derogari*, hoc est, obligationi ejus aliquam partem nova lege detrahi. *l. 102. ff. de V. S.* neque illi *Obrogari*, hoc est, legis naturalis infirmandæ causa novam ferri, uti Festus explicat: vel, ut aliquid ex prima lege mutetur, ceu hoc interpretatur Ulpianus *Instit. tit 1. § 2.* neque etiam *Exrogari*, id est, ex lege naturali eximi quidquam per legem novam, uti hanc vocem Festus accipit. *Surrogandi* vero potestas hominibus, quatenus id prudenter, vel saltem sine temeratione juris naturalis sit, competit, hoc est, ut aliquid per legislatores juri naturali adjici queat: qua de re post exactius erit dicendum. *Add. Barn. Briffon. de form. & Gædd. ad d. l. de V. S.*

LII. Objiciat mihi quis auctoritatem Jcti, qui *l. 6. ff. de J. & J.* disertè ait, per jus civile arbitrarium Juri naturali non solum aliquid addi, sed & detrahi. Atque idem exemplis confirmari posse existimet, quod Legislatores Romani Pacta nuda noluerint esse efficacia ad agendum, adeoq; illorum obligationem naturalem sustulerint. Primum quod attinet, notum est, à nonnullis Juri Naturali solere accenseri, quæ sunt libertatis naturalis. Atque hi ipsi cum perspicerent, non esse hæc Juris propriè naturalis capita, cœpit Jus naturæ dividi in Obligativum, quod est propriè tale, & Permissivum, quod *καταχρηστικόν* tale dicitur. Quando igitur Jctus ait, Jure arbitrario detrahi Juri naturæ, commodissimè hoc accipi poterit de iis, quæ sunt Juris hujus

Per-



permissioni. Ita cum Natura cuius licentiam venandi  
 indulgisset, Jure civili positivo isti detractum, atque ha-  
 ctenus libertas humana valde fuit restricta. Neque alte-  
 rum etiam argumentum nobis obstat. Etsi enim cum  
 Francisco Connano non faciamus, negante, pactis obli-  
 gationem ad agendum naturaliter efficacem inesse; non  
 tamen id hinc consequetur, Juris naturalis obligationem  
 per jus arbitrarium tolli. Pacta enim sigillatim con-  
 siderata, quæ fortè Titius cum Sempronio init, non  
 naturalis, sed arbitrarii juris partem constituunt, etiamsi  
 obligatio eorum fundamentum habeat in hoc generali  
 Juris naturalis præcepto, Fides data pactisq; constituta  
 est servanda. Deinde & hoc spectandum est, pacta esse  
 leges privatorum, quorum certè placita non possunt  
 legibus publicis aut potestati legislatoris præjudicare.  
 Neque etiam verum est, quod omnis Pactorum obliga-  
 tio tollatur aut perimatur, etiamsi Legislator lege positiva  
 impediat & vetet, ne illa obligatio naturalis sortiatur  
 certum effectum civilem, ut inde in foro Romano agere  
 liceat. Cum enim Obligationes naturales non sint o-  
 mnino ejusdem generis, quibusdam Jus Romanum adhuc  
 multos effectus civiles tribuit, etiamsi efficaciam in fo-  
 ro Romano agendi iisdem ademerit. Ita ex naturali  
 obligatione debitum potest compensari. *l. 6. ff. de com-  
 pens. constitui. l. 1. §. pen. ff. de const. pec. novari. l. 1. in  
 fin. ff. de novat.* ejusdem per errorem soluti nomine com-  
 petit retentio. *l. 10. ff. de O. & A. l. 19. ff. de cond. indeb.*  
 Potest & fidejussor huic obligationi accedere. *§. 1. Inst.  
 de fidejuss. & pignus. l. 5. ff. de pignor.* Sunt aliz naturales  
 obligationes, quæ planè juris civilis positivi auxilio desti-

tuuntur. Qualis est illa, quæ ex beneficio accepto oritur, & ad *aridweg* devincit. l. 25. §. 11. ff. de hered. petit. l. 54. §. 1. ff. de furt. Unde Cicero pro Plancio, *Alia*, inquit, *est debitis gratia, alia pecunia.* Quæ ita explicat Seneca lib. 3. de benef. *Cum res honesta sit, referre gratiam, desinit honesta esse, si necessaria est,* hoc est, si exigi actione possit. Similiter si is, cui bonis interdictum est, quid promiserit, Jure civili Ro. adeo nulla hæc habetur obligatio, ut ne quidem fidejussorem admittat. l. 6. ff. de V. O. Nec major vis est transactionis de alimentis factæ l. 23. §. 2. ff. de cond. indeb. Et quamvis ex intercessionem mulierum oriatur obligatio, actionem quidem pariens; hunc tamen sætum in ipso partu enecat perpetua SCri Vellejani exceptio. l. 40. ff. de cond. indeb. l. 9. C. eod. Ex quibus omnibus apparet, obligationes naturales à Jure civili Ro. non fuisse penitus sublatas, sed ex his alias omni juris positivi præsidio fuisse destitutas, alias certos quosdam in foro civili effectus obtinuisse, quosdam vero iis denegatos fuisse, ut interim ex his naturalibus obligationibus debita præstationes cujusque religioni conscientia commissa, non autem peremptæ fuerint.

LIII. Numquid vero adeo immutabile est Jus Naturæ, ut ne quidem Dispensationi locus sit? Antequam ad hanc quæstionem respondeatur, primò omnium vox illa explicanda est. *Dispensare*, est obligationem legis, universaliter alioqui conceptæ, atq; ita universaliter obligantis, certis casibus relaxare, ejusq; vim & effectum, quem absque dispensatione habitura in iis esset, suspendere. Unde proutius illud rectè colligitur, tale quid invito legislatore fieri non posse, imò potestatem dispensandi cum ipsa pote-

potestate nomothetica inseparabili nexu coherere, neque illam cuiquam nisi Legislatori competere. Questionem igitur propositam quod attinet, sequitur, saltem Homini non esse fas aut integrum, ut sibi dispensandi auctoritatem velit sumere in Jure Naturali; etiamsi contrarium fortè adfectent Tyranni, aut is qui his in terris pro Vice deo se gerit. Dionysio Syraculano, matri stuprum intentanti, & legibus solutam potestatem obtendenti, illa respondit, *Civilia illum posse jura mutare, at minimè naturalia*. Præclara vox est T. Quintii ad Antiochi legatos apud Livium lib. 24. *Honestà aut prima aut sola pensare debet principi orbis terrarum populo & tanto Regi*. Sed nec ipse Deus dispensatione in his uti vult, aut potest, propter easdem, quas paulò antè exposui, rationes. Sic enim saltem interdum, & certis casibus, Deus sui Juris, imò suæ Justitiæ effectum impediret: id quod est absurdum, & contradictionem quandam implicat; dicere, Deum esse, & tamen ejus attributum essentiale saltem quibusdam casibus cessare atque expirare: quod perinde est, ac si dicas, Deum istis casibus Deum non esse. Liquet hinc, illum Vice Deum etiam ipsa auctoritate divina majorem sibi arrogare, eamq; ad infringendam æternam Dei voluntatem & immutabilem justitiam pessimè usurpare. Manifestum quoque ex his est, quàm malè sibi suæq; causæ consulantii, qui Polygamiam contra Jus naturæ esse contendentes, ubi ipsis exempla Sanctorum veterum obijciuntur, ad sacram Dispensationis anchoram confugere solent, ac si Deus Jus naturæ, polygamiam, ut ipsi opinantur, omnino vetans, singularibus causis motus in gratiam illorum patrum relaxaverit, hoc est, Justitiæ suæ æternæ &

immutabili necessarium effectum dempserit. Ita scilicet evenit, ut falso uno posito, necessario plura sequantur.

LIV. Vix dici potest, quàm grandes multosq; errores pepererit hæc de Dispensatione disputatio. Nam Guilielmus Occamus, Andreas de Castro novo, Gerson, Petrus de Aliaco, & alii docuerunt, Deum circa omnia præcepta Decalogi, adeoq; circa Jus Naturæ etiam dispensare posse, hac cumprimis ratione moti, quod nihil per se sit bonum malumve, sed demum propter liberam Dei voluntatem illa censenda esse talia. Pestilentissimum hoc dogma recoxit haut ita pridem Jo. Szydlowius, de quo supra. Adducuntur quoque in argumentum istiusmodi persuasæ Dispensationis exempla ex S. Scriptura, de Naamane in æde Rimmonis tempori serviente: de juramentis per creaturas permissis: de præcepto Sabbathi relaxato: de Jehu contra regem & regiam familiam armacapiante: de Abrahamo filio, & Simsone sibi necem parante: de Osea meretricem sibi jungente: de Israëlitis vasa aurea & argentea commodatò accepta amoventibus: de obstetricibus mendacii præmium meritis.

LV. Joannes Duns Scotus, cum & ipse minùs rectè vocem Dispensationis accepisset, ita existimavit: quod præcepta Primæ Tabulæ Decalogi prorsus indispensabilia, Secundæ verò Tabulæ per divinam potentiam dispensationem recipiant; ut tamen in præcepto de Sabbatho aliquid positivum adgnoverit. Durandus illud tantum de quarto & quinto præcepto adfirmat, de reliquis, sive adfirmativis, sive negativis, negat. Joannes Major eò propendit, quod omnia præcepta adfirmativa sint dispensabilia, non autem negativa, nisi quod ex his quintum de non

non occidendo excipiat. Rectiora docuit Thomas, eumq;  
secutus Dominicus Soto: ut adeo inter Scotistas & Tho-  
mistas ea de re existeret contentio: quorum hi Jus Na-  
turæ omne à Dispensatione intemeratum esse volunt.  
Idem contra superiores defendunt ex Pontificiis, Cajeta-  
nus, Richardus, Toftatus, Ludovicus Molina: ex Refor-  
matis Cregutus & Autor Anonymus Belga *diff. Epist. de*  
*Iusto & Decoro. p. 52. ex nostratibus Meisnerus, & tot alii,*  
viri pii & doctissimi.

LVI. Nuper quoque animadverti, bonum dormi-  
tasse Homerum. Quippe Mevius in suo *Prodr. insp. 2. n. 38.*  
grandem errorem inculcat, quod *Jus Natura sit quidem im-*  
*mutabile, non tamen supra Deum sit erectum, ut Deus ei subsit,*  
*& aliquando ex malo bonum efficere non possit.* Mox ita lo-  
quitur: *Dispensando potest Deus indulgere, quæ alias natura-*  
*liter improba, imò & injungere, multò magis facere.* Nimis  
hæc sunt *Phœluxæ*, quæ summo alioqui Viro excidisse nol-  
lem. Imò ne quidem hoc ulcus tetigissem, nisi periculum  
esset, lectorem eo vel infectum, vel saltem offensum iri.  
Neque igitur Jus Naturæ ita est comparatum, ut propter  
qualitatem internam unquam ejus obligatio cesset aut  
deficiat: neque illud mens humana penitus ejerare, aut  
ex conscientia expellere potest: neque vi aliqua externa  
humana abrogari, imò ne quidem ab ipso Deo mutari  
vel omnino, vel ex parte potest, etiamsi ejus veritas ab  
istorum injustitia detineatur, aut hujus absolutam poten-  
tiam accersas. Nunquam enim hac Deus utetur, aut uti  
potest, ut permittat & approbet peccata, suæq; Justitiæ  
sibiq; ipsi repugnet: quod absurdum dictum est atque impi-  
um. Vide prolixè hac de re disputantem, & objectionibus

suprà *th. 54.* motis sigillatim respondentem *Osiandr. typ. leg. nat. th. 48. & seqq. & ad Grot. lib. 1. de J. B. P. c. 1. th. 10. obs. 3. p. 180. seqq.* Addatur quoque ipse Grotius *d. l. n. 10.*

LVII. Alii alia etiam ratione illam hujus juris Immutabilitatem impugnant. Cum enim illud Jus normam det actionibus humanis, harum verò singularia & circumstantiæ infinitis modis varient, sic ut legum naturalium norma alia atque alia illis sit applicanda, & actionibus specie licet iisdem eadem tamen lex applicari nequeat; ideo putant, ipsū Jus naturæ in se esse mutabile. At sicuti verissimum est, actiones humanas plurimis mutationibus esse obnoxias; non tamen hinc colligendum est, perinde quoque ipsa jura, & quidem naturalia mutari. Poscit quidem illa actionum varietas diversam jurium applicationem, ut tamen illa jura in se & citra applicationem sint immutabilia. Nam illa varia juris naturalis applicatio hoc nobis argumentum seu indicium præbet, quod ejus obligatio ad actiones multum dissimiles non uno modo pertineat, non quod ipsa illa obligatio mutationem in se recipiat, ut modò obliget, modò non obliget, etiamsi actiones planè eodem modo se habeant. Nam propter hanc actionum humanarum varietatem Jus etiam Naturæ non una aut paucis sed multis admodum Legibus est proditum, quas Prudentia Judiciaria ita interpretatur & applicat, ut cuique actioni suum conveniens jus dictitet, non ut jura ipsa mutet aut pervertat. Neque enim Prudentia Judiciaria adversa est Prudentiæ Nomotheticæ, sed huic ista subservit, sic ut diversa jura diversis actionibus convenienter applicando quarumlibet legum obligationem potius conservet, quam

quàm mutet. Nam, ut verbo dicam, diversas leges diversis actionibus applicare, non est mutare leges, sed demonstrare atque dijudicare, quas actiones quæ leges adficient, suæq; obligatione quomodo & quatenus concernant aut complectantur. Ut adeo materia Juris Naturalis externa ab ipso illo probè sit discernenda.

LVIII. Hinc proclive jam est varias inter Jus Naturale & Arbitrarium differentias arcescere. Illud unicè à Providentia, hoc à legislatorum libera voluntate originem & auctoritatem habet. Illud suapte natura vel debitum vel illicitum est: hoc ex arbitrario placito & instituto. Illud omnes obligat homines, hoc sua natura non item. Illud est immutabile, hoc multam mutationem recipit. Illud juxta ideam Legis divinæ æternæ est conditum, hoc statui civitatis aut alii speciali vel privato bono accommodatum esse solet. Illud cum ipso genere humano cœpit, cumq; ipso durabit: hoc diverso tempore & cœpit, & durat. Illud à Deo promulgatur in animis hominum singulari prorsus modo, per Rectam Rationem, divinæ particulam auræ: hoc vel viva voce, vel scriptura, expressa aut tacita approbatione, & voluntate legislatoris, vel immediate, vel aliorum ministerio significata. Illud pro fine præcipuè habet Honestatem, ut per actiones justas & honestas homo & adquirat suam felicitatem, & similibus actionibus eandem retineat & excerceat: hoc sibi propositam habet præcisè considerandam Utilitatem. *Gifan. ad lib 5. Nicóm. cap. 7. verb. τὸ δὲ κατὰ συνθήκην. p. m. 404.*

LIX. Quanta sit Juris Naturalis auctoritas, & quantum hætenus etiam sit inter hoc & Jus Arbitrarium discrimi-

crimen accepimus. Quemadmodum vero in tanta Juris Arbitrarii varietate unum alteri saepe cedere cogitur, sic ut dignioris autoritas nervum minus præstantis, obligationem, planè incidat, & vel omnino vel ex parte tollat, vel saltem, eam suspendat; ita Juris Arbitrarii omnis nulla est autoritas, quoties illud Juri Naturali repugnat. Vid. Autor anonymus Belgæ *dissert. Epistol. de Justo & Decoro. p. 18.* Cum enim Juris in genere considerati condendi potestas à maximè diversis profisciscatur autoribus, non potest non etiam diversa tam multiplicis juris esse autoritas. Vel enim pares inter se jure ex placito pactoq; consociantur: vel superior obligat inferiorem, sic ut hic parendi necessitate adstrictus, alter imperandi potestate sit præditus. Et vicissim qui certis fortè hominibus superior est, ut illis juris normam præfinire possit, alii fortè parere necesse habet. Tandem verò cò res redit, ut omnis arbitrarii juris legisq; latorum autoritas omnipotentis & justissimi Numinis imperio subfit, juxta illud Poëtæ:

*Regum timendorum in proprios greges,  
Reges in ipsos imperium est Dei.*

LX. Non minus utile quàm jucundum fuerit, specimina quædam istius Jurium subalternationis (ut ita appellare liceat) attentius intueri. Ordinem à Testamentis. Testamentum est lex quædam privata. *Nov. 22. cap. 2.* Et quamvis testandi liberam facultatem esse velint; nihil enim est, quod magis hominibus debetur, quàm ut supremo voluntatis, postquam jam aliud velle non possunt, liber sit stylus, & licitum quod iterum non redit arbitrium, *l. 1. C. de SS. eccles.* Nemo tamen potest

in



in suo testamento cavere, ne Leges in suo testamento locum habeant. *l. 55. ff. de legat. 1.* id quod ibi plurimis exemplis declarat Dion. Gothofredus. Cum igitur testator voluisset, ne scriptus heres Falcidia uteretur, respondit JCtus, privatorum cautione legibus non esse refragandum. *l. 15. pr. ff. ad l. Falcid.* Itaque licet in dubiis id semper agendum est, ut quam tutissimo loco res sit bona fide contracta, hanc tamen exceptionem suggerit JCtus, nisi cum aperte contra leges scriptum est. *l. 21. ff. de reb. dub.*

LXI. Transeamus ad Pacta, quæ item sunt leges privatorum. Hi ergo si quas inter se conventiones instituant, cavere debent, ne illæ legibus publicis oblucentur. Nam pacto publicum jus infringi non potest. *l. 20. ff. de relig.* Jus publicum privatorum pactis mutari non potest. *l. 38. ff. de pact.* Itaque contra juris civilis regulas pacta conventa rata non habentur. *l. 28. ff. eod.* Nullum enim pactum, nullam conventionem, nullum contractum inter eos videri volumus subsecutum, qui contrahunt lege contrahere prohibente, inquit Imp. *l. 5. C. de legg.* Et ideo Prætor pacta conventa adversus leges, plebiscita, senatusconsulta, edicta principum inita, se servaturum esse negat. *l. 7. §. 7. ff. de pact.* Et generaliter quoties pactum à jure communi remotum est, servari hoc non oportet. *l. 7. §. 16. ff. de pact.* Multò minùs aliquod jus parere possunt illa pacta, quæ bonis moribus repugnant. *l. 6. C. de pact. l. 30. C. eod. l. 4. C. de inutil. stipul. l. 1. §. 7. ff. de pos. l. 14. §. 1. ff. solut. matrim. l. 61. ff. de V. O. l. 35. §. 1. & l. 134. ff. eod.* Minimè omnium obligandi vim habent illa pacta, quæ turpitudinem continent, aut quovis modo Juri Naturæ refragantur. Si

igitur ob maleficiū, ne fiat, promissum sit, nulla est obligatio ex hac conventionē. *l. 7. §. 3. ff. de pact.* Nam pacta, quæ turpem causam continent, non sunt observanda, veluti si paciscar ne furti agam, vel injuriarum, si feceris; expedit enim timere furti, vel injuriarum pœnam. *l. 21. §. 4. ff. eod.* Generaliter novimus, turpes stipulationes nullius esse momenti. *l. 26. ff. de V. O.* veluti si quis homicidium, vel sacrilegium se facturum promittat. Nam etiam officio Prætoris continetur, ex hujusmodi obligationibus actionem denegari. *§. 23. Inst. de inus. stip. l. 27. & 123. ff. eod.* Imò istiusmodi pacta & conditiones pro impossibilibus recte reputantur. Facta igitur quæ lædunt pietatem, estimationem, verecundiam nostram, &, ut generaliter dixerim, contra bonos mores fiunt, nec facere nos posse credendum est. *l. 15. ff. de condit. inst.* Itaque non videtur defectus conditione, qui hujusmodi parere conditioni, non possit. *l. 8. §. 7. ff. eod. Guil. Grot. de princ. Jur. nat. cap. 4. n. 8.*

LXII. Non magis etiam Magistratibus, quàm privatis, istiusmodi conventiones inire licet: unde Hadrianus rescripsit, conventionē Duum virorum jus publicum mutari non posse. *l. 1. §. 9. ff. de magistrat. conven.* Quò igitur major est Legislatoris cujusque autoritas, eò minus ejus voluntati & sanctionibus obniti aut detrahere possunt illi, qui illorum imperio parent. Maxima vero obsequii gloria hæc est, quo Juri Naturæ ejusq; auctori reverentia & obedientia præstatur, ad quàm etiam summi in terris Principes ac Respublicæ, imò totum genus humanum sine ulla refragandi licentia obligantur. Hinc profitetur J Ctus, Jura sanguinis nullo jure civili dirimi posse. *l. 8. ff. de R. I.*

Ita,

Itaq; licet jure civili Rō. cum servison matrimonium, sed tantum contuberniū contraheretur, hactenus tamē etiam serviles cognationes observandas esse monet J Ctus, quod in contrahendis matrimoniis naturale jus & pudor inspicendus sit. *l. 14. §. 2. ff. de rit. nupt. l. 42. ff. eod. l. 197. ff. de R. l.* Cum igitur Lex sit inventum ac munus Dei, juxta Demosthenem, debeatq; esse regula iustorum atque iniustorum, juxta Chrysippum, *l. 2. ff. de legg. summam curam, sollicitudinem ac prudentiam Legislatores in condendo jure arbitrario adhibeant, ne quid Juri Naturali videantur delibare aut detrahere.* Si quæ enim tales leges fuerint latæ, quæ isti juri adversentur, Providentia divina protinus intercedit, suiq; juris auctoritatem non solum conservat, sed tali juri arbitrario omnem obligandi vim demit, subditosq; ad contraria adstringit. Quod si forte tyrannica vi legislator istiusmodi juribus auctoritatem asserere velit, summum illud jus summa erit injuria, locumq; habebit id, quod ait J Ctus: *Contra legem facit, qui id facit, quod lex prohibet. l. 29. ff. de legg.*

LXIII. Cum vero non raro eveniat, ut inter alias satis bene prudenterq; latas leges quædam deprehendantur, quæ Juri Naturali repugnant, quales etiam in systemate legum Romanarum occurrunt; tantò major cautio à Legislatoribus adhibenda est, quò latius illarum vitium grassatur. Peccant enim ea re non solum ipsi Legislatores, sed & peccare jubent subditos, dum parere ejusmodi legibus eos volunt. Sed & gravius peccare faciunt Judices, qui juxta talium legum normam actiones examinant, examinatas dijudicant, & pro re nata puniunt; cum tamen istiusmodi leges normæ vicem sustinere nequeant, & harum legislator

*Avius à vera longè ratione vagetur.*

Hinc sæpe pugna oritur inter Jus Naturæ & Legitimum, inter strictum rigidumq; jus & Æquitatem, inter praxin fori interni & externi: ex quibus quænam prævalere debeat, in thesi dijudicatu facile est. Ubi vero ad hypothesein ventum est, hæret sæpe aqua, hæsitat conscientia. *Guil. Grot. de prin. Jur. nat. cap. 6. n. 12.* Nam & in alteram partem proclivis est lapsus, ut opinione æquitatis, & rationis naturalis, facile quis errare possit: qua de re jam conquestus olim fuit Celsus, & nos illud pluribus ostendimus *Disp. nostra de Æquitate. Merius in Prodr. Insp. 2. n. 20. seqq.* qui etiam Legum Naturalium subordinationem ibi commendat *n. 43. seq.*

LXIV. Superiora quod attinet, nonnullis illa declarabimus exemplis. In quodam Germaniæ opido hoc Statutum obtinet, ut in concursu omnibus creditoribus extraneis incolæ istius opidi jure civitatis præferantur. Hujus opidi civi cuidam, præter alios tempore aliisq; rebus posteriores creditores etiam pecuniam credidit vidua quædam, quæ cum domicilium alibi haberet, ut de credito securior esset, à magistratu illius opidi pretio dato civitatem sibi adquisiverat. Cessione bonorum à debitore facta contentio, uti fit, inter creditores ratione prærogativæ existit, volentibus viduam sibi postponere creditoribus iis, qui illius opidi cives erant, quamvis nullo alio jure illa potiores, & tempore etiam posteriores essent. Secundum hos judicatum fuit à tribus Actorum collegiis, propter privilegium Statuto tributum, & quod vidua non omnia omnino munera & onera exemplo creditorum civium, qui isthic domicilium habebant, sustinuisset, neque

que adeò omnes numeros civis impleſſet. Mihi non ſolùm hoc durum, ſed periniquum fuit viſum. Si enim hoc Statutum cum Jure Naturæ contendatur, vix ac ne vix quidem juris auctoritatem habebit, quod videatur Juri Naturali inimicum eſſe. Hujus enim juris regula eſt, Solve quod debes. Cumq; contractuum commoda, quatenus à Jure Naturæ definita ſunt, non magis ad indigenas vel cives, quàm extraneos pertineant, tam his quàm iſtis pecunia mutuò data eſt ſolvenda. Itaque ſi à pluribus creditoribus ſub hypotheca bonorum iſtius opidi civi pecunia ſit credita, quorum creditorum alii ſint item cives, alii extranei, & iſti nulla alia niſi civitatis, hi vero temporis prærogativa nitantur, horum ſanè jus prius & potius etiàm jure naturæ quaſitum, ſolo civitatis jure non videtur poſſe abſorberi, niſi iſtos cum horum injuria velis locupletiores facere. *l. 206. ff. de R. I.* Atque iſtis per hos iniquam conditionem inferre. *l. 74. ff. eod.* Sanè ſi cauſas illas, propter quas creditores alii aliis præferri ſolent, expendas, nonnullas earum etiàm naturali ratione commendari deprehendes. At ut ſolo jure civitatis jus lege naturæ creditori extraneo quaſitum auferatur, non ſolùm iniquum, ſed & ingrati erga externos benefactores animi argumentum eſt. Ut vero ad hypotheſin redeamus, nonne viduæ jus civitatis à magiſtratu, & quidem cum onere, adquiſitum, ſaltem ad hoc prodeſſe debuit, ne à civibus poſtponeretur, ſolo jure civitatis, quibus illa tempore & jure prior erat? Eſſi enim non omnia onera civica ſuſtinuit, regeri poteſt, quod neque omnia commoda civitatis perceperit, cum alibi haberet, ibique pleraſquæ ſuas fortunas poſſideret. Velim me ferant diſſentientem æquo

animo dissentientes, locumq; dent Græcorum proverbio:  
*ἄφρονες τῶν μισῶν θύραι.*

LXV. Si injuria laceffitus suum adversarium ad duellum provocet, eumq; confodiat, quæri solet, an ordinaria L. Corneliæ poena sit adficiendus? siquidem non nisi animo ulciscendi provocatio sit facta, cum Judicis non deesset præsidium, Jus Naturæ illum homicidam talionis poenæ subjiciendum esse monet. Moribus tamen & praxi aliud receptum esse tam suo quàm plurimorum aliorum suffragio comprobatur *Carpz. p. 1. pr. crim. q. 29. n. 75. seqq.* Quia vero hæc provocatio propositam habet omni jure prohibitam vindictam, neque quisquam sibi met jus dicere, sed legitimis remediis uti debet, nostram sententiam ceu rectiorem jam confirmarunt *Bachov. ad Wesenb. ad l. Aquil. n. 4. & Hahn. ibid.*

LXVI. Plurima ejus generis exempla suppeditari possent, & subinde talia JCtis & Judicibus decidenda exhibentur, ubi ejusmodi Jurispositivi & Naturalis conflictus cernitur. Quod si dicas, non omnium, quæ à majoribus constituta sunt, rationes reddi posse: imò rationes eorum, quæ constituuntur, inquiri non oportere, alioquin multa ex his, quæ certa sunt, subversa iri, *l. 20. & 21. ff. de legg.* Respondeo, me nullo modo suadere, imò dissuadere, ut temere quis a norma juris positivi recedat, etiamsi ejus ratio sit obscura, aut incerta, aut illud habeat quid etiam incommodi: at si evidens sit inter illud & Jus naturæ pugna, hujus auctoritatem omnino prævalere volo, & istius tunc esse nullam dico, ut adeò Judices talibus casibus Juri Naturæ, non vero ei adversanti juri positivo, suam sententiam attemperare debeant.

Benq

Bene Jacobus Gothofredus, Utrum aliquando jus civile à naturali jure recedere possit, ne quidem quari posse, ait ad *l. 8. ff. de R. I. n. 4.*

LXVII. Si quis hominem sanum & valentem telo lethifero doloq; malo percutiat, glande fortè plumbea transverberet, aut gladio transfodiat, isq; protinus in terram concidens mortem oppetiat, & non inspecto vulnere sit sepultus, quæri solet, an homicida ordinaria pœna homicidii sit adficiendus? Multi id negant, Carpovius pernegat. Carolus V. Imp. noluit sanè inspectionem vulneris à Judicibus negligi, ceu videre est ex *Art. 149. consist. crimin.* Si tamen is conferatur cum *Art. 147.* perspicuè significatur, discrimen quoddam esse habendum, an ulla ratione dubitari possit, fueritne vulnus lethale, nec ne. Non equidem repugno, ut utroque casu legitima fiat vulneris inspectio, si tamen posteriori casu negligatur, & ex vulnere accepto protinus quis obierit, talionis pœnam Jus Naturale exigere, & peccare illos puto, qui homicidas hoc obtentu ab ordinaria pœnali-berare satagunt. *Brunnem. de proc. inquis: cap. 7. n. 20.*

LXVIII. Docent nonnulli, cautos debere esse patronos, homicidii reum quempiam acturos, ut in libello simpliciter proponant, homicidiū esse perpetratum, qualitatem vero cædi nullam adjiciant; hoc enim si factum fuerit, non solum homicidium, sed & qualitatem ei adjectam ab accusatore esse probandam. Hactenus bene. Quod vero insuper inculcant, si qualitas adjecta probari nequeat, fortè quod dolo dicatur fuisse commissum homicidium, quamvis de ipsa cæde, & culpa homicidæ constet, illū tamen simpliciter esse absolvendum, neque  
reum

reum denuo propter culpam vel accusari, vel puniri, imò ne quidem civiliter conveniri posse; id juri naturæ planè repugnat. Hæc tamen tanquam *cautela elegans & aurea*, menti, summè insigenda commendatur, per quam quis onus probandi in accusatorem transferre, & se à pœna homicidii eximere potest, etiamsi maximè aliquem dolosè occiderit. Ita loquitur *Berlich. p. 4. concl. 14. summ. & n. 2.*

LXIX. Solent etiam patrato homicidio id agere homicidæ, eorumq; adyocati, ut cum occisi viduæ, liberis vel propinquis, pecunia data aliisve rationibus transigant, atque hi accusationi juriq; suo ita renuntient. Hoc ubi impetratum fuerit, contendunt nonnulli, homicidam illum ordinariæ pœnæ eximendum esse. Malè. Quoties enim ita decernitur, invito hoc fit & jure Naturæ, & Divino arbitrario. Per istiusmodi enim delicta duplex ferè committitur læsio, quarum altera Justitiam Universalem, altera Particularem offendit. Utraque suam sibi poscit satisfactionem, sic ut privata transactio vel satisfactio minimè præjudicare possit Reipublicæ, quò minùs illa propter leges violatas pœnam de facinoroso sumere queat. *l. 2. C. res int. alios act.* Ut vero homicidæ magis sint securi de supplicio evitando, alii etiam hanc insuper cautionem iis commendant, ut curent, à magistratu transactionem illam cum privatis initam confirmari. Sanè Jus Naturæ non repugnat, ut hoc ita fiat; at ut hac autoritate privatæ transactioni & satisfactioni à magistratu accommodata publica vindicta detrimentum accipiat, & Justitiæ Universali debita satisfactio denegetur, juri Naturæ adversum est. Plenius hanc iniquitatem exhibet *Oldekop decad. 2. qu. crim. 1.*

LXX. Ex



LXX. Ex definitione suprà tradita etiã inprimis diligenter explicandum est, quid sit Recta Ratio, & quomodo per eam in animis hominum Jus Naturæ promulgetur. Guil. Grotius *de prin. Jur. nat. cap. 3. n. 5.* Nullum enim jus cum effectu obligat, nisi ubi promulgatum, & per promulgationem iis, à quibus obsequium exigitur, cognitum fuerit. Illustrari hoc ipsum poterit verbis Ludovici Molinæ *de Just. & Jur. tom. 5. tract. 5. disp. 70.* Quo fit, ut Promulgatio, de qua nobis hoc loco est sermo, non sit solum conditio, sine qua lex non obligat; sicut applicatio ignis ad stupam est conditio, sine qua vis ignis naturalis, quam jam ignis ante eam applicationem integram in se habet, stupam non inflammabit; sed sit quidpiam Legis completivum, atque adeo completivum vis seu virtutis Legis ad subditos obligandum. Quæ sit Recta Ratio, paucis hic repetam, quod aliàs de ea exactius egerim. Ratio seu Intellectus significat ipsam illam in homine facultatem, quæ ratiocinandi & intelligendi potentiam essentialiter habet atque possidet. Ut vero sit Recta, per suam Virtutem obtinet. Virtus enim hoc præstat, ut Facultatem illam, cujus virtus est, & dicitur, perficiat, & illam ad munus suum rectè, promptè ac facilè obeundum instruat. Hæc Rationis ἀρετή, non ut ipsa Ratio seu ratiocinandi Facultas, nobis connascitur, sed industria aliisq; adminiculis acquiritur. Cumq; Ratio vel in rebus Necessariis, vel Contingentibus, atque his vel πρακτοῖς, vel ποιητικαῖς, ἀκτινὺς vel effectivis, versetur; non poterit in tam dissimili materia rectè se gerere, si una virtute perficiatur, sed conciliabunt hanc rectitudinem omnes illi habitus, quibus in necessariis & contingentibus rectè possumus ἀληθεύειν, verum colligere.

Istiusmodi habitus recensentur ab Aristotele *6. Nicom. 3. §. 2.* quinque: Intelligentia, Scientia, Sapientia, Prudentia & Ars. Tres priores perficiunt intellectum Theoreticum, ut debito modo in necessariis possit ἀληθεύειν. Prudentia perficit Intellectum Practicum, strictè hic accipiendum; nam interdum etiam Effectivum solet latiori significatione usque comprehendere, ut in rebus agendis, seu quid in vita sequi, quid fugere conveniat, rectè se gerat. Hinc ita Aristoteles *6. Nicom. ult. §. 17. Recta Ratio est ea, cui Prudentia moderatur.* Et *§. 21: Recta de talibus rebus Ratio est ipsa Prudentia.* Denique Ars perficit Intellectum Effectivum, ut in effectivis dextrè suo munere fungatur. Si itaque Rectam Rationem distinctè cognoscere lubeat, erit illa triplex, Theoretica, Practica, Effectiva. Adeoque si cui Recta Ratio absolute & simpliciter tribuatur, necessum est ut omnibus his Intellectus virtutibus perfectè instructus sit, ad veritatem in qualibet materia, theoretica, practica, vel effectiva, feliciter indagandam. Si igitur fortè à quibusdam Philosophis Recta Ratio tantum referatur ad Intellectum Practicum Prudentiæ habitu instructum, sit illud respectu substratæ materiæ moralis, quam tractant, cum alioqui non hoc uno habitu circa quamlibet materiam, sed tantum circa τὰ πρακτὰ, *res agendæ*, Intellectus humanus perficiatur.

LXXI. Quemadmodum vero conformitas actionum humanarum cum legibus naturalibus non sola absolvitur Prudentia, sed Prudentia & Virtute morali; sic ut per Prudentiam legum naturalium promulgatio fiat, & actiones ad earum normam dirigantur: appetitus autem virtute  
mo-

morali perficiatur ad obsequium legibus præstandum. Ita enim Philosophus 6. *Nicom.* 12. §. 16. & 17. docet: ἐπὶ τὸ ἔργον ἀποπλεῖται κατὰ τὴν Φρόνησιν καὶ τὴν ἠθικὴν δόξην. ἡ μὲν γὰρ δόξη τὸν σκοπὸν ποιεῖ ὀρθόν. ἡ δὲ Φρόνησις, τὴν πρὸς τὰς ἡθ. Præterea ex Prudentia & Virtute morali opus absolvitur. Virtus enim scopum propositum agenti rectum efficit: Prudentia vero ea, quæ ad scopum ducunt. Quòdnam quæso hic intelligitur hominis ἔργον, opus proprium, & quale hoc esse ejus ἀπτεῖσµα, perfectum opus? Proprium hominis opus est, agere secundum virtutem & rectam rationem. ἐπὶ τὸ ἔργον ἀνθρώπου, ψυχῆς ἐνέργεια καὶ λόγον, καλῶς παρὰ τοὺς ἡθ., Est opus hominis, operatio anima secundum rationem, & bene seu secundum virtutem moralem perfecta. 2. *Nicom.* 7. §. 41. & 43. Perfectum idem opus inde cernitur, si actiones humanæ exactè convenient cum norma legum naturalium. Sicut enim opificum ad amissim composita opera ἀποτελέσµατα appellari consueverunt; ita actiones ad regulam Prudentiæ & Virtutis compositæ suum in illa convenientia ἀποτέλεσµα consequuntur. ἕκαστον εὖ καὶ τὴν οἰκείαν δόξην ἀποτελεῖται, Quodlibet opus perfectè secundum propriam suam virtutem perficitur. 2. *Nicom.* 7. §. 43. Proprium igitur Hominis opus cum sit, Honestè justèq; vivere per virtutes suæ naturæ maximè proprias, Prudentiam & Virtutem, etiam hujus sui operis perfectionem harum præsidio adsequitur.

LXXII. Dissenseram jam antehac de Recta Ratione in Prolegomenis ad Officia Ciceronis, ostenderamq; commonstrari quidem homini per eam posse, quæ sint naturâ Honestæ & Justæ, vinculum tamen Obligationis, quod Juri Naturali inest, ab ea non satis aptum, sed ipsum

Deum, principem ejus autorem constituendum esse. Hæc à se lecta cum Vir quidam doctissimus probasset, illud tamen in me desiderat, quod certiora non suggesserim §. 46. adeoq; §. 55. ad Deum tandem recurrerim. Disputaverat illo de Natura Honesti: cumq; jam instituisset quærere normam Honesti, dicit eam non posse esse Rectam Rationem, quia Honestum considerari velit, *quatenus obligationem aliquam subinfert, hominesq; omnino omnes adstringit, ut sic & non secus agant.* §. 14. Mox ait, ideo me tutiora adferre nequivisse, quod §. 33. fundamentum Honesti destruxissem, Legem Naturæ cum Recta Ratione miscuissem, *τὴν ἐννοίαν κοινὰς* adnatas inficiatus fuisset, ac Apostolum auxilio Thomæ Aquinatis à suo sensu ac scopo detorsissem; nam distincta illa duo esse, Legem Naturæ & Rectam Rationem: illam principia practica communissima nobis per generationem insita complecti; Rationem autem rectam conclusiones inde deductas indigere. Doleo sanè, illum neque se neque me loquentem satis intellexisse. Primò quidem in eo labitur, quod Honestum omnino cum obligatione intellectum velit. Et si enim sæpe Honestum cum Justo quasi *συμμετρικῶς* conjungatur, revera tamen Honestum à Justo secerni potest, & pro re nata debet: ceu jam tum indicavi in iisdem Prolegomenis §. 15. Quæ enim inter Virtutes Morales omnes & Justitiam Universalem differentia est, eadem inter Honestum propriè dictum & Justum ferè cernitur. *Vid. diff. mea de Justitia Univ.* Deinde quamvis verum sit, Rectam Rationem differre à Lege Naturæ, commentitia tamen explicatione illud discrimen in crustat. Non minus enim Jus Naturæ ex conclusionibus, quàm principiis quibus-

busdam universalioribus constat. Et Recta hic Ratio significat Intellectum Practicum Prudentiâ perfectum, quæ quascunq; Leges naturales, sive principii sive conclusionis instar habentes nobis promulgat. Quod enim alibi ait, Deum Leges naturales promulgare, quoties illas naturali generatione posteris adgnasce patiatur; ipsius quidem hypothesei servit, at mihi verisimile non fit. Cum enim ipso fatente Promulgatione voluntas legislatoris pateat, ut Leges promulgatæ cum effectu obligent, sequetur, protinus homini, ubi nascitur, Leges naturales innoscere, eumq; hinc efficaciter jam tum obligari. Quod experientia manifestè refragari nemo non videt; Tertio dixi, Honestatis & Juris naturalis originem patefieri nobis posse per Rectam Rationem; obligationis vero, quæ juri inest, principium ad ipsum Deum referendum esse. Prius fieri posse ostendi, si naturæ nostræ dignitatem & finem probè consideremus, usus phrasi Ciceronianæ. Humanæ naturæ dignitas consistit in eo, quod sit Rationalis & Socialis. Si igitur homo rectè judicaverit, quid ad finem societatum naturalium ducat, quibus officiis & juribus illæ contineantur & conserventur, quidque item suæ rationali naturæ conveniat, hanc posse honestatis esse normam & cynosuram adfirmavi. Quid ille adhæc? *Uscunque hac argumentum prabeant movendi atque incitandi hominem ad honestatem, nondum tamen jus aliud quod obligativum inducunt.* Ego vero istis hoc primum significare volui, quomodo nobis per Rectam Rationem innoscere & demonstrari possit Honestas & Jus Naturæ. Ut vero homo huic demonstrationi adensus præbeat, sciâtq; se omnino ad talia officia obligatum esse,

ad Deum illum duxi his verbis: *Quam obligandi auctoritatem parendiq; necessitatem ut sciant homines sibi sanctissime esse colendam & observandam, meminerint divina Providentia opus esse, quod naturam non solum rationalem sed & socialem acceperint: cumq; Societatum fines minime teneri possint absq; Juris ordine & vinculo, hujus temeratores gravissimè Deum offendere, ejusq; iram in se provocare.* § 55. Hoc vero quomodo accipit? Memoria ergo, inquit, ejus, quod quis rationalem ac socialem à Deo acceperit vitam, ultima erit ratio, qua ex illius mente honestum firmabit. Sane non expectassem istiusmodi verborum aucupium, inanesq;, quos sibi ex his verbis facit, ludos: neque quidquam tam commodè dici potest, quod cavillationem omnino effugiat.

LXXIII. Quæ natura honesta vel justa sint, homini innotescere possedixeram præsidio Prudentiæ, & inspectis diligenter societatum naturalium finibus: ne vero ille existimet, arbitrio suo permissum esse, velit nolit actiones suas his componere; quin potius ut omnino certus sit, parendi & hoc modo agendi necessitatem sibi impositam esse, jubeo hominem hoc quoque diligenter expendere atque ad animum revocare, societates naturales earumq; jura autorem habere Deum, eundemq; appetitum socialem inesse homini, ut actiones suas ad harum societatum fines dirigat, nisi Deo, illiusq; ordini & juribus repugnare, suæ naturæ rationali vim facere atq; obniti, adeoq; gravissimè peccare velit. Quæ omnia per se manifesta Veritatiq; consentanea sunt, & ex integra hac dissertatione illustrari ac confirmari poterunt. Qua vero tandem in re consistit illa criminatio destructi à me fundamenti Honestatis? Quod profiteri noluerim, Leges naturales seu principia

cipia practica nobis habitualiter connafci; has enim nor-  
 mam præbere Honestati. Ego vero uri illis, qui hac opi-  
 nione delectantur, vim fieri nolim; ita quoque philoso-  
 phandi libertatem mihi quoque integram esse existimo, &  
 planè committere nequeo, ut vel experientiæ vel meo  
 intellectui adversa probem. Itaque tantum abest, ut  
 Apostoli verba à suo sensu ac scopo detorquere voluerim,  
 ut potius genuinum eorum sensum exponere, eoq; sine  
 Thomam adscissere voluerim, quo dubito an ullus mor-  
 talium in rebus moralibus dijudicandis subtilior & ex-  
 actior fuerit. Neq; tamen ille tantum, sed plurimi alii  
 de textu Apostoli, & principiis practicis idem senserunt:  
 ceu videre licet ex iis, quæ suprâ disserui *th. 17 & 18.* ut  
 adeò si vel rationibus, vel numero contendere velim,  
 grave crimen sublatis Honestatis fundamenti amoliri à me  
 queam. Monet Aristoteles, etsi Voluptatis desiderio fa-  
 cilè quis in vitium prolabi possit, non tamen propugnandam  
 esse hanc sententiam, omnes voluptates esse malas:  
 ubi enim apparuerit, ipsum hujus doctrinæ autorem non  
 ab omnibus abstinere voluptatibus, primum falsitatis eam  
 suspectam reddet, & mox, si quid veri contineat, id quo-  
 que simul evertetur *10. Nicom. 1. §. 12.* Idem videtur evenire  
 illis, qui, ut rectius scilicet illorum philosophia stabilia-  
 tur & procedat, habitualiter hominibus principia pra-  
 ctica & leges naturales connafci confidenter dicunt,  
 adeoq; id docent, quod planè aliter se habere vel parari,  
 usus & experientia affatim testatur, & cuiq; suum experi-  
 mentum fidem facit: ut sanè, quibus hoc commentum  
 tantopere placet, suum dogma maximè suspectum  
 reddere, & iniquè mihi, quasi minus tuta suggesserim  
 Hone-

Honestatis Jurisq; naturalis fundamenta, dicam scripsisse videantur. Quapropter cum idem alibi hæc mea recitasset: *Natura ordinem imperantium & parentium instituit: hic vero sine eorum iura consistere nequit*; hanc quæstionem subjicit: *Honestatem autem connatam (habitualmente) si tollas, quàm eorum iura habebis?* cui ego vicissim hanc oppono: Qualis hæc est consequentia? sed de diverticulo redeamus in viam.

LXXIV. Cum igitur facultatem Intellectus Practici perficiat Prudentia: facultatem Appetitus Virtus: utriusque perfectio non momento, non uno impetu, non omnino atque ex asse adquiritur; sed paulatim, magno labore, sedulitate, studio, diversis adminiculis, diversoq; gradu obrinetur. Uti ergo Intellectus rectitudo per Prudentiam, Appetitus rectitudo per Virtutem paulatim promovetur, suisq; adminiculis utraq; adjuncta crescit atque augebit; ita iisdem gradibus & æquis passibus Recta Ratio in promulgandis legibus naturalibus, & Appetitus per Virtutem bene dispositus in adsensu, ut & obsequii facilitate ac studio proficit. Quos progressus tantò rectius adsequi & metiri licebit, ubi Prudentiæ & Virtutis incrementa, causas & adminicula scrutati fuerimus. Atque hoc ipsum cum duabus aliis Exercitationibus, *de Virtute Morali & de bonis & malis, de Bona Indole*, exsecuti simus, potuissent quidem illæ huic inferi, ejusq; argumentum iis non parùm illustrari: Ne vero à proposito nimis videamur discedere, neq; etiam Lectoribus quidquam invidere, manissæ loco illas huic Dissertationi subjungemus, & de singulis distinctè ac seorsim agemus.

LXXV. Hoc tamen circa Promulgationem Juris Naturalis etiam diligenter est notandum, quod cum Lex  
omnis;



omnis sit propositio quædam universalis, & Leges naturales sint leges non scriptæ, hæ per Rectam Rationem promulgantur propositionibus modò simplicioribus ac concisioribus, modò plenioribus, & sæpe restrictione limitatis. Quamvis enim generatim hæ Leges Naturæ in animo hominis promulgentur: Parentibus esse obediendum, Magistratibus esse parendum, Depositum esse reddendum; si tamen vel isti quid iniquum & Deo adversum jusserint, aut furiosus gladium depositum repetierit, Recta Ratio promulgationem istarum legum pro re nata limitat, restringit, eiq; Juris Naturalis condiciones inserit, quæ sunt tales, ut istis parendum sit, si non injusta præceperint, & ut quodvis depositum sit reddendum, si nemo eo ad alterius injuriam sit abusus. Unde apparet, cur Aristoteles Æquitatem dixerit corrigere Jus Legitimum, non autem Naturale. *s. Nicom. 10.* Lex enim Naturalis cum scripta non sit, eo quoque nomine deficere non potest; nunquam enim tota auditur, nisi omnes addideris exceptiones, quibus additis, nihil ei deesse videbimus: inquit Guil. Grotius *de Princ. Jur. Nat. cap. 3. n. 11.* Cumq; Leges Naturales sint vel Præcipientes, vel Vetantes, circa has non perinde eveniunt hujusmodi exceptiones seu limitationes. Semper enim veræ sunt hæ leges & sine exceptione, Adulteria, furta, & similia alia, esse turpia, & semper fugienda. Unde Scholastici ita solent loqui, Præcepta Juris Naturæ negativa obligare semper & ad semper, Affirmativa vero obligare semper, sed non ad semper. *Guil. Grot. de princ. Jur. nat. cap. 2. n. 11. & in primis cap. 3. n. 9. & 11.*

LXXVI. Dicas, si ita comparatum sit cum Juris

K

Natu-

Naturalis promulgatione & cognitione, eam fore incertam, dubiam, tenuem fluxamq;. Si quis animum rectè advertat, facile intelliget, Promulgationis darigradus atque progressus, initio exiguos & infirmos, quos paulatim promovebit & stabiliet homo, si bonam indolem fuerit nactus, eiq; cultura doctrinæ & sedula adusuefactio accesserit; tunc enim in cognoscendis legibus naturalibus felicissimè adsurgere, & solidam certamq; eorum notitiam & adsensum sibi comparare potest. Quemadmodum enim Vitium principii delendi ac perimendi vim habet, o. *Nicom. s. §. 16.* ita Prudentia Veritatem practicam facile pervidet, & Virtus appetitum ita instruit, ut libenter morem gerat, & intellectus practicus legibus naturalibus adsentiat. Si enim Vitium, & quidquid vitii causa est, prava indoles, neglecta disciplina, vita adfectuum perturbationibus adsueta, & cum primis voluptatibus dedita, iudicium intellectus corrumpit, pervertit atque exstinguit, ut honesta à turpibus, iusta ab iniustis discernere nequeat, legibusq; naturalibus, vivendi principiis, debitum adsensum deneger, Prudentiam & Virtutem, earumq; causas contrarios producere effectus certum est.

LXXVII. Quid quod iudicium intellectus practici etiam aliis argumentis certum reddatur, & Recta Ratio ipsa sibi de sua rectitudine testimonium perhibere queat. Hoc ut evidentius ostendam, hoc primò est monendum. Jura Naturæ omnia vel esse Principia, vel Conclusiones. Ista sunt vel Prima & Immediata, vel Mediata. Hæ sunt vel principiis primis propiores, vel ab iis remotiores. Guil. Grotius de princ. Jur. nat. cap. 2. n. 7. Quæ distinctio quàm sit notabilis, duobus exemplis declarabo. Juri

Natu

Naturalis, quod & Universale appellant, ignorantiam non excusare, & Aristoteles 3. *Nicom.* 5. §. 19. & JCTi docent 1. t. ff. & C. de jur. & fact. ignor. Hoc autem locum vix invenit, ubi fortè ignorantur Juris Naturalis conclusiones à principiis suis longiùs distantes: qua in re tantò faciliùs hallucinatio contingere poterit, ut quisque Prudentiæ & Scientiæ habitu minùs fuerit instructus. Secus qui senserit, vel ab omnibus promiscuè exactam Prudentiam requireret, quòd est *ἐκ τῶν ἀδυνάτων*, vel existimet necesse est, facile cuivis esse, quaslibet conclusiones ex suis necere principiis: quæ certè opinio grandem argueret ἀπιστία. Plura hac de re dixi *Tract. meo de Principio act. moral. disp. 2. ch. 36. seqq.* quæ cum his conferri merentur. Alterum hoc est. Grotius cum belli potestatem fecisset in illos, qui Jus Naturæ violassent, (quam sententiam hic non disputabimus, sed in medium relinquemus) distinguit mox inter Leges Naturæ evidentes, & quæ non sint tales, vultq; propter istarum læsionem belli poenalis jus competere, propter harum autem violationem non item. Vide illum *lib. 2. de J. B. P. cap. 20. §. 47. & proximè precedentibus.*

LXXVIII. Docui aliàs pluribus, rerum moralium etiam Scientiam dari, quæ cum animum reddat ἀπένεστον, & de suis demonstrationibus certissimum, utique Juris Naturalis promulgatio non omnis erit incerta, sed quædam certissima, & ad sensum mentis solidè constringens. *Mev. in prodr. Insp. 2. n. 26.* Cum enim in quaque scientia requirantur tria, Subjectum, de quo aliquid demonstratur: Adfectio, quæ de subjecto demonstratur: & Principium, cujus virtute adfectio subjecto inesse vel

adhiærere ostenditur; ita quoque tria hæc in Scientia Juris Naturalis, quæ aliàs Philosophiæ Moralis titulo insigniri solet, deprehenduntur. Nam subiectum sunt Actiones humanæ morales, de quibus adfectiones hæc demonstrantur, quod sint vel Justæ vel Injustæ, Honestæ vel Inhonestæ: idq; ex principiis, quæ sunt ipsæ Leges Naturæ, principia ut vivendi, ita & actionum, quibus vita moraliter constat, demonstrandi. Aristot. 3. *Rhetor. cap. 17.* Et si vero idem Philosophus in Analyticis requirat, ut principia demonstrandi sint Immediata; hoc tamen tantum est intelligendum de primi ac præcipui generis demonstrationibus: ex quibus quando justa serie secundum regulas Analyticas progredimur, primæ & immediatæ demonstrationis conclusio fit principium sequentis, donec illa demonstrationum series & catena tandem conclusione aliqua singulari terminetur. Unde Aristoteles 6. *Nicom.* 11. docet Intellectum non minus Practicum quàm Theoreticum versari circa duum generum extrema, τῶν ἐχάτων ἐπ' ἀμφοτέρω S. 11. Cumq; Intellectus practici virtus sit Prudentia, & hæc τῶν ἐχάτων ἐπ' ἀμφοτέρω dirigatur, hoc est, in adsensu terminatur primo aliquo & immediato Principio, in descensu terminatur singulari quodam. Ultraq; enim via Intellectum uti, ostendit Philosophus 1. *Nicom.* 4. & exemplo διαύλης, de quo Pollux in Onomastico consulendus, idipsum illustrat.

LXXIX. Dicas, paucis id contingere, ut per demonstrationes ipsis evidenter Jura Naturæ innotescant & promulgentur, quod non nisi pauci fidem & adsensum illis principiis practicis tribuant. Imò vero omnes illis principiis adsensuri sunt, quotquot illa Prudentiæ & Vir-

tutis præsidia & adminicula acceperint atque adhibuerint, quorum supra mentionem feci, putà, qui ingenio non fuerint distorto, disciplinæ capaci, benè educati, bonisq; actionibus adfuefacti. *Nam verè de singulis rebus judicat vir bonus, & ei statim, quod in unaquaque re veri est, elucet. Ex uniuscujusque enim habitu honesta & jucunda finguntur. Atque eo ipso fortasse longè præstat reliquis vir bonus, quod singulis in rebus verum perspicit; quasi earum norma sit & mensura.* 3. Nicom. 4. §. 10. seqq. Etiam si igitur improbi homines longè sint plures probis, atque isti omnes aliter de principiis practicis seu legibus naturalibus judicent, atque boni; istorum tamen per vitia & voluptates corruptum judicium minimè cum bonorum judicio conferendum, multò minus ei præferendum est. Nam ut corporibus bene constitutis salubria sunt ea, quæ revera talia sunt: morbosis autem & agris alia, itemq; amara, dulcia, calida; ita quoque boni rectè de honestis & inhonestis sentiunt, & ista facienda, hæc fugienda judicant: improbi vero propter *ἀρρωστία* mentis contrario judicio utuntur. Proinde licet Lèges naturales in se sunt certæ, respectu tamen hominum & cognitionis humanæ possunt esse vel obscuræ, vel incertæ, vel perspicuæ: ut, sicuti Juri ad arbitrium boni viri, ita merito Philosophi ad judicium boni viri, cujus καλοκαγαθία cum Prudentia individuo nexu conjuncta intelligitur, tanquam mensuram actionum humanarum provocent, qui adedò optimè omnium discernere norit, sintne Legibus naturalibus à Prudentia promulgatis illæ conformes nec ne.

LXXX. At, inquis, cur principiorum practicorum seu Legum naturalium non eadem vis est convincendi

Intellectum, quæ est principiorum theoreticorum, quæ non minùs improborum quàm proborum adsensum exorquent? Scilicet magnum est Theoreticorum & Practicorum principiorum discrimen, quemadmodum etiam Veritatis theoreticæ & practicæ. 6. *Nicom.* 2. Hæc enim cum non absolvatur speculatione veri, sed ut illud ipsum actione exprimitur, necessum utique est, ut juxta veritatem practicam acturi intellectus practicus aliter sit dispositus, quàm intellectus theoreticus, qui sola contemplatione terminatur. Hic enim suum adsensum principiis merè theoreticis tribuere potest, siue animus ejus bene siue moraliter malè sit adfectus, cum è contrario practicis principiis adsensum tribuere nequeant, nisi qui animum bene excultum, & ad res bene agendas bene etiam præparatum habeant. De Veritate practica aliàs dixi *Exam. meo Probabil. Jesuit. cap. 9. reg. 9.*

LXXXI. Sed præter Demonstrationes Intellectus Practicus etiam aliis utitur *κρηττέροις*, per quæ item Jus Naturæ perspicuè promulgatur, ejusq; veritas & auctoritas confirmatur. Est vero *κρηττέριον*, ᾧ ἡ ἀλήθεια τῶν πραγμάτων γινώσκειται, per quod veritas rerum cognoscitur, seu de Dialectica id ipsum in specie dicitur apud Laërtium in *Zenone*. Illa *κρηττέρια* sunt Experientia, & Conscientia. Itaque cum Aristoteles Principia colligi dixisset vel Inductione, vel Sensu, vel Adusæfactione, addit his Eustratius Experientiam, fortè ab Inductione non differentem. 1. *Nicom.* 7. §. 56. Experientia quomodo generetur, eleganter docet Philosophus 2. *post. Anal.* c. ult. Animalia, inquit, habent quandam *δύναμιν κρηττήν σύμφυτον*, facultatem judicandi congenitam, quam *Sensum* appellamus. Undè idem 2. *To-*  
*pic.*



*pic. ait, τὸ δὲ αἰσθάνεσθαι, κρῖναι ἐστίν, sentire est judicare. Ista ergo facultas sentiendi objecta sensilia percipit, & dijudicat, diverso tamen effectu in brutis, & in homine: quin & in istis. Alia enim bruta sola vi τῷ αἰσθητικῷ, sensus, rei; sensilis impressione adficiuntur, nullam autem ejusdem memoriam recondunt: At in aliis post actum sentiendi remanet quoddam simulacrum sive species, quā memoria sua continent. Homo vero non solum sentit, & percepta sensu memoria complectitur, sed & species illas vi intelligente inter se comparat, earumq; differentias ratiocinando investigat. Hinc ita colligit Aristoteles d. l. Ex Sensu fit Memoria. Ex Memoria sæpe ejusdem rei facta, fit Experientia, h. e. ex repetita sæpius memoria ejusdem rei existit Experientia: quæ nihil est aliud, quàm congeries quædam multarum numero memoriarum, de rebus singularibus ejusdem speciei factarum. Præterea ex Experientia, per rationem, existit in Intellectu, & manet, Universale quoddam unum præter multa, ut loquitur Philosophus, hoc est, mente quidem conceptum, & à multis, imò omnibus illis singularibus abstractum; revera tamen in omnibus illis singulariter unum & idem existens, quod postea Principium fit demonstrandi, vel Practicum, vel Theoreticum. Cum quo Philosophi textu & alter ejusdem conferri meretur ex 1. Metaph. cap. 1. Ad agendum (πρὸς τὸ πράττειν) nil videtur Experientia differre ab Arte: quinimo videmus, expertos magis id, quod intendunt, consequi, quàm illos, qui rationem, absque Experientia tenent. Causa est, quod Experientia singularium, Ars autem universalium cognitio est. Hinc cum Philosophus 6. Nicom. 7. §. 23. & cap. 8. §. 22. Prudentiam dispescuisset in Universalium & Sin-*

& Singularium, atque hæc nihil aut parum discrepet ab Experientia, utramque præstantem esse ait, sic ut qui utraq; sit præditus, solidè Prudens sit censendus; interim senum consiliis aut adfectionibus non minus tribuendum esse monet, quàm sapientum demonstrationibus, quod isti habeant *της εμπειρίας ούμα*, *Experientia oculum.*  
*6. Nicom. 11. §. 22.*

LXXXII. In societatibus itaque naturalibus agentes quando usu deprehendimus, aliis actionibus per se fines illarum obtineri ac conservari, aliis & quidem contrariis per se turbari illas & destrui, hac experientia instructus Intellectus Practicus prioris generis actiones expectendas, posterioris esse fugiendas concludit. Sed cum Experientia sit singularium, ejus disciplina sic progredi videtur. Si quis v. g. viderit emptionis venditionis contractum corrumpi & dissolvi modò dolo Titii emptoris, modò dolo Sempronii venditoris: nunc errore Caji, nunc errore Mævii, atque hinc inæqualitatem enormem, ex inæqualitate hac querelas, ex querelis dissidia, ex dissidiis solutionem societatum existere, atque ita indigentiam destitui; has experientias Intellectus Practicus à suis singularibus abstrahit, & inde principium universale conficiens hunc in modum colligit: Quidquid est causa inæqualitatis, querelarum, & ut tandem impediatur aut dissolvatur contractus, adeoq; indigentia expleri nequeat, illud à contractu Emptionis Venditionis abesse debet: Talia vero cum sint Dolus & Error, hæc ab illa abesse debent. Præterea Experientia cum perspiciat, non solo contractu emptionis venditionis indigentiam humanam sublevari, & simul usu comperiat, quemlibet contractum lædi,

pertur-



perturbari & infringi Dolo atque Errore ; Intellectus Præcticus illud universale principium etiam producit atque extendit ad omnes alios contractus, sic ut ab omni contractu Dolum abesse, & quemlibet contrarius ejus requisito, Bona fide, stabiliendum & muniendum esse concludat. Sed & ubi Experientia deprehenderit, alios contractus aliis magis subvenire indigentia, hunc vero finem obtineri non posse, nisi in his Bona fides ad præstanda ea, quæ ex hujusmodi contractibus debentur, uberius attendatur, & adeò amplior ad Æqualitatem comparata mensura adhibeatur, quàm in aliis; colligit hinc Intellectus Præcticus, non omnes omnino contractus eadem libra vel trutina ponderandas, sed quemlibet ex suo genio ad Æqualitatis stateram esse examinandum. Pari vel suppari modo in aliis rebus explorandis experiundo procedit Ratio recta, eaq; à singularibus abstracta Universalia conficit, quæ ad demonstrandum adhibita Principiorum auctoritatem habent, & generalis vivendi regulas actionibus singularibus præbent. De errore in contractibus quod dixi, velim commodè & citra cavillationem accipi, cum non ignorem, quid de eo aliàs disputari soleat. Confer *l. 9. & 14. ff. de contr. empt. & l. 21. §. 2. ff. de act. empt. l. 62. §. 1. & l. 11. §. 1. ff. de cons. empt. Cujac. lib. 2. obs. 4.*

LXXXIII. Harum itaque rerum Experientia cum magnam partem hautquaquam sit difficilis; nulla enim vitæ pars caret officio, & Juris Naturalis exercitio: cum primis iis, qui ad cognitionem & observantiam Jurium Naturæ necessaria præsidia attulerint, *εὐφύας*, institutionem, ut à Doctrina sint exculsi, & decentem Educationem; accidit etiam, ut complures eadem Juris Na-

turalis decreta, eorumq; autoritatem experiendo didicerint, agnoverint, iisq; adsensum tribuerint. Nam eorum & Intellectus practicus & Appetitus per *εὐφύμιαν* ad Juris illius reverentiam bene fuit dispositus, atque iste per Doctrinam eruditus, hic per Adusfactionem bene præparatus. Atque hinc existit ille bonorum prudentumq; in cognoscendis legibus naturalibus Consensus, cui adeò plurimum, qui bene de his judicant, non immeritò tribuunt, ceu vel ex iis liquet, quæ paulò antè à nobis prolata sunt: quibus omnino addenda sunt ea, quæ in *Proleg. ad Offic. Cicer. & in Exam. Probabil. Jesuit. cap. 2. pag. 43. seqq.* prolixius disserui. Unum solum inde repetam Ciceronis testimonium: *In re consensio omnium gentium Jus Natura putanda est. lib. 1. Tuscul. qn.*

LXXXIV. Quicunque igitur eo, quo dictum est, modo singularium *τῶν περὶ αὐτῶν* experientiam multiplicem collegorunt, & principiis hinc confectis de rebus practicis rectè ratiocinati sunt, illorum quoque Ratio fuit Recta, ejusq; *ἀναγωγή* à singularibus ad universalia, & vicissim ab his ad ista rectè progressa est. Ubi igitur Rectæ Rationi plurimum tribuitur, aut ipsæ Leges Naturales dictamina rectæ rationis appellantur; hinc tamen argutandi occasio non est arripienda, quod quælibet philosophorum secta sibi Rectam Rationem sit vindicatura, & nemo ex iis cum ratione se insanire, vel insanivisse, libens profiteri velit. Si enim consideres in quàm diversas & opiniones & scholas illi secesserint, certè omnes Rectæ Ratione usos non fuisse, nimis est manifestum. Ubi igitur in dogmata Atheorum, Stoicorum, Epicureorum, Cynicorum aliorumq; incidèris, primò omnium inquirendum est

est, sintne illorum scita placitaq; Rectæ Rationis dictamina. Talia vero exultimabis, si illa deprehenderis cum legibus naturalibus Societates naturales continentibus & conservantibus convenire, vel saltem iis non repugnare. Hoc enim quoties fit, dictamen id non Rectæ, sed corruptæ & depravatæ Rationis est, ὁρθὸς γὰρ λόγος περὶ πιαίων ἡ Φρόνησις ἐστίν, Rectæ enim de talibus rebus Ratio est ipsa Prudentia. 6. Nicom. ult. §. 21.

LXXXV. Etiam si igitur Diagoras, Theodorus, aliiq; Deum esse negent, protinus quisque deprehendet, hoc non esse dictatum Rectæ Rationis, si modò ejus aliquam rectitudinem habuerit. Quo enim vinculo societates continebuntur, aut homo homini obstringetur, si omnis fidei, juris & obligationum summum autorem ac principem sustuleris? Deos esse inter alia sic colligimus, quod omnibus de diis opinio insita est, nec ulla gens usquam est aded extra leges moresq; projecta, ut non aliquos Deos credat; inquit Seneca ep. 117,

LXXXVI. Ingressi Epicuri hortum, si ibi doceri audiamus, Deum rerum humanarum nullam habere curam, adeoq; sanctissimum Providentiæ numen proculcari, faciliè agnoscas, neque hoc esse dictatum Rectæ Rationis. Si enim adhibeatur ἐμπειρία Experience, intelliges, per Providentiam quaslibet res, & inprimis etiam Hominem, ad suos fines ordinari. Cum vero non quibuslibet actionibus, sed honestis & Juribus Naturæ conformibus suum finem adsequatur Homo, per has Deum hæbebit propitium, per contrarias infensum. Absque hac rerum humanarum cura si esset, tolleretur à Deo bonitatem & justitiam, cum nihil magis Deo conveniat, quàm ut pro bonis

bonis bona, pro malis mala rependat. *Qui Providentiam tollit, etiam Deum esse negat. Qui autem Deum esse profetur, & Providentiam simul esse concedit. Alterum enim sine altero nec esse prorsus, nec intelligi potest. Lactant. lib. de Ira Dei. cap. 9.*

LXXXVII. Quod si eodem modo examinaveris Stoicorum decretum, Providentiam quidem graviter adferentium & propugnantium, sed talem, quæ omnia fatali & indeclinabili necessitate impellat moveatq; sublata erit omnis moraliter agendi libertas & facultas. Si itaque *κρίσεις* Experientiæ consulueris, tali necessitate fatali posita, frustra sunt omnes omnino leges, poenæ ac præmia. Ut meritò ludibrium debeant Ulpianus, aliq; JCi Stoici, qui interpretationi Ediçti perpetui, & tot jurium naturalium explicationibus omne ingenium, studium tempusq; impenderunt, siquidem palmarium illud Stoicorum placitum amplexi sunt, fatali necessitate omnia ferri. Uti ergo experientia & bona ratio hoc dogma absurditatis damnabit, ita nec verè boni & prudentis hominis consensum ea in re Stoici obtinebunt. Vide præclarè contra hoc Stoicorum dogma disputantem Alexandrum Aphrodisiensem *lib. de Fato.*

LXXXIIX. Fuerunt quoque, neque desunt hodie, qui Immortalitatem animæ pro commenro habent sed ubi *κρίσεις* Experientiæ adsciveris, & animadverteris, multos improbos homines, præptimis quorum improbitas auctoritate & potentia civili est subnixa, impune omnia hic patrare, & cum indignissima fecerint, nil tamen suis sceleribus dignum, dum vixerunt, passos fuisse; & tamen hanc esse divinæ Providentiæ & Justitiæ supremam

nam legem, ut quisque præmia vel pœnas, ut fuerit suis actionibus meritis, sit relaturus: non poterit Recta Ratio aliter colligere, quàm Animam à corpore solutam fore superstitem. Non ergo quenquam turbet Aristotelis autoritas, ita decernentis 3. *Nicom. 6. §. 14. Omnium rerum nihil horribilius est morte. Nam ea omnium rerum est extremum. Nihilq; reliquum esse mortuo videtur neque bonum, neque malum.* Nam Experientia & recta ratione edocti non solum prudentiores, sed & integræ nationes veram rectamq; de Anima habuerunt sententiam, illam esse immortalem. *Quadam natura nota sunt, ut immortalitas anima penes plures, ut Deus noster penes omnes. Tertull. de resurr. carn.* Addantur ea, quæ ad hanc rem evincendam concessit Grotius de *Veritate religionis Christiana*, aliq; peculiariibus de hoc argumento commentariis scripserunt.

LXXXIX. Et vero frequenter videas, sapientissimos quosque Philosophos ad hoc Experientiæ documentum provocare. Unum jam duntaxat ejus exemplum proponemus ex Seneca *lib. 4. de benef. c. 18.* ubi ille Ingratitudinem, quam vulgò dicimus, Juri Naturæ valde adversam esse, Gratitude vero ab illa exigi, his ostendit verbis: *Ut scias per se expetendam esse grati animi adfectionem, per se fugienda res est, ingratum esse, quoniam nihil aequè concordiam humani generis dissociat ac distrahit, quàm hoc vitium. Nam quo alio tui sumus, quàm quod mutuis invamur officiis? hoc uno instructior vita, contraq; incursiones subitas munitior est, beneficiorum commercio. Fac nos singulos, quid sumus? præda animalium & victima, ac vilissimus & facilissimus sanguis: quoniam cæteris animalibus in tutelam sum satis virum est.* Quacunque vaga nascuntur, & actura vi-

*tam segregem, armata sunt. Hominem imbecillitas cingit: non unguium vis, non dentium, terribilem ceteris fecit. Duas res dedit, qua illum obnoxium ceteris, validissimum facerent, Rationem & Societatem. Itaque qui par esse nulli posset, si diduceretur, rerum potitur. Societas illi dominium omnium animalium dedit: Societas terris genitum in aliena natura transmisit imperium, & dominari etiam in mari iussit. Hac morborum impetus arcuit, senectuti adminicula proffexit, solatia contra dolores dedit, hac fortes nos facit, quod licet contra fortunam advocare. Hanc tolle, & unitatem generis humani, qua vita sustinetur, scindes. Tollitur autem, si efficiet, ut ingratus animus non perse vitandus sit. Egregiè hæc cum iis, quæ paulò antè proposui, conveniunt, & simili modo de aliis vitiis ab Experientia argumentum ducere, & demonstrare licebit, perinde uti Ingratitudinem & hæc Societates naturales evertere, adeoq; tanquam Juri naturali contraria perse quoque vitanda, virtutes vero earumq; officia, ceu Societatum vincula ac prælidia, per se expectandas esse.*

XC. Videamus jam quanta vis sit alterius *conscientiæ*, ad cujus tribunal ipse Apostolus provocat. Verba ejus hæc sunt *cap. 2. ep. ad Rom.* Cum gentes, qua legem non habent, natura, qua legis sunt, fecerint, ea legem non habentes si ipsis sunt lex. Qui ostendunt, opus legis scriptum in cordibus suis, simul attestante illorum Conscientia, & cogitationibus inter se accusantibus in eo die, cum judicabit Dominus occulta hominum. Chrysostomus ad populum Antiochenum ita loquitur *Orat. 12.* Ab initio rerum cum formavit hominem Deus, ipsi indidit legem Naturalem. Es, quid est Lex Naturalis? Conscientia nobis explicavit, & ex se

*pate-*

*patefecit notitiam rerum tum honestarum, tum earum, quae ejusmodi non sunt.* De Conscientia longè aliter docent Casuistæ & Theologiæ moralis doctores, atque Aristoteles, aliiq; veterum. Istorum doctrinam aliàs proposui, examinavi, refutavi. Illi Conscientiam principium constituunt actionum moralium, ego propriè dictam conscientiam illas sequi existimo. Itaque Conscientia mihi est, quæ actiones bene vel malè perpetratas solet sequi bona vel mala: unde etiam rectè Conscientia alia dicitur Bona, alia Mala. Utramque libet hoc generali definitione complecti, quod Conscientia sit judicium Intellectus Practici, quo actiones in vita bene vel malè peractæ examinantur, pro istis gaudium & tranquillitatem, pro his dolorem & perturbationem ingerens.

XCI. Disputant nonnulli, sitne Conscientia actus, an potentia, an vero habitus. Quæ quæstio etsi huc parùm attinere videatur, hoc tamen indicandum est, solere à multis dici, quod sit actus Synterefeos. *Cæl. Rhodig. Lib. 2. lect. antiq. cap. 26.* Synterefin vero Damascenus vult esse habitum, ad mores pertinentem, nobisq; per naturam competentem, seu, esse habitum natura nobis insitum principiorum ad mores pertinentium, attendentem leges naturæ, easq; servantem, instigantem homines ad bonum, revocantem à malo. *Piccolom. phil. mor. grad. 2. cap. 2.* Aristoteles quidem etiam constituit habitum principiorum, quem ille Νῆν, Intelligentiam appellat *6. Nicom. cap. 6.* Sed ad illum non minus cognitionem principiorum theoreticorum, quàm practicum refert, & Habitus nobis nullos connasci, suprà jam monuimus; ut adeò nihil opus sit, nova vocabula novosq; habitus commi-

comminisci, modò constet, hanc viam Intellectui Practico inesse.

XCII. De utraque Conscientia in eandem sententiam loquuntur omnes veteres, quorum verba exscribere longum, & hic congesta legere fortè tædiosum foret. Nota est Poëtarum de Furiis fabula, qua veros malæ conscientie cruciatus & pavores significant: ceu illam pridem interpretatus est Cicero *pro Sex. Rosc.* Nolite, inquit, *putare, quemadmodum in fabulis saepe videtis, eos, qui aliquid impiè sceleratèq; commiserint, agitari & perterrerì Furiarum radiis ardentibus. Sua quemque fraus, & suus terror maximè vexat, suam malæ cogitationes conscientiaq; animi terrent. Ha sunt impiis adsidua domesticaq; Furia.* Nolo aliorum auctorum similia adjicere testimonia. Christiani Patres, Conscientiam vermi adsimilantes cum S. Scriptura, quæresolent, utrum vermis hujus supplicium animam graviore dolore lancinet rodâtq;, quàm ignis urat: & concludunt, existo graviorem doloris sensum existere, quam ex hoc: cujus sententiæ explicationem videre licet apud *Cæc. Rhodig. lib. 19. lect. ant. cap. 14.* Sed cum fortè nemo gentilium rectius perspectam habuerit utriusque Conscientiæ vim, quàm Aristoteles, ejus verba prætermittenda non sunt. Is cum docuisset, grande esse discrimen inter Bonos & Malos, interq; amicitiam Bonorum & Malorum; virum enim bonum perinde erga suum amicum, atque erga se esse adfectum, Improbo autem neque sibi secum rectè convenire, multò minùs cum amicis suis, posterius ita declarat *9. Nicom. 4. §. 27. seqq.* *Qui penitus vitiosi & scelerati sunt, semper secum pugnant ac dissident, aliaq; concupiscunt, alia volunt, perinde ut inconti-*  
nentes,



mentes. Iis enim spretis ac rejectis, quæ sibi bona esse opinantur, jucunda sequuntur, & quæ sunt damnoſa ſumunt. Alii propter ignaviam ac deſidiam de earum rerum, quas ſibi optimas eſſe ducunt, actione longè ſe remouent. Jam qui multa & atrocia facinora amiſerunt, propter improbitatem vitam oderunt ac fugiunt, ſibiꝫ manus adferunt. Et vitioſi homines atque improbi quarunt, quibuſcum dieſ totos traducant, ſciꝫſ autem fugiunt. Multa enim gravia atque horrenda recordantur, taliqꝫ altera, cum ſoli ſunt, expectant: tantisper autem, dum cum aliis ſunt, obliſciuntur. Et cum nihil ſit in eis amabile, nullo erga ſe amoris adfectu commouentur. Non igitur, qui tales ſunt, ſecum ipſi aut letantur, aut dolent. Inter eorum enim anima diſcordia & ſeditiones concitantur. Et interdum homo improbus propter prauitatem dolore adſciitur, abſtinens à quibuſdam rebus, interdum letatur: & una pars huc ipſum trahit, altera illuc, tanquam ipſum diuellendo ac diſtrahendo. Quod ſi fieri non poſeſt, ut quis ſimul doleat ac letetur, at certè paulo poſt, quod letatus ſit, mærore conſciitur, noliqꝫ ſibi hoc voluptatem attruliſſe. Quod ſi ita adfectum eſſe, valde eſt miſerum, acerrima contentione fugienda improbitas eſt, operaqꝫ unicuique danda, ut ſit probus. Idem Philoſophus 9. Nicom. 8. §. 33. ſeqq. ita docet: Improbus ſeſe minimè amat. Nocet enim hic & ſibi ipſi, & proximis, adfectibus prauis indulgendo. Sanè improbi hominis facta ab iis, quæ facienda erant, plurimùm diſcrepant. Neque etiam huius Conſcientiæ viſ ignorata fuit veteribus Jctis, ceu videre licet ex l. 15. pr. ff. qui & à quib. l. 3. ff. de bon. eor. qui ant. ſent. mort. ſibi conſc.

XCIII. Bonæ vero Conſcientiæ effectus præclare nobis depingit idem Philoſophus d. c. 8. in iis, qui pro-

M

pter

pter Virtutem sunt Φίλαυτοι: cujus laudabilis Φιλαυτίας proprietates cum prolixè ibi exposuisset, concludit §. 32. *Optimum quemque oportere sui amantem esse. Jam vero is, qui talis est, ait, 9. Nicom. 4. §. 18. seqq. secum vult habitare, secumq; vivere; id enim libenter facit. Nam & rerum actarum memoria est ei jucunda, & spes futurarum bona: quæ quidem etiam est jucunda. Præterea rerum plurimarum perceptione & cognitione mens ejus abundat, doletq; & lætatur unà secum maximè. Nam omni ex parte idem ei molestum est, idemq; jucundum, neque aliàs aliud; cum, penè dicam, nihil agat, cujus cum parvisere possis, &c. Addam unum à Seneca bonæ conscientiae perhibitum testimonium. Talis, inquit ep. 59. est animus viri Sapientis, & nullius mali sibi conscii, qualis mundi status super lunam: Semper illic serenum est. Sapientis nunquam sine gaudio. Gaudium hoc non nascitur, nisi ex virtutum conscientia. Exemplis idem confirmare, & utriusque Conscientiae effectus illustrare velle, fortè fuerit otio abuti: sunt illa in mundo, & cuius historiarum monumenta volventi obvia; ex quibus tamen pauca deinceps attingam.*

XCIV. Magis inserviet proposito nostro, si monstravero, unde sit illa Conscientiae vis, ut bonis animæ tranquillitatem ac singulare gaudium, magnam felicitatis humanæ partem, conciliet: è contrario improbos vexet, terreat, cruciet, semperq; attonitos habeat. Dixi Conscientiae examen, accusationem, testimonium, absolutionem aut condemnationem, esse actus Intellectus Practici. Hæc vero Potentia nobis est à Natura, hoc est, Providentia divina, data. Quælibet vero naturalis facultas & potentia est concessa ad certum aliquod munus & fun-

& functionem. Natura enim nihil facit frustra. Quemadmodum ergo Providentia divina Intellectum Practicum non solum hominibus indidit, ad apprehensionem & cognitionem legum naturalium, rerumq; practicarum, nec non ad debitam de iisdem ratiocinationem; ita quoque aliter colligi nequit, quàm quod actus illi judiciales ab Intellectu Providentiæ divinæ consilio & decreto expediantur, quibus actiones vitæ nostræ explorantur, examinantur & dijudicantur. Ut adeò nihil sit aliud Conscientia, quàm Providentiæ divinæ radius, quo bonorum mentes illuminantur, excitantur, recreantur; quemadmodum solari lumine aliæ res creatæ foveantur, aluntur, lætæq; redduntur. At in improbos alia qualitate & effectu agit idem ille radius, ut illos urat, torreat, torqueat, ut animus varia perturbatione æstuans nullam tranquillitatem, nullumq; solatium aut levamen inveniat, sed pavores, terrores, cruciatusq; sentiat. Est enim diversus Providentiæ divinæ effectus, pro diversa conditione objecti, ut boni bonitatis divinæ, mali vero (qui ideo Apostolo *ἀντικατέκρουτοι* dicuntur) ulterius justitiæ divinæ flammam vimq; sentiant. *Ita Natura plerumq; ipsa armatur adversus natura violatores. Plato 4. de legg.*

XCV. Hujus monitoris, testis atque judicis nutus dictatusq; boni ceu Providentiæ divinæ decreta reverentur, fugientes mala, & ex actionibus legibus naturalibus conformatis solatium gaudiumq; percipiunt. Mali vero illius sensu expavescunt, atque exhorrescunt, *συμπαρ-  
τυχῶς αὐτῶν τῆς συνειδήσεως, καὶ μεταξὺ ἀλλήλων πῶν λογισμῶν  
κατηγορούντων*, convicti testimonio conscientiæ, accusati damnatiq; Intellectus practici ratiocinationibus; uti lo-

quitur Apóstolus *cap. 2. ep. ad Rom.* Ubi obiter notetur, vocem λογισμῶν ibi non denotare simplices cogitationes, uti vulgò accipi solet. *Animus impurus diu hominibusq. infestus, neque vigiliis neque quietibus sedari potest; ita Conscientia mentem excitam vastat.* Sallustius de bell. *Caril.* Cum primis hæc Conscientiæ dira vis illos vexat, qui potentia ad Injurias impotenter abusi sunt. Exemplo sit Tiberius, de quo ita Tacitus *lib. 6. Annal.* *Insigne visum est earum Caesaris literarum initium. Nam his verbis exorsus est. Quid scribam vobis P.C. aut quomodo scribam, aut quid omnino non scribam hoc tempore, Diu me Deus, pejus perdant, quam quotidie perire sentio, si scio. Adeo facinorosa atq. flagitia sua ipsi quoq. in supplicium verterunt. Neq. frustra præstantissimus sapientiæ firmare solitus est, si recludantur tyrannorum mentes, posse adspici laniatus & ictus: quando ut corpora verberibus; ita scævitia, libidine, malis consultis, animus dilaceretur. Quippe Tiberium non fortuna, non solitudines protegebant, quin tormenta pectoris suusq. ipse piænas fateretur. Nero quoque, alteri isti desperata imprebitate nihil concedens, imò vincere illum studens, occisa matre Agrippina per Anicetum, nec sceleris conscientiam (quanquam & militum & senatus populiq. gratulationibus confirmaretur) aut statim, aut unquam postea ferre potuit: sæpe confessus, exagitari se matris specie, verberibus furiarum, ac rædis ardentibus. Xiphilin. ex Dio. Cass. in vit. Neron. sub fin. lib. 67. Cur Carolo IX Gallia Regi nocturni horrores plerumque somnum interrumpere, eiq. conciliando Symphoniaci pueri adhibiti fuerunt? Hoc ferali laniæ Parisiensi, & mala hinc conscientia contracta acceptum fert Historicorum hujus ævi princeps Thuanus *lib. 57. p. m.**

97. Nihil est igitur *miserius*, quam *animus hominis male conscius*. Neque fallax hoc est *κατασκευαστος*, etsi quandoque effectus suos suspendat, & tanquam flammula sub cineribus latens forte seriùs vim suam explicet. Quis enim unquam malæ conscientia pavoribus fuit exterritus, nisi qui gravium scelerum reatu se teneri crediderit? Quod si exempla objeceris hominum non omnino improborum, quorum tamen conscientia misere fuerit excruciatæ; primum quidem responderi poterit, humanitatis quidem esse, ut quàm optimè de quibuslibet sentiamus, cum tamen certum sit, sæpe latentium peccatorum conscientia nonnullos exagitari, qui cæteroquin boni aliis videantur, & quos suorum facinorum graviter pœnitet. Imò licet revera sint boni, qui ita vexantur, sit tamen id saltem propter opinionem mali à se perpetrati. E contrario bona Conscientia suavissimum perhibet testimonium, ut, qui eam habet, Numen quoque se sentiat habere propitium; adeoq; nihil sit, quod metuat, sed securitate ac tranquillitate animæ perfruisceus lætetur & triumphet, planè ut, licet fractus illabatur orbis, impavidum feriant ruinae.

XCVI. Quæ cum ita sint, quatuor Pœnarum gradus nonnulli constituunt: quorum primus est in ipso Vitio & Peccato. *Prima illa & maxima peccantium est pœna, peccasse: nec ullum scelus impunitum est, quoniam sceleris in scelere supplicium est; nullum enim detrimentum majus exagitari potest, quam quod omnino infertur à vitio. Sen. ep. 93.* Alter Pœnæ gradus ponitur in Conscientia, de cujus vi diximus: quò refero illa Socratis apud Xenophontem *lib. 4. memorab. Leges ipsas delinquentium pœnas continere, id vero mihi cujuscumque esse præstantioris legislatoris videtur, quàm*

*ut in hominem cadas.* Hæc enim in animis hominum vis divina se exferens communem aliquam causam arguit, quæ non potest alia esse, quam communis lex seu jus omnium hominum. Tercius Pœnæ gradus, consistit in Meru pœnæ: de quo iterum bene Seneca *ep. 98. Multos fortuna liberat pœnâ, meum neninem.* Et post Euripidem rectè dixit Plato, *Timorem adsidue angere animum viri improbi.* Quartus Pœnarum gradus in Suppliciis collocatur, facinorosis irrogari solitis, cum dolore & plerumque etiam cum infamia conjunctis. *Fr. Piccol. grad. 9. Phil. mor. cap. 3.* Neque, ut paulo antè fuit monitum, ideo quisquam Conscientiæ *κατάνοιαν* dubium aut fallax esse reputet, quod injustissimi quidam homines & fœdissimis vitiis contaminati vel nullam sentiant Conscientiæ pœnam, vel non nisi admodum serò. Hoc enim est scrutari arcana Dei consilia & decreta, & rationis decempeda sapientiam & justitiam ejus impiè velle metiri. Admirari vel potius venerari Dei decreta, non protervè rimari addeceret. Quàm enim in irrogandis pœnis sit admirabilis DEUS, etiam gentiles agnoverunt, ut eo nomine Pindarus eum appellavit Aristorechnam. Et licet DEUS interdum lentè ad vindictam procedat: unde laeos habere pedes Dii veteri adagio dicebantur; hoc immensæ ejus bonitati acceptum ferendum est, qui spatium resipiscendi indulget, aut singulari ejus & abstrusæ sapientiæ tribuendum est, quando tarditatem supplicii gravitate compensat. Certum interim est illud Poëtæ;

*Rarò antecedentem scelestum*

*Deservit pede pœna claud.*

Nec minùs certum est, omne peccatum mereri pœnam,

etli

etsi executio ejus nonnunquam differatur à Deo non solum in annos, sed & post vitam, cum propter animæ immortalitatem non sit speranda omnino impunitas. Vide differentem *Cal. Rhodig. lib. 6. lect. antiq. cap. 14. Quæ sit ratio tarditatis supplicii ex divina providentia.* Cum igitur Conscientia tam indubitatum sit *xerxes* promulgari & fortè violari Juris Naturalis, Nicolaus Hemmingius talem construxit definitionem: *Lex Natura est divinitus impressa mentibus hominum incerta principiorum cognitionis & actionis, atque conclusionum ex istis principiis demonstratarum, proprio fini hominis congruentium, quas ex principiis necessaria consequentia ad humanæ vitæ gubernationem extrahit ratio, ut homo ea, quæ recta sunt, cognoscat, velit, eligat, agat: vitetq; contraria: quorum omnium & reus & iudex Conscientia hominibus divinitus est attributa.* *Add. Guil. Grot. d. l. cap. 1. n. 9. & cap. 4. n. 3. seqq.* ubi & ipse eadem Juris Naturalis *xerxes* agnoscit, quamvis singula non æquè perspicuè explicat.

XCVII. Promulgationem legum naturalium non uno modo nec ordine fieri dixi, ejusq; rei causas ostendi, quod non in omnibus eadem sit naturæ inclinatio & dispositio, neque eadem adhibeatur animi cultura atque institutio, ut nec eadem morum adsuefactio. Quatenus vero hæc Promulgatio per Doctrinam perficitur vel adjuvatur, sit illud duplici modo: vel officio Prudentiæ, vel Scientiæ. Illa sua dictata suggerit, prout in vitæ humana aliæ atque aliæ leges naturales subinde actionibus humanis sunt exprimendæ, atque hæc istis conformandæ. Hæc vero certa methodo, principiisq; utitur, ex quibus, ceu genuinis causis, demonstrationes practicas colligit.

Nam



Nam qui rectè velit docere, causas suæ doctrinæ debet proponere, & ex genuinis ac domesticis principiis demonstrationes arcessere. *Omnis enim doctrina & omnis disciplina ratiocinativa fit ex antecedente cognitione. 1. post. analyt. cap. 1.* Et Scire est rem per causam cognoscere, & quod illa sit conclusionis causa, neque aliter eas habere possit. *2. post. analyt. 2.* Cumq; Scire sit per demonstrationem quid cognoscere, hujusmodi singulares aut particulares scientiæ practicæ sunt plurimæ, ex quibus unum quoddam systema integratq; disciplinam multi concinnare instituerunt, alii aliis felicius, methodo autem tam varia usi, ut potius conjecturas & sæpe vanas opiniones pro vera scientia practica venditaverint. Rectè autem monet Aristoteles, nihil vetare, quò minùs quis rem demonstrationem partim discat, partim ignoret. *1. post. anal. cap. 1. in f.* Neq; enim quilibet demonstrationis vim, & necessitatem conclusionis ex principiis arcessitæ omnino pervidet, adeoq; non omnino veritatem demonstrationis adsequitur, neq; ei ἀμετακινήτως adsentitur. Quod si vero temere adsentiat, verè licet demonstrationi, ut tamen non perspiciat causam demonstrationis, quod propter illam res ita se habeat, neque aliter habere possit, ille sibi comparat scientiam καὶ συμβεβηκός, per accidens, uti scitè loquitur Philosophus *2. post. 2. pr.* Si igitur non est cujusvis, ut vim demonstrationis penetret, neque etiam debita docendi methodus in tradenda Juris Naturalis scientia fuit adhibita; nemini non liquet, cur quidam partim scient, partim ignorent jura naturæ, aut eorum scientiam ex eventu habeant.

XCVIII. Videbimus igitur deinceps, quo ordine  
non.



nonnulli in Juris Naturalis disciplina tradenda fuerint usi, ut tamen nec nostram sententiam simpliciter dissimulaturi. J Cti præ cæteris commendant hæc Juris præcepta: *Honestè vivere, Alterum non ledere, Summum cuique tribuere. l. 10. §. 1. & §. 3. Inst. de Just. & Jur.* Sed si verum amamus, quælibet Lex est præceptum Juris. Quælibet enim lex certam juris formulam dicitur, juxta quam actiones humanæ sint componendæ. Quod nec J Cti in dubium vocabunt. Cur vero Ulpianus horum præcipue mentionem faciat, varias ineunt rationes interpretes, ex quibus quam sibi J Ctus proposuerit, cum hæc scripsit, vix hæriolus conjectabit. Mihi commodissima ratio hæc visa fuit; quam etiam Feldio probatam fuisse post deprehendi: ut primo illo præcepto, *Honestè vivere*, comprehendere voluerit omne officium, quod Justitia Universalis exigit: altero officium Justitiæ Particularis *οὐρανίου*, ut nemo laedatur sive in synallagmate spontaneo, sive invito: Tercio officium Justitiæ Distributivæ. Huic vero enarrationi quid desit, ex nostra sententia deinceps proposita perspicere poterit. *Guil. Gros. de prin. Jur. nat. cap. 9.* ubi ille hæc tria præcepta latius examinat. Notum est, ex quibus laciniis Pandectarum opus sit consarcinatum, ut illius particulæ ex Ulpiano decerpæ non possit exigi aliqua methodica ratio. Imò J Cti veteres etsi tantum non ubique admirabilis sui ingenii exempla exhibeant, in conclusionibus juris Naturalis felicissimè derivatis: fontes tamen & principia earum quod attinet, veluti Arethusæ aquæ magnam partem ea videntur delituisset.

XCIX. Tria alia summa Juris Naturalis capita commendavit J. C. Scaliger in præf. lib. 1. Epidorpi.

N

NAM.

*Natura tribus legibus agitantia vitam,  
 Nuturationis, luce caltus parata,  
 Vult fulta: quasi has dedit esse commentum.  
 Numen cole summum. Tibi prima, ultima meta hac.  
 Ne prodige te, nec tua prodige negligendo.  
 Ne cui facias, qua tibi facta non placerent.  
 Illis tribus omnis capitur beatitudo.  
 Quam qui nihili fecerit, exhibet inanis.*

Hæc quamvis satis latè pateant, multisq; actionibus applicari queant, sunt tamen longè plures vivendi regulæ à Natura proditæ, quas distinctè cognoscere interest; has vero si ad universaliora quædam principia revocare libeat, alia via incedendum esse, ex sequentibus parebit.

C. Cum vero præ aliis Jcti & Theologi quidam Angli in digerendis Legibus Naturalibus se exercuerint, illos adibimus. Primum inter eos locum meretur Joannes Seldenus. Is explicaturus Jura Naturæ, septem illa exhibet præceptis: quorum Primum agit de cultu Dei extraneo: alterum de Maledictione nominis divini seu Blasphemia: Tertium de effusione sanguinis seu Homicidio: Quartum de turpitudine ex illicito concubitu: Quintum de furto ac rapina: Sextum de Judicis regimine forensi, & obedientia civili: Septimum de membro animalis viventis non comedendo. Sed & in hoc ordine & numero multa desiderari possunt, quæ tamen Seldeno imputanda non sunt, ut qui non ex suo judicio, sed juxta disciplinam Jctorum Hebræorum hunc ordinem numerumq; definivit, neque adeò absolute Jus Naturæ, sed determinatè juxta disciplinam Hebræorum tradidit: qui Jus Naturæ appellant Jus Noachidarum, atque illa septem præ-

præcepta posteris Noachi, hoc est, generi humano, tanquam illustriora data esse existimant. Inter quæ uti non defunt, quæ Juri Arbitrario rectius accenseas, ita multa eaq; gravissima Juris verè Naturalis præcepta reliquis addi ab Ebraeis debuerunt. *Guil. Grot. de prin. Jur. nat. cap. 3. n. 10. & 17. Osiand. typ. leg. nat. th. 46. & 47.*

CI. Seldeni dum memini, simul Illustrissimi Domini Joannis Christiani, Liberi Baronis de Boineburg, recorder. Is, qua erat erga omnis generis studia singulari propensione, solebat viris doctis identidem eximia suggerere argumenta, in quibus ingenia sua exercerent. Itaque cum pro sua insigni humanitate variis aliis de rebus ad me scriberet, tum etiam mihi aliquoties significavit, se desiderare, qui ad imitationem Seldeni de Jure Naturæ juxta disciplinam Christianorum commentaretur. Exstat erudita Dissertatio, præmissa Ethicis Jo. Cirelli, qui est Crellius ille Socinianus, qua Virtutis Ethnicorum, Hebræorum & Christianorum differentia proponitur, multisq; argumentis ostenditur, tam superari Hebræorum virtutes à Christianis, quam illæ Gentilium Virtutes superant. Credo autem Mæcenæis quondam nostri desiderium hujus discriminis demonstratione non potuisse expleri, sed inprimis hoc illum voluisse, ut ex optimorum Theologorum, & inprimis Ecclesiæ Patrum, scriptis ostenderetur, quid ipsi crediderint Juris esse Naturalis: quibus argumentis quæque capita adstruxerint & illustraverint: quomodo illa disciplinæ Christianæ vel consentire, vel hanc Jure Naturali præstare & præ illo multa eximia habere existimaverint. Cum itaque hoc argumentum nemo feliciter tentare, nedum perficere tantum opus possit,

nisi qui & Naturalis & Revelatæ religionis Christianæ exactam cognitionem sibi comparaverit, Theologis sanè hoc relinquendum est. Et quia imprimis in disciplina Christiana tantopere commendatur & Lex Charitatis & Lex Patientiæ, notumq; sit, cum ab aliis tum à Grotio his multos singulares effectus tribui solere, hortatus sum, imò rogavi nonnullos, ut his Legibus explicandis aliquam operam navarent: docerentq; quatenus illæ cum Juro Naturæ convenirent, aut ipsi præcellerent. Sed quod hætenus obtinere non potui, denuo illis etiam atque etiam commendo, atque hoc cum Autore laudatæ Dissertationis voto utor: *Utinam tot Quæstiones subtiliores Theologorum acerrimis ingeniis disputatas, dissunderent sapius optima diludia in moralibus disquisitionibus? Utinam per Officiorum Christianorum attentiorum considerationem emolliantur tot polemica scripta! ultro citroq; commissa tam impotenter, ut styli mucrones in gladios porrecti fuerint; sapissime vero calami vocesq; si non sanguine maduere, livido tamen felle ac nigro loliginis succo tincta fuerint. Sic Fides ad conscientiam rectam tanquam ad metam directa secundum præscriptum Apostolicum, speculationes actionesq; redderet accuratas magis quam curiosas. Quod igitur Macenati Germaniæ, cum viveret, studium præstare non potui, illud saltem aliis me post ejus obitum sedulo ac publicè commendasse tumulo ejus inscribo,*

—      —      *ubi mollis amaranthus illum  
Floribus, & dulci adspirans complectitur umbra.*

CII. Secundum locum teneat Robertus Sharrock, qui scripsit Hypothesin de Officiis secundum Jus Naturæ. Illius Hypotheses hanc facit synopsis. *Finem Homini esse*

esse docet, ut sine conscientia stimuli in animi tranquillitate & gaudio versetur. Media ad hunc finem obtinendum esse ait, si Naturæ leges & placita studiosè observentur, quæ jubent, Ut nemo alterum innocentem lædat, Ut quisque fidem servet, Ut bene de se merenti par retribuat, Ut sibi ipsi, Ut proli, Ut consanguineis benefaciat; quorum primum ipsi *Philanthias* nomine venit: Ut sanguine disjunctis proficit. Neque dictas tolli existimat obligationes: nisi aut 1. solverit debitum; Aut 2. impossibilitas solvendi emerferit, Aut 3. remiserint eam personæ, quarum intererat obligationem fuisse præstitam. Denique si Homo peccaverit, vult illum studere, quò 1. Damnum à non præstita obligatione natum reparet, 2. Ut Numen offensum placet. Præterquam vero, quod in his non deprehendatur summum Obligationis Fidei, Juriumq; principium; neque hæc speciatim recensita capita Juris Naturalis disciplinam exhauriunt, neque diversa satis distinctè proponuntur, neque denique apparet, quomodo ex sola Juris Naturalis disciplina Numen offensum omnino sit placandum, quamvis inde quidem constet, offensum illud placandum esse.

CIII. Tertiū locum occupet Edoardus Baro Herbert de Cherbury & Castri insulæ de Kerry, Regni Anglicani Par, qui Religionis Naturalis communes notitias ad quinque hæc capita redigit: 1. Esse aliquod supremum Numen, 2. Illud esse colendum, 3. Virtutem & pietatem esse præcipuas partes cultus divini, 4. Resipiscendum esse à peccatis, atque illa qualiacunque per Pœnitentiam expiari debere, 5. Præmium pœnamq; post hanc vitam dari. Cum vero hic Autor id cumprimis agat illo suo

libro *De veritate*, prout distinguitur à *Revelatione*, *Verosimili*, *Possibili & Falso*, cui alium attexuit de *Causis errorum & Religione Gentilium*, ut omnem auctoritatem & fidem Revelationi subducat, non est quod ei multum tribuamus, cui consilium est, rejecta omni revelatione, Atheismum stabilire, etiamsi Juris Naturalis præcipua capita videatur venerari. Neque enim illum hoc serio agere existimandum est, ut Religionem Naturalem ex Jure Naturæ descendente confirmet, sed ut his cuniculis actis malitiam suam regat, & sub specie defensionis religionis naturalis revelationem religionem labefacteret atque opprimat. Neque enim ignorare ille potuit, nimis imperfectam esse religionem naturalem, ut per eam quis salutem adipiscatur: deinde quod illa religio in plures diffundatur leges, æquæ necessarias scitu, & non minùs, atque istas à Natura promulgatas. Et quomodo item ille probabit, quomodo Jure Naturæ sit placandum Numen offensum, an sola poenitentia, & quali illa, præsertim si quis in eadem peccata sæpius fuerit relapsus? *Videsis Osiandr. de Typo leg. Nat. rh. or.* Et inprimis eruditam *Disp. Dn. D. Christoph. Franckii*, Collegæ & Amici nostri conjunctissimi de *Religione Naturali*, qua sibi etiam illum Herbertum refutandum delegit.

CIV. Huic succedat Richardus Cumberland Theologus, ejus Disquisitionis Philosophica de Legibus Naturæ Anno 1672 Londini typis exscripta est. Ille ita docet, *Benevolentiam latissimè diffusam esse, officiorum nostrorum principium, mensuram, regulam, unicamq; legem: quin etiam eandem actionum nostrarum finem, amplissimum quod expectimus premium, summum denique hominis bonum.* Hæc officia benevolentia præstanda esse ait in toto *Systemate Rationali*,  
cujus

cujus partes facit Deum & Homines. Cumq; hanc tractationem comparationibus subindè à Mathesi desumptis illustrare destinasset, summulam tum præceptorum omnium Legis Naturalis, tum sanctionum eis annexarum (Sanctionum voce tam Præmia quam Pœnas complectitur) in summo illo principio, ejusq; consecratio de oppositis contineri sic breviter ostendit. Subjectum illius est studium, pro viribus nostris, Communis Boni totius Systematis Rationalium. In hoc autem exprimitur Amor erga Deum & Homines universos, qui scilicet sunt partes hujus systematis. Deus quidem est pars præcipua: Homines sunt partes ei subordinatæ: erga utrosque Benevolentia Pietatem & Humanitatem complectitur, hoc est, utramque Legis Naturæ tabulam. Prædicatum vero illius propositionis est conducens ad bonum singularum ejus partium, quo nostra, velut partis unius, felicitas continetur: quæ obsequii præmium est summum, uti miseria ex oppositis actibus consequens pœna est summa nequitia. Nexus vero prædicati cum subjecto naturalis & fundamentum est Veritas propositionis, & indicium naturalis nexus inter obsequium & præmia, nec non inter transgressionem & pœnas. Si igitur, inquit, concedatur, manifestam esse necessitatem, si beati esse volumus, amicitiam cum Deo Hominibusq; colendi, statim agnoscitur Sanctio Legis illius Naturalis generalissimæ, putà, quàm de Benevolentia proposuit. Ea enim unica & Religionem totam naturalem, & omnia ad humani generis felicitatem necessaria stabilit: Ea vero sunt præter Pietatem, 1. pacifica inter Gentes diversas commercia, quò spectant Jura Gentium omnium: 2. Societatis



tatis civilis constitutio, aut conservatio, quò collimant  
*Leges Civiles*: 3. *Domestica* necessitudinis & amicitia  
 omnis firmitas, de quibus tum generales regulæ, quæ  
 Gentium pacem firmant, tum speciales æconomica præci-  
 piunt. His positis Lectorem rogat, ut ea non separatim  
 tantum sed conjunctim consideret, ut ex omnibus con-  
 junctis unum exsurgat argumentum, sanctionem Legis  
 Generalissimæ inde evincens, quod homines necessario  
 excident summa sua felicitate, quæ in actione seu usu fa-  
 cultatum suarum proprio & adæquato consistit, nisi eas  
 exerceant in colenda cum Deo Hominibusq; amicitia,  
 ad quem effectum præ cæteris omnibus à natura ado-  
 ptantur, quod quidem Legis transgressoribus excusatio-  
 nem nullam relinquit. Quapropter cum certo præsciri  
 possint hi effectus ex hoc studio secuturi, neminem latere  
 posse ait, in iis contineri Religionis solamina gaudiaq; præ-  
 sentia, cum beatæ immortalitatis spe ubique terrarum  
 conjuncta, multaq; insuper pacati cum exteris commer-  
 cii commoda, omniaq; Regiminis Civilis & Domestici,  
 nec non Amicitia emolumenta huic studio velut præmia  
 annecti, eaq; non alia ratione, quæ in nostra sit potestate,  
 adquiri posse, ipsumq; adeò qui Boni Communis curam  
 rejicit, eatenus rejicere has suæ felicitatis causas, & mi-  
 seria seu pœnæ imminenti causas amplecti. Hoc studium  
 Communis Boni prudentibus suppedicare regulam inquit,  
 cujus ope actibus suis & adfectibus certum statuatur modum,  
 in quo Virtus consistit. Hoc opus prudentis quidem ju-  
 dicio demandasse Aristotelem in definitione Virtutis, ve-  
 rum judicii ab eo ferendi normam non indicasse: suam  
 vero propositionem normam sumendam esse docere à  
 natu-



natura finis optimi maximiq; habito scilicet respectu ad omnes partes totius Systematis Rationalium, seu Civitatis illius, cujus Caput est Deus, membra omnes Deo subditi. Ab hoc fonte derivandum esse monet ordinem illum inter Leges Naturæ speciales, secundum quem prior posteriore quodammodo limitat, quod posteriores prioribus, & speciales omnes Generali subordinentur, ut tamen certum sit, de illarum nulla unquam à Deo dispensatum esse, sed in iis casibus, in quibus posterioris obligatio tolli videatur, materiam ita mutari, ut prior tantum Legi observandæ locus sit. Pauca ex multis attuli, ipsius Auctoris verbis ex Prolegomenis huc adductis. Ipsum Opus in sequentia capita partitus, primò *de Natura Rerum*, II. *de Natura Humana & Recta Ratione*, III. *de Bono Naturali*, IV. *de Distaminibus Practicis*, V. *de Legge Natura ejusq; Obligatione*, VI. *de iis, quæ in Legge Natura generali continentur*, VII. *de origine Domini & Virtutum Moraliæ*, VIII. *de Virtutibus Moralibus sigillatim*, IX. *de Confectariis* agit. Est certè Liber ille lectu dignissimus, cujus dogmata pleraque veritati, & quoque fini à Natura homini proposito sunt consentanea. Cum autem præcipuum ejus fuerit consilium, ut Hobbesianam Philosophiam Moralem & Civilem everteret, Legem illam Naturalem generalissimam Statui lupino naturali Hobbesiano maximè adversam opposuit, indeq; suas demonstrationes petiit: in quo tractatu nihil ferè desidero, nisi concinniozem methodum, & perspicuitatem. Quæ si adhibita fuissent, tantum non ubique nobis consentientem cum deprehendere liceret. Ita icisset sit, ut diversis sæpe viis ad eundem finem iter institueretur.

CV. Postremum locum dabimus Thomæ Hobbes; occupat enim extremum scabies. Ille cum perperam Jus Naturæ definivisset, quod sit *dictamen rationis circa ea, quæ agenda vel omittenda sunt ad visa membrorumq; conservationem, quantum fieri potest, diuturnam*; post hoc ordine Leges Naturales proponit *cap. 2. & 3. de Cive*. Prima, inquit, & fundamentalis lex naturæ est, quærendam esse pacem ubi haberi potest; ubi non potest, quærenda esse belli auxilia. Mox addit: Legum naturalium à fundamentali illa derivatarum unam esse, jus omnium in omnia retinendum non esse, sed jura quædam transferenda, vel relinquenda esse. II. Pactis standum esse. III. Est de vitanda Ingratitudine, Nec eum, qui fiducia tui tibi prior benefecerit, eam ob rem deteriore conditione esse patiaris: sive ne accipiat quisquam beneficium, nisi animo nitendi ne dantem dari meritò pœniteat. IV. Ut quisque se præstet commodum cæteris. V. de Misericordia, Oportere alterum alteri, sumpta cautione futuri temporis, præteriti veniam petenti & pœnitenti concedere. VI. In ultione seu pœnis spectandum esse, non malum præteritum, sed bonum futurum. VII. Ne quis vel factis, vel verbis, vel cultu, vel risu, alteri ostendat, se illum vel odisse, vel contemnere. VIII. Vetat superbiam, Ut unusquisque natura unicuique æqualis habeatur. IX. Ut quæcunque jura unusquisque sibi met ipsi postulat, eadem etiam unicuique concedat cæterorum. X. Ut unusquisque in jure aliis distribuendo, utrique parti æqualem se præbeat. XI. Quæ dividi non possunt, communiter (si fieri potest) utenda esse, idq; (si quantitas rei permittat) quantum quisque velit. Sin quantitas rei non permittat, tum præfinito, & proportionate ad  
nume-

numerum utentium. XII. de sorte dividendis. XIII. de Occupatione & Primogenitura. XIV. Pacis mediatoribus præstandam esse incolumitatem. XV. de constituendo Arbitro. XVI. Neminem debere esse arbitrum vel judicem suæ causæ. XVII. Neminem arbitrum esse oportere, cui commodi vel gloriæ spes aliqua apparet major ex victoria unius partis, quàm alterius. XVIII. de Testibus. XIX. Nul- lum pactum vel promissum intercedere, inter ipsum & partes, quarum arbiter constitutus est, cujus vi teneatur in gratiam alterius partis pronuntiare: neque cujus vi te- neatur ad id pronuntiandum, quod æquum est, vel æquum esse censeat. XX. Est contra crapulam, eaq; quæ rationis usum impediunt.

CVI. Plurima in his aliisq; desiderari possent, ex qui- bus tantum pauca delibabim9. Primo ille præsupponit Sta- tum aliquem Naturæ, in quo unicuique jus sit datum in- omnia, hoc est, ut absque pacto cuique liceat facere quæ- cunque, & in quoscunque. *cap. 1. n. 10. In statu merè na- turali, si occidere cupis, jus habes ex ipso statu*; ait *cap. 2. n. 18.* Fingit ille homo statum Naturæ qui à Natura damnatur, &, qui non Naturæ, sed Diaboli status est. De Jure Na- turæ enim qui velit rectè docere, necessum est, primò omnium advertat, quis sit illius autor: deinde hoc co- gnito, necessum est talis præsupponatur status, ejusq; ta- lis finis, cui talia jura à tali autore lata sint accommodata. Itaque cum à Providentia divina Jus Naturæ sit profe- ctum, illud naturæ humanæ rationali, sociali, tranquillitatisq; cupidæ est accommodatum; non autem naturæ corruptæ, vitiosæ, maliciosæ, cujus instinctu homo ho- mini sit lupus.

CVII. Quid vero illum impulit talem Statum fingere? Primò quidem, quod in Statu naturæ mensuram juris naturalis Utilitatem fecerit. Deinde quod primam legem hanc Homini datam esse putet, ut cum primis quærat conservationem sui. Denique quod quis fecerit in statu merè naturali, id injurium esse homini quidem nulli. Primum indubiè falsum est. Nam licet à Jure Naturæ Utilitas non absit, sed maxima illud sequatur; non tamen hæc ejus est mensura, sed ut Voluntati divinæ conformetur voluntas hominum, id quod fit, si legibus naturæ ab æterno & intrinsecus bonis obtemperent. Principaliter igitur Utilitas est mensura Juris Arbitrarii, Naturalis Honestas. Alterum quod attinet, est quidem homini conservatio sui commendata à Natura, sed ut id fiat citra injuriam alterius. Si enim velis conservationem sui primam in hoc statu lupino facere regulam, & simul profiteri Hominem non esse animal sociale, neque injuriam in hominem committi in hoc statu, quæ omnia ita cumulat hic *αὐτοκράτωρ* scriptor, cælum gehennæ miscbitur, & terribilissimis flagitiis fenestra aperietur. Nam, inquit, injusticia erga homines supponit leges humanas, quales in statu naturali nullæ sunt. Docet ille homo, esse quidem leges naturales, ut tamen ex illarum læsione nulla in homines redundet injuria; hanc enim tantum existere ex illarum legum læsione, quas ipsi homines inter se condiderint. Plurimas vero leges naturales DEUS condidit immediatè hominum bono inservientes, sic ut officia hinc debita ab homine homini sint præstanda. Hæc igitur si tu neglexeris, aut contraria feceris, Deum cerè offendis, harum legum autorem, ut tamen etiam

etiam homini damnum aut injuria inferatur, quatenus illi non præstatur id, quod ex lege naturali ipsi præstandum erat.

CVIII. Cum igitur falsissimis hypothesibus Hobbesiana somnia sint subnixa, explosa dudum & solidè refutata ab ipsius cumprimis civibus, non merentur reliqua illius placita operosam disputationem, sed potius istiusmodi fanatica dogmata ex numero philosophicorum scriptorum, imò toto orbe saltem Christiano sunt proferibēda. Cur vero illas suas leges naturales eo ordine aptaverit, hinc colligere licet. *Præcepta*, inquit, *hoc loco ea tantum tradidi, quæ pertinent ad conservationem nostram, contra pericula quæ a discordia oriuntur.* Unde vero uberior discordiæ seges, & plura gravioraq; pericula emergere poterunt, quam si talem Naturæ statum comminiscaris, ubi omnibus in omnia & omnes jus sit datum? Nonne hoc posito lex ejus fundamentalis everteretur, Pacem diligentissime esse querendam, & disfidiiis bellisq; frequentissima imò perpetua occasio præbebitur? Cumq; omnis mali, quod in ipsius commentitio statu naturali cernitur, remedium velit esse in pactis, ut his belluina licentia refrenetur, à statu isto naturali omnem removet justitiam, qua verus status naturæ maximè est munitus; quanquam etiam Pactorum vim enervat, ceu mox audiemus. Pleraque ex reliquis præceptis cum item sint comparata ad corrigendum illum statum efferratæ licentiæ, bono fine ac fundamento destituuntur, quæ extra tale propositum alioqui pro genuinis naturæ legibus reputanda sunt, ut tamen hæc sola minimè Jus Naturæ omne exhaustiant, imò multa ejus capita istis enumeratis longè præstantiora magisq;

necessaria sint. Ut verò sorte fiat divisio, neque jubet neque vetat Naturæ jus, sed arbitrio hominum relinquit. Primogenituræ jus etsi fortè non repugnet Juri Naturali, non tamen inde, sed à placito hominum obligationem accepit. Arbitri officium etsi in variis negotiis possit esse occupatum, illud tamen una Justitiæ regula, suum cuiq; tribuendum, est definitum.

CiX. Nunquam fateor, incidi in ullum Scriptorem, qui absurdiora ac tetriora placita orbi exposuerit: ut sanè sæpius miratus fuerim, quomodo ullius viri docti boniq; suffragium mereri potuerit. Qui enim doctrina vel leviter tinctus, & non omnino hospes fuerit in Philosophia practica, (de hac enim sola nobis jam sermo est) facile deprehendit, quantopere ille impostor suo ingenio ad adstruendum atheismum, tyrannidem, omneq; improbitatis genus abusus sit. Idem si bonus fuerit, (conjugi enim cum doctrina bonitatem cupimus) non poterit non impia hæc & insulsa dogmata detestari, maloq; genio adscribere. Vel ergo utroque, vel saltè alterutro si quis sit destitutus, & fortè temeraria novitatis cujuscunq; cupiditate insuper accensus, has divinæ vindictæ primitias sentit, ut pestilentissimis etiam mendaciis facili tribuatur adensus, atque etiam per talia exempla verbi divini auctoritas stabilietur. Ita enim inquit Apostolus 2. *Thess.* 2. v. 11. & 12. *ὅτι τὸ πᾶν ψεύει αὐτοὺς ὁ θεὸς ἐν ἔργῳ πλάνῃς, εἰς τὸ πεινῶσαι αὐτοὺς τὴν ψυχὴν. ἵνα κερθῶσι πάντες οἱ μὴ πιστεύοντες τῇ ἀληθείᾳ, ἀλλ' ὁδοιποροῦντες ἐν τῇ ἀδικίᾳ.* Ideo mittet illis Deus operationem erroris, ut credant mendacio. Ut judicentur omnes, qui non crediderunt veritati, sed confesserunt injustitiæ. Add. ibi annotatio Beza, Cum igitur hæc nova philosophia Hobbesia.

besiana in Gallia, Belgio, imò & in Germania à nonnullis avidè fuisset excepta; Veritatis, Pietatis ac Justitiæ studio excitati præter alios imprimis fuere in ipsa Anglia multi Viri docti boniq; qui larva huic philosophiæ detracta monstrosam ejus deformitatem detexerunt, ne quid vel Respublica vel morum probitas hinc detrimenti caperet. Ex his nonnulli omnem philosophiam Hobbesianam, alii tantum civilem & moralem destruxerunt. Inter istos referendus est Sethus Wardus, in Academia Oxoniensi Astronomiæ Professor, qui hæc duo Hobbesianæ philosophiæ practicæ fundamenta esse dicit, eaq; convellit: *Alterum est, esse vel fuisse quendam hominum statum, quem vocat Naturalem, ubi sine lege aliqua soluti vagabantur. Alterum est, pactis eos in societatem & Regnum coisse, Regnum sive imperium absolutum, quod nullam iis omnino relinquat libertatem.* Posterius si quis fortè in dubium vocet, (prius enim nimis manifestè nimisq; frequenter inculcat) ac si alibi aliter hac de re loquatur, is velim probè attendat, *Hobbiæ doctrina sua infami saepe nebulam offundere, & ut contradictionibus, sine quibus vivere non posse videtur* (verba sunt Sethi Wardi) se expediat, quidvis quocunque modo moliri,

CX. Cumberlandius vero paulò antè laudatus, ut Jus Naturæ cumprimis adsereret, calamus strinxit in *Hobbiæ malè moratam philosophiam, in qua omnis impietatis, injustitiæ, nequitie, discordiæ denique jacta sunt fundamenta: Quibus instituuntur ejus sectatores in Atheismi mysteriis: Quod S. Scriptura ille hypocrita fuerit abusus, cujus auctoritate animis moveri nequiverit, quippe quam à voluntate singularum Civitatum totam derivari statueris, adeoq; earum* arbi-

*arbitrio esse mutabilem: hic validam, alibi nullam esse docuerit: Quod sua doctrina sibiimet adeò repugnet, ut in Atheismum ruat, & neget Leges ullas Divinas vel à Natura disci posse, vel è Sacris Scripturis, nisi Revelatio cuique particulariter detur, quia Scriptores sacri fuerint Propheta: Quod Leges Civiles sint unica regula discernendi inter Bonum & Malum: Quod sibi apertè contradicat, dum Jura Natura valida esse contendit quod ad actus externos; Leges autem Natura eo in statu ad actus externos non obligare. Præterea ostendit, Hobbii doctrinam esse talem, Ut jus det unicuique committendi crimen læsæ Majestatis: Tolli per illam omnem obligationem, omnemq; adeò usum fœderum: Tolli Legatorum & Commercio- rum omnium securitatem: Imperiorum omnium fundamenta subrui: Principum naturam illum depingere naturâ ferarum ferociorem & crudeliorem: Doctrinam ejus de jure omnium ad omnia non pati, ut quisquam societatem civilem inire possit: ejus sententiam cives armare ad rebellionem: Hobbianam doctrinam de Pactis, & Juramentis Imperiis summis perniciosam esse: Hobbium omnia Principibus adimere, quæ adulationis causâ videri vult illis tribuere ultra alios philosophos; imò pessimorum flagitiorum illos incusare, dum nullis legibus eos adstrictos esse contendit: Omnem Principibus sapientia & justitia laudem adimere: quæ Hobbius iis tribuit, ab ipsis Principibus rejici, & ab ipso Hobbio iisdem denegari: Imperantes pactis non obligari, ideoq; nullam suis subditis, imò nec aliis Civitatibus injuriam facere posse. Ecce flosculos ex Hobbiesianis scriptis à Cumberlandio excerptos? De cujus fide non est quod quispiam dubitet: aut certè si dubitat, fortè quod existimet, sanæ mentis homini talia in mentem nunquam venire potuisse; ipsum diligentius inspiciat Hobbium, & vera locutum depre-*



deprehendet Cumberlandium. Exempli loco postremum dogma ipse Hobbius suis confirmabit verbis, quæ leguntur cap. 13. de Cive. §. 7. *Status inquit, Civitatum inter se Naturalis, id est, Hostilis est. Neque si pugnare cessent, ideo Pax dicenda est, sed respiratio: in qua hostis alter alterius motum vultumq; observans, securitatem suam non ex pactis, sed ex viribus & consiliis adversarii æstimat. Atque id Jure Naturali, quod pacta in statu Naturali, quoties justus metus intercedit, sunt invalida. Et in Leviathane (monstruosam doctrinam monstruosus indicat Titulus) cap. 13. Reges, inquit, & persona summam habentes potestatem, omni tempore hostes inter se sunt. Et bello omnium contra omnes consequens est, ut nihil sit dicendum injustum. Nomina Justi & Injusti locum in hac conditione non habent. Vis & Dolus in Bello Virtutes Cardinales sunt. Quod justus metus liberet à Pactis, alibi ita explicat: Quenam autem sit justa causa metuendi, ne altera pars non præsistura sit, quod promisit, ea, qua metuit, erit iudex. His ex Orco protractis dogmatibus speciosum sæpe fucum illinit, & cumprimis hanc hypothesin præstruxit, Hominem natura duce studere conservationi sui, adeoq; experere bona, & declinare mala: qua cum ille pessime fuisset abusus, sic de eo judicat Osiander d. tr. th. 30. In Diaboli sensu hac adhibuit sua opinioni confirmandæ, & ad mentem illius, qui pater mendacii, ad sua traduxit. Nunquam ergo eidem subscribet veritatis studiosus, nunquam probabit Jus Naturale esse illam incircumscriptam libertatem. conditionem hominum extra societatem civilem aliam non esse quam bellum omnium contra omnes, atque in eo esse ius omnibus in omnia: primam originem cœcuntium in unum esse metum, nec legem naturæ aliud insendere, quam sui con-*

*servationem. Fingit enim homines sine dependentia ad commune quoddam caput, Stirpem universi generis humani. Fingit hominem liberum ab omni nexu fraternitatis. Fingit hominem ab ipso Deo conditum ad dissidentiam. At quis hac a veritate & recta ratione dissona concedet huic Philosopho?*

CXI. Prodiit quoque Londini superiori, ni fallor, anno Idea Theologiæ Leviathanis, autore Joanne Temple S. T. D. & Prof. qua præmittitur erudita Exercitatio de Sacro Canone, ostenditurq; S. Scripturam in omnibus ad Salutem necessariò spectantibus esse perfectam regulam. Exhibetur deinde Syllabus plurimorum dogmatum ex Theologia Hobbesiana depromptorum, quæ ab hoc autore refutantur, & omnium Christianorum judicio damnari merentur. Insperguntur vero etiam quædam alia, ad Jus Naturæ pertinentia, veluti, *Nihil est bonum & malum simpliciter: Quod ad actionis honorem attinet, modò actio magna & ardua sit, & proinde magna potentia argumentum, utrum justa aut injusta sit, parùm refert: Religionis semen naturale consistere in metu spirituum, ignorantia causarum secundarum, cultu eorum quætimemus, & sumptione fortuitorum pro prognosticis: Status Natura est Status belli: Unicuique jus esse, omnibus viis & modis seipsum conservandi. Juris Naturalis summa est: Si multi homines contra Civitatis potestatem summam crimen aliquod commiserint capitale, propter quod, nisi se defendant, expectant mortem; habent libertatem junctis viribus se mutuo defendendi: Hac doctrina, Quidquid facit Civis contra conscientiam suam est peccatum, est seditiosa: Quilibet civis privatus non est judex bonarum & malarum actionum: Schola hætenus inutiles fuisse. Hæc & alia ejusdem farinæ verbis Hobbesii exhibet Templeus,*  
*bonisq;*

bonisq; rationibus absurda & impia dogmata destruit: cui de prostrato & profligato *Hobbianismo* *ἐμνίκιον* cecinit Car. Roborham, Norfolciensis, quo cum ille compendio recitet Hobbii placita, & de illo ipso sincere judicet, illud adicere haut pigabor, cum primis si ejus elegantia fastidium ex Hobbiana vesania perceptum lector fortè levare queat.

*Quis hic Colossus, qui tremendis faucibus  
Immane hians, porrectus immensum jacet,  
Vomitq; turpi, fæda ructans dogmata,  
Utrumq; & hinc & inde litus polluit?  
Malmisburiensis Hydra, pelago luscians  
Grandis Leviathan, & Giganteus Draco,  
Informe monstrum, Belluq; Britannica,  
Usq; adeò ad instar Africa, Hic & angulus  
Subinde nobis aliquid apportat novi.  
Sed gratia Superis pari passu ambulat  
Noxa & Medela: Aten citò sequuntur Lite:  
Accidit Hydra Hercules suus: eadem Insula  
Qua dederat ortum Monstro, & interitum dedit.  
Subigitq; protinus, ipsa que peperit, malum.  
Sic pestis improba Pelagiana lucem  
Labemq; sustulit Bradardini manus.  
Sic jam Co-insularis isidem Hobbessii  
Pythona, jaculis mille confossum dedit  
Templeriana dextra, Pythii amula.  
En quàm labascit ictus, horrendum gemens,  
Tenuisq; castum cor Myrmus occupat!  
Lethale pharetra virus en ut intimas  
Sorbet medullas corruentis Bellua!  
En quam deartnata penitus, & ultimam*

*Halans Mephitim purulento è gutture,  
 Spisso cruore lata tingit aquora!  
 Tanti Triumphi gloriosa laurea,  
 Tua (plurimum Colende) prensat tempora.  
 En quam citatis passibus, quanto agmine,  
 Adorearum cumulo ostantem prosequi  
 Festinat ingens Gratulantium Chorus.  
 Ara, fociq., humana, divina omnia,  
 Verenda Trinitas, Deus, Anima & Angeli,  
 Natura, Gratia, Civitas, Ecclesia,  
 Ecclesiaeq. peculium (regimen, fides,  
 Ordo, potestas Clavium, Leges, Canon;  
 Concilia, Synodi, Martyres, Miracula,  
 Reditus, Schole, Lycea, Phrontisteria,  
 Sedes Supernae) & quidquid uspiam est Sacri  
 Vel Christiani nominis, Te supplexor  
 Veriq. περὶ πάντων, Te salutant vindicem.  
 At Tu, nefandum Propalator dogmatum,  
 Insanientis editor sapientia,  
 Fatalitatis impia Præco & Pugil,  
 Insuperbe materiati Adorator Dei,  
 Monocondyli Fabricator inclyte Symboli,  
 Fidei Novator improbe, veterum hæresum  
 Interpolarum Mango nugivendule,  
 Sartor Satorq. falsitatum strenue!  
 Descende cathedra, & Spongie deletili  
 Incumbito, blasphemiarum desinens.  
 Ote beatum, falsa sitandem scias  
 Mutare veris! Bis at O miserum, si neget!*

Mittamus Hobbiū, ejusq; plus quam barbaram philosophiam, ut tamen & nos ei ex Varrone elogium epitaphii vicem adscribamus.

*Postremò nemo agrotus quidquam somniat*

*Tam infandum, quod non aliquis dicat Hobbesius.*

CXII. Præter hos Juris naturalis Commentatores in Britannia magno in pretio haberi Jeremiā Taylor Episcopum Dunensem in Hibernia, perscripsit ad me ante annum Amicus ex Academia Oxoniensi, eoq; autore prodiisse memorat *Ductorem Dubitantium*, sive Regulam Conscientiæ universalem eoq; libro, patrio sermone loquente, de Conscientia in genere, deinde de Legibus cum Naturalibus tum Positivis fusè illum differvisse: de quo alii judicent.

CXIII. Possem equidem plurium autorum methodos hic judicandas proponere, nisi & illæ partim valde essent mancæ, & multi penè sine methodo Juris Naturalis disciplinam tradidissent, solis præceptis ac legibus naturalibus nobis exhibitis: quorum philosophandi ratio Parænetica dici consuevit. Talia sunt ferè Stoicorum scripta, Epicteti, Senecæ: quin & ipse Plato id videtur præcipuè egisse suis libris. Ex recentioribus Martinus Schokius *diff. post. de Jur. Nat. lib. 24.* triplicem facit Hominis statum, Ethicum, Oeconomicum & Politicum, & pro hac diversitate disciplinam Juris Naturalis digerendam esse putat. Præterquam vero quod ista status divisio Aristotelicis non probatur, etiam applicatio Autoris hanc secuta admodum imperfectè ab illo est tractata. Superioribus omnibus illa tamen præferenda est, quæ Decalogo observata fuit, & quam plurimi sequuntur, quos inter etiam Melancthon est, & Guil. Grotius. Cum vero præceptum tertium

ad Jus Arbitrarium divinum pertinere credamus, & hunc ordinem secuti, minus plenam fore hujus disciplinæ tractationem existimemus, & nostra libertate judicioq; hac in re utemur.

CXIV. Cum sit aliqua rerum moralium etiam Scientia, atque hæc Demonstrationibus abolvatur, Demonstrationes vero ex genuinis ac domesticis principiis arcessantur, etiam Juris Naturalis disciplinæ, quæ cum scientia philosophiæ moralis planè eadem est, sua sunt principia: quæ secundum divisionem Aristotelis *1. post. Anal. 2.* vel sunt Hypotheses, vel Axiomata, vel Definitiones. Si igitur Juris Naturalis disciplina methodicè sit tractanda, primò omnium summum Obligationis, fidei ac justitiæ principium est quærendum. Itaque prima hypothesis hæc est, Deum esse. Quia enim hoc principium lumine naturæ potest esse cognitum, non tamen hæc cognitio propria est philosophiæ moralis, sed alterius disciplinæ, ideo in ista hypotheseos conditionem ac vicem subibit, *Grot. de J. B. P. lib. 2. c. 20. n. 55. Idem de ver. relig. Christ. lib. 1. pr. Guil. Grot. de princ. jur. nat. cap. 5. n. 2.* Altera hypothesis hæc est, Esse quandam Dei Providentiam, qua ille res humanas omnes, & quidem summa cum Bonitate ac Justitia, procurat. Paria enim sunt Deum tollere, vel ei curam rerum humanarum adimere, *Guil. Grot. d. c. 5. n. 5.* Denique ne Deus ejusq; Providentia suo effectu destituatur, ex lumine naturæ hæc tertia hypothesis præsupponenda est, Animam humanam fore immortalem, vel saltem post mortem superstitem. Et quamvis hæc hypotheses à priori fortè difficilius demonstrantur, à posteriori tamen minus difficulter, & solidè illas demonstrari posse nullus dubito.

CXV. Ubi

CXV. Ubi igitur has hypothesen quis plenius tractaverit, & materiæ morali applicaverit, facili negotio omnia illa in Deo attributa deprehender, quæ ad demonstrationes has practicas necessaria visa fuerint. Conclusiones quoque hinc eadem facilitate colliget, ex quibus appareat, ad quæ Deo seorsim præstanda Homo obligetur, putà Deum esse supremum Legislatorem, supremum fidei sequestrum, & hunc Deum esse colendum. *Guil. Grot. de prin. Jur. nat. cap. 5.* Etsi enim quædam Juris Naturalis conclusiones æquæ sint evidentes atq; illius Principia, non tamen hæc cum istis confundenda sunt, adeoq; ista propositio, Deum esse colendum, non pro principio, sed conclusione reputanda est, quæ cum per demonstrationem facile possit elici, si tamen ei ad sensum quis protervè deneget, pœnis illum extorquendum esse jubet Aristoteles. *Non oportet omne problema aut omnem thesin in questionem vocare, sed eam, de qua dubitare quispiam possit egens rationis, non pœna, aut sensus.* Nam qui ambigunt, utrum oporteat Deos colere, & parentes diligere, nec ne, pœna: qui vero dubitant, utrum nix sit alba, nec ne, sensu indigent. 1. Topic. 1. in f. Itaque jure naturæ puniri potest, qui vel Deum esse, vel eum colendum esse protervè neget; quamvis hoc eo extendendum non sit, quod jure naturæ etiam puniendi sint, qui fortè non eundem nobiscum Deum, vel cultum divinum non eundem agnoscunt. Viderint ergo Reges, quomodo obtentu religionis Christianæ cruentas in Americanos aliosve populos expeditiones suas defendere vel excusare queant. Consilium vel autoritas Papæ nihil illis proderit. Ubi de Deo, supremo Numine ac Legislatore, colendo constiterit, partes illius cultus divini haut difficulter agniti  
iri

iri existimō, à perjurio, blasphemia & similibus delictis abstinendum, Deumq; summo amore summoq; honore religiosè adficiendum esse: unde sequitur, legibus quoque Dei naturalibus obedientiam esse præstandam. Quæ universalis obedientia aliàs Pietas, &, quatenus ad hanc Conscientia se obligatam esse intelligit, *Religio* dici solet: quibus etiam officia primæ tabulæ Decalogi exhauriri videmus.

CXVI. Docet Aristoteles, semper conjuncta reperiri hæc tria Societatem, Jus & Amicitiam. 6. *Nicom.* 9. §. 2. Primum igitur & secundum ex his quod attinet, convenienter statuit Cicero de *Legibus*, Quod prima societas sit homini cum Deo, altera cum homine. *Prima*, inquit, *homini cum Deo rationis societas. Inter quos autem ratio, inter eosdem etiam recta ratio communis est. Quæ cum sit lex, lege quoque consociati homines cum diis putandi sumus. Inter quos porro est communio legis, inter eos communio iuris est.* Certum igitur esse credo, inter obligantem lege, & obligatum, esse quandam Societatem; ut tamen alia sit Societas, quæ est inter Deum & homines, & quæ est inter homines ipsos. Cum enim Deus hominibus sit multum, & semper superior, ideo propter hanc grandem inæqualitatem hæc est quædam Societas analogica. 8. *Nicom.* 7. §. 19. & cap. 12. §. 21. ubi obiter indico, priorem textum mihi videri corruptum. Homines vero inter se consociantur partim providentia Dei, quod rationalem ac socialem ab ipso non solum naturam, sed & huic convenientia jura acceperint: partim facto suo, variis initis conventionibus, juribusq; constitutis, per quæ vel superior sibi obligat subditos, vel par parem; unde denuo aliæ atque aliæ Socie-



Societates nascuntur. Hæc quò pertineant, mox videbimus.

CXVII. Quando Deus hominem obligat, tunc ex illa obligatione diversarum legum naturalium, vel aliquid ab homine exigitur præstandum ipsi Deo immediatè, vel ut ipse obligatus sui causa quid faciat, nec ne, vel ut aliis hominibus quid præstet, quibuscum in Societate vivit. Inter homines vero constituta obligatio eò ferè omnis pertinet, ut alter alteri vel mutuò sibi quid præstent. Cum igitur de illa Societate dixerimus, quæ est inter Deum & homines, illaq; officia attigerimus, quæ Deo immediatè ab homine sunt præstanda; Jam erit transcendendum ad ea, quæ Deus vult, ut quisque hominum sibi præstet. Dispiendum itaque primò omnium erit, quis sit Hominis finis ultimus, quatenus ille ut ζῶον φύσει πολιτικόν, *animal natura civile*, consideratur. Hunc finem esse dico, conformitatem seu convenientiam voluntatis humanæ, quæ actionum moralium proximum est principium, cum voluntate divina, legibus naturalibus expressa. In hac convenientia consistit illa *ἁρμονία* sive *ὁμοφωνία* Aristotelica, re nihil prorsus differens ab ista conformitate. Ut adeò rectissimè senserint illi veteres, qui summam hominis felicitatem dixerunt consistere in Assimilatione cum Deo. Quando igitur Homo voluntatem Dei iuribus naturæ promulgatam explet, atque ita primævam Dei imaginem juxta archetypum Legis Dei æternæ quàm fieri potest exactissimè exprimit; illa est à Platone commendata *ἁπλοεισως*, summa hominis felicitas, cum summa & sincera voluptate animiq; tranquillitate conjuncta: in quo fine ultimo cum Homo maximam, cujus quidem in hac

Q

vita

vita particeps esse queat; consequatur perfectionem, ideo eadem *ὁμοίως* habita fuit Hominis *πλείως*, perfectio. *Guil. Gros. de princ. Jur. nat. cap. 3. n. 7.*

CXVIII. Hanc *ὁμοίωσιν* & *πλείωσιν* Homo itaque obtinet, si Deo, sibi, & aliis præstanda præster, vitetq; contraria. Sicuti vero Deus hunc finem homini præfixit, ita quoque omnia ei media concessit, ad illum obtinendum necessaria, Rationem & Appetitum, cum libertate conjunctum, variaq; adminicula addidit, naturalem ad Societatem inclinationem, ejus necessarium instrumentum Orationem, inter tot opes rerumq; copiam valde dispersam pro incitamento Indigentiam, doctrinæ disciplinæq; & adsuæfactionis capacitatem, & similia. Quia vero Hominis magna agendi libertas est, ut possit agere, non agere, agere bene, agere malè, hanc libertatem physicam Deus legibus suis naturalibus constrinxit, ut non quibuslibet actionibus homo adsuësceret vel indulgeret, sed iis tantum uteretur, & talibus, quæ normæ legum naturalium responderent, quibusq; voluntas hominis agendo conformaretur voluntati divinæ.

CXIX. Hæ actiones illi normæ ita conformes aliàs dicuntur Actiones Virtutum. Nam inter has & istas non est discrimen reale, sed tantum rationis. Nam quia Virtus semper consideratur ut perfectio sui subjecti, ita actiones virtutum moralium ita dicuntur, quod sint perfectiones animi humani: aut Honestæ, quod honori, præstantiæ ac dignitati humanæ naturæ convenient. Quatenus vero eadem actiones virtutum considerantur ratione suæ conformitatis cum norma legum naturalium & voluntatis divinæ, & ad continendas, dirigendas, conservandasq; Socie-

Societates ordinatæ sunt, hæcenus Justæ dicuntur, & contrariæ Injustæ.

CXX. Quemadmodum igitur hæ Actiones Honestæ Justæq; sunt Media, per quæ ille finis à Natura hominibus propositus acquiritur; ita quoque præstationes, quas homo vel sibi vel aliis hominibus jure naturæ debet, per easdem actiones expediuntur. Itaque frustra mihi videtur omnis illorum labor esse, qui omnia hominum officia ad paucas quasdam universales leges revocare, iisq; suis hypothesibus illa submittere volunt. Etsi enim non diffitear, quasdam leges naturales latius aliis patere, prout à primis principiis vel propius vel longius remotæ sunt; verissimum tamen est, per omnium virtutum habitus perfici animum hominis, ut voluntati divinæ suam conformet, adeoq; actiones humanas plurimis legibus naturalibus, partim jubentibus, partim vetantibus, regi, sic ut nullum sit officium sub necessitate obligationis præstandum, quod non lex aliqua naturalis complectatur. Sanè si allubescat unum summum principium Jurium naturalium seu præceptorum virtutis constituere, non erit illud aliud, quàm hoc, Voluntas humana agendo se conformare debet voluntati divinæ. Hoc se in duo capita vicissim dividit; vel enim vult Deus: ut quædam faciamus, vel ut non faciamus. Itaque Ratio recta mox colligit, Honestæ faciendæ, & Turpia fugienda esse. Prodest igitur illud eò, ut perspicias, quomodo demonstrationes invicem ex se necitantur, & tandem ex uno aliquo summo principio aptæ sint. Quia vero leges omnes naturales sunt propositiones universales, & singulæ normam præbent actionibus, ideo quoque singulæ principii vicem

Q 2

sub-

subeunt, & hac ratione demonstrationibus inferviunt.

CXXI. Postquam igitur illas Hypotheses supra memoratas quis admiserit, & inde illa officia demonstraverit, quæ Pietatis nomine κατ' ἐξοχήν veniunt, quæ sunt præstationes jure naturæ Deo immediatè ab Homine debitæ; proximum fore credo, si doceatur, quis sit genuinus finis Homini à Natura propositus, quæque ab eadem ad eundem finem obtinendum sint concessa media, quibusque adminiculis illa adquirantur. Media igitur illa cum sint actiones Virtutum, de Virtute primùm in genere, deinde singulis ejus speciebus, & ex harum habitibus descendentibus actionibus est agendum: qua etiam methodo Aristoteles suam philosophiam civilem rectissimè ac felicissimè instruxit. Quod si quis existimet, non posse hinc Juris Naturalis præcepta peti, quod illius obligatio se extendat ad omne id, quod in Lege & Evangelio continetur, *Decret. dist. 1. & 5.* illum ceu nimis ἀπαίδευτος ab hac disputatione arceo.

CXXII. Ubi ad specialem doctrinam de Virtutibus ventum fuerit, certus illarum numerus & ordo est constituendus, & ad singulas illarum res sunt referendæ, quæ ad quamque pertinent, & cujus habitu perfecti circa illas, tanquam objecta externa, rectè versari didicimus. Quia vero Naturæ jus non nisi per modum extremi subsidii Bellum permittit, postremo loco de Fortitudine, & primo de Justitia tractandum esse puto. Hæc vel est Universalis, vel Particularis: de ista prius, de hac deinde agendum erit. Hæc vicissim duplex est, Distributiva, & συναλλακτική. Istius naturam à nemine hætenus satis vel exploratam vel explicatam esse arbitror. Hæc versatur circa συναλλάγματα, quæ

quæ sunt vel Spontanea, vel Invita. Cum vero nonnullorum συναλλαγμάτων hæc sit natura, ut per illorum conventionem perfectam & traditionem subsecutam transferatur, vel saltem transferri regulariter debeat Dominium rei, de qua συναλλαγμα est initum; ideo hic de Dominio, ejusq; acquisitione cum Originaria tum Derivativa agendum esse existimo. Cumq; juxta hypothesein JCtorum Romanorum sint quatuor, aut quinque species Juris in Re. Dominium, Possessio, Servitus, Pignus & Hereditas; facile quidem concessum iri existimo, Dominium in his præcipuum tenere locum, ut tamen inibi dispici possit, an reliqua Jura in re ab isto specie differant, an forte gradu. Quippe Dominium aliud alio esse plenius, vix quisquam inficiabitur. *Bach. ad Wesen. si ager. veltig. n. 1.* Tractationi Jurium in re ordine succederet doctrina Juris ad rem, seu de Obligationibus instituta: quæ cum descendat vel ex Contractu, vel quasi contractu, vel ex Delicto, vel quasi delicto; horum omnium species voce των συναλλαγμάτων comprehenduntur. Etsi enim etiam ex Dominio oriatur quædam obligatio, *Grot. de J. B. P. lib. 2. cap. 10.* JCtos tamen Romanos hac in re secutus, ex memoratis quatuor præcipue fontibus obligationes ipsis dictas arcesso. Huc quoque pertineret doctrina de Judiciis, & modis naturalibus, quibus quis suum aut sibi debitum consequi possit: quorum duos proponit Guil. Grotius *de prin. Jur. nat. cap. 4. n. 9.* Apprehensionem ejus, quod nobis sine causa ablatum est: & Retentionem ejus, quod nos dare debemus, donec de pretio convento satisfiat. Quia verò conventiones aliæ sunt principales, aliæ accessoriae, tam de his, quàm de istis ibi docendi locus erit.

Colligi hinc potest, plurima Juris Naturalis capita solida hujus virtutis doctrina exauriri, & ex illius regulis judicari posse.

CXXIII. Ex regulis Liberalitatis & Magnificentiae varii generis donationes, quod etiam Legata, remuneratio- nes & *alidæ* pertinent, æstimari eod; multa alia referri poterunt, quæ vel ad harum virtutum commendationem & usum, vel ad fugam Avaritiæ & Prodigalitatis spectant. Temperantiæ præcepta modum præscribunt variis volu- ptatibus & doloribus, ut hinc causæ ad matrimonium aut vitia ei contraria, ad frugalitatem, sobrietatem, & his etiam contraria vitia pertinentes decidi possint. Cum etiam refrenanda sit ambitio, seu honorum; & vindictæ cupiditas, seu ira; & ex horum adfectuum intemperie mul- tæ soleant existere injuriæ, de his leges & præcepta suppedi- tabit Magnanimitas, Modestia & Mansuetudo. Cumq; intersit, ut à familiari consuetudine & inprimis à conven- tionibus absint Mendacia, de his coercendis præcepta da- bit Veritas. Rei militaris negotia juxta Fortitudinis re- gulas erunt percensenda. Non possum autem dissimu- lare, specialem illam doctrinam de Virtutibus ab Aristo- tele ferè negligenter esse traditam, ut tamen ex aliis, præ- sertim Thomæ Secunda Secundæ, Platonis libris de Legi- bus, Ciceronis de Officiis, Digestorum libris, & aliis si- milibus ea suppleri & exornari queat.

CXXIV. Singulas Virtutes ubi quis diligenter ex- posuerit, magnum operæ pretium futurum existimo, si generalia præcepta ad quemque Virtutis habitum perti- nentia quis collegerit, quæ sunt ipsissimæ Leges Natura- les, normam actionibus humanis infallibilem præbitoræ.

Ita

Ita v. g. ad Iustitiam Particularem referendæ erunt hæc similesq; aliz regulæ: In contractibus omnia bona fide sunt agenda. Unde sequitur dolum, fraudes, errorem, culpam ab iis debere abesse, aut si talia irrepperint, ea præstanda & refarcienda esse. Nemo cum alterius injuria fieri debet locupletior. Id quod nostrum est, sine facto nostro ad alium transferri non potest. Commoda cujusque rei sequantur eum, quem sequuntur incommoda. Similes regulas reliquæ etiam Virtutes suppeditabunt. Quod si quæ regulæ sint ita generales, ut videantur non ab una sed pluribus virtutibus commendari, illæ commodè videntur, subjici posse Justitiæ Universali, v. g. Honestæ sunt faciendæ, Turpia fugiendæ. Aequalitatis habeatur maxima ratio. Quod tibi non vis fieri, id alteri ne feceris. Quod quisque juris in alterum statuerit, ut ipse eodem utatur. Ut fides data servetur. *Guil. Grot. de prim. Jur. nat. cap. 8. & 9.* Hac methodo si cui uti libeat, & sub quaque virtutè latitudinem objecti externi rectè perpendat, ejus singula membra distinctè proponat, deinde actiones humanas, quæ circa hæc occupabuntur, suis quasque legibus naturalibus attemperet, ex primis aut generalioribus demonstrationibus ad remotiores subinde conclusiones progressum faciens, is nō fallor feliciter & magno cum fructu in hac materia versari poterit. In conclusionibus vero illis dextrè deducendis aut nectendis optima ac locupletissima subsidia dabunt veterum Juratorum reliquæ, Digestorum libris sive collectæ sive dispersæ.

CXXV. Quia igitur Homines, in quacunque vixerint Societate, secundum Virtutem vivere oportet, ideo  
his

his præceptis Virtutum continentur Jura Generalia Naturæ. Dixi vero suprâ, esse etiam aliquod Jus Naturæ speciale, quod Natura specialibus suis Societatibus ordinandis conservandisq; sanxit. Itaque varia sunt jura Societatis inter Maritum & Uxorem: varia inter Parentes & Liberos: varia inter Herum & Servum: de quibus sigillatim hic agere, ab instituto quidem nostro non foret alienum: sed cum de his in Commentario nostro ad Grotium passim disputetur, jam quidem iis non immorabimur. Videatur interim *Guil. Grotius de prin. Jur. nat. cap. 10.* Hoc cum primis tamen hic notetur, qui in specialibus Societatibus vivunt, illos debere suas actiones non solum præceptis Virtutum generalibus, sed & specialibus juribus Societatum specialium, accommodare, atque ita utriusque Juris Naturalis, Universalis & Specialis observantes esse. Si igitur vel hujus vel istius obligatio eò pertineat, ut quis sibi quid præstare debeat, putâ, ut temperanter vivat, ut ab illicita venere & libidine, ab ingluvie, à crapula abstineat, hætenus inter Deum & homines aliqua etiam est Societas, ut propter talem à Deo profectam obligationem sui gratia homo quid præstare aut facere teneatur. Quam in sententiam quoties loquor, vel locutus sum, toties hoc velim ita accipi, ut sub istiusmodi propositionibus moralibus adfirmantibus negativæ virtualiter contineantur. Ita si dicam, Justitiæ Universalis præcepta omnia hac generali regula comprehendere, Honestè est vivendum; tacite id simul comprehensum intelligi debet, à Turpibus esse abstinendum. Eodemq; modo si dixerò, quædam ab homine exigi legibus naturæ, quæ sui gratia faciat aut præster, hoc simul significatum volo, exigi



exigi quædam legibus naturæ, quæ etiam non faciat, sed omittat fugiatq;. Hæc Legibus naturæ vetantibus, ista jubentibus exiguntur. Reliquas Leges Naturales quod attinet, illarum obligatio ab homine illa officia exigit, quæ aliis, quibuscum in Societate est, præstanda sunt.

CXXXVI. Atque hac ratione verum esse credo, Jus semper locum habere in Societate: quod displicere aliis scio, qui hoc aliter interpretantur. Scilicet distinguendi sunt ab ipsa legum naturalium obligatione effectus seu præstationes hinc debitæ. Ista habet autorem Deum, qui sibi hominem ira devinxit, ut perpetua inter hos ex immutabili Juris Naturalis obligatione esset quædam societas. Interim quia præstationes hinc debitæ vel immediate pertinent ad Deum, vel ad ipsum hominem obligatum, vel aliorum gratia exiguntur, cum quibus vel actu in Societate vivit, vel ut tamen singularem cum aliis in Societate vivendi à Natura propensionem acceperit; hæc tamen quidem verum est, quod non omnia & singula Juris Naturalis capita ad Societates humanas ordinandas unice sint comparata, sed quod quædam etiam ad hominem pertineant, extra Societatem viventem, ut tamen pleræque leges naturales, hominum gratia latæ, ejus sint generis, ut non solum hominis naturæ sociali, sed & continendis conservandisq; Societatibus, quæ actu inter homines obtinent, vel maximè sint accommodatæ. *Omnia, quæ in hominum doctorum disputatione versantur, nihil profectò est præstabilius, quàm planè intelligi, nos ad Justitiam esse natos: neq; opinione, sed natura constitutum esse jus, etiam patebit, si hominum inter ipsos societatem conjunctionemq; perspexeris. Cic. 1. de legg.* Quid quod ex verbo revelato simus edocti

edocti, Deum non solum ut supremum legislatorem sibi obstrinxisse homines, sed & sapiuscule per modum patris sibi illos confociasse. *Vid. Calixt. tr. de Pælis.* Cum iis, quæ dixi, convenit, quod Alexander Turaminus *ad rubric. de legib. cap. 4. n. 12.* observat, non à sola Societate humana vim legum naturæ dependere, neque eò solum referri, sed vel Deum respicere, vel proximum & Societatem, vel seipsum & naturam humanam.

CXXVII. Præter superiora etiam Amicitia officia non sunt negligenda. *Videtur enim Amicitia etiam civitates continere, majoriq. quam Justitia laboribus legum cura esse. Et si cives Amicitiam colant, nihil sit, quamobrem Justitiam desiderant, inquit Aristoteles 8. Nicom. cap. 1. §. 18. & 20. & ideo 2. Polit. 2. ait, Amicitiam esse maximum, quod civitatibus contingere possit, bonum.* Cum igitur in omni Societate aliquod Jus reperiatur, & vero etiam aliqua Amicitia, *8. Nicom. 9. §. 2.* diligentissimè illa pertractanda erit ei, qui methodo Jus Naturæ tradere instituet: in quo argumento plus præstitisse Aristotelem *lib. 8. & 9. Nicom.* & Ciceronem *lib. de Amicitia*, putamus, quam plerique hactenus satis adsecuti esse videntur. Et si vero propriè nemo secum colat Amicitiam; definitur enim per benevolentiam mutuam, *8. Nicom. 2.* Amor tamen, per quem suam vim exserit Amicitia, etiam fertur erga ipsum amantem, & siis præstantissimo Boni genere se instructum esse sciverit, vel maximè, & sine vituperio, ille est φίλος *8. 9. Nicom. 8.* Imò ipsa officia amicitiarum, & ea, quibus amicitia definiri solent, ex iis, quæ sibi ipsi quisque exoptat ac tribuit, videntur fluxisse. *9. Nicom. 4.* Et hoc est quod vulgò dici solet, Charitas est ordinata, quæ

quæ ab ipso amante incipit. Si igitur aliis, quibuscum in Societate vivimus, prodesse, benefacere, illorum salutis & incolumitati consulere, adversus vim iniquam defendere debemus; multò certè magis, vel sanè primo omnium ut nobis prospiciamus, suggerit naturalis amor, qui tale desiderium & inclinationem in nobis excitat: quam si regat Recta Ratio, ceu fieri par est, apparet simul, quantum hæc *περὶ τῆς Φύσεως*, uti à Stoicis appellantur, differant, quæ in Homine, & quæ in brutis cernuntur. Explicavi hæc pluribus *tr. meo de Duellis. th. 2. seq.* ubi etiam Ciceronis *3. de Finib. & Gellii lib. 12. Noct. Att. cap. 5.* verba apprimè huc facièntia adduxi. Ubi igitur quis Juris Naturalis Philosophus huc suam methodum perduxerit, commodè illa omnia describere poterit, quæ Jus Naturæ exigit ab homine, sibimet suo bono præstanda: putà, quomodo Homini à Natura sit tributum, ut se, vitam, corpusq; tueatur, declinetq; ea, quæ nocitura videantur, omniaq; quæ sint ad vivendum necessaria, inquirat & paret, sentiat appetitum procreandi causa, totius vitæ cursum prudenter perspiciat, cum præteritis præsentia, atque cum his futura jungat, & ad vitam commodè degendam res necessarias præparet, Imitationis studio ac veri inquisitione ducatur, & vim illatam vi defendat. *Est enim hæc non scripta, sed nata lex: quam non didicimus, accepimus, legimus: verum ex natura ipsa arripimus, hausimus, expressimus: ad quam non docti, sed facti: non instituti, sed imbuti sumus: ut si vita nostra in aliquas insidias, si in vim, si in tela aut latronum, aut inimicorum incidisset, omnis honesta ratio esset expedienda salutis. Silent enim leges inter arma, nec se expectari jubent, cum ei, qui expectare velit,*

*velit, antè injusta pœna lucenda sit, quàm justa repetenda. Cicer. 1. de Offic. & pro Milon.*

**CXXVIII.** Quemadmodum. vero Societates aliæ sunt à Natura, aliæ ab instituto hominum; ita quoque Amicitia alia est Naturalis, alia ab instituto & arbitrio hominum profecta. Utriusque Amicitia fundamentum nititur aliquo Amabili seu Bono; idq; cum sit vel Honestum, vel Utile, vel Jucundum: tot quoque sunt species Amicitiarum, ut tamen illa, quæ Honesto nititur, sit præcipuè talis. *8. Nicom. cap. 2. 3. & 4.* Quomodo vero Jus ab Amicitia differat, nusquam Philosophus disertis aut perspicuis verbis tradidisse legitur. Nam quæ *8. Nicom. 7. §. 11. & 12.* leguntur, discrimen illud nobis non omnino aperiunt. Naturalem amicitiam videtur conciliare benevolentia ex naturali animorum conjunctione vel inclinatione orta: quæ pro diverso gradu conjunctionis modò major, modò minor est. Ita Societatis conjugalis, & quæ est inter parentes atque liberos, maxima est amicitia: illæ vero quæ ab hac ad posteros descendunt cognationes, amicitia vel fervidiori vel tepidiori fovetur, ut à communi stipite propius vel longius absunt; ut tamen rectè dixerit Florentinus, naturam etiam inter Homines quandam cognationem constituisse. *l. 3. ff. de J. & J.* Et Papinianus, Beneficio adfici hominem interesse hominis. *l. 7. ff. de serv. export.* Jura vero harum Societatum cum legibus comprehendantur, illarum quoque strictam normam sequi jubent. Quamvis etiam Jura ex Legibus naturalibus debita & officia Amicitia naturalis materialiter convenire, & quoque ab Aristotele misceri videantur; aliter tamen hæc, aliter ista deberi arbitrator. Nam De-  
biti

biti vox vel strictè accipitur, quod jure propriè dicto, obligationem producente, debetur, sic ut actione liceat id ipsum persequi, saltem in foro Juris Naturalis. Alia vero ratione officia Amicitiae debentur, quae, quæ talia sunt, à singulari ad benevolentiam naturali propensione & conjunctione oriuntur, maluntq; ultro offerri, quàm ex jure debita exigi. *Grot. lib. 2. de J. B. P. cap. 7. n. 4.*

CXXIX. Hujus Amicitiae vestigia etiam reperire licet in veterum JCtorum textibus. Moribus apud Romanos receptum est, ne inter virum & uxorem donationes valerent, amorem honestum solis animis æstimantes, & ne matrimonia essent venalia, nec concordia pretio conciliari videretur. *l. 1. & 3. pr. ff. de donat. inter vir. & uxor.* Idem confirmat *tit. Dig. de agnoscendis & alendis liberis vel parentibus*, ubi eleganter JCtus ait, *Cum ex aequitate hæc res descendat*, putà ut parentes liberos, atque hi illos vicissim alant, *charitateq; sanguinis, singulorum desideria perpendere Judicem oportere.* Rescriptum quoque esse memorat, heredes filii ad ea præstanda, quæ vivus filius ex officio pietatis suæ dabit, invitos cogi non oportere, nisi in summam egestatem pater ductus sit. Et quamvis parens ali à filio ratione naturali debeat, tamen æs alienum ejus non esse cogendum exsolvere filium. *l. 5. §. 2. 16. & 17. ff. d. 1.* Hinc quoque patris officium esse decrevit Justinus, ut filiam dotet, *l. fin. C. de dot. promiss.* Dotem enim in locum alimentorum succedere, & utrorumque eandem esse rationem dicunt. *Hartm. Pistor. 2. obs. præf. qu. 37. n. 4. Carpz. p. 2. Jurisp. for. const. 46. def. 20. n. 10. & p. 4. const. 26. def. 2. n. 4.* Hinc dotis causa piis causis accenseri, multisq; privilegiis gaudere solet. Conficiturq;

ex *l. fin. C. de dot. promiss.* à Dd. hæc regula, quod etsi multa honestè præstentur, à liberalitate ea procedant, non ex obligatione. *add. l. 12. §. 3. ff. de admin. tut.* Si quoque pater non disertè significaverit, se credendi animo filio studiorum gratia sumptus subministrasse, pietate debita ductum eum fuisse præsumitur, neque computari illos æquitas patitur. *l. 50. ff. fam. ercisc.* Quamvis etiam magna sit prærogativa pecuniæ in funus erogata, si tamen pietatis gratia quid sit impensum, funeraria actio denegatur. *l. 14. §. 8. 9. 13. ff. de relig. & sumpt. fun.* Paulus quoque Mandatum ideo gratuitum esse ait, quod originem ex officio atque amicitia trahat. *l. 1. §. 4. ff. mand.* Idem de Mutuo dicere licebit; quamvis rarò hoc officium patiantur esse gratuitum, cum plerumque stipulari sibi soleant usuras creditores. Interim sua natura est gratuitum, diciturq; actus à charitatis fonte promanans Thomæ 2. 2. *qu. 78.* Idem in Commodato obtiner, quòd voluntatis & officii, imò beneficii magis, quàm necessitatis est commodare. *l. 17. §. 3. ff. commod.* Multò magis in Precario, quod totum ex liberalitate descendere dicitur. *l. 1. §. 1. l. 2. §. 2. l. 5. §. 3. ff. de precar.* Amicus quoque, si fraterna charitate diligitur, cum nomine suo sub appellatione fratris heres instituitur. *l. 58. ff. de hered. instit.* Propter Amicitia rationem etiam multi non ultra condemnantur, quam in id, quod facere possunt: quod beneficium Competentia vulgo appellari solet. Hoc igitur etiam Socii fruuntur. Quare? quia *Societas jus quodammodo fraternitatis in se habet. l. 63. pr. ff. pro Soc.* Atque hæc quidem huic rei illustrandæ sufficiant.

CXXX. Rudi penicillo adumbravi methodicam  
ratio.

rationem, qua Joris Naturalis systema *Ἰατρικὸν μυστήριον* deferibi  
 posse existimo. Quod si quis compendiosiori via illud  
 confici posse putet, utatur sanè suo consilio & arbitrio.  
 Ego quamvis sterilem prolixitatem & luxuriam refecan-  
 dam esse in omni studio libenter concedam; non tamen  
 autor esse possum, ut de argumento gravi, admodum va-  
 rior, perq; omnem vitam diffuso, instituatur nimis restri-  
 cta & compendiosa tractatio, præsertim si illud cum cura  
 quis excutere velit, etiamsi non nisi necessaria in eo con-  
 sectetur. Camq; ego jam de Jure Naturæ in genere quæ-  
 dam commentari decreverim; accuratam descriptionem  
 hujus methodi, & singulorum capitum juxta illam factam  
 subtilem delineationem æquus lector à me non deside-  
 rabit. Constituëram, fateor, olim tale aliquod opus ag-  
 gredi, & saltem vires ingenii in eo periclitari; nunc vero  
 ad alios Jurisprudentiæ labores totus penè avocatus, va-  
 ria interim temporum injuria à proposito dejectus, & va-  
 letudinis non leviem jacturam hinc passus, aliis hanc lam-  
 pada trado. *Ubi enim res in itinere rudius adumbrata fueris, deinde  
 exactius & exquisitiùs edisserenda est. Et videtur vel cujus-  
 vis hominis esse, ea quæ bene primùm suis lineamentis descripta  
 definitaq; sunt, provehere, suisq; veluti membris & articulis  
 distinguere. Atque ejusmodi rerum vel autor, vel certe adjutus  
 esse videtur Tempus: quo modo artes ipsæ amplificata & pro-  
 pagata sunt. Cuiuslibet enim hominis est, id quod deest, addere.*  
 Hæc quidem Aristoteles 1. Nicom. 7. §. 48. seqq. quæ fortè  
 idonea sunt, ut generosa ingenia ad hanc operam capef-  
 tendam excitentur: quam ita feliciter procedere illis cu-  
 pio, ut quidquid huic studio hætenus defuit, illud sui in-  
 genii opulentia suppleant.

CXXXI. At,

CXXXI. At, inquit quis, si tanto labore Juris Naturalis disciplina sit exstruenda, ecquid erit præmi? Longè maximum hic fiet operæ pretium; non tamen tantum, ut per illius observationem vitam æternam consequi possimus, ut nonnulli opinati sunt, quorum nomina non sunt clam habenda. Clemens Alexandrinus *lib. 7. συμ-μαλέων* sive *Centonum* tradit, Judæis legem Moſis, Gentibus Philosophiam, ante Christi adventum, & eam, quam ipſe appellat vocationem universalem, Judæorum & Barbarorum in populum unum, ad salutem suffecisse. Et licet fateatur, notitiam Dei, quam habuerunt Gentes, fuisse *ἀμαυρόν*, *obscuram*, nihilominus eò propender, quod per hujusmodi de Deo cognitionem homines potuerint ſervari. Unde non uno loco Legem & Philosophiam, duo Testamenta appellat, ab eodem Domino diversis populis in eundem finem commendata. Per Philosophiam vero talem notitiam intelligit, quæ ad justificationem homini proſit. Ita enim loquitur *lib. 1. Philosophia quondam per ſe Græcos justificabat*. Justinus Martyr in sua Apologia docet, novitatem doctrinæ Christianis falſo obſijci, quum ejus autor ſit Chriſtus, *λόγος τῆ θεῶ*, *verbum Dei*. Mox vocem *λόγος* Rationem interpretatus, Chriſtianos cenſeri debere ait, quicumque *μετὰ λόγον*, *cum ratione*, vitam inſtituerint: quales, inquit, fuerunt apud Græcos Socrates, & Heraclitus: inter Barbaros, Abraham, Ananias, Azarias, Miſaël, Helias, & alii multi. Itaque cum Justinus exiſtimet, Chriſtum eſſe *λόγον*, ἢ *πάν γένος ἀνθρώπων μετέχει*, *Rationem, cujus ſit particeps omne humanum genus*; ita porro diſſerit: *Chriſtus etiam à Socrate ex parte eſt agnitus. λόγος enim, Ratio ſive Sermo erat, atque eſt, qui eſt in quovis homi-*

*nium,*



num, & ille est, qui partim per Prophetas futura prädixit, partim per se ipsum hac docuit. Audiamus quoque verba hac de re facientem Chrysostomum, in *Matthaeum*, homil. 38. Dicit aliquis: quid ergo? illisne facta est injuria, qui ante Christi adventum vixerunt? Nequaquam; tunc enim etiam sine confessione Christi poterat aliquis servari. Quippe hoc ab illis non exigebatur, sed ut ab Idololatria abstinerent. Pergit mox: Solum Deum nosse ad salutem tunc temporis satis erat. Nunc id non sufficit, quin hoc amplius notitia Christi est necessaria. Non multò post: Fruentur omnibus vite aeterna bonis, etiam illi, qui Christum, ante ipsius incarnationem non norunt; sed ab idololatria se abstinnerunt, Deum unum adorarunt, & vitam, quam fieri poterat, optimam vixerunt. Hæc quomodo commoda interpretatione mollienda sint, videatur Casaubonus *Exerc. 1. adv. Baronium*: ubi etiam aliorum veterum meminit, qui in eandem sententiam proclives gemina tradiderunt.

CXXXII. Hanc vero etiam recentiores quidam amplexi sunt, Andreas Vega lib. 6. *defin. Conc. Trid. cap. 17. & 20.* Maldonatus in *cap. 9. Matth. v. 22.* Pererius *disp. 18. in cap. 1. ep. ad Roman.* Dominicus Soto lib. 2. *de Nat. & Grat. cap. 11.* qui tamen ad sanam mentem rediisse creditur. Joannes Sleidanus *Comment. sui lib. 23.* hæc memorat: Franciscanus quidam Pauli ad Romanos explicabat *Epistolam*, frequenti auditorio, & subinde per occasionem acerbo convitio Lutherum sociosq; notabat, eòq; fuit progressus, ut diceret eos, qui Christi cognitionem nullam habuissent, & alioqui vitam egissent honeste, salutem esse consecutos. Idem negotium suscepit Franciscus Puccius edito de *Natura & Gratia* erga omnes homines libro, cui Franciscus Junius se opposuit. Huldricus

Zuinglius Theseo, Herculi, Senecæ aliisque inter gentiles heroibus singularem de Christo revelationem & salutem tribuisse fertur. Idem dogma propagare instituit Theobaldus Tammerus, Professor Academicæ Marpurgenfis, qui suæ Theologiæ duo summa capita constituit, Conscientiam & Creaturam. Idem egisse dicitur Samuel Huberus Helvetio-Bernas, sententia Synodi Bernensis condemnatus. Temeritati proximum esse errorem, ut ait Valerius Maximus *lib. 9. cap. 9.* vel hinc agnoscas: quem cum in hac causa nimis crudum & apertum nemo non deprehendat, ejus refutatione non occupabimur. Sexcenta verbi revelati testimonia solidè evincunt, extra fidem & Christum neminem salutis participem fieri posse.

CCXXXIII. Age ergo videamus, quis tandem sit cogniti Juris Naturalis usus. Ejus disciplinam si quis probè excoluerit, primò quidem quadantenus intelliget, quid sit illa Imago Dei, ad quam Homo primitus fuit creatus. Consistebat illa cumprimis in Justitia & Sanctitate, interprete Apostolo, *Ephes. 4. v. 24. Coloss. 3. v. 10.* sic ut Homo non solum voluntatem divinam promptè cognoscere, & faciendâ à fugiendis discernere, sed & suam voluntatem atque actiones voluntati divinæ exactè conformare, totamque Dei legem perfectè implere posset. Alia quæ de Imagine Dei à Theologis disputari solent, lubens prætermitto. Postquam autem Protoplasti hac perfectione se privarunt sua inobedientia, *Rom. 5. v. 19.* jamque prolem generassent ad imaginem suam, *Genes. 5. v. 3.* & lumen Intellectus obscuratum, & varia atque enormis cœpit esse Appetitus inclinatio atque fuga. Relicta est tamen homini Ratio, quæ suis adminiculis aliquam rectitudinem adepta,

Jus

Jus Naturæ cordi inscriptum agnosceret, promulgaret, ejusq; auctoritate motus animi compesceret aut refrenaret. Quamvis enim post lapsum homo voluntatem suam voluntati divinæ, & actiones suas normæ Juris Naturalis exactè conformare nequeat, non minus tamen eo post, quàm ante lapsum homo fuit obligatus. Alter igitur hinc redundans usus, isq; longè maximus est, ut sciat homo, quid post lapsum agere in vita omnino, quid sequi, quid fugere, quibus regulis suas actiones attemperare debeat, etiamsi tam promptè, tam libenter, & tam perfectè idipsum jam quidem præstare nequeat.

CXXXIV. Cum vero Vitium habeat vim corrumperendi principium, sic ut Ratio pravitate morum & exemplorum corrupta non satis agnoscat leges naturales, Deus identidem quasdam ex iis repetiit, & cum primis tremenda solennitate illas denuo in monte Sinai promulgavit, quæ Decalogi nomine veniunt: cujus si fortè tertium de Sabbatho colendo præceptum eximas, reliquis ejus præceptis omnes homines sunt obligati, sine privilegio, sine dispensatione, sine ulla mutatione. Itaq; prodest tertiò Juris Naturalis disciplina ad rectè intelligenda Decalogi præcepta, omnemq; legem moralem. Huic vero cum homo perfectam obedientiam præstare nequeat, quam tamen illa exigit, singulari Dei gratia ei per alia quædam remedia consultum fuit, de quibus Theologia revelata docet; ut non solum quartò hæc disciplina proficit ad cognoscendum discrimen istius & Theologiæ Naturalis, sed & luculentissimè innotescat, quantulæ nobis ad vitam bene & juxta voluntatem divinam perfectè agendam suppetant vires, & quanta è contrario erga nos divina gratia exstiterit,

quæ hujus pædagogî rigori nos exemit, *Galat. 3. v. 24. 25.* nostramq; imbecillitatem Spiritus Sancti ope suffulsi; sic ut iusto lex jam non sit posita, non quod iustus lege non sit obligatus, sed quod formidine pœnæ, quam lex minatur, à peccatis non tam absterrendus sit, quàm quod Spiritus Sancti ductu ultro legi pareat, Deoq; grata agat, cum homines protervæ improbitatis non nisi supplicii metu à libidine peccandi retrahi soleant. *1. Timoth. 1. v. 9.*

CXXXV. Sed & eò proficit Juris Naturalis disciplina, ut intelligamus ejus præcipuè vinculo omnes Societates, & speciatim Civitates, Respublicas, liberassq; gentes, aut Principes constringi ac conservari. Cum enim quæque Respublica sit *αὐτόνομος*, & altera alterius sive legibus sive judiciis obnoxia non sit, neque commune judicium ab hominibus institutum agnoscant, nisi fortè ex conventionem tale inter ipsas & ab ipsis fuerit constitutum, quale, ni fallor, olim fuit inter Græciæ populos Arcopagus; Jure Naturæ & Judicio omnium hominum communi harum controversiarum necessum est definiantur. Sanè, si Jure gentium vel communi vel speciali utantur, atque hinc illæ lites decidi possint, & hujus magna est auctoritas. Absque hoc Jure gentium, aut communi judicio conventionali, debita auctoritate prædito, si sit, secundum Jus Naturæ illarum causarum & actiones examinari atque expediri oportet, quod illius obligationi omnes & singulæ sint obnoxie, & tam hujus quam Providentiæ divinæ auctoritatem, quæ illud condidit, venerari & piè amplecti debeant. Bene itaque Camillus ad Faliscorum magistrum ait, *Nobis cum Faliscis, quæ pæctis sit humano, Societas non est, quam ingeneravit natura utrisque, est, erisq.* *Liv. lib. 2.*

Unde

Unde simul colligitur, labi illos, & errare, qui simpliciter  
Judiciorum originem à solo instituto humano arcessunt.  
*Meliora docet Selden. lib. 7. de J. N. G. cap. 4. quæ confir-*  
*mat Bæcler. ad Gros. lib. 1. cap. 3. §. 1. p. 192. & seq. Rob. Maran.*  
*de ord. Judic. p. 3. n. 132.*

CXXXVI. Quia vero hæc disciplina non unius in-  
genii modulo concluditur, sed ex variis monumentis ma-  
gno labore & judicio conquirenda est, plurimum ad illam  
constituendam & locupletandam facere poterunt illarum  
Rerum publicarum leges, quæ præ aliis Prudentia Nomo-  
thetica excelluerunt: quas inter principatum sibi optimo  
jure Romana vindicat. Quia vero Pandectarum inprimis  
volumen frequentes & incomparabiles Juris Naturalis  
commentationes, & simul cum iis plurimas leges merè  
arbitrarias exhibet; ideo & hunc usum præstat ex cultum  
diligentiùs Juris Naturalis studium, ut hujus capita ab iis,  
quæ sunt juris positivi, accuratè secernantur. Cum enim  
causæ civitatum liberarum controversæ non ex his, sed  
istis sint decidendæ; gravis sæpe oritur inter illas con-  
tentio, quod interdum quæ juris positivi sunt æquè illis  
obseruantur, quàm quæ ex jure naturali rectè promuntur,  
naturæ nempe intellectum habent, *l. s. ff. de serv. exports.*

CXXXVII. Nemini non est cognitum, maximam  
semper & meritò habitam fuisse Juris Romani auctoritatem,  
partim quod suas leges unà cum imperio & armis soliti  
fuerint propagare Romani, suiq; juris usum iis regnis, quæ  
in formulam provinciæ redacta erant, demandare: partim  
quod cernerent gentes, Romanas leges summa prudentia  
esse conditas, præcipuam in iis æquitatis rationem habi-  
tam, iisq; exactissimas Juris Naturalis explicationes con-  
tine-

tineri, atque hætenus illarum usum etiam ad se pertinere: partim quod sola opinione, fama, imitatione aliorum, imò etiam errore, atque hoc non uno, sibi illas sine discrimine adsciscerent, quæ arbitraria à naturalibus distinguere, diversas Respublicas, quibus leges accommodandæ alioqui sunt, discernere, aut sibi suo ingenio & judicio leges condere nesciebant. Etsi igitur plurimæ gentes Jure Romano fuerint usæ: illud Reges Hispani Jus commune appellant: Judæi ad illud deficientē lege Mosaica provocent: Turcæ etiam Codicem Justiniani causis decidendis adhibeant; nunquam tamen verum esse demonstrari poterit, Romanos orbi terrarum leges præscripsisse, & quod illud jam omnino habendum sit pro jure naturali & gentium: in quam sententiam multa Jctorum testimonia concessit Arthurus Duck *de usu & auctor. Jur. civ. Rom. lib. 1. cap. 2.* & ipse nimio suscepti argumenti studio evagatus.

CXXXVIII. Nam licet illud Romanarum legum systema in summo pretio sit habitum, & nunquam non haberi debeat; hoc tamen à liberis gentibus, quæ prudenter illas admiserunt, hætenus illis est tributum, quatenus Juris Naturalis & æquitatis in iis exquisitissima & uberrima tractatio passim continetur. Cautè igitur recteq; ait Ludolphus Schraderus, Principes populosq; liberos Romano Imperio non obnoxios, in causis, per leges & consuetudines suas non decisis, legibus Romanis obligari, quatenus sunt fundatæ in ratione naturali. Si quæ igitur sunt civitates liberæ, quæ Jus Romanum non tantum, qua parte Juris Naturalis explicationes comprehendit, sed & ejus leges arbitrarías complures ad-  
pta.

praverit, sua libertate in iis adſciſcendis uſq; fuerunt, & ſi ita viſum ſit, in his quidem abrogandis eadem uti poterunt. Apud quas vero iſtiusmodi conventionem vel placito receptæ non ſunt, iis Jus Romanum, qua arbitrium eſt, nullo modo invitis obtrudi poteſt, ſic ut cauſæ controverſæ inde decendantur. Reſtiſſimè hac de re ſenſit Jacobus Gothofredus, cujus hæc leguntur verba *diſſert. de Imperio Marii: Romanis hodie legibus utuntur liberima omnium regna populiq; tanquam æqui boniq; fonte. Quo qui aliter utuntur, na illi perquam ſuaſes ſunt, parumq; ſibi conſulunt, cum verſo hodie regnorum populorumq; ſtatu in aliam, quam Romanum olim Imperium, formam juri Romano non niſi abſurdè quiſquam ſeſe illiget. Et prudentiſſimè omnium Galli, qui eo loco leges Romanas habent, quo & quatenus fontem boni æquiq; quo ſimul & dignitati ſuæ rectè conſulunt, & veram juris dicendi orbitam tenent.*

CXXXIX. Quid igitur mirum, ſi liberæ gentes cum aliis diſceptantes leges quasdam Romanas ſibi oppoſitas repudiaverint, quod ab ipſorum placito eſſent proſectæ, vel ſaltem tales eſſe, adeoq; nihil ad ſe pertinere, crediderint. Nota eſt illa diſputatio inter competitors Regni Luſitanici de Jure Repræſentationis, agitata etiam à celeberrimis Hiſpaniæ Italiæq; Jctis, quorum ſcripta Bononiæ & alibi prodierunt. Philippus II. Hiſpaniæ Rex repræſentationem, ceu Juris arbitrarii Romani placitum, admittere volebat. Qui hodie ibi imperium tractant, illa cumprimis nituntur. De Jure primogenituræ item ſæpius diſputatum, creditumq; fuit, ut memorat Juſtinus *lib. 16.* Ptolemæum Ægypti regem contra jus gentium minimo natu ex filiis regnum tradiſſe.

disse. Ita quoque circa acquisitionem & alienationem rerum jure Romano arbitrario positivo quædam sunt constituta, quæ liberi populi ac principes nihil ad se pertinere arbitrabuntur. Non equidem nescio, etiam modò allata exempla adscribi solere Juri Naturali: id quod ego nunc non disputo, sed hoc solum moneo, quando ajunt, aliquid habere fundamentum in Jure naturali vel æquitate, esse his consentaneum; has similesq; loquendi formulas ambigüe dici, & difficillimè sæpe expediri posse, quid revera sit Juris naturalis, & quid Arbitrarii. Quo vero quis felicius in Jure Naturali profecerit, eò rectius hoc à Positivo discernere, & summorum Principum ac Rerumpublicarum gravissimas controversias arbitrari poterit.

CXL. Utilissima quoque est Legislatoribus Juris Naturalis cura, nequid sanciant, quod illi sit inimicum & adversum; id enim cum effectu obligationis fieri non posse, sed & legislatores talem normam præfinientes, & subditos judicesq; eam sequentes peccare, supra ostendi. Itaque in pulcherrimo Juris Romani corpore tanquam deformes verrucæ exstant illæ leges, quæ jus vitæ & necis in liberos servosq; patrùm herorumq; arbitrio permiserunt. Et hanc & quoque SCti Syllaniani crudelitatem detestatur Jus Naturæ. Cum enim præfectus urbis domi suæ fuisset occisus, memorat Tacitus, eam fuisse illius SCti vim, ut quadringenti servi, sine ætatis & sexus discrimine, etiam hi, quorum non dubia innocentia erat, fuerint occisi. *Add. l. un. C. de emend. serv. & l. 2. ff. ad l. Aquil.* ubi servi quadrupedibus invito jure naturæ æquiparantur. *In mancipio cogitandum est, non quantum illud impu-*



impune pati possit, sed quantum tibi permittat æqui boniq; natura; inquit Seneca lib. de clement. c. 18. cujus etiam hæc sunt ibidem: Cum in servum omnia liceant, est aliquid, quod in hominem licere commune jus animantium vetat, qui ejusdem nature est, cujus tu. Indignissima quoque Christiano Imperatore est l. 4. C. de malef. & mathem. qua Constantinus artes magicas permittit, quibus fortè quis ægrotis medeatur, aut à viribus & frugibus calamitates, imbres, grandinesq; avertat. Et quamvis nonnulli commoda interpretatione subvenire studeant Imperatori, ac si hæc ejus lex non de incantamentis, sed lustrationibus agrorum, quæ publicè decantatis litaniiis fiebant, intelligenda sit, Nov. 123. cap. 32. frustra tamen hos esse, verba nimis manifesta evincunt, eoq; nomine Albericum Gentilem reprehendit Jac. Gothofredus ad l. 3. C. Theodos. de malef. & mathem. Itaque hæc lex jure merito postea abrogata fuit à Leone Nov. 65. & quoque omissa est in Basilicis: ceu videre est ex lib. 60. tit. 30. Idemq; testatur Balsamo ad Photii Nomocan. t. 9. c. 26. Obelo quoque sunt transfigendæ illæ leges, quibus αὐτοχρησία propter tædium vitæ, pudorem æris alieni, similesq; causas permittitur, vel saltem impunis esse jubetur. l. 6. §. 7. ff. de inj. rupt. l. 45. §. 2. ff. de jur. fisc. l. 38. §. 12. ff. de pen. l. 6. §. 7. ff. de re milit. l. 11. §. 3. ff. de his qui not. infam. Duplex vero impietas invito Naturæ jure impunitatem habet ex l. 3. §. 5. ff. de bon. eor. qui ante sens, ubi J Ctus ait, Hadrianum rescripsisse, si pater sibi manus intulisset, quod diceretur filium suum occidisse, magis dolore filii amissi mortem eum sibi irrogasse videri, & ideo bona ejus non esse publicanda.

CXLI. Et quid dicam quam non solum utilis, sed

T

pla-

planè sit necessaria hæc disciplina Judicibus atque Jurisconsultis, ut ab istis cuique factò convenienter jus applicetur, ab his omnis juris recta instituatür interpretatio. Factum, ejusq; circumstantias, & meritum quomodo quis rectè dijudicabit, nisi hujus disciplinæ principia probè novit, atque de libertate, animo, consilio & proposito agentis, aut de dolo, errore, vi, metue hinc statuere, actiōnemve justam vel injustam & quidem diversissimis gradibus pronunciare possit? Idcirco frequenter JCtos veteres profiteri videas; *secundum ea, quæ proponebantur*, se respondisse. Et Alphenus super factò consultus respondit, *In causa jus esse positum l. 52. §. 2. ff. ad l. Aquil. Ex rei ius constituendum esse dixit Marcianus l. 1. §. 3. ff. ad l. Corn. de sicar.* Quid quod Naturale jus suppleat cujusvis Arbitrarii juris ~~inæquitas~~ & defectus, Hoc enim cum omnibus causis & casibus singularibus plane non provident, ad Jus Naturæ & æquitatem naturalem recurrendum est. Huc facit illud Pomponii *l. 2. §. 5. ff. de aq. pluv. arc. Hac æquitas suggerit, etsi jure deficiamus: & illud Modestini l. 13. §. 7. ff. de excus. Sufficit fidem formare ex ipsa naturali justitia.* Interpretationi vero juris tantum præbet Juris Naturalis disciplina usum, ut qui hanc ignoraverint, vel insuper habuerint, Jurisconsulti nomen nec mereri, neque usurpatum tueri possint. Si quis enim v. g. Juris Romani leges hætenus tantum cognitas habeat; ut sciat, quid ab iis justum vel injustum pronuncietur, neque rationem illarum perspicat, conclusiones ad principia revocare, decisiones ex genuinis rationibus arcessere nesciat; is illarum legum tantum historicam peritiā est adeptus: & si fortè existimet, se illarum scientiam consecutum esse, erit tamen illa non alia

alia, quàm quæ *ὑποβιβαστος*, per accidens, Philosopho dicitur. Nam *scire leges non est, verba earum tenere, sed vim ac potestatem*, inquit Cellus l. 17. ff. de legibus.

CXLII. Quamvis autem hæc disciplina per multa secula tanquam obsoleta & detrita vestis videatur abjecta, & nihilominus Romanæ aut aliarum civitatum leges à summi ingenii viris fuerint explicatæ, & horum exemplo se tueri nonnulli, & apertè contemnere ac calumniari Juris Naturalis studium soleant; ea tamen re à vera sententia nihil dimoveor. Etsi enim multi legum interpretes singulari quadam solertia ac sagacitate verum deprehenderint, hoc tamen non veræ scientiæ, sed singulari ingenii felicitati, imò etiam providentiæ divinæ erittribuendum: cum aliàs itidem constet, hujus disciplinæ ignorantiam tot errorum symplegadas, opinionum varietates, atque has communes contra communes, uti ajunt, peperisse. Quibus tricis atque labyrinthis ut tandem nos expediamus, non aliam, saltem meliorem rationem aliam inire aut comminisci nequeunt, quotquot veræ Jurisprudentiæ laudem habent & merentur, quàm si Jus Naturale diligentissimè excolatur. Expendat quis torum Digestorum volumen, & deprehendet Juris Naturalis sciens, hujus solida cognitione Jctorum infinitas easq; justissimas æquisimasq; conclusiones subnixas esse. Scripsit olim Salvius Julianus singularem librum de Ambiguitatibus, & Herennius Modestinus de Enucleatis casibus: qui si superessent integri, fortè evidentius idiplum malè credulis demonstrarent. Quamobrem etiam ex recentioribus quidam in hanc curam incubuerunt, ut rectæ Interpretationis fontes commonstrarent, *Raymundus de Forolivio de Inter-*

CXXXI. At, inquit quis, si tanto labore Juris Naturalis disciplina sit exstruenda, ecquid erit præmi? Longè maximum hic fiet operæ pretium; non tamen tantum, ut per illius observationem vitam æternam consequi possimus, ut nonnulli opinati sunt, quorum nomina non sunt clam habenda. Clemens Alexandrinus *lib. 7. στοιμαίων* *sive Censorum* tradit, Judæis legem Moſis, Gentibus Philosophiam, ante Christi adventum, & eam, quam ipſe appellat vocationem univerſalem, Judæorum & Barbarorum in populum unum, ad ſalutem ſuffeciſſe. Et licet fateatur, notiſſiam Dei, quam habuerunt Gentes, fuiſſe *ἀμυρόν*, *obſcuram*, nihilominus eò propender, quod per hujusmodi de Deo cognitionem homines potuerint ſervari. Unde non uno loco Legem & Philoſophiam, dūo Teſtamenta appellat, ab eodem Domino diverſis populis in eundem finem commendata. Per Philoſophiam vero talem notiſſiam intelligit, quæ ad juſtificationem homini proſit. Ita enim loquitur *lib. 1. Philoſophia quondam per ſe Græcos juſtificabat*. Juſtinus Martyr in ſua Apologia docet, novitatem doctrinæ Chriſtianiſ falſò objici, quum ejus autor ſit Chriſtus, *λόγος τῆ θεῶ*, *verbum Dei*. Mox vocem *λόγος* Rationem interpretatus, Chriſtianos cenſeri debere ait, quicumque *μετὰ λόγον*, *cum ratione*, vitam inſtituerint: quales, inquit, fuerunt apud Græcos Socrates, & Heraclitus: inter Barbaros, Abraham, Ananias, Azarias, Miſaël, Helias, & alii multi. Itaque cum Juſtinus exiſtimet, Chriſtum eſſe *λόγον*, & *πᾶν γένος ἀνθρώπων μετέχον*, *Rationem*, cujus ſit particeps omne humanum genus; ita porro diſſerit: *Chriſtus etiam à Socrate ex parte eſt agniſtus. λόγος enim, Ratio ſive Sermo erat, atque eſt, qui eſt in quovis homi-*  

*nium,*

num, & ille est, qui partim per Prophetas futura prädixit, partim per se ipsum hæc docuit. Audiamus quoque verba hæc de re facientem Chrysostomum, *In Matthæum, homil. 38.* Dicit aliquis: quid ergo? illisne facta est injuria, qui ante Christi adventum vixerunt? Nequaquam; tunc enim etiam sine confessione Christi poterat aliquis servari. Quippe hoc ab illis non exigebatur, sed ut ab Idololatria abstinerent. Pergit mox: Solum Deum nosse ad salutem tunc temporis satis erat. Nunc id non sufficit, quin hoc amplius noticia Christi est necessaria. Non multò post: Fruentur omnibus vita æterna bonis, etiam illi, qui Christum, ante ipsius incarnationem non norunt; sed ab idololatria se abstinuerunt, Deum unum adorant, & vitam, quam fieri poterat, optimam vixerunt. Hæc quomodo commoda interpretatione mollienda sint, videatur Casaubonus *Exerc. 1. adv. Baronium*: ubi etiam aliorum veterum meminit, qui in eandem sententiam proclives gemina tradiderunt.

CXXXII. Hanc vero etiam recentiores quidam amplexi sunt, Andreas Vega *lib. 6. de sin. Conc. Trid. cap. 17. & 20.* Maldonatus *in cap. 9. Matth. v. 22.* Pererius *disp. 18. in cap. 1. ep. ad Roman.* Dominicus Soto *lib. 2. de Nat. & Grat. cap. 11.* qui tamen ad sanam mentem rediisse creditur. Joannes Sleidanus *Comment. sui lib. 23.* hæc memorat: Franciscanus quidam Pauli ad Romanos explicabat Epistolam, frequenti auditorio, & subinde per occasionem acerbo convitio Lutherum sociosq; notabat, eòq; fuit progressus, ut diceret eos, qui Christi cognitionem nullam habuissent, & alioqui vitam egissent honeste, salutem esse consecutos. Idem negotium suscepit Franciscus Puccius edito de *Natura & Gratia* erga omnes homines libro, cui Franciscus Junius se opposuit. Huldricus

Zuinglius Theseo, Herculi, Senecæ aliisque inter gentiles heroibus singularem de Christo revelationem & salutem tribuisse fertur. Idem dogma propagare instituit Theobaldus Tammerus, Professor Academix Marpurgenfis, qui suæ Theologiæ duo summa capita constituit, Conscientiam & Creaturam. Idem egisse dicitur Samuel Huberus Helvetio-Bernas, sententia Synodi Bernensis condemnatus. Temeritati proximum esse errorem, uti ait Valerius Maximus *lib. 9. cap. 9.* vel hinc agnoscas: quem cum in hac causa nimis crudum & apertum nemo non deprehendat, ejus refutatione non occupabimur. Sexcenta verbi revelati testimonia solidè evincunt, extra fidem & Christum neminem salutis participem fieri posse.

CXXXIII. Age ergo videamus, quis tandem sit cogniti Juris Naturalis usus. Ejus disciplinam si quis probè excoluerit, primò quidem quadantenus intelliget, quid sit illa Imago Dei, ad quam Homo primitus fuit creatus. Consistebat illa cum primis in Justitia & Sanctitate, interprete Apostolo, *Ephes. 4. v. 24. Coloss. 3. v. 10.* sic ut Homo non solum voluntatem divinam promptè cognoscere, & faciendâ à fugiendis discernere, sed & suam voluntatem atque actiones voluntati divinæ exactè conformare, totamq; Dei legem perfectè implere posset. Alia quæ de Imagine Dei à Theologis disputari solent, lubens præmitto. Postquam autem Protoplasti hac perfectione se privarunt sua inobedientia, *Rom. 5. v. 19.* jamq; prolem generassent ad imaginem suam, *Genes. 5. v. 3.* & lumen Intellectus obscuratum, & varia atque enormis cæpit esse Appetitus inclinatio atque fuga. Relicta est tamen homini Ratio, quæ suis adminiculis aliquam rectitudinem adepta,

Jus

Jus Naturæ cordi inscriptum agnosceret, promulgaret, ejusq; autoritate motus animi compesceret aut refrenaret. Quamvis enim post lapsum homo voluntatem suam voluntati divinæ, & actiones suas normæ Juris Naturalis exactè conformare nequeat, non minus tamen eo post, quàm ante lapsum homo fuit obligatus. Alter igitur hinc redundans usus, isq; longè maximus est, ut sciat homo, quid etiam post lapsum agere in vita omnino, quid sequi, quid fugere, quibus regulis suas actiones attemperare debeat, etiamsi tam promptè, tam libenter, & tam perfectè id ipsum jam quidem præstare nequeat.

CXXXIV. Cum vero Vitium habeat vim corrum-  
pendi principium, sic ut Ratio pravitate morum & exem-  
plorum corrupta non satis agnoscat leges naturales, Deus  
identidem quasdam ex iis repetiit, & cum primis tremenda  
solennitate illas denuo in monte Sinai promulgavit, quæ  
Decalogi nomine veniunt: cujus si fortè tertium de Sab-  
batho colendo præceptum eximas, reliquis ejus præceptis  
omnes homines sunt obligati, sine privilegio, sine dispen-  
satione, sine ulla mutatione. Itaq; prodest tertio Juris  
Naturalis disciplina ad rectè intelligenda Decalogi præ-  
cepta, omnemq; legem moralem. Huic vero cum homo  
perfectam obedientiam præstare nequeat, quam tamen  
illa exigit, singulari Dei gratia ei per alia quædam reme-  
dia consultum fuit, de quibus Theologia revelata docet;  
ut non solum quartò hæc disciplina proficit ad cognoscen-  
dum discrimen istius & Theologiæ Naturalis, sed & lu-  
culentissimè innotescat, quantulæ nobis ad vitam bene &  
juxta voluntatem divinam perfectè agendam superant vi-  
res, & quanta è contrario erga nos divina gratia exstiterit,  
quæ

Zuinglius Theseo, Herculi, Senecæ aliisque inter gentiles heroibus singularem de Christo revelationem & salutem tribuisse fertur. Idem dogma propagare instituit Theobaldus Tammerus, Professor Academicæ Marpurgensis, qui suæ Theologiæ duo summa capita constituit, Conscientiam & Creaturam. Idem egisse dicitur Samuel Huberus Helvetio-Bernas, sententia Synodi Bernensis condemnatus. Temeritati proximum esse errorem, ut ait Valerius Maximus *lib. 9. cap. 9.* vel hinc agnoscas: quem cum in hac causa nimis crudum & apertum nemo non deprehendat, ejus refutatione non occupabimur. Sexcenta verbi revelati testimonia solidè evincunt, extra fidem & Christum neminem salutis participem fieri posse.

CXXXIII. Age ergo videamus, quis tandem sit cogniti Juris Naturalis usus. Ejus disciplinam si quis probè excoluerit, primò quidem quadantenus intelliget, quid sit illa Imago Dei, ad quam Homo primitus fuit creatus. Consistebat illa cum primis in Justitia & Sanctitate, interprete Apostolo, *Ephes. 4. v. 24. Coloss. 3. v. 10.* sic ut Homo non solum voluntatem divinam promptè cognoscere, & faciendâ à fugiendis discernere, sed & suam voluntatem atque actiones voluntati divinæ exactè conformare, totamque Dei legem perfectè implere posset. Alia quæ de Imagine Dei à Theologis disputari solent, lubens præmitto. Postquam autem Protoplasti hac perfectione se privarunt sua inobedientia, *Rom. 5. v. 19.* jamque prolem generassent ad imaginem suam, *Genes. 5. v. 3.* & lumen Intellectus obscuratum, & varia atque enormis cœpit esse Appetitus inclinatio atque fuga. Relicta est tamen homini Ratio, quæ suis adminiculis aliquam rectitudinem adepta,

Jus



Jus Naturæ cordi inscriptum agnosceret, promulgarer, ejusq; autoritate motus animi compelleret aut refrenaret. Quamvis enim post lapsum homo voluntatem suam voluntati divinæ, & actiones suas normæ Juris Naturalis exactè conformare nequeat, non minus tamen eo post, quàm ante lapsum homo fuit obligatus. Alterigitur hinc redundans usus, isq; longè maximus est, ut sciat homo, quid etiam post lapsum agere in vita omnino, quid sequi, quid fugere, quibus regulis suas actiones attemperare debeat, etiamsi tam promptè, tam libenter, & tam perfectè idipsum jam quidem præstare nequeat.

CXXXIV. Cum vero Vitium habeat vim corrumpendi principium, sic ut Ratio pravitate morum & exemplorum corrupta non satis agnoscat leges naturales, Deus identidem quasdam ex iis repetiit, & cum primis tremenda solennitate illas denuo in monte Sinai promulgavit, quæ Decalogi nomine veniunt: cujus si fortè tertium de Sabbatho colendo præceptum eximas, reliquis ejus præceptis omnes homines sunt obligati, sine privilegio, sine dispensatione, sine ulla mutatione. Itaq; prodest tertio Juris Naturalis disciplina ad rectè intelligenda Decalogi præcepta, omnemq; legem moralem. Huic vero cum homo perfectam obedientiam præstare nequeat, quam tamen illa exigit, singulari Dei gratia ei per alia quædam remedia consultum fuit, de quibus Theologia revelata docet; ut non solum quartò hæc disciplina profuit ad cognoscendum discrimen istius & Theologiæ Naturalis, sed & luculentissimè innotescat, quantulæ nobis ad vitam bene & juxta voluntatem divinam perfectè agendam suppetant vires, & quanta è contrario erga nos divina gratia exstiterit,

quæ hujus pædagogii rigori nos exemit, *Galat. 3. v. 24. 25.* nostramq; imbecillitatem Spiritus Sancti ope suffulsit; sic ut iusto lex jam non sit posita, non quod iustus lege non sit obligatus, sed quod formidine pœnæ, quam lex minatur, à peccatis non tam absterrendus sit, quàm quod Spiritus Sancti ductu ultro legi pareat, Deoq; grata agat, cum homines protervæ improbitatis non nisi supplicii metu à libidine peccandi retrahi soleant. *1. Timoth. 1. v. 9.*

CXXXV. Sed & eò proficit Juris Naturalis disciplina, ut intelligamus ejus præcipuè vinculo omnes Societates, & speciatim Civitates, Respublicas, liberasq; gentes, aut Principes constringi ac conservari. Cum enim quæque Respublica sit *δινομένη*, & altera alterius sive legibus sive judiciis obnoxia non sit, neque commune judicium ab hominibus institutum agnoscant, nisi fortè ex conventionē tale inter ipsas & ab ipsis fuerit constitutum, quale, ni fallor, olim fuit inter Græciæ populos Arcopagus; Jure Naturæ & Judicio omnium hominum communi harum controversiæ necessum est definiantur. Sanè, si Jure gentium vel communi vel speciali utantur, atque hinc illæ lites decidi possint, & hujus magna est autoritas. Absque hoc Jure gentium, aut communi judicio conventionali, debita autoritate prædito, si sit, secundum Jus Naturæ illarum causæ & actiones examinari atque expediri oportet, quod illius obligationi omnes & singulæ sint obnoxie, & tam hujus quam Providentiæ divinæ auctoritatem, quæ illud condidit, venerari & piè amplecti debeant. Bene itaque Camillus ad Faliscorum magistrum ait, *Nobis cum Faliscis, quæ pacto sit humano, Societas non est, quam ingeneravit natura virisque, est, eritq;.* Liv. lib. 2.

Unde

Unde simul colligitur, labi illos, & errare, qui simpliciter  
Judiciorum originem à solo instituto humano arcessunt.  
Meliora docet *Selden. lib. 7. de J. N. G. cap. 4.* quæ confir-  
mat *Bæcler. ad Grot. lib. 1. cap. 3. §. 1. p. 192. & seq. Rob. Maran.*  
*de ord. Judic. p. 3. n. 132.*

CXXXVI. Quia vero hæc disciplina non unius in-  
genii modulo concluditur, sed ex variis monumentis ma-  
gno labore & judicio conquirenda est, plurimum ad illam  
constituendam & locupletandam facere poterunt illarum  
Rerumpublicarum leges, quæ præ aliis Prudentia Nomo-  
thetica excelluerunt: quas inter principatum sibi optimo  
jure Romana vindicat. Quia vero Pandectarum inprimis  
volumen frequentes & incomparabiles Juris Naturalis  
commentationes, & simul cum iis plurimas leges merè  
arbitrarias exhibet; ideo & hunc usum præstat ex cultum  
diligentiùs Juris Naturalis studium, ut hujus capita ab iis,  
quæ sunt juris positivi, accuratè secernantur. Cum enim  
causæ civitatum liberarum controversæ non ex his, sed  
istis sint decidendæ; gravis sæpe oritur inter illas con-  
tentio, quod interdum quæ juris positivi sunt æquè illis  
obtrudantur, quàm quæ ex jure naturali rectè promuntur,  
naturæ semper intellectum habent, *l. s. ff. de serv. export.*

CXXXVII. Nemini non est cognitum, maximam  
semper & meritò habitam fuisse Juris Romani auctoritatem,  
partim quod suas leges unà cum imperio & armis soliti  
fuerint propagare Romani, suiq; juris usum iis regnis, quæ  
in formulam provinciæ redacta erant, demandare: partim  
quod cernerent gentes, Romanas leges summa prudentia  
esse conditas, præcipuam in iis æquitatis rationem habi-  
tam, iisq; exactissimas Juris Naturalis explicationes con-  
tine-

tineri, atque hætenus illarum usum etiam ad se pertinere: partim quod sola opinione, fama, imitatione aliorum, imò etiam errore, atque hoc non uno, sibi illas sine discrimine adsciscerent, quæ arbitraria à naturalibus distinguere, diversas Respublicas, quibus leges accommodandæ alioqui sunt, secernere, aut sibi suo ingenio & judicio leges condere nesciebant. Et si igitur plurimæ gentes Jure Romano fuerint usæ: illud Reges Hispani Jus commune appellant: Judæi ad illud deficiente lege Mosaica provocent: Turcæ etiam Codicem Justiniani causis decidendis adhibeant; nunquam tamen verum esse demonstrari poterit, Romanos orbi terrarum leges præscripsisse, & quod illud jam omnino habendum sit pro jure naturali & gentium: in quam sententiam multa Jcutorum testimonia congestit Arthurius Duck *de usu & autor. Jur. civ. Rom. lib. 1. cap. 2.* & ipse nimio suscepti argumenti studio evagatus.

CXXXVIII. Nam licet illud Romanarum legum systema in summo pretio sit habitum, & nunquam non haberi debeat; hoc tamen à liberis gentibus, quæ prudenter illas admiserunt, hætenus illis est tributum, quatenus Juris Naturalis & æquitatis in iis exquisitissima & uberrima tractatio passim continetur. Cautè igitur recteq; ait Ludolphus Schraderus, Principes populosq; liberos Romano Imperio non obnoxios, in causis, per leges & consuetudines suas non decisis, legibus Romanis obligari, quatenus sunt fundatæ in ratione naturali. Si quæ igitur sunt civitates liberæ, quæ Jus Romanum non tantùm, qua parte Juris Naturalis explicationes comprehendit, sed & ejus leges arbitrarias complures ad-  
pra-

praverit, sua libertate in iis adsciscendis usque fuerunt, &, si ita visum sit, in his quidem abrogandis eadem uti poterunt. Apud quas vero istiusmodi conventionem vel placito receptæ non sunt, iis Jus Romanum, quæ arbitrium est, nullo modo invitis obtrudi potest, sic ut causæ controversæ inde decendantur. Rectissime hac de re sensit Jacobus Gothofredus, cujus hæc leguntur verba *differt. de Imperio Maris: Romanis hodie legibus utuntur libertima omnium regna populique, tanquam aquæ bonique fonte. Quo qui aliter utuntur, hæc illi perquam suaves sunt, parumque sibi consulunt, cum verso hodie regnorum populorumque statu in aliam, quam Romanum olim Imperium, formam juri Romano non nisi absurde quisquam sese illiget. Et prudentissime omnium Galli, qui eo loco leges Romanas habent, quo & quatenus fontem boni aqueque: quo simul & dignitati suæ recte consulunt, & veram juris dicendi orbitam tenent.*

CXXXIX. Quid igitur mirum, si liberæ gentes cum aliis disceptantes leges quasdam Romanas sibi oppositas repudiaverint, quod ab ipsorum placito essent profectæ, vel saltem tales esse, adeoque nihil ad se pertinere, crediderint. Nota est illa disputatio inter competitores Regni Lusitanici de Jure Repræsentationis, agitata etiam à celeberrimis Hispaniæ Italiæque Jctis, quorum scripta Bononiæ & alibi prodierunt. Philippus II. Hispaniæ Rex repræsentationem, seu Juris arbitrarii Romani placitum, admittere volebat. Qui hodie ibi imperium tractant, illa cum primis nituntur. De Jure primogenituræ item sæpius disputatum, creditumque fuit, ut memorat Justinus *lib. 16.* Ptolemæum Ægypti regem contra jus gentium minimo natu ex filiis regnum tradidisse.

disse. Ita quoque circa acquisitionem & alienationem rerum jure Romano arbitrario positivo quædam sunt constituta, quæ liberi populi ac principes nihil ad se pertinere arbitrabuntur. Non equidem nescio, etiam modò allata exempla adscribi solere Juri Naturali: id quod ego nunc non disputo, sed hoc solum moneo, quando ajunt, aliquid habere fundamentum in Jure naturali vel æquitate, esse his consentaneum; has similesq; loquendi formulas ambigüe dici, & difficillimè sæpe expediri posse, quid revera sit Juris naturalis, & quid Arbitrarii. Quo vero quis felicius in Jure Naturali profecerit, eò rectius hoc à Positivo discernere, & summorum Principum ac Rerumpublicarum gravissimas controversias arbitrari poterit.

CXL. Utilissima quoque est Legislatoribus Juris Naturalis cura, nequid sanciant, quod illi sit inimicum & adversum; id enim cum effectu obligationis fieri non posse, sed & legislatores talem normam præfinites, & subditos judicesq; eam sequentes peccare, supra ostendi. Itaque in pulcherrimo Juris Romani corpore tanquam deformes verrucæ exstant illæ leges, quæ jus vitæ & necis in liberos servosq; patrùm herorumq; arbitrio permiserunt. Et hanc & quoque SCti Syllaniani crudelitatem detestatur Jus Naturæ. Cum enim præfectus urbis domisuz fuisset occisus, memorat Tacitus, eam fuisse illius SCti vim, ut quadringenti servi, sine ætatis & sexus discrimine, etiam hi, quorum non dubia innocentia erat, fuerint occisi. *Add. l. un. C. de emend. serv. & l. 2. ff. ad l. Aquil.* ubi servi quadrupedibus invito jure naturæ æquiparantur. *In mancipio cogitandum est, non quantum illud impu-*

*impune pati possit, sed quantum tibi permittat æqui boniq; natura; inquit Seneca lib. de clement. c. 18. cujus etiam hæc sunt ibidem: Cum in servum omnia liceant, est aliquid, quod in hominem licere commune jus animantium vetat, qui ejusdem nature est, cujus tu. Indignissima quoque Christiano Imperatore est l. 4. C. de malef. & mathem. qua Constantinus artes magicas permittit, quibus fortè quis ægrotis medeatur, aut à viribus & frugibus calamitates, imbres, grandinesq; averrat. Et quamvis nonnulli commoda interpretatione subvenire studeant Imperatori, ac si hæc ejus lex non de incantamentis, sed lustrationibus agrorum, quæ publicè decantatis litaniiis fiebant, intelligenda sit, Nov. 123. cap. 32. frustra tamen hos esse, verba nimis manifesta evincunt, eoq; nomine Albericum Gentilem reprehendit Jac. Gothofredus ad l. 3. C. Theodos. de malef. & mathem. Itaque hæc lex jure merito postea abrogata fuit à Leone Nov. 65. & quoque omissa est in Basilicis: ceu videre est ex lib. 60. tit. 39. Idemq; testatur Balsamo ad Photii Nomocan. t. 9. c. 26. Obelo quoque sunt transfigendæ illæ leges, quibus αὐτοχρησία propter tædium vitæ, pudorem æris alieni, similesq; causas permittitur, vel saltem impunis esse jubetur. l. 6. §. 7. ff. de inj. rupt. l. 45. §. 2. ff. de jur. fisc. l. 38. §. 12. ff. de pen. l. 6. §. 7. ff. de re milit. l. 11. §. 3. ff. de his qui not. infam. Duplex vero impietas invito Naturæ jure impunitatem habet ex l. 3. §. 5. ff. de bon. eor. qui ante sent. ubi J Crus ait, Hadrianum rescripisse, si pater sibi manus intulisset, quod diceretur filium suum occidisse, magis dolore filii amissi mortem eum sibi irrogasse videri, & ideo bona ejus non esse publicanda.*

CXLI. Et quid dicam quam non solum utilis, sed  
T  
pla-

planè sit necessaria hæc disciplina Judicibus atque Jurisconsultis, ut ab istis cuique factò convenienter jus applicetur, ab his omnis juris recta instituatür interpretatio. Factum, ejusq; circumstantias, & meritum quomodo quis rectè dijudicabit, nisi hujus disciplinæ principia probè novit, atque de libertate, animo, consilio & proposito agentis, aut de dolo, errore, vi, metuve hinc statuere, actionemve justam vel injustam & quidem diversissimis gradibus pronunciare possit? Idcirco frequenter Jctos veteres profiteri videas; *secundum ea, quæ proponebantur*, se respondisse. Et Alphenus super factò consultus respondit, *In causa jus esse positum l. 52. §. 2. ff. ad l. Aquil. Ex re ius constituendum esse dixit Marcianus l. 1. §. 3. ff. ad l. Corn. de sicar.* Quid quod Naturale jus suppleat cujusvis Arbitrarii juris ~~inimicitia~~ & defectus. Hoc enim cum omnibus causis & casibus singularibus plane non provideat, ad Jus Naturæ & æquitatem naturalem recurrendum est. Huc facit illud Pomponii *l. 2. §. 5. ff. de aq. pluv. arc. Hac æquitas suggerit, etsi jure deficiamus: & illud Modestini l. 13. §. 7. ff. de excus. Sufficit fidem formare ex ipsa naturalijustitia.* Interpretationi vero juris tantum præbet Juris Naturalis disciplina usum, ut qui hanc ignoraverint, vel insuper habuerint, Jurisconsulti nomen nec mereri, neque usurpatum tueri possint. Si quis enim v. g. Juris Romani leges hætenus tantum cognitas habeat, ut sciat, quid ab iis justum vel injustum pronuncietur, neque rationem illarum perspicat, conclusiones ad principia revocare, decisiones ex genuinis rationibus arcessere nesciat; is illarum legum tantum historicam peritiâ est adeptus: & si fortè existimet, se illarum scientiam consecutum esse, erit tamen illa non alia



alia, quàm quæ *ὑποβιβασμός*, *per accidens*, Philosopho dicitur. Nam *scire leges non est, verba earum tenere, sed vim ac potestatem*, inquit Cellus l. 17. ff. de legibus.

CXLII. Quamvis autem hæc disciplina per multa secula tanquam obsoleta & detrita vestis videatur abjecta, & nihilominus Romanæ aut aliarum civitatum leges à summi ingenii viris fuerint explicatæ, & horum exemplo se tueri nonnulli, & apertè contemnere ac calumniari Juris Naturalis studium soleant; ea tamen re à vera sententia nihil dimoveor. Etsi enim multi legum interpretes singulari quadam solertia ac sagacitate verum deprehenderint, hoc tamen non veræ scientiæ, sed singulari ingenii felicitati, imò etiam providentiæ divinæ erittribuendum: cum aliàs itidem constet, hujus disciplinæ ignorantiam tot errorum symplegadas, opinionum varietates, atque has communes contra communes, uti ajunt, peperisse. Quibus tricis atque labyrinthis ut tandem nos expediamus, non aliam, saltem meliorem rationem aliam inire aut comminisci nequeunt, quotquot veræ Jurisprudentiæ laudem habent & merentur, quàm si Jus Naturale diligentissimè excolatur. Expendat quis totum Digestorum volumen, & deprehendet Juris Naturalis sciens, hujus solida cognitione Jctorum infinitas easq; justissimas æquisissimasq; conclusiones subnixas esse. Scripsit olim Salvius Julianus singularem librum de Ambiguitatibus, & Herennius Modestinus de Enucleatis casibus: qui si superessent integri, fortè evidentius id ipsum malè credulis demonstrarent. Quamobrem etiam ex recentioribus quidam in hanc curam incubuerunt, ut rectæ Interpretationis fontes commonstrarent, *Raymundus de Forolivio de Inter-*

pretatione in genere, *Constantinus Rogerius de Interpretatione juris*, *Stephanus de Federicis Brixienſis de Interpretatione legum*, *Laſfrancus de Oriano de Interpretatione Statutorum*, *Manica de tacitis & ambiguis conventionibus*, *Simon de Præſis de interpretatione ultimarum voluntatum*, *Camillus Gallinius de verborum ſignificatione*. Et quid multa? Præcipua à Judicibus & Jctis ratio æquitatis habenda, ejusq; ſingularis cura illis legibus demandata eſt. l. 4. §. 1. ff. de eo quod cer. loc. l. 8. C. de judic. quæ cum ex penetralibus hujus diſciplinæ ſit petenda, ipſaq; Jurisprudencia ideo deſcribatur ars boni & æqui, quod leges interpretaturus Jctis inprimis æquitati ſtudere debeat, nemini non liquet, Juris Naturalis uſum latiſſimè patere, ejusq; ſtudio & ſcientia Jctos & Judices præ aliis excellere debere.

CXLIII. Oſiander in Tractatu ſapius memoratò Juris Naturalis diſciplinam ad tria cumptimis capita prodeſſe oſtendit, 1. Numinis inquisitionem *th. 67. 2. Honeſtatis ſtudium, th. 70. 3. Juſtitix & diſciplinæ externæ in Societate hominum conſervationem, th. 73.* monetq; circa hunc uſum alios peccaſſe in Exceſſu, alios in Deſectu. Iſti qui ſint, cognosci poſſe ait apud Sixtum Senenſem, Caſaubonum, & Montacutium: Atque iis mox accenſet Andradium, Franciſcum à Victoria, Pererium, Caſalium, Maldonatum, Zuinglium, Edoardum Baronem Herbert, Marcum Antonium de Dominis, Arminianos quosdam & Wigelianos. Ad alteram claſſem refert Szydlovium, & præter alios nonnullos etiam (immediò ni fallor) Hugonem Grotium: & contra utroſque ſatis ibi prolixè diſputat. Hæc de Jure Naturæ diſſeruiſſe ſufficiat. Memores verò promiſſi, jam Maniſſæ loco quædam adjiciemus de *Vir-  
tute Morali, & Bona Indole.* De

## VIRTUTE MORALI.

## I.

**C**um multæ diversæq; sint Animæ humanæ Facultates, (de quibus sæpe jam aliàs diximus) quæque autem Facultas ad proprium munus à Natura sit destinata, ut quæ nihil facit frustra; illo tamen munere tum demum rectè fungitur Facultas, si convenienti sibi Virtute instruat ac perficiatur. Quemadmodum enim Virtute destituta non minus in suo munere malè quàm bene versabitur, ita hac instructa non nisi bene ac rectè illud tractabit. Sunt vero Animæ duæ principes Facultates, Intellectus & Appetitus. Utraque suis perficitur Virtutibus, quarum quidem adminiculo Intellectus sine errore perspicere ac enuntiare possit verum vel falsum, illud affirmando, hoc negando. Appetitus autem suarum virtutum præsidio munita ne erret vel in persecutione boni, vel in fuga mali. *Quod enim in Intellectu est Adfirmatio aut Negatio, hoc est in Appetitu persecutio & fuga.* 6. Nicom. 2. §. 4. Atque ex hac animi divisione ac differentia, virtutis quoque distinctio partitioq; nascitur: alias enim Virtutes appellamus *Νεγοῦντας*, alias *Μοραles*, inquit 1. Nicom. ult. §. 31. 32. Quæ Virtutes si absolute inter se conferantur, nullum est dubium, quin *Δianoῦτικæ* multò sint præstantiores *Μοραlibus*: at in doctrina morali *Μοραles* nihilominus præcipuam habent significationem.

II. Decretum vero nobis non est singulas Virtutes morales, aut aliquam ejus speciem jam explicare, sed ad Jus Naturæ plenius intelligendum Virtutis in-

genere consideratz naturam evolvere. Et quidem methodum Aristotelis secuti, primùm inquirentius, quæ ejus sit causa efficiens. Illa hoc doctore non est una, sed triplex, φύσις, λόγος seu διδασκαλία, ἔθος, *Natura, Doctrina, Adversusfactio.* 10. *Nicom. ult. §. 12. seqq. 7. Polit. B. & 15.* Plutarchus quoque requirit φύσιν, μάθησιν, ἀσκήσιν, *Naturam, Disciplinam & Exercitationem.* Natura, φύσις seu εὐφροσύνη, naturæ bonitas Ciceroni, ad virtutes facilius & perfectiùs imbibendas singularem ac nativam propensionem benefica largitur manu; *Unaquaque enim virtus moralis in omnibus hominibus quodammodo videtur inesse natura.* 6. *Nicom. ult. §. 3.* Quomodo vero hæc Naturales virtutes differant à Moralibus, ex 2. *Magn. Moral. c. 3.* paucis ostendemus. In naturalibus virtutibus, solum dicimus impulsu sine ratione ad honestatem esse oportere. Virtutem perfectam esse dicimus, quæ conjuncta cum prudentia sit, non utique ad honestum tendens citra naturalem impulsu; neque enim virtus virtuti adversabitur. Cæterum quid ad perfectam Virtutem Moralem omninò conferat Natura, ex altera Mantissa evidentius constabit,

III. Cum autem veterum nonnulli Naturæ plus æquo in productione Virtutis Moralis tribuissent, non uno illam sententiam argumento destruit. Primò quidem tale proponit Principium 2. *Nicom. 1. §. 5. Nihil eorum, quæ naturâ constant, adversusfaciendo potest adfici aliter, quàm est à natura comparatum.* Idq; mox inductione duorum singularium illustrat, *Ut lapis, inquit, qui deorsum fertur natura, nullaratione adversusfieri possit, ut sursum moveatur, ne quidem si decies millies aliquis eum sursum jaciens adversusfacere conetur: neque ignis unquam ut deorsum feratur.* Alterum prin-

principium hoc proponit: *Qua nobis à Natura obveniunt, eorum potentias prius accipimus, posterius energias sive actiones obimus §. 7.* Neque enim, inquit, videndi aut audiendi facultatem acquisivimus sæpe videndo aut audiendo: sed has potentias à natura jam nacti videmus & audimus. Ut vero quis ex Virtute agere possit, necessum est crebris convenientibusq; actionibus illum habitum sibi comparere. Qua in re Virtus est Artibus similis. Nec enim quis sine arte ædificii compagem concinnè exstruet aut committet: nec fides scitè pulsabit, arte hac destitutus; ita nec justè, nec temperanter vivet, talesq; actiones proferet quis sine habitu justitiæ & temperantiæ. Habet præterea alias rationes, quas omittimus.

IV. Doctrina quidem plurimum potest in Virtutibus Dianoeticis acquirendis, 2. *Nicom. 1. §. 2.* non item in Moralibus. Ita enim loquitur 10. *Nicom. ult. §. 14.* *Ratio & doctrina fortasse non satis valide sunt ad virtutem (moralem) inducendam cause.* Aliquid sanè Institutiō & Doctrina ad hanc rem proficit, ut intelligere discat teneranimus, quid rectum sit in vita, quid minus. Ut autem huic Doctrinæ firmum tribuat assensum, &, quod rectum est commonstratum, sequatur, quod turpe, fugiat, aliunde animus accipit, non à Doctrina. Hinc eleganter Aristoteles illos, qui de bonis moribus crebrò philosophantur, aliosve differentes audiunt, animum autem ad assensum ipsamq; praxin capeffendam dispositum non habent, comparat iis ægrotis, qui quidem Medicos consulunt, cum iis de sanitate recuperanda deliberant, pharmaca præscripta conficienda curant, sed iis non utuntur. Proinde uti his ea ratione sanitas nunquam restituitur, ita

ita nec istos unquam bonos aut felices fore ait. 2. *Nicom.* 4. §. 17. *seqq.*

V. Præcipuum momentum est situm in debita Ad-  
fuefactione, cui ipsum arguit etymon græcum, *ἥθνη* enim  
hæc dicitur Virtus *ἡθική*, quod certo more & adfuefactio-  
ne comparatur. 2. *Nicom.* 1. §. 3. Hæc quid possit, passim  
docet, & cum primis *cap. ult. d. Operis §. 14. seqq.* Oportet  
prius animum auditoris excoli moribus, ut rectè gaudere &  
dolere possit: non aliter, quàm terram, qua proferendi seminis  
facultatem habitura sit, prius probè excultam esse oportet. &c.  
Imo, inquit alibi, uti citharædus aliquis sit, crebro pulsan-  
do citharam, & bonus citharædus, si concinnè pulset, ma-  
lus vero, si absurde; ita temperantiæ studiis, actionibus ju-  
stis, fortibus adfuefacti, redduntur temperantes, iusti, for-  
tes. Aliis contrariis dediti actionibus, usu illo & adfuectu-  
dine paulatim efficiuntur intemperantes, iniusti, ignavi.  
Quamobrem graviter nos monet Philosophus 2. *Nicom.* 1.  
§. 19. 20. *Itaq, danda opera est, ut actiones nostras certo quo-*  
*dam modo conformemus. Harum enim differentias habitus*  
*differentes ac dispares consequuntur. Non ergo parùm refert,*  
*sed perquam multùm, sicne, an sic à pueris adfuescamus. Imò*  
*vero totum in eo positum est.*

VI. Hæc Adfuefactio, uti apparet, necessum est  
certo modo sit comparata, si quidem ex illa Virtus gene-  
rari debeat; secus enim si sit adfecta, tantùm abest ut  
Virtus, ut potius inde generetur Vitium. Duo igitur  
sunt hic consideranda: primò ipsum Subjectum, quod  
agit, seu adfuescendo Virtutem querere adfectat. Deinde  
quales ejus debeant esse actiones. Nec enim quis Justus  
aut Fortis erit, ex actionibus quomodocunque iustis aut  
for-

fortibus. Non solum enim spectandum est, an aliquid sit Justum & Honestum, sed cumprimis an etiam justè & honestè sit factum. Ita qui mutuum invitus solvit, aut depositum invitus reddit, justum quidem facit, non autem justè. Justus igitur ut verè quis sit, necessum est, actio justitiæ regulis sit conformis, & ut etiam animus agentis ita sit affectus & dispositus, quemadmodum ejus est, qui Justitiæ habitu revera præditus est, & quomodo is per talem habitum agere solet. Atque ita se etiam res habet in cæteris virtutibus. Hoc ipsum his significat verbis Philosophus<sup>2</sup>. *Nicom. 4. §. 15. Justus & temperans est, non qui has res (τὴν δίκαιαν καὶ σωφρονῆν, justa & temperantia,) agit tantum, sed qui ita agit, ut justi & temperantes homines solent.*

VII. Quomodo igitur ipse agens, seu animus ejus, debeat esse affectus & dispositus, his tradit verbis d. c. §. 7. *Virtutis opera, non si ipsa cujusdam modi sint, justè aut temperanter facta sunt, sed si is quoque, qui agit, certo quodam modo conformatus illa. agat. Ac primum quidem si sciens, εἰδώς. Deinde si προαιρέσῃ, deliberato animi proposito, & quidem προαιρέσῃ δι' αὐτὴν, ut ipsius honestatis studio hoc animi propositum excitetur. Postremò, si firma, perpetua & constanti voluntate agat. His qualitatibus debet esse præditus agens, qui perfectè velit esse bonus. Hæ tamen omnes, si rem rectè lance expendas, continentur in perfecta προαίρεσι. Hæc enim & scientiam, & similiter agendi constantiam utique in se continet. Sciens debet agere, non temerè aut fortuito, προαιρέσῃ, consilio capto seu deliberatione præmissa diligenti, & προαιρέσμενος δι' αὐτὴν, ipsius honesti amore ac studio actiones honestas*

aggredi, non ob aliud extrinsecus positum, quod vel cupiditatem excitare, aut formidinem injicere possit: denique constans animi propositum adesse debet, perpetuo sic & non aliter agendi.

VIII. De Actionibus vero, quales illæ esse debeant, subtiliter sanè differit. Diximus habitus morales gigni ex actionibus, sic, ut quales hæ fuerint, tales quoque sint existuri habitus, ex bonis actionibus Virtutes, ex improbis Vitia. Deinde supponit Philosophus, Virtutem omnem, sive Moralem, sive Dianoëticam, perficere suum subjectum. Quid enim est Virtus oculi? equi, hominis, quam horum subjectorum perfectio? Verba Philosophi hæc sunt: *Dicendum est, Virtutem omnem, & id, cujus ipsa virtus sit, bene adfectum reddere, & opus ejus dare rectum ac perfectum. 2. Nicom. 6. §. 2.* Hoc itaque primò notetur, Virtutem & perficere suum subjectum, & actiones ejusdem.

IX. Deinde animadvertendum est, cum Virtus generetur ex actionibus sui similibus, Actiones generaliter consideratas capaces esse ejus, quod est Nimium, & ejus, quod est Parum, & ejus, quod est Medium. Hoc ita ostendit 2. Nicom. 6. §. 7. *In omnire continua ac dividua & Plus, & Minus, & Equale sumere possumus.* Sub hoc Principio subsumit: Atqui Actiones & Adfectus sunt aliquid continuum & dividuum, *συνεχὲς καὶ διαμετρίον*, Ergo in Actionibus & Adfectibus locum habet Plus, Minus, & Equale, seu, Nimium, Parum & Medium. Minorem hujus Syllogismi ita probat 2. Eudem. 3. *ἡ μὲν γὰρ κίνησις, συνεχὲς. ἡ δὲ πρᾶξις, κίνησις.* *Motus enim continuum quiddam est: actio vero est motus.* Neque dispar hactenus est ratio Adfectuum.



fectuum. Ita irasci, dolere, lætari & nimium licet, & parum, & intra modum seu mediocriter: & sic in cæteris se res habet. Sunt vero Adfectus non quidem per se Continui & Divisibiles, sed per accidenti; nec enim sunt in prædicamento Quantitatis, sed dividi dicuntur ratione motus, cujus vel nimis magna, vel nimis contracta, vel moderata potest esse sive ἐνίπταις sive ἄνευς. Vid. 6. *Nicom.* 1. §. 2. Scilicet hic quoque Aristoteles boni Doctoris munere fungi, & captui Auditorum suorum se accommodare studuit, qui Mathematicis disciplinis erant initiati: itaque non raro etiam practicæ doctrinæ quasdam inspergit hypotheses ac propositiones Mathematicas.

X. Progreditur jam hinc, & porro colligit Philosophus, Actiones Nimium aut Parum in se habentes corrumpere ac destruere subjectum, ejusq; actiones, solas Medium tenentes perficere subjectum, ejusq; functiones. τοιαῦτα πύφκειν ὡς ἐνδείας καὶ ὑπερβολῆς Φθίρειαι: inquit 2. *Nicom.* 2. §. 10. Quæ ejus sunt conditionis, ut capaces sint & Excessus & Defectus & Medii, illa ab eo, quod est Nimium & Parum, corrumpuntur, à Medio vero perficiuntur & conservantur. Id quod facili negotio inductione facta confirmatur, atque ipse Philosophus perspicuis ibi declarat exemplis. Nam & nimia corporis seu violenta exercitatio, & ignava ac molis valetudinem attenuat & destruit, moderata illam conservat. Nimius quoq; cibus potusq; opprimit vires corporis, exiguus & depareus enervat, moderatus illas reficit. Similis est ratio in actionibus moraliter consideratis: Omnia timere aut cupere, & nihil timere aut cupere, animum hominis vitiat: & prudenter timere aut non timere, utrobi-

que *ὡς δὴ*, seu oportet, animum perficit. Ipse inspiciatur Aristoteles 2. *Nicom.* 2. à §. 10. usque ad 15.

XI. Prono hinc fluit alveo talis collectio: Cujus naturæ sunt Actiones, ex quibus generatur Virtus, ejusdem quoque illa ipsa naturæ erit: Illæ vero ejus sunt naturæ, ut ubique teneant Medium; Itaque & Virtutis eadem erit ratio & natura, ut teneat Medium. Hic vero ut alios evitet scopulos, Philosophus monet 2. *Nicom.* 6. §. 7. *seqq.* Medium esse duplex, unum Rei, alterum *ὡς ἡμᾶς*, ad nos. Medium rei appellat, quod æqualiter abest ab utroque extremo, idq; unum & idem dicit esse omnibus, idq; sequi ait proportionem arithmeticam. c. g. *si decem, multa: duo pauca sunt: sex, medium ad rem sumi oportuerit. Æqualiter enim superant & superantur.* §. 11. Medium ad nos appellat, *ὁ μὴτε πλεονάζει, μὴτε ἰσχύει, quod neque excessu nec defectu laborat:* idq; non esse unum idemq; omnibus, manifesto etiam illustrat exemplo. Si more veterum pugiles sint alendi certis ciborum libris aut pondere, nec copiosior, nec parcius cibus est præbendus, sed moderatus & conveniens. At hic Modus seu Medium non est idem omnibus. Nec enim, si duæ libræ ciborum nimis exiguæ sint, sint etiam nimis multæ decem libræ, omnibus & singulis, qui in palæstra exercentur & ab alijs aluntur, conveniens erit pondus sex librarum. Parum enim & hoc fuerit Miloni, multum seu nimium tironi. Medium igitur illud *ὡς ἡμᾶς* est intelligendum & spectandum cum *χρίσει*, eaq; non simplici. Quando igitur dicitur, Virtutem gigni ex actionibus tenentibus Medium, illud designatur, quod est *ὡς ἡμᾶς*: adeoq; & ipsius Virtutis natura in hoc Medio consistit, respiciente agentem, imò singulas actio-

actionis circumstantias, quæ actioni moralitatem addere, aut illam augere vel elevare possint: cum è contrario Medium rei sæpe sit futurum in vitio. Ita v. g. aliter Medium hoc *περὶ ἧν* tenebit in irascendo Pater, aliter Judex, aliter hostis. Aliter quis medium tenebit in lugendo obitum conjugis, aliter vicini. Aliter quis medium tenebit lætando manubiis, aliter victoria. *Ad hunc ergo modum sciens omnis (πᾶς ἐπιστήμων) Nimum & Parum fugit: Medium inter hæc exquirat, atque id exoptat: Medium inquam, non rei, sed illud, quod est ad nos.* Verba sunt Philosophi d. l.

XII. Non solum autem Virtus ex actionibus medium *περὶ ἧν* observantibus gignitur, sed ex his genita & perfecta similes prorsus actiones, medii ejus observantissimas producit. Et sicut Vitium gignitur ex actionibus à Medio illo exorbitantibus, ita illud ex his genitum non nisi tales actiones, vel ad Excessum, vel ad Defectum declinantes producit. Hoc significat his verbis Philosophus 2. Nicom. 2. §. 15. *Neque solum ortus & incrementa atq; interitus habituum ex iisdem, & ab iisdem profisciscuntur: sed etiam energiae sive actiones in iisdem versari reperientur.* Exempla, quibus hæc illustrat, isthic legi poterunt. Notum aliàs est ex Phycis: Quale quidque est, tale generare sui simile: quod etiam hic locum invenit. Si igitur Virtus non solum generatur ex actionibus Medii *περὶ ἧν* observantibus, sed & ipsa genita tales actiones producit, necessum est, Virtutis naturam in tali consistere Mediocritate: Prius est verum; itaque & posterius.

XIII. Utitur etiam alio quodam argumento, quo idem probare vult, etsi mea sententia parum ponderis ei insit.

insit. Si omnis ars tum demum perfectè suum opus absolvit, si in illo efficiendo medium sibi & proposuerit, & tenuerit, multò magis Virtus in suis operibus seu functionibus Medii studiosa erit: Verum est antecedens; ergo & consequens. Connexionis hanc dat rationem, quòd Virtus omni arte limatior ac melior sit. Antecedens probat trito loquendi usu. Quando enim opus aliquod artificis laudatur, ut concinnè & affabrè factum, complementum elogii vulgò esse solet, opus illud ita scitè & accuratè esse factum, ut nec demi ei quidquam nec addi sine vitio possit, eo ipso Medium in opere artificioso comprobantes; id quod multò magis in Virtutis operationibus laudabitur, ut pote Arte multùm præstantioris. Videatur 2. Nic. 6. §. 15. seqq.

XIV. Cum igitur demonstratum sit Actionum & Adfectuum motum, modò ad Excessum, modò ad Defectum posse declinare, modò tenere Medium, apparet, quandam moralem *ἐντάσιν καὶ ἀπόσιν*, *intensionem & remissionem* in iis locum habere, atq; hoc omnino exigi à quovis homine, ut debito modo illam intensionem & remissionem Honestati attemperet. Hoc enim est tenere Medium *μετὰ ἑαυτὸν*, & agere *ὡς δεῖ*, observare τὸ δῖον & τὸ ἡγιανόν, id quod fieri oportet, atque addeces. Hinc cum docuisset Philosophus, hoc Medium à Virtute esse observandum, ita pergit 2. Nicom. 6. §. 16. seqq. De ea Virgine loquor, quæ ad mores pertinet. Hac enim in perturbationibus atq; actionibus versatur, in quibus est Nimum, & Parum, & Medium. Ut timere, fidere, concupiscere, odisse & aversari, irasci, misereri, atq; (ut semel dicam) gaudere & dolere potest quisque nimum, & parum: atq; utrumque non rectè. At vero quæ  
tem.

tempore, & propter quam causam, & quibus, & cuius rei gratia, & quomodo oportet his affectibus commoveri; id sane & Medium est, & optimum; id quod Virtuti convenit. Eodem quoque modo in Actionibus nimum, parum, medium reperitur.

XV. Cæterum cum tale Medium ubique tenere valde sit difficile, atq; hoc ipsam sit centrum Honestatis, quaeritur, quo subsidio usi illud nobis attingere liceat? vel, quonam instrumento illam *ἡσυχίαν & ἀρετὴν* adfectuum & actionum moderari liceat? Verbo dicam, Ratione; non tamen qualibet, sed & ipsa sua perfecta Virtute esse debet, qualis utitur Vir bonus & Prudens, seu quæ Recta solet appellari Ratio; Ratio enim Practica sit Recta per Prudentiam. Hinc cum instituisset. 2. *Nicom.* 2. disputare, quo pacto reddamur Boni, ita loquitur §. 3. ἡ μὲν δὲ κτ' ἡ δὲ εὖ λόγον περὶ τὴν, καὶ τὸν, καὶ ὑπερείδω. *Agendum quidem esse secundum rectam rationem, (si bonus esse velis) communis omnium sententia est, quam supponemus.* Supposuit vero eo consilio, ne violaret methodum, & suo loco ubetius Rectæ Rationis naturam declararet.

XVI. Huic quoque fundamento innititur ipsa Virtutis Moralis definitio Aristotelica: quæ hæc legitur 2. *Nicom.* 6. §. 26. *Virtus est habitus proæreticus, in medietate consistens illa, qua ad nos, secundum rectam rationem, proiudicio viri prudentis.* Ipse Philosophus sua lingua loquitur accuratius: εἰν δὲ ἡ δὲ εὖ ἐξ ὧν μεγαλειότης, ἐν μεσότητι εἰς τὴν τοῦ ἡμῶν, ὡς μὲν λόγῳ, καὶ ὡς ἂν ὁ Φρόνιμος εἰσέσει. *Habitus est. Quæ enim in anima existunt, tria sunt, Adfectus, Potentia, Habitus:* inquit 2. *Nicom.* 5. §. 2. Cumq; docuisset ibi, Virtutem moralem, non esse meram Potentiam, nec Adfectum, tertium erat reliquum, esse Habitum;

est

est enim Virtus hæc bonum animi. Habitus ille est *μεγα-  
 λους*, propter illa requisita, quæ explicata sunt supra *ib.* 7.  
 & omnia in *μεγαλότερον* insunt. Hic Habitus consistit in  
 Medio seu Mediocritate, non qualibet, sed illa, quæ est  
*μετὰ ἡμᾶς*. Ecqua vero est illa *μετὰ ἡμᾶς* Mediocritas? Cui  
 modum ponit Ratio, nec tamen etiam illa qualiscunque,  
 sed quali utitur Vir Prudens. Unde etiam illud Medium *μετὰ  
 ἡμᾶς* dicitur Medium Rationis. Ut nihil aliud sit *Mediocritas*  
 illa, in qua Virtutis naturam & officium collocavit, quam  
*debita actionum & adfectuum, omniumq; circum-*  
*stantiarum illis connexarum, ad debitum finem à*  
*Prudentia profecta & directa moderatio.* *Add. Cirellus.*  
*Eth. Arist. p. 2. cap. 5.*

XVII. Cum igitur verbo solum indicasset libro 2.  
 Bonos non fieri per Rectam Rationem, ejusq; explicatio-  
 nem distulisset, ita insit differere cap. 1. libri 6. *Nicom.*  
*Quoniam supra diximus, Medium esse deligendum, non nimium,*  
*neque parum; Medium autem ita esse, ut Recta Ratio prescribit,*  
*de hoc distinctius differamus. In omnibus enim, quos dixi,*  
*perinde ut in aliis quoque habitibus, scopus aliquis est, quem*  
*spectans is, qui rationis est particeps, tum contentionem adhibet,*  
*tum remissionem: Est item terminus aliquis earum mediocrita-*  
*tum, quas inter nimium & parum interjectas esse dicimus, Recta*  
*Rationi consentaneas. Interest hic audire Græcum Para-*  
*phrasten ex translatione Heinsii: In omnibus de quibus egi-*  
*mus habitibus (moralibus) sicut & in aliis actionibus habiti-*  
*bushq;, scopus est aliquis, in quem is intuens, qui recta ratione*  
*est pradius, ejusq; sequitur imperium, quæ minora sunt quàm*  
*oportet intendit, quæ majora sunt contrahit: sive adfectus ii,*  
*sive*

sive actiones sint, sive aliud quodcunque, quod aut intendi potest aut remitti. Estq; quasi regula aliqua & terminus, (ὁρμη) quomedium illud, quod ex recta rationis prescripto fieri, interq; excessum esse & defectum dicebamus, cognoscitur. Quare necesse est, eos, qui hanc consequi medii scientiam volunt, terminum quoque ejus perspectum habere & regulam. Hoc vero est Recta Ratio. Toto deinde libro VI. occupatus est Aristoteles, in explicanda natura Rectæ Rationis, hoc est, Prudentiæ. Nam ὁρθὸς λόγος, ὁ κατὰ Φρόνησιν, Recta Ratio est ea, cui Prudentia moderatur. Et ὁρθὸς λόγος πρὸς τὰ τοιαῦτα, ἢ Φρόνησις ἐστίν, Recta talibus de rebus Ratio, est Prudentia. *6. Nicom. 13. §. 17. & 21.* Et licet benè multa etiam ibi recitet de aliis Virtutibus Mentis, id potissimum fit ideo, ut tantò luculentius appareat, quid Recta Ratio, hoc est, Prudentia differat à reliquis Virtutibus *Μενοητικαῖς*. De qua superiori Dissertatione plura diximus.

XVIII. Tum demum vero Aristoteles suo officio se satisfecisse existimabat, si non solum in genere de Virtute hoc πρὸς ἡμᾶς Medium demonstrasset, sed etiam specialem *Μετρεαφὴν* adornaret, atque in ea cum singulas Virtutes in medio positas, tum hinc atq; hinc earundem Extrema, habitus vitiosos, repræsenteret. Nam

*Virtus est medium vitiorum & utrinque redactum.*

Oportet, inquit *2. Nicom. 7. §. 1. & 2.* autem hoc non modò universè dici, sed etiam ad singulas species congruere. Disputatio enim de actionibus ea, quæ in genere universo versatur, inanior est. (λόγοι κενώτεροι secundum vulgarem lectionem. Paraphrastes græcus legit, λόγοι κενώτεροι) Illa vero quæ partes & species explicat, verior. Hanc *Μετρεαφὴν* toto illo Capite exhibet, & quod in genere de Virtute Morali docuit, illam

illam esse Mediocritatem quandam, positam inter Extrema viriosa, in singulis ejus speciebus ostendit. Cum vero in illa descriptione multa multi desiderent, & specialem hanc designationem nec satis doctrinæ generali convenire, nec hanc ipsam benè se habere putent, in varias miser Aristoteles reprehensiones incurrit; non equidem ἀμεμῆς, ut qui homo fuerit, magis tamen emendationem & notam meritis in aliis, quàm fortè in hoc argumento.

•XIX. Illas igitur objectiones videbimus, & expendemus, observata tamen regula illa methodica, quam proponit Philosophus 1. *Nicom.* 4. §. 7. *Omnes quidem quæ feruntur opiniones ad calculos revocare fortasse opera pretium non fueris: satiusq; erit, eas potissimum, quæ sunt insigniores, quæq; aliqua ratione niti videntur, in medium proferre.* Proinde si Grotio (at quanto Viro!) satisfieri nostra responsione & ἀναλογία dubitationum queat, puro reliquas, quæ moveri queant, aut motæ sint, rationes sua sponte, certè facili impulsu, collapsuras esse. Quod dum molior, aut ago, nemo velim Grotli studio meam operam calumnietur. Jure enim meo utor, libertate philosophandi, quæ omnibus veri studiosis semper debet esse integra: atq; ita existimet, me Grotium nihilominus facere maximi, etsi nunquam humani aliquid passus sit. Nec enim magnorum hominum autoritate disputationes philosophicæ, sed rationibus decernendæ sunt, testimoniis vero ejusmodi illustrandæ ac confirmandæ. Sed neque meæ sententiæ suos quoque patronos deesse quis putet. Nam rectè intellectus Aristoteles suæ causæ defendendæ vel solus suffecerit. Inter recentiores est mihi unus instar omnium sapiens Melanchthon, qui ita scribit in Epistola ad Chri-  
stia-



stianum Pontanum, Epitomæ Philosophiæ Moralis præfixa: *Quid quod hoc nomine etiam amanda sunt Aristotelis Ethica, quod unus vidit ac deprehendit Virtutes esse. Mediocritates: qua descriptione eruditissimè monet, impetus animorum ad moderationem flectendos & retrahendos esse.*

XX. Grotius itaque in Prolegomenis præclari Operis de Jure Belli & Pacis cum in Aristotelem incidisset, in philosophia ipsi principatum quidem deberi putat, sed illum in tyrannidem jam ab aliquot seculis abiisse queritur: atque hanc etiam invaluisse speciatim ostendit in doctrina de Virtute Morali, quam ille dixit esse *μετριοτατης*, quo eleganti vocabulo Virtutem moralem descripsit Synesius. Sed ipsa ejus verba inferemus, ut tantò rectius quisque arbitrari possit. *Inter cetera, inquit, ut hoc obiter à nostro instituto non alienum dicam, non sine causa videntur mihi ab Aristotele discedere, & Platonici nonnulli, & Christiani veteres, in eo, quod ille naturam ipsam Virtutis in Mediocritate adfectuum actionumq; posuerit.*

XXI. Platonicos quod attinet, quique illi sint, si Magistri sui placitis, uti sit, inhererint, Aristotelicam Virtutis doctrinam admittere non potuerunt. Nam ubique Plato in suis libris ita de Felicitate disserit, ut nemini non possit esse manifestum, penè semper ipsius animo propositam fuisse Felicitatem Theoreticam: quæ cum item suis Virtutibus & actionibus propriis obtineatur, doctrinam ille suam supra conditionem virtutum & actionum moralium evexit, & passim eo nomine Virtutes Scientias, Vitia Ignorantias nuncupat. Textus ejus non exscribam. Videantur quæ scripsi sub finem Disputationis meæ, *De Scientia atq; Ignorantia Incontinentis.*

XXII. Inter Christianos veteres, qui hac in re Aristoteli contradixerit, eminet Lactantius, cujus hæc leguntur verba lib. 6. div. Instit. c. 16. *At ego ne Peripateticos quidem accessisse ad veritatem puto, qui Vitia esse concedunt, sed ea mediocriter temperant. Cavendum est enim vitiis etiam mediocribus: quin potius efficiendum fuit, primum, ne vitia essent. Nec enim quidquam vitiosum nasci potest, sed vitia fieri, si male utamur affectibus: virtutes; si bene. Deinde monstrandum est, non ipsos affectus, sed eorum causas esse moderandas. Non est, inquiunt, letitia nimia gestiendum, sed modicè ac temperatè. Hoc vero tale est, quale si dicerent, non esse currendum concitatè, sed gradiendum quietè. At potest & qui graditur, errare: & qui currit, rectam viam tenere. Quid si ostendero, esse aliquid, ubi non tantum modicum, sed vel punctum gaudere vitiosum sit; & aliud e contra, in quo vel exultare letitia minime criminisum? Quid tandem nobis ista Mediocritas proderit? Quaro, utrumne Sapienti latandum putent, si quid inimico suo mali videat accidere: aut utrumne letitiam frenare debeant, si victus hostibus, aut oppresso tyranno, libertas & salus civibus parsa sit? Nemo dubitat, quin & in illo exiguum latari, & in hoc parum latari, maximum sit crimen. Eadem de cæteris affectibus dicere licet. Sed, ut dixi, non in his moderandis Sapientia ratio versatur, sed in causis eorum, quoniam extrinsecus commoventur, nec ipsis potissimum frenos imponi oportuit, quoniam & exigui possunt esse in maximo crimine, & maximi possunt esse sine crimine. Sed assignandi fuerunt certis temporibus, & rebus, & locis, ne vitia sint, quibus uti rectè licet. Sicut enim rectè ambulare bonum est, errare autem malum: sic moveri adfectibus in rectum, bonum*

bonum est; in primum, malum. Nam si libido extra legitimum thorum non evagetur, licet sit vehemens, tamen culpa caret. Si vero appetit aliena, licet sit mediocris, vitium tamen maximum est. Non est itaque morbus, irasci, nec cupere, nec libidine commoveri: sed iracundum esse, morbus est, cupidum, libidinosum. Qui enim iracundus est, etiam cui non debet, aut cui non oportet, irascitur. Qui cupidus, etiam quod non opus est, concupiscit. Qui libidinosus, etiam quod legibus vetatur adfectat. Omnis igitur ratio in eo versari debuit, ut quoniam earum rerum impetus inhiberi non potest, nec debet, quia necessario est insitus ad tuenda officia vite, dirigeretur potius in viam rectam, ubi etiam cursus offensione ac periculo careat.

XXIII. Hunc lactæ venæ Patrem sine dubio designavit Grotius, cuius sententiam ac ab Aristotele disensum quæquæso causa approbavit? Nonne enim, si hæc Lactantii cum superioribus Aristotelicis contendas, sunt talia, ut, quæ reprehendit, Aristoteli nunquam venerint in mentem, quæ probat & urget, sint ipsi Mediocritati ejus consentanea? Non fas est, cujusquam damnare sententiam, nisi eam penitus perspexeris. Hic verò manifestè Medium rei & το μέδιον, à Lactantio confunditur. Minimum latari re mala, est jam immodicum, Mediocritatem rationis si videas. Ubi vero docent Peripatetici, vitia esse mediocritate temperanda? Nec major æquitas est Senecæ ita scribentis *Ep. 85. Falsa est ista mediocritas & inutilis, eodemq; loco habenda, quos si quis diceret, modicè agrotandum, modicè insaniendum*: Aut Ciceronis, hanc licet doctrinam approbantis. Nunquam, inquit 1. *Offic. iratus qui accedet ad panam, Mediocritatem illam tenebis, quæ est*

inter *nimum* & *parum*: qua placet *Peripateticis*. Et rectè placet; modo ne laudarent *Iracundiam*, & dicerent *utiliter à Natura datam*. Contrarium sanè docet *Aristoteles*, cujus etiam verba, licet prolixiora, non pigebit exscribere. Ita ille 2. *Nicom.* 6. §. 30. seqq. Verum non omnis actio, nec omnis perturbatio medium recipit. Sunt enim quadam, quorum nominibus statim visum est implicatum: ut *malevolentia letans alieno malo*, *impudentia*, *invidentia*: & in actionibus *furtum*, *adulterium*, *caedes*. Hæc enim omnia & quæ sunt huius generis, sic appellantur, quod ipsa mala sint, non eorum immoderationes aut deficientia. Nunquam igitur fieri potest, ut ex his aliquid rectè fiat: sed semper peccatur ea agendo: neq. in talibus rectè aut non rectè faciendi vis in eo posita est, ut quatenus, & quo tempore, & quo modo facere *adulterium* oporteat, animadvertatur: sed simpliciter & absolute quidvis horum admittere, peccare est. Sanè vero medietatem seu medium in his postulare, perinde sit, ac si quis in injuria faciendâ, in vita ignava, in intemperantia medietatem, & *nimum*, & *parum*, quarat. Nam hæc quidem ratione esset *nimii*, & ejus quod *parum* est modus ac medietas, & *nimii* *nimum*, & ejus quod *parum* est, aliquod *parum*. Sed quo modo temperantia ac fortitudinis nec *nimum* est, nec *parum*; (propterea quod Medietas quodammodo est Summum) sic ne illorum (actionum & adfectuum malitiam moralem complicatam habentium) quidem medietas est, nec *nimum*, nec *parum*: sed ut quidque admissum fuerit, ita peccatum est. Omnino enim nec *nimii*, nec ejus quod est *parum*, mediocritas esse potest: nec medietatis *nimum* & *parum*. Quid requiras amplius? *Ciceroni* vero vel infimi subsellii auditor moralis responderet,

deret, distinguendum esse inter Iram & Iracundiam: inter adfectum simplicem, & ejus exorbitantiam.

XXIV. Pergit Grotius: *Quod semel positum eò ipsum abduxit, ut & virtutes diversas, puta Liberalitatem & Parcimoniam in unam compingeret.* Ostensurus quæ ex falsa hypothese absurda fuerint secuta, primum hoc proponit, quod distinctas specie Virtutes morales confuderit, Liberalitatem & Parcimoniam. At si penitus naturam parcimonie scrutemur, illa ne quidem Virtus Moralis fuerit, sed pars quædam Prudentiæ Oeconomicae. Bene enim Aristoteles in Rhetoricis docet, non solum nos ditescere, acquirendo opes, sed etiam de sumptibus & expensis oportune quid detrahendo Prudentiæ enim Oeconomicae tria ferè munera sunt, circa quæ est occupata, acquirere opes, partas tueri, acquisitis & bene custoditis rectè uti. Alterum igitur illud munus peculiari aliquando Parcimonie nomine denotatur, sicuti primum *χηματισμῆς* apud Aristotelem 1. *Polit.* Ita quoque propter sollicitam rerum suarum custodiam Plinius *apes* appellat *preparcas* lib. 11. c. 19. hoc est, valde parcas. Refert quidem Philosophus noster etiam *Φειδωλῆς* inter Avaros 4. *Nicom.* 1. §. 84. sed hoc ipsum huic rei nihil officit, quia aliquis circa rei familiaris custodiam parè ac prudenter versari potest, & quoque ab illa prudentia desciscere, impellente aliquo vitio morali, veluti Avaritia. Interim ipsa Parcimonia, seu pars ejus, quam diximus, Prudentiæ, semper bona & laudabilis est, cujus hæc feruntur præcepta: *Magnum vectigal parcimonia. Emas, non quod opus, sed quod necesse. Quod non opus, assecutum est. Non minor est virtus, quam querere, partas tueri.*

XXV. Porro inquit Grotius: *Et Veritati daret opposita*

posita minimè ex æquo respondentia, Jactantiam & Dissimulationem. Huic dubitationi reponimus, Veritatem posse considerari vel theoreticè, ut habet convenientiam cum rebus ipsis Intellectus nostri cognitio seu *διάνοια*: vel practicè. Atq; hoc iterum dupliciter: Vel enim pars est Justitiæ Fides & Veritas, quæ pactis & conventionibus inest. Neutro modo ab Aristotele illa consideratur 4. *Nicom.* 7. uti ipse *d. l. §. 15.* disertè profitetur; sed quatenus locum habet, atque officium suum facit in *ὁμιλίᾳ*, quæ Latinis Philosophis recentioribus discriminis causa Veracitas dicitur. Estq; habitus, quo animi notiones aut facta in familiari consuetudine candidè declaramus. Ab hac qui abeunt virtute, eos mentiri dicit: idq; fit, vel arroganter sua jactando, vel vafre omnia sua elevando. Illud Arrogantiam, hoc Dissimulationem rectè vocat: quorum illa Mendacii species in excessu, hæc in defectu peccat. Has enim duas Mendacii species hic ab Aristotele poni, bene monuerunt hic Paraphrastes & Scholiastes græcus. Ubi obiter velim notetur, Veritati Theoreticæ opponi Falsitatem: Veritati practicæ quæ Justitiæ aut pactis conventis inest, opponi Mendacium maximè propriè dictum: At huic Veritati *ὁμιλητικῇ* opponi Mendacium tale, quod sæpe sit *ματαιότης*, *vanitas*, *vid. §. 20. d. c.* Et quando ibidem dicit, Omne Mendacium esse turpe, illud cum primis verum est de præcipua ejus specie, sic ut in aliis sit minor *αἰσχρότης*, unde homo eo sensu appelletur *αἰσχρὸς*, quò *ἀρχήμων* dicitur *d. c. §. 22.* Nam τὸ αἰσχρὸν non semper denotare id quod naturā est turpe, & in summo gradu, satis arguit *§. 6.* collatus cum *§. 19. cap. 1. lib. 3. Nicom.* Sed de Mendacio ejusq; speciebus subtilius disputare, hujus loci non est,

XXVI, §§.

XXVI. Sequitur in Grotii Prolegomenis: *Et quibusdam rebus Visii nomen imponeret, quæ aut non existunt, aut Visia per se non sunt, ut contemptum voluptatis, & honorum, & ira adversus homines vacuitatem.* Duo hic reprehendit, Aristotèlem inter vitia reponere, quæ vel non existant, aut, si existant, vitia prorsus non sint. Exempli loco adferuntur ἀναισθησία, μικροψυχία sive ἀφιλοπρέμια, & ἀσχημία. De singulis erit agendum. Quod igitur existentiam horum extremorum attinet, cum accidentia sint, non possunt nisi in subjectis inveniri. Si jam perlustres homines, qui vel vivant, vel vivere deserint, haut facile sanè deprehendas, in quibus ἀναισθησία, aut ἀσχημία fuerit tota. Hoc enim si ita evenerit, vix ille amplius homo fuerit, sed caudex & truncus; qui, inquam, nulla prorsus voluptate, etiam licita ac necessaria adficiatur, aut nulla injuria irritetur: uti ipse fatetur Aristoteles 3. Nicom. 11. §. 19. seqq. & 4. Nicom. 5. §. 9. seqq. Tertium enim quod attinet, ἀφιλοπρέμια, abunde in vilibus & abjecti animi hominibus existere eam putamus. Etsi igitur illa vitia rarò, & fortè non tota planè existant, per principia tamen & ἀποδείξεις evicit Aristoteles, Virtutes in medio, vitia in extremis consistere; ut, licet non omnia secundum ideam scientiæ existant, (ita enim solent interdum Philosophi ἀεργατεῖν) nihilominus doctrina se rectè habeat, quæ in summo gradu omnia considerat, & virtutes vitiaq; abstractè, non bonos malosq; , seu habitus. illos in concreto definit. *Quidquid est, de oratione & via (μεθοδικῶς) disputatur, id est ad ultimam sui generis formam speciemq; redigendum;* inquit rectè Cicero de Orat. Cui adda-

tur eruditissime differens Phil. Scherbius contra Ramistas  
c. 3. *Philos. Altorph. p. m. 17.*

XXVII. Si igitur demonstratum fuerit, non simpliciter *adivatos* esse, talia vitia aliquo saltem gradu existere in subjectis, Grotio satisfactum esse crediderim. Ad *avasthōias* igitur refero, quod de Epicuro scribit Galenus in libris Artis Medicæ, Veneris nullum usum esse salubrem. *Avasthōia* quædam est, quod Democritus omnem Venerem damnaverit, ut refert Plinius, quod homo alius ex alio exsiliret. *Avasthōia* quædam est, si quis odio licitæ Veneris se exsecuisset, civiliter consideratus homo. Taceo alios, qui improbè de Conjugio senserunt & locuti sunt, quadam induci *avasthōia*. Est quædam *avasthōia* voluptates licitas & necessarias abominari cum detrimento valetudinis. *Logynōias* quoque in bene multis, si non totam, ex parte tamen exstitisse, haut faciliè in dubium vocatum iri existimo, cum Lentitudinis ejus exempla sat crebra suppeditet historia & usus. Notissimum est ex S. Codice, quomodo hoc vitium fuerit ab ipso Deo in Heli Sacerdote punitum. Hacenus igitur unum obtinuimus, jam enumeratas affectiones animi suo modo & gradu existere.

XXVIII. Succedit jam alterum. Si existunt, vel erunt Virtutes, vel Vitia. Posterioribus illa accensenda esse, ipsa methodus Aristotelica solidissimè evincit. *Avasthōias* enim quod attinet, etsi minus sit vitium, quàm Intemperantia, est tamen & ipsum vitium. Nec enim adfectus & cupiditates sunt à Natura nobis frustra insitæ, sed ut cum modo certaq; ratione ea bona expetant, quæ vel ad conservationem individui, vel propagationem speciei



ciei pertinent: de quibus videatur 3. *Nicom.* c. 11. Insignis  
 est textus 1. *Oeconom.* 3. qui hic omnino legi meretur: *Ipsa*  
*Natura hoc circuitu* (loquitur de Societate γαμικῇ) *complet*  
*perpetuitatem vitæ: specie nimirum, cum nequeat numero. At-*  
*que ita ratione dispositus est à Numine divino tam maris quàm*  
*femina sexus sigillatim ad Societatem.* Hoc fine varias volu-  
 ptates experit Homo: hoc fine quoque ira interdum ex-  
 asperatur, & adversus mala, quæ corruptionem aut læsio-  
 nem minitantur, tela expedit: ut adeo, si qui cum Stoi-  
 cis hos adfectus stirpitus velint evulsos, graviter in Deum,  
 Naturæ nostræ autorem peccent; & licet plerumque in  
 excessu horum animi motuum & gravius peccent, pec-  
 cant tamen omnino etiam eorum defectu. Legi & hic me-  
 rentur, quæ Jo. Gerh. Vossius sapienter disserit *Inst. Orat.*  
*part. 1. l. 2. c. 1. §. 2. Jure prudentissimus Deus animis nostris*  
*indidit affectus, ut sint quasi adminicula ad præclaras actiones.*  
*Quod enim ventus navigio, id nobis Adfectus: in quorum tem-*  
*perie animi nostri tranquillitas, imo vitæ hujus felicitas consi-*  
*stis. Nimirum his ferimur ad ea, quæ Recta Ratio dicat. Sin*  
*Ratio ipsa clavo se excuti patiatur; non iam illi ad virtutem*  
*ducunt, sed ad vitia; ut verè tum morbi sint animi. Quod*  
*minimè fit in homine prudenti, qui non adfectu vacat, sed ad-*  
*fectui imperat. Eoꝝ, Stoicorum finitioni, quæ πᾶσι εἶναι ἐσθλῶν*  
*ἔσθλῶν ἐσθλῶν, impetus immodicus & redundans, jure*  
*nigrum Theta præfigimus. Videantur & alii Scriptores à*  
*Viro hoc πλῆρες αἰσῶν hic allegati. Alter tamen adhuc*  
*Veritatis causam contra hos oret Grotius ex Epist. 13. ad*  
*Gallos: Minimè mihi placet illa Schola, quæ nos commoveri ant*  
*latis aut adversis vetat. Hac sententia primùm Natura con-*  
*vitium facit, quæ non modò adfectus ipsos in sevit animo, sed &*  
in cor-

in corpore sedes & instrumenta quædam affectibus adsignavit: deinde quantum in se est, divinam Providentiam exarmat, & magno, si ita loquendum est, auriga universi stimulum simul frenumq; eripit, cum nec benificam nec castigatricem manuum sentire nos patitur.

XXIX. Ἀφιλοκλίαν etiam vitium aliquod esse sic colligo. Qui non est cupidus honoris, is neque honore quidquam dignum facile ager. Talis qui est, atq; ita adfectus, is vel jam vitiose agit, vel actionibus viciosis proximus est. Consequentia hujus ratio est, quod Honos sit proprium Virtutis præmium, & non nisi bonis tribuatur. 4. Nicom. 3. §. 30. Iterum moneo, Hominem considerandum esse hic Φύσει ζῶον φιλικόν; Christianis enim ita commendatur Humilitas, ut hanc si adsequantur, in illa summum consequi videantur honorem. Hæc enim est vox Magistri, prorsus fallere nescii, *Qui humilitati studuerit, supra alios extolletur.*

XXX. Nova instantia prosequitur suum propositum Grotius, eaq; credita multis indissolubili. Non rectè autem universaliter positum hoc fundamentum vel ex Justitia apparet, cui oppositum Nimum & Parum, cum in adfectibus & sequentibus eos actionibus invenire non posset, in rebus ipsis, circa quas Justitia versatur, utrumque quaesivit: quod ipsum primum est desilire de genere in genus alterum, quod in aliis merito culpatur. Hoc dubium ut rectè resolvatur, statum controversiæ probè locemus necesse est. Reprehendit Grotius Aristotelem, quod Virtutis naturam in Mediocritate adfectuum actionumq; posuerit: ubi autem naturam Justitiæ tradiderit, mediocritatem non illam, quæ est πρὸς ἡμᾶς, sed in rebus ipsis quaesiverit, atque ita μετα-  
εασιν

*Εασις εις ἄλλο γένος* admiserit. Nam, uti ex supradictis liquet, Naturam Virtutis indagaturus, disertè secernebat Medium rationis à Medio rei: quæ cum toto genere videantur distare, etiam *μετὰ Εασις εις ἄλλο γένος* facta fuisse videri queat. Nec enim ita hæc Objectio planè tollitur, si ostendas, Justitiam esse Medium, sed Justitiam esse Medium rationis, in quo omnium Virtutum natura reposita fuit.

XXXI. — Quod igitur concernit Justitiam, paulò aliter illa se habet, suaq; officia expedit, atque reliquæ virtutes. Supponamus igitur hic illustrandi præsentis argumenti gratia, bona fortunæ esse objectum externum Justitiæ. Justus circa illa ita eris, si Æquale tenueris inter Lucrum & Damnum: id quod fiet, si nec tibi plus iniquè sumpseris, nec alteri minus reliqueris. Sicut verò uno eodemq; actu Justitiam exerceo; ita quoque uno eodemq; actu Injustitia exercetur, & dum Plus sibi quis iniquè sumit, eo ipso alteri Minus iniquè relinquit aut tribuit. Atque hæc est causa, cur Justitia non duos sibi vitiosos habitus, sed solam Injustitiam habeat oppositam: Quid mirum igitur est, si Medium rei in objecto externo, seu bonis fortunæ, constituatur, & inter Nimium & Parum, seu Plus & Minus, Æquale.

XXXII. Si vero objectum Justitiæ internum videas, Cupiditatem habendi, Medium rationis etiam hic locum habet. Quando enim appetitus circa bonorum fortunæ expeditionem ita regitur, *ὡς δει*, ut rationi est conveniens, mediocritatem rationis observat. Quando item Actiones, quæ sunt etiam objecti loco, tali appetitui obsequuntur, hæc eandem mediocritatem rationis observantes, in

medio rei istam consequuntur. Falsum igitur est, quod Grotius ait, in adfectibus & actionibus Justitiæ officii servientibus non habere locum Nimium, & Parum. Nec enim Medium rationis, quod est in adfectibus & actionibus, à medio rei seu objecto externo tollitur aut extinguitur, sicut nec hoc ab isto. Nulla igitur est essentialis diversitas Justitiæ à reliquis virtutibus, sed objectum ejus externum est tale, ut Justus circa illud non rectè versetur, nisi æquale in bonis fortunæ, id quod est Medium inter Plus & Minus, consecutus fuerit. Quatenus tamen Appetitus, & hujus motum excipientes aut comitantes actiones Prudentiæ moderamini morem gerunt; dum ad hoc Medium rei contendunt, Medium rationis etiam habent. Aut nisi hoc concesseris, Justi hominis actiones cum Prudentiæ directione non esse conjunctas fateare necessum est: id quod planè est *anmv*. Mediocritas enim rationis nihil est aliud, quàm prudens appetitus actionumq; moralium moderatio, uti suprà pluribus declaratum fuit th. 16. Esse igitur aliquam diversitatem in re seu objecto externo Justitiæ, ipse fatetur insuper Aristoteles 2. *Nicom.* 7. §. 31. & 5. *Nicom.* 1. §. 1.

XXXIII. Proximo huic argumento hæc addit Grotius: *Deinde minus suo accipere, potest quidem adventitium habere vitium, ex eo quod quis pro rerum circumstantiis sibi ac suis debeat: at certè cum Justitia pugnare non potest, quæ tota in alieni abstinentia posita est.* Pertinet hoc ad illam Questionem, quæ excutitur 5. *Nicom.* 6. An is, qui plus tribuit, an verò is, qui plus accipit, faciat injuriam? Cui adfinis est altera illa, eodem loco tractata, An sibi quis faciat injuriam?

riam? Hoc igitur ut rectè intelligatur, distinctione opus est. Vel enim qui tribuit Iudex est aut Arbiter, vel rem privatus inter se & alium partitur. Si Iudex sciens alteri plus tribuat de bonis ad se licet nihil pertinentibus, injuriam utique facit. Idem si faciat is, qui privatus cum alio partitur, non facit injuriam, quòd hæc volenti non inferatur; quidquid enim sibi ultero adimit, & alteri adjicit, de suo largiri videtur. Tum cuique de suo jure cedere licet, quantum fortè libet, sine injuria; nisi fortè per accidens illa hinc emerferit. v. g. Si, nisi jus suum persequatur, illis desit & subtrahat, quibus magis est obligatus: *adventitium vitium* hoc Grotio dicitur. Præterea de suo jure sponte alteri concedere aliquando solent homines modesti & æqui, idq; laudis studio: atque ita damnum, quod fortè in bonis fortunæ patiuntur, majori bono laudis & honestatis quodammodo compensant, atque insuper amicos sibi adjungunt. Vid. ipse Aristoteles d.l. Si quis igitur alteri plus tribuendo damnum ultero patiatur, hoc quidem non pugnat directò cum Justitia, cum hoc non sit propriè injuriam facere: at si alteri plus tribuatur per Judicem, aut quis ipse sibiumat, contra Socii voluntatem, semper est injuria, & cum justitia pugnat. Quando igitur Aristoteles ait, Injuriam producere & Nisium & Parum, seu Plus & Minus, intelligit Injuriam propriè dictam, quæ sanè non potest non illo, qui Minus habet, contingere invito.

XXXIV. Nec etiam simpliciter verum est, quod ait, Justitiam totam consistere in alieni abstinentia. Nec enim sufficit, si abstineas ab alienis, sed etiam requiritur,  
ut

ut cuique, quod suum est, seu debetur, tribuas; cumprimis si etiam officii civilis ratio accesserit v.g. Judex sis, aut similem personam sustineas. Is enim jus litigantibus reddit, & modo huic rem, alteri etiam aliquando præstationem adjudicat. Si quoque distributio bonorum vel onerum communium sit facienda secundum Justitiam *Δικαιοσύνην*, ejus officium non absolvetur abstinentiæ alieni. Quod si injuria facta sit, indeq; exstiterit bonorum inæqualitas, Restitutionem damni Justitia utique imperabit: atque sic non omnino erit abstinentia alieni.

• XXXV. Mox, quasi his argumentis jam prostratus esset Aristoteles, aggerit etiam sequentia Grotius: *Cui hallucinationi similis illa est, quod adulterium ex libidine, eadem ex ira proprie ad Justitiam pertinere non vult; cum tamen Injustitia non aliam naturam habeat, quàm alieni usurpationem: nec referat, ex avaritia illa, an ex libidine, an ex ira, an ex imprudente misericordia proveniat, an ex cupiditate excellendi, unde maxima injuria nasci solent.* Duo hic denuo reprehendit. Prius est, quod Aristoteles dixerit, adulterium ex libidine non referendum esse ad Injustitiam. Ita vero se res habet. Quælibet actio ex fine suo est æstimanda. Si quis igitur adulterium committat libidinis explendæ gratia, & pecuniæ suæ jactura etiam maxima consuetudinem hanc sibi emat, non Injustus *ἐκδικῶς* secundum Injustitiam Particularem, sed Intemperans est dicendus. Etiam si enim etiam faciat *ἀδίκον*, *injustum quid*, finis tamen hujus actionis demonstrat, illam cum *μεγαίστην* Intemperantiæ fuisse conjunctam, atq; ab ea agentem denominandum esse Intemperantem potius quàm Injustum secundum

cundum Injustitiam Particularem. Quod si vero quis à procaci adultera ad turpem consuetudinem sollicitetur, oblata præmii loco pecunia, absque quâ conditionem illam non esset accepturus, hic potius ex mente Aristotelis Injustus secundum Injustitiam Particularem est dicendus, quàm Intemperans; ipsius enim *πρωαιρέσις* magis ad quæstum, quàm libidinem explendam dirigitur, non quod actionem intemperantem non committat, eaq; suam mereatur pœnam, sed quod non possit dici *ἐκλικῶς* Intemperans, & à potiori objecto, quod deligit *πρωαιρέσις*, denominationem trahere debeat. Atque hoc ipsum omne Philosophus proposuit, discriminis faciendi gratia inter Justitiam Injustitiamq; Universalem & Particularem: quod si à Grotio observatum fuisset, non credo eo nomine Aristotelem inculcasset. Verum igitur est quadantenus, quod ait Grotius, usurpationem alieni esse Injustitiam quandam, sive ex avaritia, sive ex libidine, sive ex ira aliave causa sit nata, siquidem intelligas Injustitiam universalem: at secundum Injustitiam Particularem nemo rectè appellabitur *ἐκλικῶς* injustus, nisi in *πλεονεξίας* appetitus agentis fuerit latus.

XXXVI. De eadē ab irato patrata quod adfert, petatum est ex *5. Nicom. 8. §. 23. seqq.* Cum Aristoteles ibi dixisset alia esse facta *ἐκ νόσου*, spontanea, alia in perfecto gradu *πρωαιρέσεως*, subjungit, illa demum hominem reddere propriè & *ἐκλικῶς* Injustum, qui *πρωαιρέσειν* attulerit talem injuriam eo animi proposito faciendi. Illas igitur actiones, quæ adfectuum impulsu cientur, esse quidem *ἀμαρτήματα*, sed non propriè *ἀδικήματα*, adeoq; ab istis non posse quæmpiam

denominari *ἐκλικῶς* Injustum. Ita si quis dolo & consilio malo alteri necem intulerit, propriè injustus est; est enim *ἀδικημα* (homicidium dolosum appellant J.Cri.) At si ex vehementi ira idem facinus designaverit, non tamen eodem modo sit aut animo; itaque is *ἐκλικῶς* ac planè Injustus non est ex hoc facto dicendus; est enim *ἀμαρτήμα*, (homicidium Culposum appellant J.Cri.) Hic igitur injustum quid commisit, non tamen injustè, hoc est, ex habitu prozretico injustitiæ profectum: unde nec eo modo, *μεγαλεικῶς* inquam, Injustus dici potest. At, inquiunt nonnulli, ita multæ cædes impune patrabuntur, parrono Aristotele? Nequaquam; nam etiam ejusmodi *ἀμαρτήμα*, delictum seu homicidium culpâ commissum ultimo supplicio pro re nata saltem interdum poterit puniri, Aristotele ne quidem ingemiscente, aut verbum pro homicidæ illius facinore interponente. Ubi enim tale quid legas apud Aristotelem?

XXXVII. Quando verò dicit, Injustitiam nihil esse aliud, quàm alieni usurpationem, videtur *θεῶν δολέω*. Si enim Justitia tota in alieni abstinentia posita est, uti paulò antè tradebat, sequitur à contrario, Injustitiam unicè esse alieni usurpationem. Quemadmodum vero ostensum est prius illud non esse simpliciter verum, ita nec hoc posterius.

XXXVIII. Cum professus esset Grotius, semper esse Injustitiam, neque quidquam referre, sive ex avaritia, ira, libidine, ambitione, aliave causa prodierit, addit sequentia: *Nam qualiacunq̃ue incitamenta contemnere hæc tantum de causa, ne societas humana violetur, hoc vero Justitia*



*fitie proprium est.* His verbis manifestè prodit, se non esse adsecutum discrimen, ab Aristotele inter Justitiam Universalem & Particularem constitutum, sed ab illo has confundi. Nam illa Justitia, qua Societas Humana conservatur, est utriusque illa Universalis, ὁλὴ ἀρετὴ, appellata Philosopho: eaq; quovis vitio particulari & exorbitante adfectu violatur; est enim Injustitia Universalis ὁλὴ κακία. *s. Nicom. 1.*

XXXIX. Audiamus porrò Grotium: *Ut redeam, inquit, unde veneram, verum quidem est, Virtutibus nonnullis accidere, ut adfectus moderentur, sed hoc non ideo, quod id sit virtuti omni proprium atque perpetuum, sed quia Recta Ratio, quam Virtus ubique sequitur, in quibusdam modum sequendum dicat, in quibusdam ad summa incisat.* Hic suam de Natura Virtutis Moralis sententiam proponit, debere illam semper sequi Rectam Rationem: hanc autem modò medium commonstrare, modò ad summa incitare. Idem omnino docentem audivimus suprà Aristotelem. Pertinet verò huc etiam insignis ejus textus 2. *Nicom. 6. §. 29. Virtus ex sua essentia, & ratione ea, qua quod res est assignat, Medietas est: ex præstantia autem ac perfectione summum.* Ubi nota, virtutem duplici posse ratione opponi Vitio: vel ut Bonum Malo; atque sic Virtus est ἀκρότης. Ita Plato, interprete Apulejo de dogm. Plat. Virtutes *Summisases* appellat. Vel opponitur quæque Virtus suis vitiis, ut Medium Extremis; atque sic illa est μεσότης, *Mediocris*. Ratione igitur essentia, qua Virtus quæque differt à suis extremis, est μεσότης: Ratione autem excellentia, perfectionis & bonitatis est ἀκρότης. Atque hæc Virtutis

tutis Mediocritas differt à Bonitate, tanquam causa ab effectu. Ut enim quis exactissimè Mediocritatem rationis in actionibus observaverit, ita illæ fuerint optimæ. Ita Cicero in Officiis ait, Mediocritatem esse optimam actionum Regulam. Adde textui citato Commentarium Scholiasta Græci, & P. Vermilii Martyris p. 284.

XL. Quod de Virtute proximè proposuit, singularibus quibusdam exemplis jam confirmare annititur Grotius: *Nam, inquit, Deum nimium colere non possumus: Superstitio enim non eo peccat, quod Deum nimium colat, sed quod perversè.* Imò idem professus est Aristoteles; Mediū enim non est nimium aut parum. Sicuti igitur non possumus esse nimis pii, ita nec nimium iusti, nec nimium temperantes; & sic in cæteris. Pietatem in specie quod attinet, si quis vitium illius in excessu Superstitutionem, in defectu Impietatem, forsan admittere nolit, ejus sanè habet aliquam causam: Nam & Superstitio est quædam Impietas. Hæc igitur sola opponitur Pietati: cujus rei causam facillè dabo, modò attendas qualis propriè sit Virtus Pietas; multa enim illam officia complecti vel usus vocis satis locuples est testis. Pii dicimur præcipuè erga Deum, tum erga illos homines, quibus propter maxima beneficia plurimū debemus, veluti erga parentes, patriam, ejusq; generis alios. Sumamus principem ejus significationem, qua Pii dicimur erga Deum. Hæc Pietas complectitur omnem cultum, amorem, reverentiam, obsequium, devotionem, & quidquid officii ab homine in Deum proficisci pro ejus modulo possit. Deinde notandum est, esse etiam quandam inter Deum & Homi-  
nes

nes Societatem. *Prima*, inquit *Cic.* 1. de *Legib.* *Societas est hominibus cum Deo, altera cum homine.* Proinde Pietas non est simplex aliqua Virtus, sed quæ conservat omni officiorum genere Societatem illam, quæ est inter Deum & homines. Ita pium est, pro aris & religione fortiter pugnare, & si ita accadat, mortem oppetere: Pium est amore Dei & veneratione præceptorum ejus abstinere ab illicitis voluptatibus, studere temperantiæ, justitiæ, agere honesta, fugere turpia. Pium est omnes actiones vitæ referre præcipuè ad gloriam Dei. Sicuti igitur Justitiæ Universali, quæ conservat Societatem civilem eamq; communi vinculo continet, opponitur Injustitia Universalis; ita Pietati, communi Societatis, quæ est inter Deum & homines, copulæ opponitur rectè solâ Impietas: Imò illa, quæ in Aristotele à Grotio notatur *πυεθλας*, vereor, ne hic ab ipso sit commissæ. Pietas enim in illa considerata Societate, quæ homini intercedit cum Deo, non est civilis Virtus, de qua sola affirmat Philosophus, illam consistere in Mediocritate.

XLI. Sed dicas, etiam Justitiam Universalem fuisse collocandam ab Aristotele inter duo Extrema? Docet ille 5. *Nicom.* 1. Justitiam Universalem essentia esse eandem cum Virtute Morali, differre autem τῷ λόγῳ ab eadem. Justitia igitur hæc secundum essentielles partes considerata tenet utique Mediocritatem Rationis, in singulis videlicet Virtutum moralium speciebus. Quatenus verò Justitia hæc semper habet *ἕξιν πρὸς ἕνα*, illos, inquam, respicit, cum quibus in Societate civili vivit, & ad communem hujus finem omnia officia dirigit, consideratur illa ut Bonum conservans illam Societatem & membra  
 Z 3 ejus:

ejus: Injustitia Universalis è contrario consideranda tunc est ut Malum, illam Societatem destruens & membra ejus variis modis lædens. In tali igitur *ἔξισι* sicuti Virtus Vitiò, unum uni, opponitur; ita Justitia Universalis, commune Societatis civilis bonum opponitur uni Injustitiæ Universalis, communis ejusdem Societatis malo: eòq; exemplo, Pietati Impietas sola rectè objicitur.

XLII. Sed & alia adfert singularia Grotius: *Neque, ait, æterna bona nimium possumus appetere, neque æterna mala nimium formidare: neque peccata nimium odisse.* Hæc ex præcedentibus *ἀνάλογον* facilem recipiunt. Nam æterna bona in infinitum appetere, & æterna mala in infinitum formidare, & peccata in infinitum odisse, jam Mediocritatem rationis habet; Ita enim circa talia adfecti ut simus, rationi rectæ prorsus consentaneum est. Proinde in his nimii esse non possumus. Quare? Quia, ut ait ipse Aristoteles 2. *Nicom. 6. in fin. Mediocritatis nec est nimium, nec parum.* Proinde nec illa adversantur Aristoteli, quæ subjicit Grotius: *Verè igitur à Gellio dictum esse quendam, quorum amplitudines nullis finibus cohibeantur, & quæ quanto majora auctioraq; sunt, etiam tantò laudatiora sint.* Hoc solum notari potest, posse hanc Gellii sententiam & Virtutibus Theoreticis, & Moralibus, quatenus, hæ quidem exactissima Mediocritatis *πρὸς ἡμᾶς* regula diriguntur, applicari.

XLIII. Tandem hanc contra *μετριοπρέπειαν* Aristotelis disputationem concludit verbis Lactantii, eaq; sua facit. Sunt quidem illa jam suprà recitata, sed cum insignem quendam errorem contineant, quo præpedita mens Lactantii non potuit rectè cognoscere Mediocritatem

tatem Aristotelicam, distuli illum ibi detegere: quò cum nos jam manuducat Grotius, agè & his verbis satisfaciamus. Verba Grotii sunt: *Lactantius cum multa de adfectibus differuisset; Non in his moderandis, inquit, sapientiæ ratio versatur, sed in causis eorum; quoniam extrinsecus commoventur: nec ipsis potissimum frenos imponi oportuit, quoniam & exigui possunt esse in maximo crimine, & maximi possunt esse sine crimine. Nobis propositum est Aristotelem magnifacere, sed cum ea libertate, quam ipse sibi in suos magistros veri studio indulsit. Quod hic à Lactantio dicitur, non esse Prudentiæ, moderari adfectibus, sed objectis eorum, oppidò falsum est. Ipsi enim adfectus freno rationis regendi sunt, ut circa externa objectane exorbitent. Ita v.g. non est moderatio vini aut Veneris. sed Cupiditatis, quæ vinum aut venerem vel moderatè vel immoderatè, appetere potest.*

XLIV. Hæc sunt, quæ Grotius oppugnandæ Mediocritati Aristotelicæ destruendæq; objici posse putavit, quibus si quis motus a Philosopho secessionem fecit, æquo prudentiq; judicio velim nostras rationes responsionesq; cum istis collatas examinet. Non equidem nescio, & alia solere de Virtute Morali ab aliis doceri, & quoque Aristotelis sententiæ argumenta quædam alia opponi. Sed cum hæc sint præcipua, quibus jam nos satisfecisse credimus, superfluis aut exigui momenti dubiis enodandis non immorabimur. Paucis monendum restat, Stoicos, absurdam prorsus & impiam prodidisse doctrinam de Virtute Morali, ac si ejus munus sit, omnem adfectuum motum compescere, & stirpitus evellere, nec illam dicebant esse *συνίθεαν*, vel *μετριότηθεαν*, sed *ἀνιθεαν*.

*θεῖας & ἡγεμίας.* Tetigi & notavi hunc errorem supra, th. 28. nec prolixa refutatione opus est. Scilicet Stoicis accidit, quod Homini cuidam Thracio, agriculturæ imperito: qui cum vicinum oleas vitesq; purgantem & rubos propter enatos revellentem vidisset, suas vites oleasq; unâ cum virgultis excidit ac detruncavit: qua perquam eleganti fabula Herodes quondam Atticus illam Stoicorum ἀπάθειας falsè defricuit: quam integram legere licet apud Gellium *Noc. Att. 19. c. 12.*

XLV, Hoc solùm volebam, illam sententiam dudum ante Stoicos (hi enim autore Zenone Cittieo diu post Aristotelem exstiterē) obtinuisse, sive ipso Aristotelis ævo, sive jam ante illud. Ita enim ille disserit 2. *Nicom. 3. §. 10. & 11. Virtutes nonnulli definiunt Vacuitates quasdam perturbationum, animorumq; status quietos, ἀπάθειας τινὰς καὶ ἡγεμίας.* Veruntamen id eò minus rectè, quod simpliciter & absolute istud habere ponunt: non autem (quod res est) ex iis eam ἀπάθειαν & ἡγεμίαν æstimant qua sunt, *Quomodo, & Quo tempore, & cetera qua addi consueverunt.* Ex Academia hanc doctrinam prodiisse verisimile non est, ut quam Plato multis in locis rejecit. Stoici etsi ita senserint, hic tamen intelligi sine errore nequeunt, quod, uti dixi, Aristotele longè fuerint posteriores. Hos tamen ipsos non perfunctoriè refutavit Plutarchus *lib. de Virtute Morali.* Quidquid sit, videas sanè omnino verè dixisse Ciceronem 1. *de Nat. Deor. Non hominum interitū sententia quoque occidunt.* Mirum tamen est, ad eandem potuisse prolabi etiam eruditissimos Ecclesiæ Patres, Nazianzenum, Basilium, Augustinum, & alios, inescatos sine dubio speciosæ gravitatis Stoicæ placitis: perinde uti distracti sæpe

illi Patres fuerunt, cum grave illud inter Academicos & Peripateticos dissidium acerbè adolesceret: de quo testari poterunt Georgii Trapezuntii libri tres, Venetiis Anno 1523 editi, quibus comparatione inter Aristotelem & Platonem instituta, illum huic longè præferendum esse contendit. Trapezuntio, pro conservanda Platonis auctoritate, se objecit Bessarion Cardinalis Nicenus.

XLVI. Colligimus tandem ex superioribus, quisquis auream hanc Mediocritatem consecrabitur, & tenebit, is in ea simul ipsam Honestatem, *τὸ δέον*, & *τὸ πρέπον* inveniet. His enim vocabulis ab Aristotele aliisq; idem ferè significari deprehendes. Quemadmodum enim in aliis rebus Ordine nil est pulchrius aut decentius, & in Musicis Harmonia nihil suavius; ita si homo actiones suas ita instituat, ut omnes & singulæ earum circumstantiæ Honestati conveniant, & Honestæ etiam Honestè ab eo fiant, Mediocritatem Aristotelicam, & in ea bonitatem moralem attigisse dicitur. Neque tamen illa Mediocritas instar puncti sive centri mathematici se habet, sed aliqua latitudine producitur, sic ut qui è summo gradu recti boniq; fortè paulum deflectat; omnesq; & singulas circumstantias non exquisitissimè ponderaverit, non tamen bonus honestusq; esse desinat. \*Sicuti vero hac Mediocritate animus humanus instruitur & perficitur ad operationes virtutum exercendas; ita quoque se obligatum sentit, ut illarum usum aliis præstet: quam obligationem cum Bonus Prudensq; intelligat à Deo proficisci, illi obsequendo Pietatem, hominibus vero officia virtutum ex obligatione Legum naturalium præstando, Justitiam exercebit.

XLVII. Nimis igitur sibi placet Robertus Sarrokius, cui Mediocritas Aristotelica non uno nomine displicet: quod cum Virtutis naturam in ea Philosophus constituisset, ignotum per æquè ignotum definiyerit, & nuspiam declaraverit, quid definiat Ratio, quid sit Medium ad nos, & quid Vir Prudens determinet; adeoq; Virtutem perinde sibi ab eo videri descriptam esse, ac si cui de viâ Româ Brundisium versus interroganti, responsum sit, eam esse tenendam, quam itineris prudentes meliorem duxerint, neque nimis dextrorsum, neque sinistrorsum nimis, sed ut ratio iusserit, incedendum esse: neque constare ex Aristotelis scriptis, quid, per magnum illud, totiesq; iteratum *Oportet* significetur. His verborum ludibriis pauca solum reponam. Primum quidem Philosopho propositum fuit, doctrinam de Moribus tradere *Ἀνθρωπινῶς*, ut aded in universalibus ille persisteret, neque methodi ratio ei peremiserit, ut ad singularia (quod Sarrokius desiderat) nimis se demitteret. Secundum Virtutem verò acturis *Honestum* pro fine esse, non semel docet. Obtineri autem illum finem dicit, observato Mediò ad nos, omnibus actionum circumstantiis ad illum finem collineantibus: atque hoc ipsum Honestum, & Medium ad nos demonstrari, ac pro vario actionum genere definiri à Recta Ratione, quali Vir Prudens in idea consideratus utitur, & cujus præsidio ille *ωγαίρεσθαι* ipsamq; actionem ad illum finem dirigit, & secundum Legem Naturalium (quas Justitia Universali Aristoteles complexus est) normam explorat, moderatur, & tanquam *θεῶν* ex illarum obligatione deposcit: ut aded hanc Mediocritatem seu actionum Honestatem, Pietatis & Justitiæ officia debita secundum Leges naturales per Prudentiam promulgatas tantò rectius quisque explorare & velut ad Lydium lapidem examinare possit, quo majora incrementa illa Prudentia paulatim cøperit, meliorq; Indoles, Doctrina & Adusfactio illi accesserit. Per istam distinctior, plenior, clariorq; Legum naturalium Promulgatio: per hæc facilius adensus, & minus impeditum obsequium exsuscitabitur ac promovebitur.



## BONA INDOLE.

Περὶ Εὐφρίας.

I.

**Q**uemadmodum prior, ita & altera hæc Mantissa ad Juris Naturalis uberiolem & accuratiorem cognitionem non parum conferre potest; sic ut utramque Dissertationis de Jure Naturali junctas continuo numero partes fecissem, nisi distinctam harum tractationem magis perspicuam fore, &, si quæ fortè eò seorsim pertineant, iis omnibus commodius explicandis profuturam esse credidissem. Jus omne Naturale vel Generale vel Speciale esse non semel professus sum. Hoc specialibus Societatibus continendis & conservandis inservit: Istud omnibus commune est, consistens, quod Leges ejus præcipientes attinet, in officiis virtutum, vario obligationis gradu & genere debitæ: quod Leges ejus vetantes concernit, in prohibitione omnis generis vitiorum. Ut ad eò officia Virtutum ex obligatione Legum naturalium præcipientium præstanda, & vitia ex obligatione Legum naturalium vetantium fugienda, sint ipsa Jura Naturæ, sic ut Jus Naturæ à Virtute non re, sed tantum diverso considerandi modo differat: de quo discrimine plura dixi *Diff. de Justitia Universalis*.

II. Si igitur tanta Juris Naturalis & Virtutis est necessitudo, hujus utique diligentior expositio ad istius meliorem cognitionem multum proficiet. Cumq; dixerim, tres esse Virtutis Moralis causas, Naturam, Doctrinam &

Aa 2

Ad sue-

Adfuefactionem, & singulæ ex his suum ad eam conferant; non parùm interest, ut sciamus; quæ cujuslibet ex his sit symbola; præsertim cum de Natura hoc paulò videatur esse obscurius: atque interim tantum quæque ad Juris Naturalis promulgationem, vel ad adsensum, vel obsequium ei debitum promovendum conferat, quantum in singulis ad producendam Virtutem moralem opis atque adminiculi est.

III. Itaque quid Natura ab aliis principiis causisq; seorsim considerata ad Virtutem & Felicitatem civilem adipiscendam, Legumq; naturalium promulgationem conferat, digna profecto diligentiori indagatione quæstio est, in qua enucleanda etiam nostrum studium erit occupatum, quò superiora magis magisq; illustrètur, & plenius cognoscantur. *Ῥίπες ἀγαθὸς οἶον, οἱ μὲν Φύσει. οἱ δὲ, ἔθει. οἱ δὲ, διδασκῇ.* Bonos fieri putant alii natura, nonnulli consuetudine, quidam doctrina: inquit Aristoteles 10. Nic. ult. §. 12. eademq; repetit & explicat lib. 7. Polit. c. 13. p. 479. & c. 15. p. 491. Quantum vero unicuique ex his, Naturæ, inquam, Adfuefactioni, & Doctrinæ sit tribuendum, cum locis allegatis, tum 2. Nic. 1. §. 3. docet: *Ῥῖπτες, inquit, Μοραλεις ἐξ ἔθους, per adfuefactionem comparantur, à quo nomen quoque traxerunt.* Mox §. 4. concludit hinc, Nullam virtutem moralem nobis insitam esse naturâ. Quanta sanè vis sit Adfuefactionis in his parandis virtutibus, etiam sic indicat 1. Nic. 7. §. 16. quod Principiorum practicorum cognitionem & adsensum illam subsecutum referat ad *ἔθισμόν*. Hinc ita concludit §. ult. c. 1. l. 2. Nic. *Ὅ μὲν ἔν Ἀγ. Φέρεται ὅτι ἔτιος ἢ ἔτιος εὐθύς ἐκ νέων ἐθίζεσθαι, ἀλλὰ πᾶν πολὺ ἢ ἄλλων δὲ, ὅτι πᾶν.* Non ergo parum refert, sicne an sic à pueris adsuescimus, sed

sed perquam multum. Immo vero totum in eo positum est. Quando igitur quasi omnia dare hic Adſuefactioni videtur, ita ſtatui debet, maximam hujus vim eſſe, & ad talem effectum plurimum conferre. Quid ergo Naturæ, quid Doctrinæ competit? Breviter hæc omnia docet Paraphraſtes Græcus c. 1. l. 2. *Nic. ἡ μὲν Φύσις ἐκείνω διδάσκει μόνον, ἡ δὲ διδασκαλία, γινώσκειν ὁ, ὃ δέον γινέσθαι. ἡ δὲ καὶ ἐνεργεία ἤδη γινέσθαι παρὰ τὴν φύσιν.* Etenim hoc unum à Natura aliquis conſequitur, ut bonus fieri poſſit. A Doctrina vero, ut intelligat ſe debere talem eſſe. Caterum hoc quoque, ut ad actum perducatur virtutem ſuam, ſola Conſuetudo tribuit. Vim conſuetudinis atque adſuefactionis ibidem ita declarat Commentator Græcus, ſive Euſtratus, ſive Aſpaſius, ſive quicumque alius, eximius tamen. *Morales virtutes, ait, plerumque à more & generationem habent & incrementum. Nam ſi cum Intemperantibus conſuetudinem habeant homines, intemperantes: ſi cum juſtis; juſti: ſi cum fortibus, fortes etiam ipſi efficiuntur. Prudentia tamen & recta ejus ratio eas ſine dubio perficit: quas ex conſuetudine ut plurimum exiſtere, illud argumento eſt, quod multi ſunt, qui quamvis rectam rationem cognorint, non poſſunt tamen bona agere, à voluptatibus vel doloribus ſuperati: idg. propterea evenit, quia bene agendo minimè adſueverunt.*

IV. Sed jam ſatis conſtat, & aliàs hac de rediximus, quæ partes Adſuefactioni tribuendæ ſint, videamus etiam paucis quæ dandæ Doctrinæ atque institutioni. Exſtat Dialogus in Marſiliana Platonis editione, qui Nothus habetur, nec non in Stobæo, *ὅτι Ἀρετὴς ἐκ διδασκείν, De Virtute, an doceri poſſit.* In eo Socrates ita progreditur, ut per inductionem oſtendat, virtutem ſi diſci poſſet, & bonis

bonis viris discendam fore. Tum probat exemplis Thucydidis, Themistoclis, Aristidis & Periclis, optimorum virorum, à bonis viris non doceri virtutem; hos enim neque præceptores bonos, neque discipulos, & ne filios quidem, tales habuisse: aut igitur doceri non posse virtutem, aut illos propter invidiam non docuisse. At vero tali vitio tales macerari absurdum esse hinc colligit, quod non sint ut reliqui artifices, de quibus notum est illud Hesiodum, καὶ κεραμὶς κεραμῆν φθονεῖ, καὶ τέκτων τέκτων: *Figulus figulo invidet, & fabro faber.* Quin potius prodesse ipsis inter multos sui similes agere, quod artificibus obest. Post hæc ita pergit: Cum igitur doceri nequeat virtus, reliquum esse, ut vel Natura nobis tribuatur; vel alio modo. Naturam vero istius boni causam non esse, hoc confirmat argumento, quod quæcunque res bonæ malæve sint, aliqua arte dignoscamus, ut equos & canes probos aut pravos: homines autem an boni malive sint, arte nulla discernimus: restare ergo aliò quodam ineffabili modo, & divino afflatu virtutem bonis inspirari. Si hæc verè Socratica essent, non immeritò his quispiam objecerit, cur ergo virtutes dixerit esse Scientias, cum certum sit non nisi docendo Scientias acquiri. Hinc Aristot. 2. Nic. 1. §. 2. ait, Virtutes θεωρητικὰς (quas inter Scientiæ quoque est) maximam partem à Doctrina proficisci: Quod vero virtutes Scientias, vel Prudentias appellarit, legitur 1. M. M. 1. & 6. Nic. 13. §. 15. & apud ipsum Platonem in Menone p. 19. & alibi prolixè disputatur. Huic vero facilè sic obviam iri possit, tales scientias non haberi Virtutes à Socrate, quales theoriæ rerum necessariarum unice vacant: quemadmodum passim videre est in Libris de Le-

de Le-

de Legibus Platonis. Et in Protagora ita differit Soerates:  
*Postquam salutem vita certum est in recta voluptatis dolorisq;  
 electione consistere, id est, pluris & paucioris, majoris & minoris,  
 propinquioris & remosioris delectu, nonne dimetiendi facultas  
 primo excessus, defectusq;, aequalitatis isemmutua consideratrix  
 est?* PR. Necessè. SOC. Quoniam vero metiendi facultas est,  
 necessè est, ut ars, & scientia sit. PRO. Annueris. SOC. Qua  
 vero potissimum hac scientia sit, aliàs considerabimus. &c. Paulò  
 post: *Actio errans, & quam scientia non regit, ut & vos non  
 laeset, ab inscitia est. Sed misis hisce Platoniceis, audia-  
 mus Magistrum nostrum 10. Nic. ult. §. 14. & 15. Ratio &  
 Doctrina fortasse non satis valida sunt ad virtutem inducen-  
 dam causa, oportetq; prius animum auditoris excoli moribus,  
 ut rectè gaudere ac dolere possit; non aliter, quam terram,  
 qua proferendi seminis facultatem habitura sit, prius probè ex-  
 cultam esse oportet. Nam qui adfectibus ducitur, nunquam  
 auditurus est dehortantem à vitiis, neque etiam rationum ac  
 preceptorum momenta intelligit. Idem monuit lib. 1. c. 4.  
 de auditore Politicæ. Eodem simili etiam utitur Ci-  
 cero 3. Tusc. qu.*

V. Pergamus ad nostrum propositum, quid Na-  
 tura conferat, & quale illud sit. Hanc rem ita docemur  
 7. Polit. 13. *Φύσις δὲ πῶτον, οἶον, ἀνθρώπων, ἀλλὰ μὴ τῶν ἄλλων  
 ἢ ζῴων. εἴτα, καὶ πῶτον ἔνα τὸ σῶμα καὶ τὴ ψυχὴν.* Hæc ita  
 reddidit Victorinus: *Primum oportet nasci, veluti hominem,  
 & non aliud quodpiam animal: deinde qualem corpore & animo.  
 A Natura igitur est comoda ad Virtutem imbibendam,  
 & Leges naturales intelligendas dispositio. Quia enim  
 quod recipitur in alio, recipitur per modum recipientis,  
 uti hic Thomas loquitur; ita etiam hic se res habet, non  
 aliter*

aliter quàm in artibus. Si enim dispositio materiæ optima est, optimè recipiet artis effectum. Si quoque hominis natura bene fuerit constituta, Virtute & disciplina Juris Naturalis felicissimè imbui poterit. Quomodo autem se habebit illa dispositio? Si, inquit Aristoteles, homo fuerit natus, ratione præditus, qui non veluti brutum ad omnia torpeat, sed ad verum vitæ humanæ finem sit erectus. Ratione enim quia destituuntur bruta, hinc Virtutis, Jurium & felicitatis veræ nullo modo capacia esse possunt. Quod si qui sunt homines tam distorto ac pravo ingenio, ut ad omnem honestatem obbrutuerint, pari censu habendi sunt: quos ille appellat *πενηρώμενους πρὸς ἀρετήν*, *man- cos ad Virtutem. 1. Nic. 9. §. 6.* Imò non solum his, sed tardis quoque mentibus virtutem haut facillè committi, Cicero testatur *s. Tusc. 9. πρῶτον μὲν ἐν πάντων δὲ φύσις. φύσις δ' ἀνθρωπείας, κενὰ πάντα.* Inprimis igitur Natura opus est, quæ repugnante irrita sunt omnia; inquit Hippocrates in *Νόμῳ*. Præterea requiritur & corporis quædam dispositio, ut illud recte valeat, & ad virtutis munia mentisq; ministeria obeundâ *εὐαρμοσίᾳ καὶ σπιτηθείᾳ*, *concinne & aptè* sit compositum.

VI. Hanc Naturam Aristoteles *εὐφυΐαν* appellat a libi. Et hoc bono qui à Natura mactatus est, *εὐφυΐης* rectè dicitur. Quamvis autem Atheniensibus speciatim *εὐφυΐης* dicebatur ὁ *εὐεργετὴς καὶ σκώπειν δυνάμενος*, *urbanus & disteriorum potens*, teste Isocrate in *Arcopag.* hic tamen diversa planè significatione usurpatur, ut denotet eum, qui à Natura habet, ut sit ad aliquod bonum habilis, naturali ad bonum ingenii dexteritate præditus, ingeniosus ac probus. *εὐφυΐα* igitur etiā ingeniam dexteritatem & bonam

bonam indolem significabit. Aristoteles quoque non una significatione hac voce utitur. Et quidem 3. *Rhet.* 10. pr. facetias & urbanitates proprias ait esse *εὐφῶδες*, aut certe maximè exercitati. Generalius eandem usurpat 1. *Rhet.* 6. ubi conjunguntur *εὐφῶια*, *μνήμαι*, *εὐμάθεια*, *ἀγχινοια*. In Arte Poëtica idem dicit *εὐφῶδες* esse, posse versus scribere: & ibidem, notam & argumentum esse *εὐφῶιας*, nosse commodè uti & abundare Metaphoris. Galenus quoque *lib. 1. de usu part. c. 9.* corpori *εὐφῶιας* tribuit, de quo tamen rariùs poni solet hoc vocabulum: dicitq; quod *εὐφῶια* & *κάλλος* sit optima partium seu membrorum conformatio, cum usu earum conveniente.

VII. Cum vero Natura hominis ex Anima illius rationali æstimetur, sine dubio illius aliqua pars erit *εὐφῶια*: adeoque merito quæritur, ad quam illius facultatem pertineat? Notum ex c. ult. 1. *Nicom.* præcipuas Animæ facultates esse *λογιστικὴν* & *ὁρεκτικὴν*, *Intelligentem* & *Appetentem*: hæc vero in irrationali animæ parte complectitur, τὸ θυμοειδὲς καὶ τὸ παθιμῆλικόν, quod Tertullianus in libro de Anima reddidit, *Indignativum* & *Concupiscentivum*. Aristoteles cum postrema parte libri 8. *Tōpis.* c. 14. edit. Pac. regulas pro acquirenda dialectica facultate tradidisset, ita differere pergit: *οὐδὲ γὰρ πρὸς τὸ ποιῆσαι ὑπάρχειν εὐφῶν. καὶ τὰ ἔστιν ἢ κατ' ἀλήθειαν εὐφῶια, τὸ δύνασθαι καλῶς ἐλέγχειν πῆληθές, καὶ φυγεῖν τὸ ψεῦδος. ὅπερ οἱ πεφυκότες εὖ, δύνανται ποιεῖν εὖ. οἱ γὰρ (al. legunt εὖ γὰρ, inter quos & J. Schegkii) φιλοῦντες καὶ μισοῦντες τὸ πρὸς φερόμενον, εὐκρινεῖσι τὸ βέλτερον, h. e. Sed ad id efficiendum felici ingenio opus est. Et hac revera bonitas est ingenii ac indolis, ut possit id quod verum est, rectè assequi, & declinare falsum, quod quidem ii, quibus ingenii acumen &*

indolem natura largita est, praeclare efficere possunt. Ita qui decenter amant & oderunt, qua oblata fuerint, bene, optimum quod fuerit, discernunt.

VIII. Mirificè etiam illam commendat 3. Nic. 5. §. 41. & 42: Appetitionem finis nemo sibi suo arbitratus optare potest, sed ita natum esse unumquemque oportet, ut quasi lumen mentis habeat, quo & judicare rectè, & id quod verè bonum est, sumere atque optare possit. Ille item bene informatus est à Natura, (ὁ φύσις) cui hoc illius beneficio constitutum est: eò quod maxima sit ac pulcherrima isthac res, quamq; ab alio neque consequi, neque discere aliquis possit, sed talem obtineat quisq;, qualis ipsi à natura data est, adeoq; quod ipsum illud, bene & pulchrè à natura factam compositamq; esse hanc partem, sit perfectà & vera natura bonitas. Lib. 1. M. Mor. hac de re ita differit: Dicas quispiam, si in me situm est, ut sim iustus & probus, ero, si voluero, omnium optimus. Id vero fieri nullo modo potest. Cur nam? quoniam ne in corpore quidem fieri id potest. Neque enim si quispiam voluerit corporis curam habere, is statim omnium optimè habebit corpore. Nam opus est non solum curam adhiberi, verum etiam natura pulchrum & bonum corpus esse. Melius certè habebit corpus, non tamen erit omnium optimum. ὁμοίως δὲ δὲ ἡ πολλαπλασιάζει καὶ ἡ ψυχῆς. ὃ γὰρ ἔστιν ὁ παλαιότερος εἶναι σπουδαιότατος, ἢ μὴ ἡ φύσις ὑπερέχει. βελτίων μὲν τοι ἔσσι. Idem de anima intelligendum est; neque enim ut quisque voluerit, erit omnium optimus, nisi etiam natura exstiterit; melior quidem certè eris.

IX. Sed cum per pauca ἡ εὐφύια dicta reperiamus ab Aristotele aliisq; veteribus, ex Magistro illius quædam conquiremus, an ita res satis obscura paulatim dilucidior red-



reddit possit. In *Epist.* 7. p. 719. ad Dionis Propinquos & Amicos ita scribit: *Transductio vero per omnia illa sursum deorsumq; in unumquodque discurrendo perveniens vix tandem scientiam paris intrinsecus: scientiaminquam ipsius, quod naturaliter bene affectum est in animo, ad ipsum quoque naturaliter bene affecto, (ἐν πεφύκότη, ἐν πεφύκότη.) At si quis male affectus sit natura, qualis naturaliter anima habitus inest multis, tum ad illa quæ discenda sunt, tum ad mores, corruptiq; illi sunt, ne Lynceus quidem, ut eiusmodi animus videat, efficere possit. Atque ut summam dicam, neque acumen, neq; memoria faciet unquam, ut qui rei ipsius, de qua agitur, non est cognatus, ipsum inspiciat. Principium etenim in habitibus alienis non sortitur. Quamobrem quicumque iustis aliisq; quoscunque sunt pulchra, non sunt apti natura atque cognati, (πεφύκως καὶ ἑυσεύς) licet alii ad alia ingeniosi simul & memores: rursus quicumque cognati sunt quidem, sed hebetes & memoria parum validi, nunquam ad summum discendi veritatem pervenient vel virtutis, vel vitii. Libro 3. de Rep. ubi inquisivisset, quis esset bonus Judex, dixissetque, non Juvenem, sed senem esse bonum Judicem, qui diu quale quid iniustitia sit didicerit; non quod propriam in animo suo senserit, sed alienam in alienis animis longo tempore noverit, atque idcirco cujusmodi sit malum discernat, scientia potius, quàm propria experientia iudicans; mox ita pergit p. 441: Non ergo talem oportet querere iudicem, sed qualem paulò ante dicebam. Prævitæ enim neque se, neque virtutem cognosceret unquam. Virtus autem natura addita temporis disciplina, (δὲν δὲ φύσως καὶ χρόνου χεῖρ) & seipsam simul, & prævitatem intelliget. Paulò post: Nonne igitur & medicinam qualem diximus, unà cum huius-*

*modi judiciaria equitate in civitate constitues, quæ quidem eos cives, qui naturâ & animo corpore bene sunt adfecti, (εὐφυείς τὰ σῶματα καὶ τὰς ψυχὰς) curabunt: alios vero, quia non sunt ejusmodi corpore pradi, mori sinant. Qui vero malo ingenio procreati, & insanabiles sunt, (τὸς καὶ ψυχῶ κακοφυείς καὶ ἀνιάτους) morte multent?* Lib. 5. de Rep. p. m. 458. ita disputat: Ἀπερίην, ἀρετῆς ὅπως ἔλεγε, τὴν μὲν, εὐφυῆ πρὸς τὴν εἰρήνην, τὴν δὲ, ἀφυῆν, ἐν ᾗ ὁ μὲν ῥαδίως τί μανθάνοι, ὁ δὲ, χαλεπῶς; καὶ ὁ μὲν, διὰ βραχέας μαθήσεως τυχὼν καὶ μελέτης, μὴδ' ἂν ἔμαθε σὺζοιο; καὶ τὴν μὲν τὰ τέλ' σῶματι ἱκανῶς ἐπαρρησὶ τῇ ἀλγυνίᾳ, τῷ δὲ ἐναντιοιο; ἀρ' ἄλλα ἄλλα εἶναι ἢ ταῦτα, οἷς τὴν εὐφυῆ πρὸς ἕκαστον καὶ τὴν μὴ, ὡς ἐκεῖ; Respondo, numquid ita dicebas, ad aliquod opus aliquem apto ineptove à natura ingenio pradium esse ex eo intelligi, quod ille facili quidquam percipit, hic difficile: & ille si brevi quid à quoquam didiceris, ex eo ipse plurimum inveniat: hic autem cum plura didiceris excogitaveritq, ne illa quidem, qua didicit, servet, & illi quidem corporis membra sufficienter menti subserviunt, huic autem repugnant? An alia præter hæc sunt, quibus hominem ad aliqua natura bene institutum, ab instituto male, distinguis? Alibi appellat θῆβαι μοῖραν, & εὐμοίειαν.

X. Cicero etiam Bonæ indolis seu Naturæ vim egregiè perspectam habuit, qui de ea sic loquitur pro Archia: Ego multos homines excellenti animo ac virtute fuisse, & sine doctrina, Natura ipsius habitu prope divino, per se ipsos & moderatos & graves exstitisse fateor. Etiam illud adjunges, sapius ad laudem atque Virtutem Naturam sine doctrina, quam sine Natura valuisse doctrinam. In eandem sententiam loquitur Seneca ep. 95: Quidam, inquit, ex hominibus egregiam sortiti indolem, in ea, qua tradi solent, perveniunt sine longo

*longo magisterio, & honesta complexi sunt, cum primum au-*  
*dierunt. Platoni quoque hæc vox tribuitur: σφὸς ὁ πλ-*  
*λὸν εἶδὼς Φυᾶ, Sapiens est, qui multa novit natura. Sed non*  
*opus magnorum nominum suffragiis uti, cum rerum*  
*testimonia adsint.*

XI. His ita cognitis, apparet *εὐφυΐαν* non ad Intel-  
 lectum, nec unice ad Appetitum, sed ad utrumq; esse re-  
 ferendam; nam & huic & illi suum *εὐ* communicat: sic  
 ut nec excludatur cum interiorum tum exteriorum e-  
 tiam sensuum istarum facultatum operationibus inservi-  
 entium commoda dispositio, Intellectum quod attinet,  
 cum Aristoteles tum Plato naturalem ingenii solertiam,  
 qua facile veritas invenitur & intelligatur, veram & pro-  
 priam hominis *εὐφυΐαν* vocant. Nam solius veritatis causa  
 homo dicitur habere intellectum. Et in bene natis in-  
 geniis facile inolefcit veritas, & propter cognationem fit  
*εὐφυής*, & unum quiddam, cum naturâ nihil sit verius  
 intellectu, ut qui principium sit omnium verorum. Ta-  
 lem indolem fuisse in Theæreto, Plato prædicat non pro-  
 cul ab initio istius Dialogi. Huic indoli maximè oppo-  
 situs est stupor ingenii, quem Aristot. 2. *Phys.* ἀπρωΐαν τῆς  
*Ναοίας*, imbecillitatem mentis vocat. Ut si quis hallucine-  
 tur in veritate principiorum percipienda. Quales sunt,  
 qui dicunt, omnia unum esse, aut qui omnia moveri vel  
 quiescere dicunt. Ejusmodi fallaces conceptus lumini  
 Intellectus officiant, ut ne quidem prima vera videre  
 queat. Intellectum igitur quod concernit, *εὐφυΐα* illi hoc  
 tribuit, ut amabilia ab iis quæ odio sunt digna, honesta  
 ab inhonestis & turpibus singulari quadam naturæ facili-  
 tate ac felicitate discernere sciat: Appetitui hoc, ut æquè  
 Bb 2 facili

facili inclinatione *ἐνθυμία* tale iudicium sequentes, ad electionem boni, & fugam mali, propensi sint.

XII. Hinc jam decidi illa Quæstio potest, An *ἐνθυμία* idem sit quod Ingenium; sic enim à multis hanc vocem latine reddi solere notum est: Quibus accedit Episcopus Cæsartæ, qui in libris *Everſionum ſingularis certaminis* cenſet, Ingenium idem eſſe, ac *ἐνθυμία*, & addit, Ingenium convenire cum Iudicio, quod *κρίσις* Græcè dicitur, ſic ut *ἐνθυμία*, Ingenium & Iudicium inter ſe non diſtent. Probat hoc ipſum inde, quod illa facultas, qua poſſumus ex multis rebus propoſitis eligere verum, & fugere falſum, Iudicium dici ſoleat. Jam vero vim *κρίναι* τῇ *ἐνθυμία* tribuit Ariſtot. *d. l. 8. Topic.* adeoq; ſequi, hanc eſſe Iudicium. Quia verò ſimul obſervavit, Philoſophum iſto loco etiam ad *ἐνθυμία* referre, *poſſe rectè eligere verum & fugere falſum*; eligere autem & fugere pertineant ad facultatem appetentem, ideo inquit ille Episcopus, uſurpari eo in loco Electionem latè pro approbatione & adhæſione.

XIII. Cæterum bonis rationibus hanc ſententiam refutat Piccolomineus *gr. 2. c. 3.* Primò enim *ἐνθυμία* non videtur idem planè eſſe, quod Ingenium; hoc enim *ἀλγος* ſe habet ad eum qui tardi, & velocis, pravi & probi eſt ingenii: *ἐνθυμία* autem per ſuum *ἐν* non niſi ad bonum reſtringitur. Hinc nonnulli Interpretes illam tranſtulerunt Bonum ingenium, aut Ingenii bonitatem. Deinde eſſi Ingenium, & Iudicium quandam adſinitatem inter ſe habere videantur; multos tamen deprehendimus Iudicio ſic ſatis valere, ingenio vero eſſe obruſo: ut adeo ipſa experientia hæc quoque ſeparat. Præterea Iudicium unicè ad vim cognoscendi, *ἐνθυμία* vero etiam ad appetendi

tendi vim pertinet, ceu liquet ex textibus prolatis; per hanc enim & rectè discernimus à malo bonum, atque tum hoc optamus. Nec enim tam aliena & quærita interpretatio admitti potest, ut Electionis vox in Topicis d. c. pro adsensu accipiat. Plenè itaque & accommodatissimè à Cicerone dicitur *Natura bonitas 1. Offic.*

XIV. Hanc plenam *εὐφροσύνης* significationem cum alii vidissent, duplicem illam constituerunt, unam Theoreticam, quam Alexander Aphrod. *πρώτην καὶ κυρίως εὐφροσύνην* vocat, alteram Practicam: & de priori Philosophum egisse *8. Topicor.* de altera in *3. Moralium Nicom.* Verum non apparet, illum has partes segregasse, sed utrobique illas conjunxisse. Nec enim secerni possunt commodè; parte enim una ab altera separata, homo per naturam rectè formatus ac constitutus dici non posset: *εὐφροσύνη* verò est illa bona animi per naturam constitutio cum ad verum, tum ad bonum, sic, ut ad iudicium veri & falsi, & ad fugam boni ac mali rectè se habeat. Unde & hoc sequitur, non esse illam idem cum Ingenio, quod hoc ad bonum & malum, variasq; conditiones recipiendas sit *ἀλλόφορον*. Imò ne quidem idem esse cum Bono Ingenio, quod hoc solum ad cognitionem spectet, *εὐφροσύνη* autem hominis *πληρώως* considerati vel præcipuè ad actionem vergat, sic ut & Iudicii & Appetitus rectam naturalemq; constitutionem complectatur.

XV. His ita investigatis hætenus, vim *εὐφροσύνης* jam propriis cognoscemus, si ipsius Prudentiæ & Virtutum moralium effectus illustraverimus, & quid quantumq; ad eos conferat Natura, penitus inquisiverimus. Textum Philosophi jam suprà allatum hic repetere lubet *ex 6. Nic. 12.*

§. 16.

§. 16. & 17. Ex Prudentia & ex virtute morali opus hominis absolvitur. Virtus enim scopum propositum agenti rectum efficit: Prudentia vero ea, quæ ad scopum ducunt. Idem repetit c. ult. §. 31. 2. Eundem 11. hæc habentur: Utrum Virtus scopum, an ea, quæ ad scopum, regit? Asseveramus autem, scopum à virtute constitui. Horum verborum sententiam ita explanat Vetus Paraphrastes: Ad omnem actionem honestam conducit Prudentia, & per eam quodlibet tale opus perficitur. Virtus quippe moralis ad finem voluntatem dirigit bonum, scopumq; rectum efficit. Prudentia vero ea, quæ ad rectum tendunt finem, querit: sed & deliberat, quibus potissimum mediis optime facillimèq;, & oportet, finem adsequi possit suum. His quoque jungere liceat egregiam Eustratii commentationem: Quo pacto autem scopum & propositum moralis virtus rectum facit, Prudentia vero ea quæ ad ipsum tendunt? Quia sanè ubi appetitiva hæ facultates à ratione fuerint castigata ita, ut nihil nisi honestum & bonum appetant, nunquamq; ad inhonesta & mala excidant ac delabantur: appetitionum rectum propositum efficitur, rectaq; intentio, ut nunquam incitatione distorqueatur, ac declinet ad id, quod non debeat; sed finem semper laudabilem habeat ac convenientem, ad quem intendatur, cum jam ratio appetitiones ipsas rationales quodammodo reddiderit, atque appetere rationaliter adsuesce- rit. Nam cum talia appetitionibus proposita sunt, Prudentia modis idoneis ac rationibus excogitatis atque initiis prosperè ad ea consequenda perducit, ut meritò inter virtutes, earumq; actiones obtinere principatum debeat.

XVI. Omissa jam vi theoretica & theoreticæ, ita ex precedentibus colligimus. Si Rationis practicæ perfectio in Pru-

in Prudentia, Appetitus perfectio in Virtute morali consistit: & ἐνφύια est naturalis utriusque Facultatis recta; constitutio, magnam sanè cum illis adfinitatem habebit; ut quidem ἐνφύια sit naturalis atque inchoata Facultatum illarum perfectio, istæ vero plenam illis perfectionem tribuant. Atque hinc est, quod Aristoteles Prudentiam & Virtutes etiam quasdam Naturales constituat: illam δυνάμει, Solertiam, appellat, 6. Nicom. 12. §. 25. has autem, δυνάμεις φυσικὰς, 6. Nicom. 13. Eodem capite §. 6. vocat φυσικὰς ἐξεις, & 8. Histor. Animal. c. 1. ἐναίοντες, φυσικὰς δυνάμεις, ἔχοντες καὶ ἀνέκτα, similitudines, potentias naturales, vestigia & semina. Quod autem hæc ἐνφύιας facultates seu inclinationes sint naturales, cum aliis argumentis, tum & hoc probat d. §. 6. c. ult. 6. Nicom. καὶ γὰρ παρὰ καὶ μέγιστοι αἱ φυσικὴ καὶ ἀνέκτα ἐξεις. Habitus namque isti naturales in pueris quoque, nec non & in bestiis, insunt.

XVII. Sed cum luculentissimè hanc rem illustrent verba cap. 1. l. 8. Hist. Anim. non pigebit illa adscribere: Generatio, inquit, & reliqua animalium natura ita se habet. Actiones autem & vita, pro moribus virtutū, differunt. Sunt enim vel in plurimis ceterorum animalium, vestigia morum animi humani: quanquam hac apertius in homine discernantur. Inest urbanitas, feritas, clementia, acerbitas, fortitudo, ignavia, metus, fidentia, ira, malitia. Atque etiam Prudentie imago inest in multis, quemadmodum, cum de partibus docerem, exposui. Alia enim quod magis minusve habeant, comparatione hominis differunt: homoq; ipse cum multis aliis animalibus ita disidet; quippe cum aliqua ex his magis in homine habeantur, aliqua in ceteris animalibus latius: alia vero differant proportionem. Ut enim in homine

ars, sapientia, prudentia: sic in nonnullis brutis inest vis quaedam ejusmodi altera naturalis. Constat hoc ita esse plane argumento puerilis aetatis, in qua futurorum habituum quasi vestigia & semina videris: & tamen nihil per id tempus animam hominis differre belluarum anima prope dixerim. Itaque, nihil remotum à ratione est, si partim eadem, partim similia, partim ex proportionem in ceteris animalibus habentur. Sed adeo de inanimatis paulatim, sensimq; ad animata natura transit, ut continuatione ipsa lateat eorum confinium, & medium utriusque sit extremi. Quod de Prudentiæ imagine in bestiis hic docet, etiam legitur *6. Nicom. 7. §. 9. & 10.* Quod, ait, singulis in rebus ipsum est earum rerum spectat & pervidet, id prudens esse aliquis dixerit, & eas res huic commiserit. Itaque & bestias quasdam prudentes esse dicunt: nempe eas, quæ rerum ad vitam necessariatum providendarum facultatem habere videntur.

XVIII. Ἐστὶ δὴ τις δύναμις, ἣν καλεῖσιν δεινότης. αὕτη δὲ τίς ἰσχύει, ὥστε τὸ πρὸς τὸν ὑποκείμενον σκοπὸν σωθεῖν, διὰ δὲ ταῦτα πράττειν καὶ τυχεῖν αὐτῶν. Est igitur vis seu potestas quaedam, quam Solertiam appellant. Hac autem ejusmodi est, ut ea, quæ ad scopum propositum pertinent, agere & consequi possit. Verba sunt Philosophi *6. Nicom. 12. §. 25. & 26.* Perperam δεινότης hæc à Perionio aliisque Ingenium vertitur; hujus enim vis ad cognitionem solum pertinet, at ista respicit ea, quæ ad actionem referuntur. Discrimen vero inter δεινότητα & ἐνφύσιαν est eadem, quæ inter partem & totum est. A Prudentia quoque quid distet, ex præcedentibus haut difficulter colligi potest. Solertia enim est naturalis quaedam *ἀλγίστης* atque *ἀνδεξιότης* investigandi ac judicandi media, sed valde imbecilla ac imperfecta.

Pru-



Prudentia vero ipsa est perfectio ac consummata Ratio-  
nis Practicæ virtus. Et si vero, inquit Aristot. *d. c. §. 29.*  
*& 30.* hæc facultas non sit prudentia, hæc tamen existere  
sine illa nequit. Præterea nec Prudentiæ habitus τῷ ἔμ-  
μαί τῷ τῆς ψυχῆς, *huic animi oculo* ingeneratur sine vir-  
tute. Quemadmodum enim nec quispiam alius habitus  
acquiri potest, nisi subjectum ad suscipiendum idoneum  
fuerit: idoneum vero esse nequit, nisi naturalis ibi adsit  
διπληθεύτης καὶ εὐφυΐα, inquit hic Scholiastes.

XIX. Quomodo Prudentia & Solertia sunt inter  
se affectæ, eodem modo comparatur & virtus illa natu-  
ralis cum ea, quæ propriè & præcipuè virtus est. Una-  
quæque enim virtus moralis in omnibus hominibus quo-  
dammodo videtur inesse natura. Nam & iusti, & tem-  
perantes, & fortes sumus, & cæteras item virtutes habe-  
mus, cum primùm nascimur. Itaque quemadmodum in  
parte animi διδακτικῇ duæ sunt species, Solertia & Pruden-  
tia: ita & in ea, quæ moribus attributa est, duæ: quarum  
altera est virtus naturalis, altera ea, quæ præcipuè ac pro-  
priè virtus dicitur. Ita docemur *σ. Nicom. c. ult.* Est igitur  
talis virtus naturalis quædam διπληθεύτης, *habilitas*,  
quæ ab ea, quæ propriè virtus est, formam quasi materia  
suscipit, dum in convenientem ὁρθότητῃ, *seu rectitudinem*  
appetitiones redactæ, obsequentes rationi efficiuntur,  
quæ eas ad bonum atque honestum scopum incitat & in-  
ducit. Scholiastes hoc eleganter his dicit verbis: αἱ φυσικῆ  
καὶ δευτερεύουσα, *εὐφυΐα πρὸς τὰς κυρίως δευτερεύουσας, αἱ μορφωτικῆς εἰς τὰς*  
*φυσικὰς, ὡς ὑλῶν. ἐν τῇ πρὸς τὸν ὀρθὸν λόγον ἀκολουθήσεως*  
*τῶν ὀρέξεων δεχόμεναί τι πλείωσιν, καὶ ἔτι τὰς μὴ ὀρέξεις καθι-  
στῶσαι*

ζῶσιν ἐν τῇ ἀεμοτήτει ταύταις δεδότηται. τὴν δὲ λόγον ἔχουσι πρὸς ἀγαθὸν σκοπὸν ταῖς κινήσεσι βέλλοντα.

XX. Lucem quoque aliquam hisce foenerari poterit simile Stoicum, quod Cicero i. Officiorum parte postrema proponit. Ut in scena, inquiebant Stoici, histrioni laudi vertitur, si ejus personæ, qua à Pœta fuerit indutus, modum teneat, omniaq; illi aptè convenienterq; agat; sic in vita ille laudatur, qui omnes actiones ea moderatione regit, ut aptè congruant illi personæ, quam indutam seu à Natura, seu à Fortuna, seu à Voluntate sua habet. Quatuor enim quædam sunt quasi Personæ, inquit Cicero, quibus vulgo induimur. Duæ quidem ab ipsa Natura: una Communis, qua sumus omnes & rationis participes, & præcellentes bestiis; altera Propria, quæ ipsa est indoles cujusque privata. Tertia vero ab ipsa Fortuna, qua nimirum quispiam est Rex, nobilis, dives, &c. Quarta denique à delectu, seu judicio proprio, qua quis evadit Jurisperitus, miles, mercator, aut alius. Et cum hujusmodi Personæ in unam quasi coalescant, sic se gerere quisque debet, ut nihil peccans in singulis, generalem ex omnibus quasi resultantem præclare sustineat. Cæterum quam Propriam personam appellitant Stoici, illa huc præcipuè facit. Quando enim Aristoteles dicit, quamlibet virtutem moralem quodammodo hominibus inesse natura, & inductione idipsum comprobatur; ita quoq; Cicero idem experientia multiplici confirmat. Erat, inquit, in L. Crasso & L. Philippo multus lepos: in M. Scauro & in M. Bruto singularis severitas: in C. Lælio multa hilaritas, in ejus familiari Scipione vita tristior. Ex Græcis Socratem εἰρωνίαν fuisse accepimus, Pythagoram & Periclem

clēm summam auctoritatem consecutos sine ulla hilaritate. Callidus fuit Hannibal & Q. Fabius Maximus. Hostium præripere consilia norat Themistocles, & Pheræus Jason. Sed & hæc & alia singularia apud ipsum Romanorum Philosophorum principem videantur.

XXI. Antequam ad alia progrediamur, videamus & nos non contemnendam Quæstionem, quam Eustratius in suo ad c. 13. lib. 6. Nicôm. commentario proponit. Est illa hæc: Cum *τὰ ἡθῆ* & in brutis & in homine naturalia sint, cur Virtutes naturales non etiam dicantur Morales à moribus, qui natura sunt communiq; nomine, licet æquivocè, omnes Morales appellentur? Huic dubitationi ita respondet: Scire oportet, *Virtutes morales ἡθικὰς*, non ab *ἡθῆς*, id est moribus, sed ab *ἔθῳ* dici, quod morem & consuetudinem significat, brevi syllaba & in longum n mutata; quippe qua assuetudine & exercitatione ex rationis præsentia ac præscriptione comparentur: Naturales vero, qua ab ipso ortu natura existunt in iis, in quibus insunt. Quoniam igitur hæc naturam, illa morem & consuetudinem efficientem causam habent, meritiò utrisque à causa nomen impositum est. Nam mores, id est, *ἡθῆ*, non sunt causa, sed ex causa, qua ipsa natura est, existunt. Ex more enim & consuetudine, quod *ἔθῳ* dicitur, morales virtutes appellari, ipse quoque Aristoteles testatur: qui in secundo huius Operis libro, moralium virtutum nomen a more, id est *ἔθῳ*, parva inclinatione & mutatione facta esse deductum asserit. Non enim naturalis est mos, sicut mores, sed ex assuetudine & exercitatione in habitum evadit. Aptitudines igitur ad unamquamq; virtutem moralem ab ortu & generatione ipsa nobis insunt: sed non satis tamen id nobis est, ut ea qua propriè virtus est, præditi esse dicamur: sed aliud

est, quod querimus; id scilicet quod propriè bonum est, id est  
 quæ est propriè virtus, licet eodem quo naturalis nomine ap-  
 pelletur. Hæc ille ex translatione Jo. Bernh. Feliciani.

XXII. Si ergo Virtutes aliæ sunt Naturales in Ho-  
 mine, aliæ Morales, per adfuefactionem Bonitatis *μωμνηα*,  
*qualitatem* consecutæ, ipsæ etiam actiones harum facul-  
 tarum erunt duùm generum. Quatenus verò omnes  
 ad vitam spectant; liceat mihi illas dispecere in τὰ ἤθη  
*Quoniam mores naturales*, & τὰ διέθυσμὸν *per adfuefactionem di-*  
*spositos*. Non quod nesciam, ἀκριβες actiones illas natura-  
 lium facultatum Mores dici; non tamen etiam magis  
 impropriè, quam illæ *διωκόμεναι Quomodo* dicuntur Virtutes;  
 Virtutes enim propriè dictæ item per Adfuefactionem  
 cumprimis parantur. Quod si illa distinctione hic uti  
 velimus, qua nonnulli discrimen faciunt inter Actiones  
 Hominis, & actiones Humanas, has homini peculiares,  
 illas cum brutis ei communes esse dicentes; videntur sanè  
 Virtutum naturalium actiones ad Humanas non ad Ho-  
 minis referendæ esse. Etsi enim & bruta fortia, mitia &  
 mansueta dicantur, uti pluribus accepimus ex *c. 1. l. 8.*  
*hist. Anim.* multò tamen excellentiores sunt naturales acti-  
 ones bonæ humanæ; proficiscuntur enim ab *ἐνφύια*, quæ  
 quia cum aliarum, tum excellentissimæ facultatis ratio-  
 nalis quoque, naturalis est perfectio, hætenus sanè &  
 propriè humanæ, & naturaliter bonæ, ac morales quo-  
 dammodo dici poterunt. Si quis autem tam pertinax  
 sit, ut postremum hoc admittere aut concoquere nolit,  
 saltem tantisper toleret, donec videro, an hæc distinctio  
 aliquid conferre queat adjumenti ad Galeni, summi Phi-  
 loso-

Iosophi & Medici sententiam examinandam; tum pro ingenii sui savitia per me illam jugulet.

XXIII. Scripsit hic Commentarium hujus argumenti, τὰ τῆς ψυχῆς ἢ ἢ ἐπεὶ τῇ ἑσώματι κρείσσει, *Mores animi sequi temperamentum corporis*. Mox ita inquit differere: τὰς ἑσώματι κρείσσειν ἐπεὶ τὰς δυνάμεις τῆς ψυχῆς, *Corporis temperamenta sequi potentias animæ*, &c. ubi velim notari, protinus δυνάμεις τῆς ψυχῆς, *potentias animæ*, appellari, quæ in ipso titulo ἢ ἢ ψυχῆς, *mores animæ*, dicebantur. Deinde observandum est, illum supponere, ipsam Animam esse κρείσσειν, *temperamentum*, eamq; ὑποθέσσειν cum quibusdam argumentis, tum autoritate Platonis, Aristotelis & Hippocratis, capp. 6. 7. & 8. adstruere conari, hujusq; κρείσσειν seu Animæ mores mutari locorum, alimentorum, ac in universum temperamenti ratione. Quo posito, multa (ut molliter dicam) temerè pronuntiat: Non eandem omnibus naturam animæ esse: Platonem animam rationalem statuere, se verò nolle contendere, resne ita se habeat, nec ne. ἐγὼ δὲ, inquit c. 3. ἔθ' ὡς ἔστιν, ἔθ' ὡς εἶναι δεῖ, ἔχω διατείνασθαι. Eodem capite cum eandem Platonis sententiam admittere nollet, sic pergit: ἀκόλουθον οὐδ' οὐτὸ τῷ πρὸς ψυχῆς δόγματι τῷ Πλάτωνος, ἀποδείξιν γε μὴ ἔδειξαι ἔχω λέγειν αὐτῷ, ὅτι τὸ μὴ γινώσκειν με τιτὸν ἔστιν τῆς ψυχῆς, ὅτι αὐτὸς ἔστιν, ὅτι τὸ γένος τῶν ἀσυνμάτων ὑποκειμένων ἡμῶν ὑποδέχεται αὐτήν. Hæc ita verit Barthol. Sylvanius Salonen-  
sis: Hoc Platonis dogmati de anima consequens video, nullam tamen ejus demonstrationem habeo dicere; quoniam essentiam animæ, qualisnam sit, hanc quaquam novi: nimirum cum ex incorporeorum genere eam esse supposuerimus. Interest vero pauca sequentia adhuc cognoscere: In corporibus namq;

tem-

temperaturas satis inter se superq; diversas cernō, easq; quāvis plurimas. At incorporee substantie, quæ per se ipsa esse possit, neque qualitas, aut species corporis sit, differentiam nullam intelligo: quamvis sapius super ea re cogitaverim, atque accuratius perquisiverim. Sed nec quomodo, si corporis nihil esset, in totum ipsum valeret extendi. Horum sanè nihil, uđ ἀλλὰ Πρωτόγoras, ne ad imaginationem quidem usque consequi potui, quamvis diutissimè præmeditatus fuerim.

XXIV. Nescio vero quid sibi velit cap. 4. ubi Andronico contradicens, propria quoque videtur destruere dogmata. Verba illus hæc sunt: Enimvero Andronicum Peripateticum, quod omnino intrepide, ut vir ingenuus, essentiam animæ nihil obscuritate involvens enunciarit, & multum commendo, & viri dicta recipio. Nam & in aliis pluribus talem eum comperio. Ceterum quod temperaturam esse eam dicat, aut facultatem temperaturæ comitem facultatis additamentum vitupero. Mox redit ad demonstrationes suas, qualitatibus quibusdam cum meliorem tum deteriorem animam evadere. Inter alia hæc leguntur cap. 5. Sed quamvis siccitatem Prudentia autorem esse nequaquam permiserint, schola tamen concesserit Heracliti. Etenim is ita dixit, αὐτὴ ἕνεα, ψυχὴ σφόδρην, Splendor siccus, animus sapientissimus. Quo sanè dicto prudentia causam esse censet, siccitatem. Nam hoc splendoris, hoc est αὐτῆς, vocabulum indicat. Atque hæc melior opinio existimanda est; cum stellas quoque fulgentes simul, & siccas animo concipiamus summa præditas esse prudentia. Quod si quis hoc ipsis non suppetere dicat, is sensum nullum obtinere Deorum excellentia videbitur. Capite jam 7. ex Aristotelicis scriptis demonstraturus,

Mutari

Mutari animam à Corporis temperamento, hæc cum primis notatu digna sunt: *Predictis iis Aristoteles hac deinceps adnectit. Profecto naturam sanguinis causam esse, ut per multa animalibus veniant, tum per mores, tum etiam per sensum, ratio est; materia enim totius corporis est, quippe cum alimentum materia sit, sanguis autem ultimum alimentum habeatur. Facit igitur, ut plurimum differentia existat, si calidus, aut frigidus sit: si tenuis, aut crassus: si turbulentus, aut nitidus. Sed cum alia quoque ejus dictiones sint tum in tractatibus suis de Animalibus, tum in Problematum libris, supervacuum mihi visum est adscribere universas. Satis enim mihi est Aristotelis sententiam, quam de corporis habet temperamentis, animæque facultatibus, indicasse. Verumtamen adjiciam quoque ex eo libro, qui primus Animalium Historia dictus est: quorum nonnulla plane ad temperaturam referuntur: quadam vero physiognomonicis signis, hoc est nature indicibus intervenientibus, præsertimque, ut opinio fert Aristotelis, siquidem huic placet, animi moribus ac facultatibus constare propriam cuique animalium generi totius corporis formationem. Verbi causa, sanguineorum generatio quidem ex matris sanguine est: hujus vero temperiem mores animi consequuntur. &c.*

XXV. Et si ex his aliisq; quæ ibi leguntur, multa *ἡθολογία* emergant, & graviter in doctrinam & naturam de Anima Galenus impingere videatur, non tamen omnis hæc disputatio ceu frivola omnino est rejicienda. Essentiam itaque Animæ quod attinet, hanc litem non faciemus nostram, at *ἡθολογία τῆς φύσεως καὶ ἠθῶν* h. e. mores propendere ad qualitatem & naturam temperamentis; propria hujus loci, & verissima disputatio est, siquidem

Ἐν ᾧ hic intelligas φυσικά. Et quamvis summus ille Vir videatur nonnunquam verbis discrepare, attentus tamen lector profectò deprehendet, de Naturalium morum propensione ipsum præcipue ac plerumque loqui, eosq; bene à propriè dictis secernere. Ecce enim quæ ille adfert cap. ult. εἰκότως ἂν καὶ τῶν ἀνθρώπων τὰς πηγὰς μισῶμεν, καὶ περιλογιζόμενοι τὸ πῶς αἱ αὐτὰς ποιῶντες. ἐμπληρὺν δὲ προσέμεθα καὶ φιλοῦμεν τὰς ἀγαθὰς εἴτ' φύσει, εἴτ' ἐκ παιδείας καὶ διδασκαλίας, εἴτ' ἐκ περαιρέσεως ἢ καὶ ἀσκήσεως ἐγένοντο ποῖοι. h. e. Non injuria igitur & malos odimus, haud prius causam, qua tales eos prastiterit, asimantes: bonos contra agnoscimus atque amamus, siue tales ex natura, siue ex institutione, siue ex proposito & meditatione (rectius exercitio seu adluefactione) evaserint. Bene igitur distinguit inter τῇ φύσει & τῇ περαιρέσει bonos malosq;: quamvis perperam dicat malos nos odisse nulla hujus differentiae ratione habita. Natura enim quatenus boni sumus, ferè necessariò fit, atque hætenus tanquam naturale bonum amatur, & ἐκ περαιρέσεως quæ fiunt, liberè à nobis aguntur, veramq; moralitatem inducunt, adeoq; vel laudem vel vituperium, præmium vel pœnam demum merentur. Ipse hoc explicat in sequentibus: Προῖντε sanè, inquit, consuetudine accedente secundum partem animæ ratione carentem prævi reddimur, falsis autem opinionibus secundum intellectualem partem imbuimur. Sicut si à bonis humanisq; viris instruimur, opiniones quidem verae sunt, mores autem humani. Hæc quidem in Græco Codice defunt, ex veteri autem translatione ita restituta sunt. Imò quod de Naturalium morum inclinatione potissimum loquatur, vel inde constare poterit, quod citet etiam caput primum libri primi

Histo.



Historiæ Animalium Aristotelis: cujus explicationem ex parte jam supra dedi.

XXVI. Sed quantum ille vel Educationi & Adfuefactioni vel Naturali indoli tribuat, videre est ex egregio textu, qui habetur cap. 7. libri *de cognoscendis curandisque animi morbis*, quas Perturbationes Latini appellant. Virio forsitan quis mihi vertat, si post tot excerpta dogmata Galeni etiam hanc prolixam dissertationem huc transcribam; dum tamen cogito, quantæ hic autoritatis & scientiæ Vir sit, nec non à quam paucorum manibus versetur, nil expavesco Theonis dentem. Sic igitur ille ex versione Bernardini Donati Veronensis: *Quod & mala sint & fugienda, perspicere opera pretium est in iis hominibus, qui vehementer iis detinentur. In talibus enim turpissimò admodum perspicua est. Cur autem ipsi in nobis ipsis nihil tale prorsus cernamus, causam putare oportet eam veritatem, qua adfici-mur vel ad id, quod nos amat, vel ad id, quod ipsi amamus; nonnulla etiam esse, qua nos fugiant, propterea quod exigua sint, & à nobis neglegantur, qua tamen propter magnitudinem in aliis negligi non possint. Invenire ergo oportebit senem quempiam, qui illa possit inspicere, rogareq; hunc, ut omnia nobis summa cum libertate indicet. Deinde, ubi ille nobis aliquid dixerit, tum continuo illi magnas agere gratias. Ubi vero ab illo abierimus, tum dispicere & considerare diligenter, quid sit, nosq; ipsos tum, cum soli sumus increpare, conariq; adfectum evellere, non usq; adeo solum, ut ab aliis duntaxat videamur, sed ut ne radicem quidem illius ullam in nostro animo prorsus relinquamus. Nam ex iis, qua sic relinquuntur, solet aliquid rursus pullulare, dum id ipsum ab ipsa nequitia & pravitate irrigatur. Idcirco in nobis ipsis omnes sigillatim adfectus diligenter*

attendere scrutariq, oportet, quoscunq, in amicis necessariisq, nostris cernimus, num aliquid tale in nostro item animo deprehendi queat. Excidendum quippe est, dum adhuc pullulat, nec expectandum, dum crescat, & fiat insanabile. Nam ceteros quidem omnes animi adfectus plerique despiciunt, tamen si cum alios vident ab iisdem teneri, contemnunt: tristitia vero ac mæror omnibus planè esse malum videtur, veluti labor in corpore. Caterum olim quidam ex iis adolescentibus, qui mihi familiarissimi erant, cum se in parvis commoveri negasset, postquam tamen id sibi accidere animadvertisset, summo mane ad me venit, dicens se super ea re totam illam noctem insomnem duxisse, interimq, sibi venisse in mentem, se ne in maximis quidem rebus unquam aequè turbatum fuisse, ac in parvis fuisset. Itaque voluisse discere, quo id sibi pacto evenisset, utrumne ab aliquarum disciplinarum usu, an vero ab ipsa natura talis extitisset. Cui ego id respondi, quod verum est, scilicet naturam quidem ipsam in puerili ætate ad vitam perficiendam in cunctis plurimum posse, secundo autem loco studia exercitationesq, disciplinarum. Nam quod natura nostra, sive ingenia plurimum inter se differunt, ex obviis passim pueris facile intuerè licet. Nam eorum alios semper hilares, alios semper tristes inspicimus: alios quidem omnibus de rebus ad ridendum promptissimos, alios vero ex qualibet vel levisima occasione plorantes! Sunt item, quibus aqua omnia & communia placeant. Sunt, quos contra, rapere ac prædari delectet. Alii etiam minimis quibusq, de causis vehementissimè excandescunt, ut & mordeant, & calicibus feriant tum lapides, tum ligna, sicq, se ulcisci putent, si quando ab illis injuriam accepisse arbitrentur. Alii ad ignoscendum faciles ac mites, neq, irascentes, neque plorantes, nisi post magnam

magnam aliquam acceptam injuriam. Hac de causa Eupolis  
 Aristidem illum, qui dictus est Justus, Nicias interroganti, quo-  
 nam modo Justus evasisset, probè graviterq; respondentem inducit,  
 Natura quidem primum maximumq; munus fuisse,  
 deinde vero se quoque prompto animo naturam suam adjuvisse.  
 Non solum igitur ad marorem atque tristitiam qualibet de causa  
 propensa sunt adolescentum natura, sed etiam ad excandescen-  
 tiam atq; ad suavisimorum ciborum appetentiam. De quo  
 quidem vitii genere, quod ad illos pertineat, ad hunc usque  
 locum, maximè sum locutus. Caterum præter illa, quæ jam  
 dicta sunt, licet aliquos puerorum impudentes intueri, aliquos  
 autem verecundos: item alios memori natura præditos, alios,  
 immemores, alios præterea obliviosos. Nec non alii sunt, qui  
 promptè ac libenter discendi causa laborem ferant: alii negli-  
 gentes atque ignavi. Porro ex illis ipsis, qui labores faciliè tolerant,  
 alii sunt, qui citò efferantur lætisia, si quando laudentur:  
 alii qui adficiantur pudore, simul atque à præceptore contemni  
 se videant: alii vero qui terreantur verberibus. Idem au-  
 tem, sed contraria ratione, de ignavis intellige. Itaque ex  
 illis, quæ pueris vident accidere homines universi, alios solent  
 appellare pudentes, alios impudentes: & eadem ratione alios  
 ambiciosos, & probos alios, improbos & honoris negligentes:  
 alios timidos, & alios verborum contemptores: aliasq; item  
 illis appellationes, quæ naturis ipsorum conveniant, imponunt.  
 Sic etiam ex iisdem pueris alios intuemur natura mendaces,  
 alios veritatis amatores: multisq; præterea morum differen-  
 tiis inter se distinctos: de quibus nunc dicendi locus non est,  
 quod huic duntaxat instituto nostro conveniat. Nam eorum  
 alii quidem bonam facillimè disciplinam recipiunt, in aliis ea  
 nullius

nullius momenti esse solet. Neque tamen ob hanc causam negligendi sunt pueri, sed in optimis moribus nutriendi. Nam, si natura illorum curationis, ac diligentia bonitatem recipiet, in viros bonos opera nostra evaserint: sin autem contra, nostra sedulitatis utilitatem nullam perceperint, quod tamen nos attingit, culpa in hoc nostra nulla fuerit. Nam puerorum educatio similis quodammodo est cura ac sedulitati, qua in plantis arboribusq. alendis utimur. Siquidem quamvis bonus arborum ac plantarum sator & cultor, nunquam tamen efficiet, ut rubus uvam ferat. Neque enim natura illius talem a principio suo perfectionem capere potest. Rursus vites, quae, quod ipsas attinet, fructum ferre paratae sunt, si neglexeris, soliq. natura curandas reliqueris, aut multo deteriorem, aut plane nullum edere fructum animadverteres. Idem in animalibus usu solet venire: equum quippe si erudieris, ad multas res utilem habebis: rursus vero quamvis olim mansuesceceris, non tamen perpetuo habitum talem possidebis. Vipera autem & scorpius ne eo quidem usque progredientur, ut mansuescere videantur.

XXVII. Primas itaque Naturæ, secundas partes Galenæ Educationi assignare, haut obscure ex his colligitur. Quo, quæso inductus argumento? verbo dicam, Experientia, uti quidem ille putat. Hinc ita stomachatur adversus illos, qui suam sententiam admittere volebant, c. ult. Lib. Quod animi mores sequantur temperamentum: Ea igitur, quæ ab huiusce tempestatis Philosophis dicuntur, relinquenda sunt: Verum non Philosophos eos fortasse, sed philosophiam profitentes appellare præstiterit. Nam si legitime philosopharentur, illud in primis observarent, ut ab his, quæ sensibus patent, demonstrationum principia sumerent, quandoquidem & vetu-

vetustissimi id fecisse seiuntur: & propter hoc ab ejus seculi hominibus Philosophi vocari meruerunt. Ipse quoque singulare aliquod suppeditat de sua natura & aduersione lib. de cognosc. curand. animi morbis in fin. c. 7. & c. 8. Ego, inquit, cujusmodi sim natura non facile dixerim; nam seipsum cognoscere vel atatis maturatione viris difficile est, nedum pueris. Mihi vero quadam ingenti felicitate contigit, ut patrem ab omni iracundia alienum, justissimum, frugalissimum, humanissimum haberem: ac matrem usque adeo iracundam, ut etiam morderet interdum ancillas, semper autem & vociferaretur, & contenderet cum patre, & longè quidem odiosius quàm Xanthippe illa cum Socrate. Mihi itaq; intuenti bonitatem honestatemq; paternorum officiorum, qua vitiositatem maternorum adfectuum in proximo collocatam quasi è regione respiceret, venit in mentem cum illam amplecti & amare, cum vero hanc alteram fugere odioq; prosequi. Ut autem in his ipsis maximam cernebam parentum meorum dissimilitudinem, sic item in hoc agnoscebam patrem meum quidem ex nullo damno dolorem concipere, matrem verò etiam ob res minimas oppidò quàm mastram evadere. Porro nosti tu quoque, pueros, qua vehementer attenderint, ea imitari solitos: qua autem injucundè & cum molestia inspexerint, ab his longè fugere consuevisse.

XXVIII. Ut igitur nos hinc expediamus, & quid veri, quidq; falsi hæc Galeni opinio habeat, videamus, hæc tria distinctè in nobis consideranda sunt, Propensiones ad adfectus, deinde ipsi Adfectus, denique Mores; nec enim Mores simpliciter sunt Adfectus, sed qualitate aliqua informati adfectus, & quidam eorum modi. Deinde Moris nomen videtur dupliciter accipi, vel pro more inter-

interno, vel pro externo prodeunte ab interno. Mos externus igitur est actio ab interno proficiscens, ejusq; quasi character & index est. Internus mos est certa animi constitutio ad aliquid agendum. Hic vicissim duplex est; vel enim ab ipso ortu nobis competit, unde suprà Mores naturales appellabam, vel studio nostro paulatim acquiritur. Qui à Natura Mos est, vel datus apparet universo humano generi: vel genti cuiquam: qua de re videantur Aristot. *Problem. sect. 14.* Bodinus *Methodo legendi Historias*, & Barclajus in  *suis Iconibus animorum*. Galenus in fin. libri sui περὶ τῆς ψυχῆς ἐπιστῆς τῶν κριόνων, hinc ita loquitur: *Apud Scythas unus tantum post hominum memoriam Philosophus existit, Athenis autem plurimi. Item apud Abderitas multi fatui sunt, Athenis vero pauci.* Et Demodocus de Milesiis apud Arist. 7. *Nicom. c. 8. §. 11.* non esse quidem illos stultos, sed tamen eadem facere, quæ stulti. Vel certo Individuo. De his loquitur Aristot. 6. *Nic. ult. §. 4.* καὶ γὰρ δίκαιοι, καὶ σωφρονικοὶ, καὶ ἀνδρείοι καὶ τὰλλα ἔχοντες εὐδὲς ἐκ γένεως. Nam & justi, & temperantes, & fortes sumus & ceteras item virtutes habemus, cum primum nascimur. De iisdem Seneca passim, & quidem Ep. 95. hæc habet: *Omnium honestarum rerum semina animi gerunt, quæ admonitione excitantur, non secus ac scintilla statu levi adjuta suum excitat ignem.*

XXIX. Præterea ille Mos, qui ætatis progressu nostro paratur studio, item duplex est: Inchoatus & imperfectus, estque Ἀφθής quædam seu dispositio: vel Perfectus & constans, & est Habitus, atque hic maximè proprie & κυρίως Mos dicitur, ceu etiam suprà indicatum fuit. De his agit Aristoteles lib. 2. *Nicom.* & pluribus demon-

demonstrat, illos per adfuefactionem parari, & in tales habitus adlescere.

XXX. His ita positis, clarius mox innotescet, quomodo mores sequantur temperamentum corporis, vel non. Si quis ergo per τὰ ἤθη denotet naturalem propensionem vel ad hoc vel ad aliud πᾶσι, nullum mihi dubium est, quin temperamentum sequantur, & prout hoc varium & mutabile est, ita eadem ἤθη variare & mutare. Ita Melancholicos ad tristitiam, Cholicos ad iracundiam proclives esse, quis nescit? Imò tanta temperamenti vis est, ut sæpe ipsum rationis usum vel ad tempus, vel perpetuò demat. Legantur in hujus rei illustrationem & testimonium Aristotelis Physiognomonica, & illa Variorum Problemata. Hinc jejunia nonnullis imperantur, ne copiosiori sanguine & nutrimento corpore repleto, animus quoque ad lasciviam & libidinem propendeat. Nec dispar ratio est morum naturalium, quos ab ipso ortu accepimus, quin & hi temperamentum sequantur.

*Natura sequitur semina quisq. sua.*

Et alius Poëta:

*Naturam expellas furca, tamen usq. recurrit.*

Et profectò, si verum amamus, de his præcipuè ibi Galenus loquitur. Cur enim τὰ ἤθη ψυχῆς, mores animæ, mox appellat δυνάμεις potentias? cur τὰ ἤθη mores, alia dicit ἐκ φύσεως, à natura, alia ἐκ περαιορέσεως καὶ ἀσκήσεως, à consilio & exercitatione, oriri? cur item tantum tribuit Educationi & Adfuefactioni, si etiam Mores propriè dicti temperamenti necessario nexu rapiuntur?

XXXI. Fateor interim, nonnulla à Galenò nimio ardore abrepto cap. ult. d. libri. esse prolata, quæ videntur

E e

tur

tur accipi posse etiam de propriè dictis Moribus, ac si & hi Temperamentum sequantur. Cum igitur se reperisse putaret, quod alii Philosophi ignorent, eorundem objectionem adfert, eiq; malè responder. *Quoniam igitur pacto, inquit, merito quisquam laudetur, & vituperetur, & invisus sit, & ametur, si malus, aut bonus, non sua culpa, sed temperatura fuerit effectus, quam aliis de causis sortiri videtur?* Quoniam hoc nobis, dicimus, insitum omnibus est, ut bonum amplectamur, ambiamus, amemus: malum contra aversemur, oderimus, fugiamus, quod necdum considerantibus, genitumne sit, an secus, compertum est. Neque enim eorum alterum tale effecit, neq; ejusmodi ipsum constituit. Itaq; ob eam rem scorpiones, & phalangia, & viperas necamus, cum talia, non à se suis, sed à natura progenita. Deum quoq; primum & maximum Plato esse ingenitum adfirmans, bonum tamen appellat. Et vero nos cum naturali amore prosequimur: cum talis ab eterno, non bonus à seipso redditus sit. Nam nec deniq; est factus aliquando, cum perenniter ingenitus sit, ac sempiternus. Non injuria igitur & malos odimus, hanc prius causam, quæ tales eos præstiterit, æstimantes: bonos contra agnoscimus, atq; amamus, sive tales ex natura, sive ex institutione sive ex proposito, ac meditatione evaserint. Quin perditos quoque ac scelestos occidimus, idq; tribus de causis hancquaq; ratione carentibus, tum ne nobis injuriam sospites inferant, tum, ut similis nota hominibus terrorem incutiant, veluti scelorum pænas, quæ commiserint, daturis. Tertia est, quod vel ipsis illis mori satius sit, quando animum aded corruptio invasit, ut pravitas remedium nullum recipiat: ut ne à Musis quidem ipsis emendari queant, neque à Socrate aut Pythagora ad bonam fugem perducant. Caterum in eo Stoicos demitor, quod omnes boni;



*homines consequenda virtuti idoneos arbitrentur, perverti vero à non vivensibus, ac depravari. Ut enim cetera omittam, quæ rationem eorum demoliantur atq; prosternunt, unum autem duntaxat percuncter, nempe de hominibus, qui primi existere, nullumq; anse se alium habuere; à quibus enim hi depravati fuerint, dicere non poterunt?*

XXXII. Hæc ille, & quidem nimis confidenter, ne quid gravius dicam. Ad has ergo absurditates illum deduxit falsa illa *εὐνοία*, Animam esse ipsum temperamentum. Huic ceu veram substituamus hanc propositionem, Animam non esse temperamentum. Deinde ea, quæ sequuntur temperamentum, duum sunt generum; alia enim illud necessario sequuntur, sic ut corrigi aut mutari nequeant, veluti sapes, odores, ejusq; generis alia. Hæc temperamentum ut causam principalem & adæquatam sequuntur. Sunt alia, quæ illud non pari necessitate sequuntur, sed illam à Natura facultatem acceperunt, ut studio & adæfatione multis modis possint mutari atque emendari: & tales sunt propensiones, affectus, moresque hominum. Mores igitur proprie dicti temperamentum non sequuntur necessario, sed in nostra sunt facultate & arbitrio, & usu atque adæfatione parantur, cujus tanta vis est, ut altera Natura non immerito nuncupetur. Sed illam cognoscere lubet ex Magistro nostro *Problem. Sect. 28. Cur aliqui agrotent, ubi vitam luxuriosam vivere adæfati, agere luxuriosè cessarunt? ut Dionysius tyrannus, quod in urbis suæ obsessione aliquantum temporis à potu solido destitit, tunc protinus interea laboravit. An quod Consuetudo res magna cuique sit? Jam enim in natura habitum ferme absoluitur.* Disertius etiam *1. Rhet. 11.* ita loquitur: *Consue-*

*rum quasi natura insitum jam fit. Similis enim est consuetudo natura. Nam vicinitatem habet quod saepe fit cum eo quod semper. Est autem Natura quidem ejus, quod semper fit, Consuetudo vero ejus quod saepe.*

XXXIII. Dicas, experientia nos edoceri tamen, licet mores non sequantur temperamentum corporis necessario, sequi nihilominus perfrequenter ac plerumque? Non repugno. Certissimum enim est, illas actiones & studia, ad quæ naturâ proclives sumus, faciliori cursu procedere, majoriq; alacritate expeti & suscipi, atque illa, ad quæ talem proclivitatem non sumus nati. Homines itaque ex numero τῶν πολλῶν ad hæc aut alia vitia proni, non sanè emendant hanc propensionem, nec peccandi libidinem refrenant, quod facere & debebant & poterant, sed naturæ suæ impetum secuti in quævis vitia se præcipitant. At viri boni & εὐφῶς, & quicumque rectè sunt instituti atque educati, bonam Naturæ propensionem suo studio & adfectione adjuvant, atque hac athica conspiratione ad summa quæque contendunt: & si qui forsan maligni stimuli animum punctiunculis suis ad voluptates illicitas aut iracundiam irritent, in ipsa, quod dicitur, herba illos opprimunt & obrundunt. Imo contraria experientia quorundam, qui ἀφῶς fuerunt, hoc ipsum magis etiam confirmatur, Socratis putà, & discipuli illius Phædonis, quem ex cinædo optimum Philosophum fecit, & Polemonem ex helluone & impudico Xenocrates una lectione de Temperantia, cum ille ebrius & coronatus irrupisset in scholam ejus, virum continentissimum reddidit, sibiq; successorem constituit. De Stilpone Megarensi quid Cicero de Fato memoriæ prodidit? *Hunc scribunt ipsius familiares,*

res, & ebriosum & mulierosum fuisse. Neque hac scribunt vituperantes, sed potius ad laudem: vitiosam enim naturam ab eo sic edomitam & compressam esse doctrina, ut nemo unquam vinolentum illum, nemo in eo libidinis vestigium viderit. De *Ælopo* nota quoque est historia. Si jam necessariò secundum *Galenum* mores sequerentur τὴν κέκον, temperamentum, unde ergo hoc hisce aliter accidit? Verissimum igitur est, quod ὁ ἐξηνντὸς lib. de *Fato* ait, Mores hominum huius & istiusmodi fiunt pro diversa adfuetudine. Et verò cum hæc disputatio cum illorum penè conveniat, qui à fato aut astris mores hominum suspendunt, integer liber ille *Alexandri* huc pertineret, quò cum Libertas voluntatis egregiè & explicetur, & argumentis confirmetur, contrariæ rationes refutentur, auro contra carior nobis esse debet: adeoq; hac jam vice libertatem illam agendi sive contra hos sive alios jam non demonstrabo pluribus.

XXXIV. Sed, inquis, si animi affectiones accuratius percontantur, nonnullas certum aliquod definitumq; temperamentum necessariò sequi deprehendemus, veluti furorem & amentiam; tanta enim hæc violentia grassantur, mentisq; munia turbant, ut omne rationis imperium & moderationem excutiant, nedum illa regantur aut emendentur. Sciendum itaque est, non has esse naturales adfectiones aut perturbationes, sed potius ægritudines quasdam; unde etiam tales, quamdiu ejusmodi malis obnoxii sunt, nec institutione aut præceptis, sed ellyboro aliisq; pharmacis corriguntur: tum si quid commiserint, insani mores non legum vinculis, sed custodia pro re nata, nullatenus suppliciiis, coercentur. Diversæ

ab his animi affectiones disciplina & recta adusuefactione culturaq; ad bonitatem disponi possunt. Quod etiam quodammodo in Brutis cernere est. Horum enim actiones animi magis licet sequantur temperamentum, quàm in homine, sunt tamen nonnullæ species, quæ admissa disciplina suas naturales propensiones emendari patiuntur, veluti equus, canis, elephas, æliæq; feræ, quæ asperitate sua deposita cicurantur: quæ morum mutatio & in his rationis munere perficitur, non sanè propria (nullam enim habent) sed Hominum. Hinc rectè Scholiastes Græcus dicit, Mores propriè dictos soli competere homini, quod hi tales à ratione non possint sejungi.

XXXV. Posito jam, Galeni sententiam hanc fuisse, non minus propriè dictos, quam alios mores temperamentum necessariò sequi, videamus quid rationibus ipsis respondendum sit. Hypothesin illam falsam jam antè notavi: Animam esse temperamentum, seu ex temperamento emergere: quo posito, non poterat non alterum quoque hoc succedere, Mores necessariò sequi temperamentum: atque ita *ἡδὲ ἀπὸ τοῦ θεοῦ συμβαίνει τὸ πλῆθος*, *Uno absurdo admissio sequuntur plura.* Deinde hæc sententia Morum propriè dictorum naturæ planè adversatur; quæ enim absolute à Natura tanquam genuina causa unice prodeunt, plurimùm sanè distant ab iis, quæ efficientem causam habent liberam agendi facultatem & adusuefactionem; sive exercitium actus, sive specificationem illius videas, ut Scholasticorum hac distinctione utar. Tum quomodo eidem repugnet experientia, singularium quorundam enarratione comprobavi: quod si vero mores unice sequerentur temperamentum, nemo hominum  
alius

alius atque alius, ratione *ἡθικός* moralis, studio aut assuetudine evadere posset, sed semper esset idem pro sui temperamenti conditione, quod secum non pugnat, vel seipsum vincit. Quod vero inter Poenarum fines Exemplum, quo alii absterreantur ab ejusmodi peccatis, ponit, rectè se habet in thesi, minimè verò ratione *ἡθικός* suæ; si enim temperamentum mores necessariò sequuntur, frustra sanè erit ille terror, quin potius malitiosus homo nitetur in veritum, & semper negata sequetur. Præterea sic non hominis mores, sed ipsa natura esset reprehendenda, & si sic omnia necessario fierent, quid leges sibi velint, quorsum his præmia, illis poenas irroges? Deinde errorem errore cumulat, instantia à venenatis bestiis petita. Hæ enim si per se malæ essent, vel moraliter vel tales naturaliter essent. Isto modo nemo malas dixerit, nisi pro cerebro cucurbitam in capite gesserit; nec etiam hoc modo malæ sunt, quod venenum non tam perfectioni talium animalium quid detrahat, quàm eandem expleat. Atque esto, esse mala hæc naturaliter propter virus suum; num vero *ἡθικός* licet de natura mali moralis ex natura mali naturalis concludere? Ne quid dicam, impietatis insimulari rectè hanc sententiam posse, quod ea ratione Deus autor peccati fiat. De testimoniis Platonis, Aristotelis & Hippocratis nil dicam, quod ex parte illorum sententiam jam cognoverimus; nihilq; aliud hi velint, quam alios atque alios homines ad diversos mores & actiones esse proclives. Stoicorum assertionem quod ita vilipendar, & illa instantia elevet, quis depravaverit primos homines, non sat causæ habuit: & quidem posterius discere potuisset ex eodem Mosis libro, unde excerptis illa, quæ de generatione

ratione differit *lib. 11. de usupart. corp. hum. c. 14.* Sed nolumus omnia jam ad vivum refecare. Legat, cui volupe est, & his addat *Piccol. grad. 1. c. 28. 29. & 30.* nec non *Hornei. Philos. moral. l. 3. c. 1. summ. 4. seqq.*

XXXVI. Age tamen aliquid etiam post hunc de Hippocrate dicamus, qui sanè de his Morum naturalium inclinationibus non ita intricatè, uti Galenus, sed distinctius veriusq; docet, illo multò antiquior, πάντων τῶν ἰατρῶν κορυφαῖος, *omnium medicorum princeps.* Hic enim in Libro de Aëre loc. & Aquis non semel adserit, pro anni temporum varia mutatione ac diversitate, & formas, & mores, & naturas plurimùm diversas reperiri: item, Magna ex parte hominum formas & mores regionis naturam imitari. Atque hæc multis singularibus comprobat. Cum enim dixisset, civitates Soli orienti expositas salubriores esse iis, quæ Septemtrioni & ventis calidis expositæ sunt; addit, Homines in istis viventes clara voce esse præditos, & ad iram ac prudentiam melius esse comparatos Septentrionalibus. Asiam quoque inquit plurimum Europæ præstare, tum eorum omnium natura, quæ è terra producuntur, tum hominum; Longe enim pulchriora & majora omnia in Asia gigni, regionemq; ipsa Græcia mitiorem, & hominum mores humaniores & benigniores. Docet etiam, qui regionem montanam, asperam & aquis carentem incolant, & anni temporum mutationes habeant admodum differentes, illorum hominum formas magnas esse, tum ad laborem, tum ad robur à natura optimè comparatas, at agrestibus & ferinis moribus ejusmodi naturas esse præditas. Hinc in genere sub finem istius libri pronuntiat, Ubi anni temporum mutationes tum crebræ  
sint,

sint, tum plurimum inter se differant, ibi & formas & mores & naturas plurimum diversas deprehendi. Deinde etiam, Magna ex parte hominum formas & mores regionis naturam imitari. Hinc porro colligit, ubi terra pinguis sit, & mollis, & aquosa, aquæ vero valde sublimes, ita ut æstate sint calidæ, & hyeme frigidæ; ibi homines carnosos esse, articulis non discretos, humidos, labores non ferentes, καὶ τὴν ψυχὴν κακὴν ὡς ἐπὶ τὸ πλὺν, & animi ut plurimum pravi. Ubi vero regio nuda sit, non munita, aspera, quæque hyeme prematur, & sole exuratur; ibi duros, graciies, articulis discretos, carnosos & hirsutos homines cerni, & qui ad aliquid agendum natura sint industrii & vigilantes: Moribus autem uti superbis, in iram esse proclives & pertinaces, magisq; feritatis quàm lenitatis participes, ad artes acutiores & solertiores, nec non ad res bellicas meliores.

XXXVII. Ex his videre est, quantum ille Naturæ rebusq; naturalibus tribuat circa morum mutationem & diversitatem. Suum interim locum reliquit morum horum naturalium culturæ, quæ cum primis adsuæfactionis secundum leges institutæ beneficio fit. Hinc cum Asiaticum hominum genus dixisset esse Europæis ignavus, illudq; planè ἀναλκὴς εἶναι statuisset, vel hoc nomine cum primis debere illos corrigi Legibus. Hinc cum dixisset etiam, qui loca concava, herbosa & æstiosa habitent, quique ventis calidis quàm frigidis magis persentur, & aquis utantur calidis, illos animi robore & laborum tolerantia, non æquè à natura valere; νόμος δὲ προσγενόμενος, ἀπεργάζοιτ' αὖν, sed accedens vitæ institutum illud effecturum. Quam egregiè etiam Natura per institutum,

F f

aut

aut hoc ab illa (Νέμων ille semper appellat) adjuvetur aut emendetur, lepida de Macrocephalis narratione ostendit, præ quibus nulla alia gens similia capita habeat. *Ac initio quidem, inquit, hominum institutum longitudinis capitis causa fuisse videtur. Nunc vero natura etiam ad institutum accedit. Longissima enim habentes capita, generosissimos existimant. Huiusmodi autem est institutum. Cum primum editus est infans, caput ejus adhuc tenellum ac molle manibus effingunt, & in longitudinem adolescere cogunt, vinculis & idoneis artibus adhibitis, quibus capitis rotunditas emendetur, & longitudo augetur. Hoc Institutum primum huiusmodi Natura dedit initium. Successu vero temporis in naturam abiit, ut proinde instituto nil amplius opus esset. Semen enim genitale ex omnibus partibus corporis provenit, ex calvis calvi gignuntur, ex castis casti, & distortis ut plurimum distorti, eademque in ceteris formis valet ratio: quid prohibet, cur non etiam ex Macrocephalo Macrocephalus gignatur? Sed jam reliqua pertexamus.*

XXXVIII. Cum verissimum sit, quod Galenus sub finem comm. sui, *quod animi mor. seq. temp. corp.* asserit, Puerum omni culpa carentem invenire difficilimum ac rarissimum esse, utcumque ille *εὐφύης*, fuerit; etiam *ῥερεῖ* *καὶ δὲ*, videtur *εὐφύης* pars, aut necessarium consequens, esse. Quia enim Juvenes cupiditatibus ferè suis indulgent, Pudore tanquam freno eas reprimendas existimamus: adultioribus vero, qui non tam cupiditatibus, quàm *ἡδοναὶ* & iudicio peccant, non pudore, sed pœna & graviore medicina opus fuerit. Sed cedo Magistrum: illius hæc sunt verba *lib. 4. Nicom. c. ult. §. 6. seq.* *Non omni aetati, sed prima modo hoc πᾶσι convenit. Qui*

CHIT



enim hac aetate sunt, prudentes & verecundos putamus esse oportere: eo quod eorum vita assiduus perturbationibus agitur & multa peccet, à quibus pudore revocantur. Adolescentes itaque laudamus eos, qui sunt prudentes. Hæc quia adfectui, quam Habitui similior est, repugnante licet Aristoteli hac in re Alexandro Aphrod. 4. *quæst. Moral. 21.* à Stoicis, uti cæteri adfectus, simpliciter damnabatur, magno ita vel loquendi vel sentiendi errore. Quatenus vero uti pars Temperantiæ ab iisdem constituitur, & cum illa à Cicerone 1. *Offic.* conjungitur dicam an confunditur, pro Virtute ab illis venditatur.

XXXIX. Quia vero non promiscuè omni ætati convenire videtur, hinc Scholiastes commodè hic monet Homerum & Hesiodum ex hac causa Verecundiam alteram laudabilem, alteram vituperabilem appellasse. *Ἀνδραγαθίας ὁ χαρμίδης, πρῶτον μὲν ἐπὶ καλλίων ἰφάνη. καὶ γὰρ αἰσχυντὸν αὐτὸς τῇ ἡλικίᾳ ἐπέψεν.* Tunc ergo ipsius Charmidis genæ rubore suffulse gratiorem speciem ostenderunt. Nam pudor eam ætatem decet. Verba sunt Platonis in *Charmide* p. m. 237. Cum primis vero nostræ sententiæ favet *Piccolom. grad. 4. c. 32.* ubi inquit, quod Verecundia dici possit virtus quædam naturalis, quod sit congruens constitutio per naturam nobis competens. Bonæ indolis ac ingenuæ mentis argumentum esse pudorem, faciliè colligas etiam ex illo Diogenis ad quendam adolescentem erubescensem, *Confide fili, color hic virtutis est:* & illo etiam Comici: *Erubuit, salva res est.* Sed de Verecundia & Pudore alibi etiam quædam dixi. Plura etiam de hoc argumento legi possunt apud *Mevium in Prodom. insp. 2. n. 10. seqq.*

XL. Superest ut ostendamus, quibus adminiculis illa *ἐνδύια* adsurgere, atque hæc Naturæ semina in perfectos Virtutum bonitatisq; habitus adolescere queant. Fit hoc sine dubio iis præcipuè, quæ à nobis ex Aristotele prioribus commemorata sunt thesibus, videlicet Doctrina & Adsuefactione. De his igitur nonnulla adhuc dicenda erunt. Dixi Juris hanc esse rationem, ut cum effectu obligare nequeat, nisi accesserit Promulgatio. Promulgantur autem hæ Naturæ leges modò citius, modò ferius: evidentiùs, aut obscuriùs: frequentiori, aut rariori numero; ad sensu subsequente vel firmo, vel infirmo, vel dubio: ordine etiam multum diverso; ut quisque nactus fuerit Naturam, excitatam vel inertem: propensam ad bonum, vel malum: Doctrinam, veram vel falsam, inchoatam tantum, an iusto citius abruptam, aut ordine non perturbato continuatam ac perfectam: Adsuefactionem maturè, in tempore, in loco, debito modo, sollicitè, ac fideliter adhibitam: & qua in Societate, cum quibus quàm honestè vixerit, familiariterq; illorum consuetudine usus fuerit. Apparet hinc Promulgationem legum naturalium non omnibus eodem modo, nec omnes omnibus aut singulis simul innotescere, sed illam magis magisq; se explicare atq; diffundere, prout Ratio & Appetitio suis adminiculis adjunctæ diversimode proficiunt. Parentes igitur, aliiq;, quibus hæ cura incumbit, certos liberorum suorum animos fingere, & ad omnes virtutum imagines indefessa sedulitate formare debent, sic ut nil fœdum dictu visusq; ista limina tangat, intra quæ puer est.

XLI. Quia vero τὸ ἐθὺς ἔστι πειθαίκεται καὶ σωφρονισμῶν, *Adsuescere consistit in sap. ac continenter agendo secun-*

cundum Aristotelem in Problematis, qui etiam *lib. de memor. c. 2.* τὸ ἐπὶ καὶ πολλὰς conjungit; quodlibet tempus & momentum Educatores captabunt religioſeq; observabunt, ut ad virtutum actiones manus animoſq; admoveant, ac maturè, vitiorum ſeminibus oppreſſis, virtutum culturæ operam ſuam navent. Quia enim hæc ætas proclivior eſt ad libidinem & vicioſitatem, temporius animi illorum per adſuefactionem ad bonas actiones deducendi ſunt, ut non tam quæ ſenſibus grata, quàm quæ honeſta ſunt ſequi diſcant, virtutumq; officia, moleſta primum, per conſuetudinem autem edulcata, tanquam Naturæ ſuæ rationali convenientiſſima expectant. In iis ſanè, qui ἐν Φυεὶς fuerint nati hoc ſtudium feliciffimè procedet.

XLII. Sín nonnullorum animi pertinaciores & intractabilioreſ fuerint, tantum abeſt ut protinus pro deſperatis (quibus Hippocrates vetat adhiberi medicinam) ſuos habere velint Educatores illi, ut potius majori cura iſſis in aſperitate illa morum naturalium domanda mitigandaq; incumbendum ſit. Si igitur aliquid deliquerint, ſeriò reprehendendi ſunt & vituperandi: qua reprehensione ſi Verecundiæ colorem evocaveris, ſalva reſ eſt, meliuſq; jam ſperare licet de emendatione morum, modo nihil de cura remittatur. Abſque hac ſi omnino fuerit, valde vereor ne locum ſit habiturum illud Comici, *illi quidem periſſe omnia putem, cui periit pudor.* Attamen neque tali caſu ſpes omnis abjicienda animuſq; planè deſpondendus eſt, quin acrioribus remediis, legibus aut pœnis ejuſmodi animi refrenandi ſunt, & quidem primum iis, quas Græci καλάρσις appellitant, quæq; propter

emendationem illorum, qui illas luunt, irrogantur. Quod si nec his cedere malitiosus animus voluerit, sed ita cum ætate obriguerit, ut tales sint planè *ἀνίατοι* insanabiles, quos nec ipsa salus servare queat, *πρωτότης* suppliciiis ultimis excindendi sunt, tanquam vomicae & carcinomata, illorum scilicet arbitrio, quibus puniendi potestas natura vel lege competit. Adde *caput ult.* Operis Nicomachici.

XLIII. Ubi tenerior animus, tanquam mite solum Tiburis, tanta sedulitate excultus, eaque adfuetudine emollitus fuerit, magno cum fructu Doctrinae, præceptorum & institutionis semina excipiet. Quamdiu enim juvenilis animus perturbationibus huc illuc impellitur, adeoque animum geret incultum ac hispidum, præceptorum tanta vis erit, quanta est fabulae, quæ surdo narratur; nullum enim ad sensum iis aut fidem tribuet. Cæterum quomodo hæc morum Doctrina institui debeat, est profectò *μέγας λαὸς ἀνέτηκα*. Aliquid tamen hac de re dicam. Primò si consideres quid univèrsi generi humano honestum sit, & ad quod nemo non est obligatus, communissima maximeque necessaria *præcepta auriculis morum instillare memento*: videlicet ab homine suscipiendam esse nullam actionem aut fugiendam, unde non appareat, te statuere Deum esse, ejusq; Providentia regi omnia, etiam singularia quæque, animam quoque esse immortalem, neminem esse lædendum, suum cuique tribuendum, benefactoribus esse gratiam referendam: breviter, ut ex omnibus actionibus eluceat Honestas, & Juris Naturalis reverentia & obsequendi ei studium. His principiis imbuta Ratio amplius excitanda informandaq; est, ut quæ-

ut, quæcunque negotia aut officia sint obeunda, promptè horum singularium collectionem existis principiis deducere sciat, atque ita nunquam non certus sit, quæ actiones honesti capaces sint, nec ne: tumetiam, quo honestatis gradu quælibet consistant. Quia vero varia sunt vitæ genera & conditiones, quibus homines distinentur, in quolibet se quisque ita gerere debet, ut personam suam in hoc vitæ theatro rite sustineat, uti loqui amant Stoici: hoc est, ut hæc *πειρασικὰ καὶ ἡκοντα* eo delectu & prudentia tractent, ut si non omnia Honestati simpliciter respondeant, id tamen unicè agant, ne ei vel Legibus naturalibus ullatenus repugnent.

XLIV. Hæc morum institutio potest esse vel Publica vel Privata. Ista publicis legibus, hæc privatorum autoritate & voluntate regitur. Ista pro fine habet publicum Reip. bonum ac salutem: hæc privata alicujus societatis commodum spectat. Ita Aristoteles *c. ult.* Operis ad Nicomachum §. 35. meminit, in sola Laconum Rep. Legislatorem aliquam habuisse curam educationis, & studiorum, in plurimis autem civitatibus eam fuisse neglectam, ubi quisque vivat *ὡς βέλεται, κυκλωτικῶς ἡμίσυων πίδων ἢ δ' ἀλόχη*, pro libidine, Cycloperum more liberis & uxori imperando. Videri potest etiam hac de re Xenophon *1. de Rep. Lacedæm.* qui etiam initio *κυρρωπιδέας* Persas hoc nomine laudat. Hodie, inquit ad hunc textum Gifanius, neque in Germanico, neque in toto Christiano orbe ulla est communis disciplina & institutio, præterquam Scholastica. Sed nec hæc ita est communis, ut Laconica. Caterum quæ vel Doctrina Intellectum, quæve Adversusfactione Apperitum nostræ Scholasticæ institutiones imbuant, lubens prætermitto,

termitto, quod infinitis illarum partibus laborent, nec ad  
 meam censuram ista res pertineat. Hoc nemini non est  
 manifestum, in unam quasi cortem *εὐφρεῖς, ἀφρεῖς*, pro-  
 miscuè compingi, horum nequitiam ac proterviam variis  
 ex causis magno cum privato tum publico damno sæpe  
 foveri, istorum vero bonam indolem ab Orbiliorum sæ-  
 vitia, ignavia, ignorantia ac stoliditate non minus fre-  
 quenter corrumpi & extinguī. Cum igitur tantus sit Insti-  
 tutionis, Doctrinæ & Educationis fructus, ut iis igniculi  
 Naturæ excitentur, Intellectus & Appetitus perficiatur,  
 utilisimam & summè necessariam operam Reipublicæ  
 navant illi, qui tædiosum hunc laborem non fastidiunt,  
 primæq; ætati informandæ & regendæ totam vitam im-  
 pendunt. Huic verò muneri ac oneri sustinendo ac feren-  
 do cum perpauci sint pares, tantò majori in pretio illi  
 sunt habendi, studiumq; eorum lautiori stipendio fo-  
 vendum & pensandum est, qui hoc Sisyphi saxum volve-  
 re non solum sciunt, sed nec detrectant: ut ad eò illi præ-  
 clarè post hos de Republica mercantur, qui patrocini-  
 um docentibus præstant, illorum non tantum necessi-  
 tatibus sed & commodis prospiciunt, salaria potius au-  
 gent, quàm accidunt, aut eorum solutionem diffe-  
 runt, omniq; studio accuratè id agunt, ut hæc Ecclesiæ &  
 Reip. seminaria quàm rectissimè se habeant, & di-  
 ligentissimè excolantur. Sed manum  
 de tabula.

## DISSERTATIO ALTERA

De

## JURE GENTIUM.

I.

**N**on solum Natura hominibus suum Jus ingeneravit, quod tanquam universali vinculo, quod sunt Homines, invicem obligarentur; Sed & ipsum genus humanum varia Jura positiva pro suo arbitratu constituit, non tantum ea, quibus in qualibet Republica imperantes sibi suos subditos, vel etiam hi sese obstringerent, sed etiam quibus illud in liberas Gentes diversasque Civitates dispersitum pro communi obligationis vinculo uteretur, Gentesque Rebuspublicis & numero diversæ his placitis, mutua fide subnixis, continerentur. *Nam usu exigente, & humanis necessitatibus, Gentes humana Jura quedam sibi constituerunt. §. 2. Inst. de J.N. G. & C.* Quæ verba uti rectè de Jure Gentium propriè accepto, & de quo hic agere consilium est, dicuntur; ita Juri Naturali hæc ratio, & illi subjecta ibi promiscuè exempla perperam accommodantur: quod post Wesenbecium, rectè observavit Bachov. in suo Comment.

II. Pactis itaque Gentium Jus Gentium est constitutum. Cum enim una Respublica in alteram, aut una libera Gens in alteram nihil autoritatis habeat, neque altera alteri sit obnoxia, nedum ut plures liberæ gentes ac Respublicæ uni cuiquam subsint, sed singulæ suam habeant *autovolar & autonegociar*; hinc si quo jure arbitrario inter

G5

se soci-

se sociantur, cui ab omnibus ita sociatis omnino parendum sit, Pactis illud constitui necesse est. Nam sicuti par in parem, privatus in privatum, extra pacta conventa nihil juris habet; ita quoque liberi Populi Gentesq; tanquam privati pactis consociantur, aliusq; Juris positivi, quod pro communi inter illas vinculo obtineat, capaces non sunt. *l. 4. ff. de arbit.*

III. Duo igitur hinc colligi, & diligenter notari merentur. Primum est, quod more privatorum per Pacta Jus Gentium à liberis populis constituatur. Alterum, quod hoc ipso inter se consocientur & invicem obligentur. Si quod enim jus observetur quidem apud plures gentes, cujus tamen obligatio non obtineat inter ipsas illas, ut ejus vinculo in societatem constringantur, atque in ea contineantur; illud sanè Jus Gentium nec est, nec dici debet, sed est Jus Civile pluribus gentibus commune, singulis proprium. Quod licet rectè observaverit & monuerit Grotius, passim tamen àliquid indulget vulgari, licet haut probatæ consuetudini, tale Jus civile plurium gentium, improprie, aut quasi Jus Gentium appellitans. Exemplum ejusrei videre licet *lib. 2. de J. B. P. cap. 8. n. 7.* Germania, inquit, populi thesauros, ut & alia ad id no<sup>te</sup> addixerunt Principi: atque id jus nunc commune est, & quasi gentium. Nam & in Germania, & Gallia, & Anglia, & Hispania, & in Dania id observatur. Quale autem revera hoc Jus sit, rectissime omnium ipse docet Grotius *d. l. 2. cap. 8. n. 1.* his verbis: Hoc non est illud Jus Gentium proprie dictum; neque enim pertinet ad mutuam gentium inter se societatem, sed ad cuiusque populi tranquillitatem. Unde & ab uno populo aliis inconsultis mutari potuit, imò & hoc evenire, ut aliis locis atque

sem-



temporibus longè alius mos communis, ac proinde Jus Gentium improprie dictum introduceretur; quod & revera factum videmus, ex quo Germania nationes Europam ferme omnem invaserunt. Sicut enim olim Jura Græca, ita tunc Germanica instituta passim recepta sunt, & nunc etiam vigent. Vide quoque illum d. c. n. 26. Et ejusdem lib. 2. c. 3. n. 5. hoc quaecunque Jus Gentium ita explicat, quod non habeat vim pacti inter Gentes, sed esse illud Jus civile plurium gentium distributum, quod à singulis tolli possit. Ita quoque Seldenus hoc Jus aliquot seu plurium gentium Civile seu Domesticum vocat lib. 1. de Mari clauso cap. 3. & alibi passim.

IV. Apparet hinc, Jus Gentium propriè dictum Juris Arbitrarii speciem, eamque præcipuam esse, & omnino malè hoc ipsum cum Jure Naturæ confundi. Cum enim Ulpianus tale aliquod Jus Naturale commentus esset, quod non humani generis proprium, sed omnium animalium, quæ in terra, quæ in mari nascuntur, avium quoque commune esset, l. 1. §. 3. ff. de J. & J. de Jure Gentium mox ita differit: *Jus Gentium est, quo gentes humanae utuntur: quod à Naturali recedere facile intelligere licet; quia illud omnibus animalibus, hoc solis hominibus inter se commune sit.* §. 4. d. l. Cautius hac in re versatus fuit Cajus, qui l. 9. ff. eod. Jus Naturale satis bene describit, ut tamen Juris Gentium appellationem ei malè tribuat. Quod inquit, naturalis ratio inter omnes homines constituit, id apud omnes peræque custoditur: vocaturq; Jus Gentium, quasi quo jure omnes gentes utuntur. Etsi enim sint quædam *νόμιμα ἀνθρώπων* dicata, communia hominum jura, ceu Thucydides, Polybius & alii loquuntur, & exstet quædam Lex communis in Publico Mundi

& naturalibus tabulis scripta, uti ait Tertullianus de Cor. Milis. cujus obligatio concernat omnes homines, eò quod sunt Homines, eoq; jure omnes Homines, & quoque Gentes uti oporteat, sic ut nulli integrum sit universali illi Naturæ Juri se subducere, aut eximere; non tamen Jus Naturæ Juris Gentium vocabulo promiscuè insigniri, tot erroribus occasio inde præberi, & Jura toto genere diversa confundi debuerant.

V. Huic nãvo igitur regendo quæsitæ & inventa fuit distinctio Juris Gentium Primævi, seu Primarii, & Secundarii. Priori Jus Naturæ, posteriori Jus Gentium propriè dictum denotari adsolet. Unde ita commentatur Vinn. ad §. 2. Inst. de J. N. G. & C. n. 2. Hic locus confirmat receptam Juris Gentium distinctionem in Primarium & Secundarium: quanquam vitio non caret, quod Tribonianus non apertius distinctionem proponit. Primarium enim non ab hominibus excogitatum aut introductum est, sed nobis ingentum: quemadmodum & notitia illæ simplices, unde illud promanans, mensibus nostris divinitus insita, & in cordibus nostris insculpta sunt. Secundarium autem ab hominibus inventum est, & mentis quadam agitatione, comparatis inter se aliis atque aliis rebus, excogitatum ad communem vitæ usum, retinendamq; gentium inter se societatem: ut hujus Juris ex parte causa sit usus & Indigentia, teste Arist. 1. Polit. Ideo Weltenbecius jam antè monuerat, Jus Gentium dividendum fuisse in Jus Rationis, & Ratiocinationis. Hinc quoque Grotius, ut huic consuetæ loquendi formulæ aliquid daret, nonnunquam Jus Gentium Voluntarium, & lib. 2. de J. B. P. cap. 13. n. 15. Jus Gentium constitutum, per πλεονασµὸν appellat; cum propriè non sit aliud Jus Gentium, quàm Arbitrarium, Voluntarium seu Constitu-

stitutum. Quapropter ita scribit Bœclerus in suo *ad Gro-  
tium de J. B. P. lib. 2. cap. 4. n. 9. commentario*: *Non possumus  
disimulare, me de receptissima quidem, sed non satis accurata  
loquendi consuetudine, qua aliquid & Juris Naturæ, & Juris  
Gentium Voluntarii dicitur, non adeo magnifice sentire. Et Jo-  
hannes Corasips Jctus Tholosanus cum hanc distinctio-  
nem Juris Primævi & Secundarii fuisset amplexus, atque  
istud commune brutis cum homine affirmasset in Opere,  
de Jure civili in artem redigendo, eam sententiam rectius  
examinatam in Juris Civilis Miscellaneis, Cum Alberto Bo-  
logneto, Joachimo Mynsingero, Francisco Connano, Hu-  
gone Donello, Jacobo Cujacio, Francisco Hottomanno &  
aliis damnavit, Plutonisque familia dignam judicavit.  
*Selden. lib. 1. de J. N. G. juxta discipl. Hebr. cap. 5. p. 27. edit.  
Argentor.**

VI. Cum igitur Jcti Romani Jus Gentium verè  
tale, & à Jure Naturæ admodum diversum non exactè  
distinguerint, id quod in Juris philosophia fieri quàm maxi-  
mè interest, quin potius confuderint, accidit, ut pluri-  
mas res Juris Gentium obligationi subdiderint, de qui-  
bus singulis vix etiam hodie convenit, ad Jus Naturæ,  
an vero ad Jus Gentium propriè dictum referri debeant.  
Pauca ex multis adducam, ex quibus id fiat liquidum.  
Nam etsi fortè quis non perdiderit operam, si omnes  
Juris civilis Rom. textus de Jure Gentium loquentes dili-  
gentius expendat, nobis tamen ad fidem faciendam pau-  
corum explicatio sufficere poterit. Ita Hermogenianus  
*l. 5. ff. de J. & J. & Imperator §. 2. Instit. de J. N. G. & C.*  
tradunt, Jure Gentium introducta fuisse bella, captivita-  
tes, servitutes, distincta dominia, ædificia collocata,

commercia, emptiones, venditiones, locationes, condu-  
 ctiones, aliasque obligationes institutas fuisse. Conrin-  
 gius hanc promiscuam exemplorum congeriem non vere-  
 ribus JCtis, sed oscitantix Triboniani imputat, *disp. de*  
*Jure th 24.* Mihi illud vix verisimile fit, quod tam errare  
 hac in re poterit Hermogenianus, quàm in describendo  
 Jure Naturali Ulpianus, & quod Tribonianus hac ita ex  
*lib. 1. Epitomarum Juris* Hermogeniani excerpterit: qui  
 quamvis alienis textibus sæpe sua emblemata imprefferit;  
 durum tamen & nimis temerarium fuerit, si ab aliis per-  
 peram, temere aut minimè commodè dicta Triboniani  
 incuria quis omnia tribuere ausit. Rectè vero animad-  
 vertit Bachovius, non posse jam recitata exempla ad ean-  
 dem Juris Gentium speciem referri; nam & ipse utitur  
 illa distinctione Juris Gentium Primævi & Secundarii.  
 Bella quidem, quod illorum certos effectus attinet, in-  
 tēr quos etiam captivorum servitus reponenda est, sunt  
 Juris Gentium propriè dicti: de quibus prolixè agit Gro-  
 tius *lib. 3. de J. B. P.* Dominium rerum ejusque distinctio  
 generalitèr saltem considerata Juri Naturæ est accepta  
 referenda: ceu id luculentè à Bœclero ad Grotii *lib. 2. de*  
*J. B. P. cap. 2.* fuit demonstratum, & quoque à me ibi  
 pluribus est ostensum. Eodem pertinent Commercia &  
 Contractus inter homines usitati, quatenus legibus Ju-  
 stitiæ *diogbalxns* diriguntur, & ab iis error, dolus, iniqua  
 vis metusque abesse, è contrario bona fides & æqualitas  
 illis inesse debet. Edificiorum vero collocatio ab arbi-  
 trio humano unicè, non ex obligatione Juris Naturalis  
 profecta est? Fenni nullos habuisse penates dicuntur. Alii  
 veteres Germani subterraneos specus aperire, eosque  
 multo

multo insuper fimo onerare soliti fuerunt, suffugium hyemi, & receptaculum frugibus. *Tacit. de morib. Germ.* Quemadmodum igitur his, Nomadibus, Scythis aliisque populis *ἀμαζόβοις* olim lubitum est pro domibus currus circumferre, inque iis latitare, aut sub tentoriis ac pellibus degere, salvo jure naturæ; ita cultior paulatim vivendi ratio esse cœpit, postquam homines commoda vitæ civilis etiam domiciliis exstructis auxerunt; ut tamen hinc nulla inter Gentes exstiterit obligatio.

VII. Accedant his alia Juris Gentium ex hypothesi Jctorum Romanorum capita sparsim proposita. In *l. 1. §. 2. ff. de contrah. empr.* dicitur, quod Emptio sit Juris gentium. Et *l. 51. ff. eod.* Littora jure gentium omnibus vacare putantur. In *l. 1. ff. loc. cond.* ait Jctus, quod Locatio Conductio sit naturalis, & omnium gentium. Tryphoninus *l. 31. ff. de pos.* hanc Quæstionem, si reus capitalis judicii deposuit apud te centum, isque deportatus, & bona ejus publicata sint, utrum ipsi hæc reddenda, an in publicum deferenda? inter alia his expedit verbis: *Si tantum Naturale Jus & Gentium intuemur, ei, qui dedit, restituenda sunt: si civile jus, & legum ordinem, magis in publicum deferenda sunt.* Paulus inquit, illum natura debere, quem jure gentium dare oporteat, cujus fidem secuti sumus *l. 84. ff. de R. I.* Idem ait *l. 23. pr. ff. de rei vindic.* in rem actionem competere ei, qui aut jure gentium, aut jure civili dominium adquisiverit. Jure gentium condici puto posse res ab his, qui non ex justa causa possident; verba sunt Marciani *l. 25. ff. de act. rer. amb.* Quarundam rerum dominium nanciscimur jure gentium: atque hoc esse ait Cajus *l. 1. ff. de acquir. rer. dom.* quod ratione naturali inter

ter omnes homines peræquè servatur. Idem *l. 5. §. 7. eod.* inquit, quæ ex hostibus capiuntur, illa jure gentium statim capientium fieri. Idem putat, quod per alluvionem agro nostro flumen adjecerit, jure gentium nobis adquiri. In *l. 7. §. 1. ff. eod. & §. 5.* ait, quod novus alveus ejusdem juris esse incipiat, cujus sit ipsum flumen, id est, publicus juris gentium. Iterum Cajus *l. 9. §. 3. eod.* docet, res, quæ Traditione nostræ sunt, jure gentium nobis adquiri; nihil enim tam conveniens esse naturali æquitati, quam voluntatem domini, volentis rem suam in alium transferre, ratam haberi. Addantur *§. 1. 4. 5. 11. 12. 20. Inst. de Rer. div.* Ulpianus *l. 7. pr. ff. de pact.* inquit, Juris gentium conventiones quasdam actiones parere, quasdam exceptiones. Ad istas refert contractus nominatos, & si subsit causa, etiam innominatos; ad has nuda pacta. Ab eodem statuitur, quod Juris gentium sit Acceptilatio, puta, quod significationem & obligationem consensus deliberati attinet. *l. 8. §. ult. ff. de acceptil.* Si indebitam pecuniam per errorem promissam solveris suo nomine, qui pro te fidejusserat, hunc à stipulatore repetere eam posse, quoniam indebitam jure gentium pecuniam solvir, Celsus existimat. *l. 47. ff. de condict. indeb.* Libertas naturali jure continetur, & dominatio ex gentium jure introducta est, inquit Tryphoninus *l. 64. de condict. indeb.* Fiunt servi jure gentium, id est, captivitate, ait Imperator *§. 4. Inst. de jur. person. Et pr. Inst. de Libertin.* Servitus ingenuitatem jure gentium invalisse dicitur. Præterea *§. 1. Inst. de his qui sui vel al. jur.* dominorum in servos potestas Juris gentium dicitur. Nam, inquit, Imperator, apud omnes peræquè gentes animadvertere possumus, dominis in servos vitæ necisque potestatem fuisse,

VIII. Plura ejus generis congerere nolo. Nam vel ex his abunde constat, Jctos Romanos vocabulo Juris Gentium, modò ad Jus Naturæ, modò Jus Gentium propriè dictum designandum, promiscuè ac confusè uti, abuti; plerumque tamen per Jus Gentium intellectum velle Jus Naturæ. An autem illa omnia sint Juris Naturalis, quæ appellatione Juris Gentium eò ab illis referuntur, veluti quod de mari, littore, alveo, & similibus tradunt, alia, imò aliena à præsentii instituto quæstio est. Consuli interim legique poterit Grotius *lib. 2. de J. B. P. cap. 5. ubi* pensculatiùs examinantur, quæ vulgò Jure Gentium adquiri dicuntur. Quod autem attinet Belli effectus quosdam, captivitates, legitimas servitutes, & ut bona ab hostibus capta capiendum fiant, illi quidem ex Jure Gentium propriè dicto descendunt, ceu deinceps rectiùs cognoscetur. Tantum verò abest, ut jus vitæ necisque, quod apud Romanos domini in servos usurparunt, juri naturæ congruat, ut potiùs ab illo damnetur: quod pluribus evincit Grotius *lib. 2. de J. B. P. cap. 5. n. 28.* Quod si Imperator illud solùm indicare voluit, jus vitæ necisque in servos à dominis apud plures gentes usurpari, hoc foret Jus civile plurium gentium. Si vero dicas, Jure Gentium propriè dicto exasperatam tantopere esse auctamque dominorum in servos captos venditosque potestatem, colligere hinc liceret, impunè id fieri consuevisse; sed agendi impunitas impropriè Jus dicitur, inquit rectè Grotius loco jam citato.

IX. Explicatis his Jctorum malè concinnatis involucris redeamus in viam. Diximus Jus Gentium propriè dictum Juris Arbitrarii speciem esse: idque etiam deinceps liquidius cognoscetur. Cum vero supra meminerim,

Hh

Jus



Jus Gentium, mōre inter privatos usitato, per Pacta constitui, vix aliis hoc probabitur, quòd cum ab aliis, tum ab ipso Grotio in frontispicio Operis de *J. B. P.* Juri Publico accenseri soleat. Huic dubitationi ut satisfiat, probè tenendum & observandum est, sæpe eandem rem pro diverso respectu diversis præditam esse qualitatibus, easque sequi solere diversas appellationes. Ita Publica dicitur Lex, quàm Respublica etiam de privatis negotiis sancit; hætenus enim inspicitur, à quo sit illa sanctio, non de qua materia vel objecto. Hoc enim si videas, Lex istiusmodi Privata foret. Ita quoque Jus Gentium est Privatum, si consideres Gentium invicem paciscentium conditionem, eamque inter se contendas. Quod si vero quæque Gens libera pactiones istiusmodi inear de rebus suæ Reipublicæ publicis, hætenus idem Jus Gentium dici potest Publicum. Quin & si ipsum subjectum, Rempublicam in se spectatam, & cum alia Republica paciscentem inspicias, eamque non contendas cum altera Republica, cum qua paciscitur, sed quatenus hujus pacta à Reip. paciscentis subditis eorumq; pactis, distinguuntur, etiam hac ratione Jus illud Gentium rectè diceretur Publicum.

X. • Juris Gentium obligationem Pactis inniti diximus. Pactum, inquit Aristoteles 1. *Rhetor. cap. 15.* est lex privata. Quod *Legis* nomen neque Juri Pactis denegant, *t. t. ff. de l. commiss. tit. C. de pact. pign. & l. commiss. l. 13. pr. ff. commun. præd.* Secundum Ulpianum Pactum, sive Pactio, est duorum pluriumvè in idem placitum consensus. *l. 1. §. 2. ff. de p. tct.* Ille Consensus non uno fit modo, sed vel expressè, vel tacitè, aut per quandam præsumptionem. Unde Labeo ait, convenire posse etiam *re*, nec non *tacite*. *l. 2. ff. de pact.*



de pact. Huc quoque pertinet illud Juliani ex l. 30. §. 1. ff. de legib. *Quid interest, suffragio Populus suam voluntatem declaret, an rebus ipsis & factis?* Pacta igitur, quibus Jus Gentium innitur, vel sunt Expressa, vel Tacita; sic ut ex his de Consensu vel per Præsumptionem, vel evidentiora etiam indicia multò certius constet. Cum vero Juris Gentium per Divisionem constituendæ sint plures species, antequam has ostendamus, doceamusque, quæ expressis, quæ vero tacitis pactis sit subnixa, pauca adhuc ad ipsum genus pertinentia erunt præmittenda.

XI. Jus Gentium quando dico, illas Gentes intelligo, quarum quæque peculiari Republica à reliquis sit secreta & distincta, sive illa Respublica ab uno, vel paucis, vel populo regatur. Neque certum Gentium numerum in eo, aut definitio, intra quem istius Juris obligatio vel observantia concludatur. Minimè verò hoc volo, ac si omnes omnino universi orbis Gentes in tale aliquod Jus arbitrarium commune consenserint, seque invicem eo obligari voluerint. Hinc Grotius lib. 1. de J. B. P. cap. 1. n. 14. cum Juri Civili Jus Gentium vellet contradistingueret, his utitur verbis: *Latiùs patens est Jus Gentium, id est, quod Gentium Omnium, aut Multarum voluntate vim obligandi accepit. Multarum addidi, quia vix ullum Jus reperitur, extra jus Naturale, quod ipsum quoque Gentium dici solet, omnibus gentibus commune.* Imò saepe in una parte orbis terrarum est Jus Gentium, quod alibi non est, ut de captivitate & postliminio suo loco dicemus. Cum enim ne quidem cognitæ sint omnes gentes, quomodo de illarum omnium sive expresso sive tacito consensu aut voluntate in re arbitraria constare poterit? Sed neque illas Gentes omnes hoc Jure obli-

Hh 2

gari

gari puto, quas fortè cognitas habemus. Et quamvis sine quadam Juris Gentium communis capita, quibus omnes ex cognitis Morationes obligentur, non tamen in genere de quolibet Jure Gentium idipsum adseverabo. Vid. Seldenus de triplice Gentium Omnium significatione seu explicatione lib. 1. de Jur. Nat. & Gent. jux discipl. Hebr. cap. 6. p. 77. edit. Argent.

XII. Mihi igitur ad significationem Juris Gentium in genere considerati sufficiunt plures Gentes, numero certo licet haut definitæ, etiam si illæ vel duæ fuerint, cum & hæ numerum pluralem conficere possint. Ad stipulatur mihi ea in re Conringius Diss. de Legib. th. 24. ubi ita differit: *Gentium lex est, quam plures gentes non fortuito, aut altera alterius (ad proprium usum instituta) imitatione, sed quasi ex pacto sibi inter se constituerunt. Plures dico, eo modo, quo apud Grammaticos plurale singulari opponitur: non quasi id solum, quod inter multas aut plerasque gentes jus intercedit, Gentium jus dici mereatur. v. g. Inter Hispanos & Batavos peculiariter hodie constitutum est, ut bello captus à captore se suo mensis unius stipendio possit redimere. Hoc cur minus Gentium Lex appellandum sit, quàm illud, quod olim, ut capti capientium hostium servi fierent, obtinuit, non video: Utraque certè lex Gentium est, etsi quidem illa duram sit, hæc plerarumque fuerit.* Huic sententiæ etiam suum adjicit calculum Richardus Zouchæus, Jctus Anglus, qui Libri, quem inscribit, *Jus inter Gentes, part. 1. sect. 1.* Jus Gentium facit duplex; unum, quod ortum ducat à communi aliquo consensu. De altero ita differit: *Deinde præter mores communes pro jure etiam inter gentes habendum est, in quod singule gentes*

gentes cum singulis inter se consentiunt, usque per pacta, Conventiones & Fœdera.

XIII. Solet Jus Gentium etiam Jus Feciale nuncupari, de quo si quædam ex veterum monumentis collegerimus, ad illustrationem hujus argumenti non parùm conferrent. Feciales, *Φηλαῖς*, à faciendo nomen acceperunt, ut autor est Festus, quod belli pacisque faciendæ penes eos jus erat. Sicuti vero Augurum & Pontificum, ita quoque Fecialium integrum collegium fuit institutum. *Numa* sacerdotiorum fuit autor. Eorum duo commemorabo, ex quibus elucet inprimis illius religio, *Saliorum* & *Fecialium*; siquidem Pacis Feciales arbitri fuerunt, qui nomen ex officio suo trahentes disceptatione comprimebant certamina, neque prius quàm abscissa omni juris obtinendi spe ad arma iri sinebant. Pacem enim vocant, quum verbis, non vi mutuas controversias diremerunt. Feciales Romani frequenter committant ad eos, qui injuriam inferrent, poscebantq; res reddi. Si non redderent, deos testati multa diraq; sibi ipsi ac patriæ suæ, ni justè injuriam vindicatum irent, imprecabantur. Ita indicabant illis bellum. Intercedentibus his aut improbantibus, neque militi licebat neque Regi Romano arma movere, sed ab his auspicandum ei bellum ut justo duci erat, inde quid expediret expendendum. Verba sunt *Plutarchi* in *Numa*: cujus & hæc leguntur in *Camillo*: Feciales quietissimus & justissimus Rex instituit *Numa*, pacis custodes, cognitores arbitrosq; causarum belli indicendi legitimarum. His accedant diligentissimi scriptoris, *Dionysii Halicarnassensis* ex lib. 2. Longum esset, recensere omnia Fecialium officia, sed in summa sunt hæc: Dare operam, ne Romani ulli fœderatæ civitati injustum bellum inferant. Quod si qua prior contra fœderis conditiones aliquid

commiserit, Legatos agere, & verbis primum suum jus repetere, Quod si dedignetur facere postulata, tum vero bellum indicere. Itidem si qui illam sibi contra fœdus querantur injuriam, causam eorum cognoscere, & comperto crimine fontes comprehensos legis dedere. Judicare item de Legatorum injuriis, & dare ceperam, ut serventur conditiones fœderum. Pacem etiam conficere, aut, si parum legitime facta videatur, irritam reddere. Præterea si quid Imperatores contra jusjurandum peccaverint, cognoscere atque expiare. Adscribi his merentur, quæ habet Pomponius Latus de Sacerdotiis cap. 9. diligentissimus ille antiquitatis Romanæ scrutator, judicio Politiani, Lillii Gyraldi, & Voslii; sic ut quoties marmor aliquod ex Urbis ruinis effoderetur, illacrymatus sit. *Feciales*, inquit, dicti, quod fidei publicæ inter populos præerant. Namper hos fiebat, ut justum conciperetur bellum, & ut fœdere fides pacis constitueretur. Eos instituisse dicitur Numa, quum indicendum esset bellum Fidenatibus. Hi mittebantur prius, quàm conciperetur bellum, ad res repetendas: & si non impetrabant, bellum indicebant. *Fecialium* unus, qui Patrem Patratum faciebat ex ipsis *Fecialibus* electum, sacris vestibus ornatus, ad auctores injuriarum procedebat: prius quam urbem intraret, janitorem vel alium qui obviam fuisset, alloquebatur quibusdam imprecationibus. Inde in forum pergit, illic disferit, qua causa venerit, tempus ad consultandum dat triginta dierum. Si per hos dies res infecta maneret, diis cælestibus manibusq; invocatis, abit, & ad Senatum refert: & ubi in Senatu, quod justum piumq; esset, actum erat, *Fecialis* bellum indicebat. *Fecialium* sacra nefas violare erat. Nam Fabius cum ea violasset, urbs Romana à Gallis Senonibus eversa fuit. Dicuntur *Feciales* à fœdere faciendo seu feriendo. Pater Patratus à patrando, id est, san-

*fanciendo fœdere qui à Fecialibus creabatur, qui tantum in fœdere faciendo præerat, ut quidam scribunt.*

XIV. Cum igitur Fecialibus belli pacisque disciplina esset commendata, quibus verbis illorum officium breviter complectitur Carolus Sigonius *lib. 1. de ant. jur. civ. Rom. cap. 19.* magna illam cura ac sedulitate excoluerunt, sic ut Jura gentium non solum magnam partem condiderint, certis voluminibus descripserint, sed & interpretati sint, sibi que singularis hujus Jurisprudentiæ gloriam atque auctoritatem conciliaverint: Unde Cicero ait *lib. 1. de Offic. Belli quidem æquitas sanctissimè Feciali populi Romani jure perscripta est.* Et septima in Verrem: *Habemus hominem in Fecialium manibus educatum, unum præter ceteros, in publicis religionibus Fœderum sanctum, diligentem.* Idem alibi præstabilem dicit esse scientiam, in fœderibus, pactionibus, conditionibus populorum, regum, exterarumque nationum, in omni denique jure belli & pacis esse exercitatum. Apud eundem *lib. 2. de Legib.* hæc existat Lex: *Fœderum, pacis, belli, induciarum, oratores (id est, Legati, ) Feciales, judices sunt.* Et mox ibidem: *Sequitur de Jure belli: in quo & suscipiendo, & gerendo, & deponendo, ius plurimum valet, & fides: horumque ut publici interpretes essent, lege sancimus.* Eadem confirmantur à M. Terentio Varone, Pomponio Festo & Nonio: quæ distinctè & perspicuè ex ipso Jure Feciali cognosci potuissent, nisi solum istorum monumentorum desiderium ad nos pervenisset. Itaque Albericus Gentilis non dubitat profiteri, Feciales non tantum fœderum, pacis, bellorum, legationum, sed & reliquorum Juris Gentium cum exteris capitum fuisse curatores *lib. 1. de Jure belli. cap. 1. n. 5.* Cui addi

pote-

poterit Rosinus *lib. 3. antiq. Roman. cap. 21.* Bodinus *lib. 5. de Repub. cap. ult.* & alii, qui de Re Militari, ejusque Jure vel studio scripserunt, veluti Spelmannus in sua Aspidologia, Uptonus, Nicolaus Reusnerus, Gabriel Naudæus, Valturius, Balthasar Ajala, Valtrinus, Franciscus Patricius, Justus Lipsius in Poliorceticis.

XV. De sanctitate & exacta religione, qua suum officium tractaverint Feciales, testes sunt solennes ritus, atque formulæ, quibus in diversis negotiis expediendis uti fuerunt. Pauca exempla ex multis proponam. Cincius in *lib. 3. de Re militari*, referente Gellio *lib. 10. cap. 4.* Fecialem Populi Romani bellum indicentem hostibus, telumque in agrum eorum jacentem, hisce verbis uti scripsit: *Quod Populus Hermundulus, hominesque populi Hermunduli, adversus Populum Romanum bella fecere, deliquerunt: quodque Populus Romanus, cum populo Hermundulo, hominibusque Hermundulis bellum jussit: ob eam rem ego populusque Romanus populo Hermundulo hominibusque Hermundulis bellum indico, facioque.* De hac solennitate ita commentatur Servius ad illum Virgilii versum *10. Æneid. v. 14.*

*Tunc certare odiis, tunc res rapuisse licebit.*

Ancus Martius, inquit, cum videt populum Romanum ardentem amore bellorum, & plerumque inferre gentibus bella, nulla justa exstante ratione, & exinde pericula procreari, misit ad gentem Equiculanam, & accepit jura Fecialia, per qua bella indicebantur hoc modo, sicuti etiam de Albanis retulit Livius. Nam si quando homines aut animalia ab aliqua gente rapta essent populo Romano, cum Fecialibus, hoc est, sacerdotibus, qui faciendis præsent fœderibus, proficiscebatur etiam Pater patratus, & antefines stans clara voce dicebat belli causam: & nolent.

*volentibus res raptas restituere, vel autores injuria tradere,*  
*jaciebat hastam, quæ res erat pugna principium, & jam lice-*  
*bat more belli res rapere. Alia hujus generis Fecialium car-*  
*mina recitat Grotius lib. 3. de. J. B. P. cap. 3. n. 7. Dediti-*  
*onis à Fecialibus factæ hoc exemplum suppeditat Livius*  
*lib. 9. Progressi Feciales, ubi ad portam venerè, vestem detrahi*  
*pæcis sponsoribus (ad Furcas Caudinas depectis) jubent: ma-*  
*nus post tergum vinciri. Cum apparitor, verecundia majestatis,*  
*Postumium laxius vinciret, Quin tu, inquit, adducis lorum,*  
*ut justa fiat deditio? Tum ubi in cætum Samnitium, & ad tri-*  
*bunat ventum Pontii est, A. Cornelius Arvina Fecialis ita verba*  
*fecit: Quandoquidem hi homines injussu populi Romani Qui-*  
*ritium sædus ictum iri sponderunt, atque ob eam rem noxam*  
*nocuerunt, ob eam rem, quod Populus Romanus scelere impio*  
*sit solutus, hosce homines vobis dedo. In fœdere autem in-*  
*eundo etiam ex Feciali jure certa verba adhibita fuisse*  
*ostendit Suetonius in Claudio cap. 25. Cum regibus, inquit,*  
*sædus in foro icit, porca casa, ac veterum Fecialium præfati-*  
*one adhibita. Ea Præfatio qualis fuerit, ex his Livii, quæ*  
*sequuntur, verbis illucescit. Sic enim ille lib. 1. de Fœ-*  
*dere inter Tullum Hostilium & Albanos percusso agens,*  
*Fœdera, ait, alia aliis legibus, cæterum eodem modo omnia*  
*sunt. Tum ita factum accepimus, nec ullius vetustior fœderis*  
*memoria est. Fecialis regem Tullum ita rogavit: Jubesne me*  
*Rex cum Patre patrato populi Albani sædus ferire? Jubente*  
*Rege, sagmina, inquit, te Rex posco. Rex ait, Puram tollito.*  
*Fecialis ex Arce graminis herbam puram attulit. Postea Re-*  
*gem ita rogavit: Rex, facisne tu me regium nuntium populi*  
*Rom. Quiritium, vasa, comitesque meos? Rex respondit,*  
*Quod sine fraude me a populi Rom. Quiritium fiat, facio. Fecia-*

lis erat M. Valerius: is Patrem Patratum Sp. Fustum fecit, verbena caput capillosq. tangens (Pater Patratus ad Jusjurandum patrandum, id est sanciendum sit) fœdus, multisq. id verbis, quæ longo effusa carmine, non opera est referre, peragit. Legibus deinde recitatis, Audi, inquit, Jūpiter, audi Pater Patrate populi Albani, auditu populus Albanus, ut illa palam prima postrema ex illis tabulis cerave recitata sunt, sine dolo malo, utique ea hic hodie rectissime intellecta sunt: illis legibus Populus Romanus prior non deficiet. Si prior defexit, publico consilio, dolo malo, ut illo die Jupiter populum Romanum sic ferito, ut ego hunc porcum hodie feriam: tantog. magis ferito, quanto magis potes pollesque. Id ubi dixit, porcum saxo silice percussit. Quem ritum etiam duobus aliis locis idem Autor tetigit. Libro quidem 9 in hunc modum: Quid enim sponsionibus in fœdere opus esset, aut obsidibus, ubi precatione res transigitur, per quem populum fiat, quò minùs legibus dictis statueretur, ut cum ita Jupiter feriat, quemadmodum à Fecialibus porcus feriatur. Idem lib. 30. Feciales cum in Africam ad fœdus ferendum ire iuberentur, ipsis postulantiibus Scitum in hac verba factum est, ut privos lapides, silices, privasque verbenas, secum ferrent, ut Prætor Romanus his imperaret, ut fœdus ferirent: Illi Prætores sagmina poscerent; herba id genus ex arce sumptum dari Fecialibus solet. Alium firmandorum Fœderum ritum etiam describit Cœlius Rhodiginus lib. 21. lect. antiq. cap. 15. Fecialis sumpto in manus lapide, postquam de fœdere inter Patres convenerat, hæc verba dixit: si rectè ac sine dolo malo hoc fœdus, atque hoc jusjurandū facio, dii mihi cuncta præsent felicia: sin aliter aut ago aut cogito, cæteris omnibus salvis, solus ipse peream, uti lapis hic è mani-



*de manibus meis decideret. Nec locutus plura, manu lapidem excussit. Atque hæc hæc hactenus.*

XVI. Proderunt nobis hæc cum ad alia, tum ad Juris Gentium divisionem, & specierum ejus explicationem rectè faciendam. Quas antequam intelligemus, ex superiori dissertatione generalis aliqua Juris Gentium definitio proponetur, ne fortè res tam necessaria à quoquam in hoc argumento desideretur. Jusigitur Gentium est jus, plurium liberarum gentium pacto sive placito expressè aut tacitè initum, quo Utilitatis gratia sibi invicem obligantur. Dixerit mihi quis, operam me perdere in concinnanda definitione, cum adhuc sub Judice lis sit, an ullum omnino Jus Gentium sit, vel obtineat. Hanc equidem dubitationem in ipso limine hujus diatribæ prospexi, cui ut rectius pleniusque satisfiat, Divisio Juris Gentium antè constituenda est: deinceps ejus speciebus & capitibus examinatis, contra illos disputationem instituemus, qui Jus Gentium omne pernicioso dogmate sublatum eunt.

XVII. Progrediamur itaque ad Juris Gentium Divisionem, de qua non solum anceps aliorum, sed & erroribus obnoxia est disceptatio. Spero tamen has difficultates facilius nos superaturos esse, quam volucres Fossam Cimbricam in Phrygia: quod impossibile iis esse scribit Antigonus Carystius in *Mirabilibus*. Illam Juris Gentium divisionem, qua in Primævum seu Primarium, & Secundarium dispescitur, suprà vidimus, refutavimus, rejecimus. Neque factum mutamus. Neque etiam ad divisionem hujus juris pertinet, si dixeris illud esse voluntarium, quia nullum Jus Gentium propriè dictum est aliud, quàm

à libera paciscentium populorum voluntate profectum. Grotius sapissimè mentionem facit Juris Gentium externi, idque cum Jure interno contendit. Illius effectus est, quod quidem non sola agendi impunitate, sed & Judiciorum tutela constat. *lib. 3. de I. B. P. cap. 7. num. 7.* Internum est, quod in foro conscientia sustineri queat. *Grot. lib. 3. de I. B. P. cap. 10. & seqq.*

XVIII. Honos Britannia, Joannes Seldenus (quo elogio illum Grotius decorat in *Annotatis ad lib. 2. de I. B. P. cap. 2. n. 2.*) planè nova Juris Gentium divisione utitur, cum in Libris, *de Jure Natura & Gentium juxta disciplinam Hebraorum*, tum *de Mari clauso*, dispescens illud in Jus Gentium *Imperativum*, & *Interveniens*. Istud sic explicat, quod à Numine sit præscriptum: Hoc, quod ab ipsis Hebræis sit superinductum. *lib. 2. de I. N. G. jux. disc. Hebr. cap. 5. p. 115. edit. Argent.* Sed quod pace tanti Viri fiat, etiam hic potior veritatis ratio erit habenda, minimeque ea dissimulanda. Existimo itaque, neutrum ad Jus Gentium propriè dictum referri posse, ceu de utroque Seldenus disserit. Quod cum jam ante nos deprehendisset, atque animadvertisset Boeclerus, ita ad Grotii *lib. 1. cap. 1. n. 14. p. 109.* scribit: *Seldeni Jus Gentium Imperativum & Interveniens extra hypothesin disciplina Hebraorum vix ullum habet usum.* Bene enim notandum est, Seldenum suo Opere non tractasse Jus Naturæ absolutè, sed juxta disciplinam Hebraorum. Perinde quoque descripsit Jus Gentium non absolutè, & quod mentem ab omni singulari Republica abduxisset, sed etiam hætenus ad usum Reip. & disciplinam Hebraorum se adstrinxit. Esto igitur, quod Deus quasdam leges tulerit, juxta quarum normam Hebræis

bræis fuerit vivendum cum gentibus; non certè ad Jus Gentium, sed divinum voluntarium hæ sunt referendæ. Nam Jus Gentium verè dictum est id, quod mutuo gentium liberarum pacto aut consensu obligationis vim inter illas fortitur. At Seldeni Jus Gentium Imperativum sancitum fuit legibus divinis, quibus Deus sibi obligare voluit populum suum peculiarem ad certa officia gentibus præstanda, aut quomodo omnino cum his esset vivendum; sic ut hæ gentes ex suo arbitratu has leges sibi non condiderint cum Hebræis, aliisve gentibus, pro Jure Gentium, sed illarum fuerint objectum externum, quibuscum Deus Legislatores certo modo agi cum suis Hebræis voluit, eoque nomine has Leges civiles his præscripsit.

XIX. Sed nec Interveniens Jus Gentium quod appellat, nomen suum tueri potest. Exempla ex multis pauca adferam, quibus idipsum declaratur. Exstat in Levitico lex, de viri feminis, & mulieris sanguinis profluvio laborantis immunditie. Hanc Judæorum magistri extenderunt ad omnes gentiles, hos sine discrimine pro immundis habendos, adeoque contactu aliis immunditiem adfricare, perinde ac si perpetuo feminis aut sanguinis profluvio laborarent. Hanc ab iis diductam interpretationem legis divinæ voluntariæ Seldenus ad Jus Gentium Interveniens refert. *l. 2. de J. N. G. jux. disc. Hebr. cap. 5. pag. 115. seq.* Quod quàm parùm commodè fiat, quis non videt? Serviat ergo licet hæc distinctio instituta & hypothefi Seldeni; ne tamen cuiquam imponat ceu ad veritatis limam & *an. Sclæus* exacta.

XX. Ita quoque cum Judæi hac lege divina, *Non*  
*griges tibi statuum, Denter. 26. v. 1.* Profelytos domicili,

quos appellabant, quoque obligatos esse vellent, ob novandæ idololatriæ metum, Seldenus illam refert ad Jus Gentium Interveniens *lib. 2. de J. N. & G. cap. 6. pr.* & quidem tale, quod ad illos Profelytos regendos Civili sit superinductum. *d. l. 2. cap. 6. in fin.* Sic memorat ejusdem Operis *lib. 4. cap. 2. p. 493.* Si Hebræus Profelytum domicilii, sive liberum sive servum, casu occidisset, migrandum ei fuisse in urbem refugii, seu, ubi Asylum esset. At Profelyto, si casu occidisset Hebræum, Asylum ipsi non proderat. Sin profelytum sui generis sive liberum sive servum fortè interemisset, Asyli privilegio gaudebat. Quod si gentilis alius, qui non esset factus profelytus domicilii, sui generis gentilem obtruncasset, huic Asyli jus denegatum fuit. Minus quoque indulgebatur Profelytis aut gentilibus in Rep. Hebræorum viventibus tempore messis aut vindemiæ, legendi spicas, aut uvas comedendi, quàm Hebræis. *lib. 6. cap. 2. p. 709. seq.* Cætera de genere hoc passim istic legas. Hæc vero, & quæ iis accenset Seldenus, omnia illi Juris Gentium Interveniens nomine & censu veniunt, ut illi mores & jura, quibus gentilibus aut Profelytis in Republica Hebræorum degentibus vivendum fuit, & quibus ab Hebræis originariis distincti sunt, hoc Jus Gentium Interveniens constituerint.

XXI. Sed, quæso, quale hoc est Jus Gentium, quod fortè peregrinis quibusdam Reipublicæ cuiuspiam se vel perpetuò vel ad tempus subjicientibus à Legislatore sancitur, aut etiam ipsis indigenis dictatur, quatenus cum illis peregrinis in ditionem vel perpetuò vel ad tempus receptis vivere conveniat? Hi certè ita admissi peregrini non

non constituunt Gentem, & quidem liberam gentem, cui cum altera æquè hætenus libera pro arbitrio & consilio pacta condere, iisque se invicem obligare jus sit. Jam vero Seldenus disertè proficitur, quod & res ipsa assatim confirmat, Profelytos domiciliis fuisse in ditione Hebræorum: ejusdemq; Operis libro postremo passim ostendit, potuisse illos ex sententia Judicii Hebræorum puniri. Tantum igitur abest, ut hi fuerint ejusmodi libera gens, quæ Jus Gentium cum aliis sancienti facultatem habuerit, ut infinitis propè in rebus deteriori plerumque loco & conditione fuerint in Republica Hebræorum, quàm ipsi Hebræi. Unde nec illa mihi probantur, quæ scribit ejusdem Operis lib. 2. c. 12. p. 262. Si profelytus domiciliis Nomini tetragrammato expressim maledixisset, ex gentium jure Imperativo hunc morte fuisse plectendum, Judæum vero ex eadem lege, si idem patraisset, sibi civili. Nam etiamsi diversa poena animadversum fuerit propter idem delictum in Judæum & Profelytum, utraque tamen profecta fuit ex determinatione Juris civilis. Quare quæso? quia hi omnes fuere ejusdem Civitatis subditi, sic ut Profelyti inferiori subjectionis gradu ac jure ibi præ Hebræis vixerint, nedum quod gentem liberam repræsentare potuerint;

XXII. Neque etiam pro gente libera reputari potuerunt illi gentiles, qui subinde civitatem Hebræorum ingressi, istic ad tempus commorari fuerunt, etiamsi in diversa ab Hebræorum civitate Republica domicilia habuerint, ejusque membra fuerint. Non minus enim censendi sunt subditi illi homines peregrini, qui momento in aliqua Republica commorantur, quàm qui perpetuo, etsi duratione aut etiam aliis rebus utrorumque sub-

jectio

jectio differat. Nam *subditus temporarius legibus loci subji-*  
*citur. Grot. lib. 2. de J. B. P. cap. 11. n. 5. Struv. Exercit. 2. th. 12.*  
 Exemplo etiam res erit illustrior. Notum est, quo sint lo-  
 co Judæi in Imperio Germanico, ejusve liberis Urbibus.  
 Sunt illi diversæ gentis à Germanis homines, ac liberam  
 gentem minimè constituunt. Imò olim servi fisci Cæsareï  
 appellabantur, eaq; conditione alienati & transcripti sunt  
 paulatim Urbibus Imperialibus, necessariis temporibus iis  
 ab Imperatoribus venditi, Et quamvis nonnullis in Urbi-  
 bus liberius vivant ac commercetur Judæi, atq; ipsi fortè  
 indigenæ cives, sintque his perquam graves ac detrimen-  
 tosi; non tamen liberæ gentis instar aut partem Reip.  
 habent, etiam si fortè Oligarchicorum opes horum mini-  
 sterio, exemplo stabiliendæ Oligarchiæ Aristoteli aliisque  
 veteribus planè incognito, conserventur & locupleten-  
 tur. Si igitur vel Imperii subditi, vel cives Urbium legi-  
 bus latis jubeantur cum Judæis hoc vel illo modo conver-  
 sari, habitare, negotiari; iisne constitutum inter hos cen-  
 sebitur aliquod Jus Gentium sive Imperativum, sive Inter-  
 veniens? Nequaquam; sed Civile.

XXIII. Mea igitur sententia Jus Gentium propriè  
 ac verè dictum constituendum est duplex, Commune,  
 & Proprium. Aliis nominibus si quis res easdem desi-  
 gnare malit, cum eo non contendam. Commune ap-  
 pello, quo complures, aut fortè pleræque gentes, saltem  
 moratiores, pro jure inter se utuntur & consociantur.  
 Proprium quod in paucarum & fortè duarum liberarum  
 gentium peculiarem usum & communionem est condi-  
 tum, sic ut ad ejus observantiam reliquæ gentes adstringi  
 nequeant. Agnovit quodammodo hoc discrimen ipse  
 Gro-

Grotius. Cum enim *lib. 3. de J. B. P. cap. 4. n. 15.* docuisset, nefas esse in bello spicula veneno inficere, & geminare mortis causas, subjicit, si secus quid eveniat, hoc fore contra jus gentium non Universale, sed gentium Europæarum, & si quæ ad Europæ melioris cultum accedant. Eodem *cap. n. ult.* his utitur verbis: *Atque id inter Christianos observari par est, non tantum ut discipline militaris partem, sed & partem Juris Gentium: id est, ut, qui pudicitiam vi læsit, quamvis in bello, ubique pœna sit ubnoxius.* Paulò antè vero dixerat, esse hoc Jus Gentium non omnium, sed meliorum. *num. eod. ult.* Eodem *lib. cap. 6. n. 3.* cum disputasset, quando res mobilis capta censeatur ex jure gentium, concludit his verbis: *Recentiore jure gentium inter Europæos populos introductum videmus, ut talia capta censeantur, ubi per horas viginti quatuor in potestate hostium fuerint.* Notat quidem ibi Zieglerus, abusive à Grotio dici Jus Gentium, quod inter populos duos, tres, quatuorve mutuis conventionibus receptum est; Sed de hac censura arbitrandi potestas mox dabitur. Secundum Grotium igitur liceret Jus Gentium Commune quod appellavimus, subdividere in latè, quod non semel Universale nuncupat, & minùs latè patens, quod à moratoribus tantum populis, vel Christianis observetur.

XXIV. Ad Jus Gentium Proprium refero omnia Fœdera, & publicas liberorum populorum conventiones, peculiaris utilitatis gratia, etsi non nisi à duobus initas. Nam quodcunque libero gentium, sive duarum sive plurium arbitrio introductum, vim Juris inter illas obtinet, societatemque illarum continet ac conservat, illud est Jus Gentium; Hanc vero esse autoritatem Fœderum pu-

blicarumque, etiam duarum gentium, conventionum quis ausit inficiari? Conferantur cum his ea, quæ suprà proposui *th. 11. & 12.* Confirmant eandem sententiam ea, quæ suprà de Fœcialium officio disserui. Neque enim ad illud solum ea pertinere credebant, quæ Juris Gentium Communis capita sunt, veluti belli causas expendere, illud denuntiare, legationis munus obire, & similia facere; sed etiam Juris Gentium Proprii causas sibi competere existimarunt, veluti pacis condiciones certas proponere, fœdera pangere, eadem interpretari, similiaque peragere. Et quamvis perlibenter concedam, Jus illud Gentium Commune καὶ ἐξοχὸν Jus Gentium esse, aut perhiberi, præprimis si vulgarem loquendi usum spectes; verè tamen ac propriè etiam illud Jus Gentium est, dicique meretur, quod vel inter duas gentes per Fœdus est constitutum. Malè igitur nonnemo monuit, & malè id approbavit Mevius, cavendum esse, ne quæ Juris Gentium sunt, & quæ pactis populorum constituuntur, confundantur: in *Prodrom. insp. 5. n. 16. in f.* Et si enim nec nos confundi velimus Jus Gentium Commune & Proprium, revera tamen utrumque Jus Gentium est. Rectius se illa habent, quæ paulò antè eodem *n. 16.* præmiserat: *Non facit differentiam juris numerus utentium.* Cum vero suprà dixerimus, consensu Gentium seu pacto Jus Gentium constitui, eoque, vel Tacito, vel Expresso; id protinus monendum hic erit, Jus Gentium Commune tacitis, Proprium expressis ferè pactis introductum esse. In utriusque naturam penitiùs inquiramus.

XXV. Videamus igitur primò, quale sit illud Jus Gentium Commune quod diximus, & quod καὶ ἐξοχὸν  
hoc



hoc nomine cluet, & quomodo Juris autoritatem obtrinerit. Viam nobis commōstrat Grotius *lib. 1. de J. B. P. cap. 1. n. 14.* quando ait, Jus Gentium probari pari modo, quo Jus non scriptum civile, usu continuo, & testimonio peritorum, inque eam rem maximum præbere usum illustres Annalium conditores. Nam sicut in genere Jus omne vel est Scriptum, vel Non-scriptum, & secundum Græcos τῶν νόμων οἱ μὴ ἔγραφοι, αἱ δὲ ἄγραφοι, *l. 6. ff. de Just. & Jur. §. 3. Inst. de J. N. G. & C.* Ita quoq; speciatim Jus Gentium, quod verè est tale, vel Scriptum est, vel Non scriptum. Hujus generis est Jus Gentium Commune: Illius ferè, quod Proprium diximus. Itaque de natura hujus non scripti Juris Gentium fortè constat, ubi inquisiverimus, quomodo in genere Jus non-scriptum obligandi autoritatem consequatur,

XXVI. *Sine scripto Jus venit, quod usus approbavit; nam diuturni mores, consensu utentium comprobati, legem imitantur; inquit Imperator §. 9. Inst. de J. N. G. & C.* Bene Julianus *l. 32. ff. de legib.* Inveterata consuetudo pro lege non immeritò custoditur. Et hoc est Jus, quod dicitur moribus constitutum. Nam cum ista leges nullæ alia ex causa nos teneant, quàm quod judicio populi recepta sunt; meritis & ea, quæ sine ullo scripto Populus probavit, tenebunt omnes. Nam quid interest, suffragio Populus voluntatem suam declaret, an rebus ipsis & factis? Quare rectissimè etiam illud receptum est, ut Leges non solum suffragio Legislatoris, sed etiam tacito consensu omnium per desuetum abrogentur. Et Ulpianus *l. 33.* Diuturna consuetudo pro jure & lege in his, quæ non ex scripto descendunt, observari solet. Hermogenianus *35. ff. eod.* Sed & ea, quæ longa consuetudine comprobata sunt, ac per annos pluri-

*mos observata, velut tacita civium conventio, non minus, quàm ea, quæ scripta sunt jura, servantur. Immo, inquit Paulus l. seq. magnæ autoritatis hoc ius habetur, quod in tantum probatum est, ut non fuerit necesse scripto id comprehendere. Add. tit. Cod. quæ sit longa consuet. c. consuetudo. s. aijt. 1. c. cum tanto. ff. de consuet.*

XXVII. Ex his ferè textibus JCti doctrinam Juris per Consuetudinem introducti arcessere solent. Hoc vero in iis displicet, quod dum nimis tenaciter literæ harum legum & apicibus inhærant, non satis commodè vel sentiant ubique, vel loquantur, præter alia hinc colligentes, hoc Jus unice à Populo introduci. Nam potestas Legislatoria utique penes eum eosve est, penes quem quosve est τὸ κύριον, seu ἀρχὴ καὶ ἐξουσία Reipublicæ. Qui enim omnes Reipublicæ subditos sibi lege velit obligare, necessum est iis omnibus sit superior, Remque publicam in sua habeat manu. Etiam igitur illa autoritas juris constituendi fuerit Republicæ libera penes Populum Romanum; ubi tamen alia est Reipublicæ facies, penes eum eosve est hæc autoritas Nomothetica, penes quem quosve est Respublica. Pro indubitato igitur habeatur, publici juris autoritatem nil posse consequi nisi à Majestate civili, virtute supremæ potestatis Legislatoriæ, quæ ei inest, sive illud Jus sit Scriptum, sive Non-scriptum.

XXVIII. Et si igitur ad Consuetudinis Jus requiri soleat actuum frequentia, & illi plerumque à subditis peragi soleant; non tamen subditi aliquid ad ipsam Juris autoritatem conferunt, sed materiam Legislatori præbent, ut si ei ita visum fuerit, formam ac vim juris ei tribuere possit; adeoque opis est, ut ille sciverit, tale quid in sua civi-

civitate facituri: deinde ut non contradixerit, sed permiserit id fieri: denique ut ita id fieri & frequentari permiserit, ut consensu tacito videatur approbasse, idemque etiam ab aliis fieri velit, & quasi jubeat; absque hoc enim tertio si fuerit, fortè mera permissio existimari possit, aut conniventia, non Jus. Hinc nonnunquam illud explorandum arbitratur Ulpianus, an etiam contradicte aliquando judicio Consuetudo firmata sit. *l. 34. ff. de legib.* Quo tamen simpliciter opus non esse prolixè probat *Tib. Decian. vol. 2. resp. 51. n. 61. segq. Gail. 2. observ. 31. n. 8. Donell. & Hillig. l. 1. c. 10. lit. H. Bach. ad. l. 32. ff. h. t. ad Wesenb. cod. n. 9. Hahn. diff. de Consuet. th. 14.*

XXIX. Quando igitur tacito consensu & approbatione Majestatis civilis ex actuum (qui non superstiriosè numerandi, sed arbitrio Legislatoris submittendi sunt) frequentia Consuetudini, Juris autoritas tribuitur, illa deinceps in similibus actibus illos sibi tributos juris effectus exserit. Atque ea ratione Consuetudo dicitur esse *pro jure*, ac *pro lege*: & quod *imitetur legem*, hoc est, paulatim à Legislatore tacitè eisdem consequatur juris effectus & autoritatem, qualem Leges expressè sancitæ & promulgatæ. Quemadmodum igitur Legem publicam scriptam seu expressam Pactum expressum, ita Consuetudinem juris autoritatem consecutam ea in re imitantur Pacta Tacita, quibus Jus Gentium Commune finiti diximus.

XXX. Qualis vero sit ille usus, quo Gentium Jus constituitur, uti non est obvium, ita multùm ejus cognitio ad naturam illius Juris penitus cognoscendam facere videtur. Mihi certè verisimillimum apparet, quiquid aliis

visum fuerit in medium relinquens, Jus Gentium Commune & κατ' ἐξοχήν vita dici solitum, ortum suum inprimis habere ex Jure Gentium Proprio, quod expressis sancitur pactis. Cum enim paucis, & fortè duabus, gentibus placuisset, expressis pactis certos quosdam legitimosque belli effectus inter se sancire, & ad belli pacisque negotia commodius obeunda Legatos Sacrosanctos esse, & varia alia negotia mutua obligatione constringere voluissent; frequentatis paulatim bellis, aliisque istiusmodi inter gentes & civitates negotiis, idem jus ab aliis successu temporum quoque usu comprobaturum videtur, non sanè ut sui tantùm causa singulæ gentes paucas illas ea in re imitarentur, sed ut hæc omnes paulatim inter se idem jus constituerent, auctoritatem illi placito tacito adstruente propagata per gentes longumque satis tempus, communi utilitati illarum hoc ipso serviente, Conluerudine. Unde liquet bene Grotium dixisse *lib. 1. de J. B. P. cap. 1. n. 14.* Jus Gentium pari modo probari, quo Jus Non-scriptum civile, Usu continuo & Testimonio peritorum; esse enim illud *ἐξ ἐνάτης τῆς κατ' ἐξοχήν, repertum temporis & usus.* Quidquid orbis præter creata habet, cæteris præbuit imitandi exemplum. Quo id ad usus humanos aptius, ita citius longiusq. tractatum extensumq. Mevius in *prodr. insp. 5. n. 11. Et n. 13.* Si per exempla ibi, nihil eorum, quæ indubie sunt juris gentium, sic semel & simul per gentes constitutum demonstrabis.

XXXI. Dixi Jus Gentium Commune plures gentes à paucis per *Imitationem* videri accepisse, & ex tacito pacto per continuatum sive propagatum inter eas Usu etiam auctoritatem Juris & Obligationis inter illas obtinuisse. Nam *Imitari insitum hominibus à pueris est. Et hæc re dif.*

re differunt ipsi ab aliis animalibus, quod Homo est animal maxime accommodatum ad Imitandum. Et prima disciplina elementa per Imitationem percipiunt. Et gaudent omnes rebus Imitatione expressis. Signum hujus rei est id, quod contingit in operibus opificum. Quae enim ipsa moleste cernimus, horum imagines exactissime expressas dum spectamus, gaudemus, ut, abjectissimarum ferarum & cadaverum formas. Natura igitur ad Imitationem propensi sumus. Hæc Aristoteles lib. de Poëtica, cap. 4. Imitari autem est conformare sese ad exemplum alterius, ut ejus similes fiamus. Requiritur ergo in Imitatore Opera vel Usus, quo ad Exemplum alterius se componat, atque ita similitudinem ejus adsequatur. Vossius de Imitat. cap. 1. Duplex vero Exemplum proponi poterit, quod utrumque imitatae gentes liberae inter se obligationem videntur induxisse, auctoritatem talem paulatim adstruente Imitatore Usu à pluribus, & quidem inter se pro Jure ex tacito pacto recepto. Unum Exemplum, cujus imitatione ego cum primis extitisse credo Jus Gentium Commune, dixi esse Jus Gentium Proprium. *th. præced.* Neque tamen aliorum Exemplorum Imitationem excludam, aut pertinaciter adseverabo, tantum uno modo Jus Gentium Commune fuisse introductum. Uti enim mea conjectura mihi verisimillima visa est, ita nec illa opinio verisimilitudine destituitur, Jus Gentium Commune ex plurium gentium Jure civili consimili, de quo supra *th. 3.* ortum esse. Ut adeo hoc alterum sit futurum Imitationis Exemplum, quâ Jus civile pluribus gentibus usitatum, pro communi vinculo juris inter ipsas illas sit paulatim receptum.

XXXII. Et quidem Ferdinandus Vasquius in hac est sen-

est sententia, *Ea omnia, quæ sunt Juris Gentium, prius fuisse juris tantum civilis, sed paulatim serpsisse, aut velociter transvolasse ad reliquas gentes & regiones. lib. 2. controuv. illustr. cap. 54. §. 4.* Sed videtur Vasquius loqui de quasi, seu improprie dicto Jure Gentium, quod Bachovius, hanc Vasquii sententiam expendens, Jus Gentium Secundarium appellat, nova significatione, & ab ea, quàm suprà hoc nomine proposuimus, planè diversa. Sed cum hoc sit Jus Civile plurium gentium, nos autem de proprie dicto simus solliciti, hætenus ad nostrum institutum nihil facit. Nec tamen, uti paulò antè monui, improbabile est, cum idem Jus Civile pluribus gentibus propter eandem Utilitatis rationem placuerit divisè, & potuisse quoque inter illas conjunctim recipi per modum & vim Pacti, mutuam obligationem inducentis: quod Grotius rectè in Jure Gentium Communi proprieque dicto requirit *lib. 2. de J. B. P. cap. 3. §. 5.*

XXXIII. Vir Clarissimus Jo. Henr. Bœclerus de origine Juris Gentium ita disputat ad Grotii *lib. 1. cap. 4. §. 14. p. 169.* *Quærendum est: An illa multe gentes Pactione aliqua induxerint, atque sibi invicem commune fecerint tale jus: an vero per Imitationem ab una gente ad aliam, atque ita tandem ad multas jus istud pervenerit. Posterior modus, quæ potest impedire, quin sit & maneat tale jus, plurium gentium Jus Civile? Prior modus, qui solus idoneus est ad faciendum Jus Gentium, à gentibus scilicet constitutum, quàm sit demonstratu arduum, idoneis locis attingetur. Aperta certe pactio vix apparebit: igitur ad tacitam confugiendum erit. Facile quisque videt, disputare illum de Jure Gentium Communi; nam Jus Gentium Proprium quod diximus, expressè*  
*etiam*

etiam pactis constitui, non puto unquam in dubium vocaturum fuisse. Si igitur originem Communis illius Juris Gentium inquiras, duo illi modi à Boeclero propositi, non separandi, sed conjungendi sunt. Imitatio enim cernitur in Usu vel Juris Gentium Proprii, vel plurium gentium Juris Civilis, cujus utriusque exemplum sibi habere potuit propositum. Pactio tacita cernitur & præsumitur ex eodem Usu paulatim inter diversas pluresque gentes, impellente magis magisque varia Utilitatis ratione, pro communi Juris vinculo recepto.

XXXIV, Richardus Zouchæus, J.Ctus Anglus, hac de re ita differit, *Element. Jurispr. part. 1. sect. 4. Jus Gentium est recte agendi norma, qua Gentium vel Hominum plerorumque judicio comprobatur: eaque vel Ratiocinatione, vel Moribus introducta est. Ratiocinatio est, qua per discursum rationis quid sit Utile humano generi excogitavit. Mores Gentium sunt, qui, quid conveniens sit humano generi, Experientia communi comprobantur.* Nihil hic distinctè, nihil accuratè demonstratur, quin omnia magis etiam confundi & intricari videas Juris Romani, quos subjicit, textibus, l. 1. §. 4. ff. de Just. & Jur. §. 2. v. *Jus autem gentium. Inst. de J. N. G. & C.* quibus Jus Naturæ & Gentium, uti suprà vidimus, in unum *κρυπτῶνα* conjicitur. Si igitur Usu & Moribus aliquid pluribus gentibus Utile ac Conveniens deprehenditur, & hujus finis obtinendi gratia universalis norma actionibus, tanquam Juris regula & Lex proponatur, hoc ipsum sine Ratiocinatione fieri nequit, sed necessum est, ut hanc ad rem suam opem commode Prudentia Nomothetica. Prudentia vero est habitus *μετὰ λόγου ἀληθῆς*, cum vera Ratione seu Ratiocinatione conjunctus, quo quis de iis, quæ ad be-

ne beateque vivendum Utilia sunt, rectè deliberare & decernere potest 6. *Nicom.* 4. §. 10. & cap. 5. Prudentiæ autem subservit Experientia, eique multa singularia, quæ comperta habet, subministrat. *Experientia enim rerum singularium usu exercitata intellectum facit idoneum, ad dispicienda & definienda principia, id est, propositiones, quas ex multis quæ sigillatim aguntur, comparare consuevimus, atque inde eventura etiam quandoque prospicimus. Cum enim factum aliquid est, quid secuturum sit, Prudens sæpenumero prædicit, eò quod multa inspexit hujusmodi, atque ita didicit, quid quamque rem antè factam consequi soleat.* Ita Eultratius ad 6. *Nicom.* cap. 10. §. 23. Ubi idem catè observat, conjungi à Philosopho cum senioribus, qui Experientia pollent, Prudentes, qui ex singularibus per Experientiam collectis Ratiocinationem instituunt.

XXXV. Vereor sanè, ne Zouchæus hanc in curam incubuerit, ut textibus Juris Romani obsequeretur, & receptæ Jurisgentium distinctioni in Primævum & Secundarium verbis allatis velificaretur. Ita enim veteribus Jctis servire solent Intèrpretes, ut Naturæ jus per Rationem, Gentium jus per Ratiocinationem innotescere dicant. Quæ etiam fuit Wesenbecii sententia, quam suprà th. 5. tetigimus. Unde etiam Mevio Jus Gentium non absurdè Jus Ratiocinationis dici videtur. Agnoscit tamen ille rectè, de Jure Naturæ non solum ex primis principiis nobis constare, sed etiam ex conclusionibus per Ratiocinationem collectis. Imò pleraque Juris Naturalis decreta ratiocinando innotescunt. Etsi igitur etiam Juris Gentium placita ratiocinando Prudentia elicuerit, ex aliis tamen principiis, quibus videlicet Jus Arbitrarium innititur,



tur, colliguntur, ut sub ratione Utilitatis inventa & à gentibus approbata illarum Civitatibus prosint. Hinc inter alia ita loquitur Mevius in suo *Prodromo Jurispr. gent. communis Inspect. s. n. 9.* *Ratiocinatio ex naturalibus dictatis intendit rectitudinem vite & morum, natura integra quàm maximè congruam. At quæ parit Gentium jus, ex necessitatibus & usu vite humana depravationi reddita obnoxia, colligit, quid pro securitate & usu hominum quàm maximè commodum & expeditum. Ut utrumque Jus discrepat sine & mediis, sic & quæ ad id constituendum atque poscendum tendit Ratiocinatio. Quod ad evitandam utriusque confusionem, & errorem, Jus Naturale Ratiocinationis confundentium, notari meretur. Hæc ille.*

XXXVI. Sed operæ pretium fuerit, etiam hac de re audire Albericum Gentilem: qui cum vulgares illas Juris Gentium descriptiones proposuisset, quod omni generi humano commune est, sequentia subjicit: *ista non sic sunt capiendæ, quasi convenerint unquam gentes omnes, & Jus istud constituerint. Non sic dicunt: Non necesse est, sic capere verbum, Omnes, ut de Omnium usu quum dicitur, etiam de omnibus omnino gentibus intelligatur, quæ numero innumera, regionibus immensum disjuncta, moribus prorsum discrepantes, linguis variis manerent incognita. Non te decipias JCtus magnus Hugo Donellus, qui definitiones sic accipis & propterea improbat quoque. Sed quod successive placere Omnibus visum est, id totius orbis decretum & concilium fuisse existimetur. Et vero Jus non scriptum, ut hoc est, item ut Consuetudo, aliter non inducitur, lib. 1. de Jur. belli. cap. 1. p. 11. Sed non unum in hoc JCto hic notandum est. Primò enim malè distinguit, imò potius confundit Jus Naturæ & Jus Gentium propriè dictum, ceu cuius integrum, textum perlustranti*

non potest non esse manifestum. Deinde cum suprà demonstraverim, Jus omnium gentium non esse nisi Jus Naturæ, meritò pingues illas definitiones rejecit Donellus. Hactenus vero rectè sentit Albericus, cum gentes sint innumeræ, multùmque distractæ, successive gentes in sui Juris placita consensisse. Modum vero, quo suo consensu illa approbaverint, & inter se receperint, eundem fuisse indicat, quem ego demonstravi, putà illorum usu frequentato, propagato, in veterato, & pro vinculo societatis inter gentes admissio; perinde sicuti usu diuturno paulatim Jus non scriptum Consuetudinis adstrui solet. Quem modum etiam multis explicat & confirmat verbis Mevius in suo Prodr. Insp. s. ubi etiam singularis quædam opinio legitur, quo pacto Jus hoc dicatur *Omnium Gentium*; non quod aut omnes gentes in illud consentiant; aut receperint, sed quod pro justitia, pace & salute omnes opus habeant, seu ad communem omnium utilitatem spectat. n. s. Sed sicuti de modo constituti Juris Gentium bene loquitur, ita hæc libram desiderare videntur.

XXXVII. Quæ de Jure Gentium in genere, ejusque primaria specie, quam Commune Jus Gentium vocavi, differui, velini omnia commodè dextreque accipiantur, neque verba capientur. Horum aucupia ut tantò magis evitem, quædam ex superioribus adhuc explicabo. Dixi de quibusdam Juris Gentium capitibus per Præsumptionem constare, quod inter liberas gentes consensu illarum sint recepta. Cum enim usu & consuetudine paulatim illa obligatio inducatur, non apertè nec uno momento promulgetur, sed sensim sine sensu invalescat, & quasi gliscat; primus certitudinis, quæ de illa obligatione co-

pta

pra quamprimum haberi poterit, videtur quadam Præsumptione niti. At ubi Gentes suum consensum evidentiore indicio, & fortè Factis testantur, plenè certi sumus, obligationem inter illas plenè inductam esse. Quod si denuò arguteris, etiam ex Factis hujusmodi de Consensu & Pacto gentium per Præsumptionem nobis constitutum esse; non quidem adversabor, cum nemini non sit cognitum, Præsumptiones non unius esse generis, & harum alias minùs, alias magis, alias maximè nos certos reddere posse. Unde etiam ultro sequitur, Pacta Tacita, quibus Jus Gentium Commune innititur, posse generis non unius esse. Nam Tacitum potest intelligi variis modis. Primo, quando venit in necessariam consequentiam Expressi: & hoc quidem habetur pro Expresso. Deinde Tacitum intelligitur, quod venit ex natura actus: idq; etiam habetur pro Expresso. Tertiò Tacitum intelligitur, quod inducitur ex Præsumptionibus. Denique etiam Tacitum potest intelligi, quod Facto demonstratur. Franc. Mantù, de tacit. & ambig. convent. lib. 1. tit. 5. n. 30. & 31. Postremi generis Tacitum quod attinet, illud tale perhibetur comparatè, quatenus illud Tacitum dici solet, quod verbis non est expressum. Nam absolutè si hoc Tacitum consideres, potius pro expresso habendum est. Quid enim interest, suffragio an facto Gentes suum consensum testentur? arg. l. 32. ff. de legib. Neque video, quid vetet, quò minus id, quod Jctus l. 2. ff. de pact. air, Pacta etiam Re fieri, tam de Consensu per Facta, quàm per Verba expressè significato interpretemur; licet ad hoc tantum mentem Jcti restringat Borcholt. comm. ad tit. de Pact. cap. 2. n. 2. Quod si quis Consensum factis testatum, medium inter Voluntatem Expressam & Tacitam cum So-

cino Jun. Cravetta, Salyceto, Curtio Jun. collocet, præfenti instituto non officiet. Tacitus enim ille Consensus existimatur, comparatione facta cum eo, qui verbis sit expressis significatus. Expressus vero putatur, quod ad effectum. Imò Pactum quandoque potest dici partim Tacitum, partim Expressum. *Mant. d. l. n. 31. & 34.* Et quamvis regulariter plus juris sit in Expresso, quàm Tacito; interdum tamen hoc isto potentius est, veluti cum Jus, vel Prudentia, conventionem ob temporis vetustatem aliasq; rationes præsumit. *Mant. d. l. n. 26. & 29.*

XXXVIII. Denique quando Jus Gentium omne Utilitatis gratia comparatum aut constitutum esse docui, hoc fortè nemo in dubium vocabit, modò illud omnibus persuaferim, Jus omne Arbitrarium hunc finem sibi habere propositum, ejusque speciem Jus Gentium esse. Sub Utilitate Necessitatem complector. Quò enim magis res quædam nobis sunt necessaria, eò magis iistanquam Utilibus, indigemus. *ἡ ἀνάγκη διδάσκει τῶν συμφερόντων*, *Necessitas utilium magistra*, inquit *Dionys. Halic. lib. 5.* Si quis vero præterea à me desideraverit, ut illas utilitates vel necessitates sigillatim exponam, præstabo quidem illud in præcipuis quibusdam & evidentioribus rebus: in omnibus ut id fiat, nec à quoquam plenè præstari, neque adeò rectè peti poterit. Nam, uti Cicero *lib. 2. de Invent.* ait, Quædam ex Utilitatis ratione etiam obscura in consuetudinem venerunt. *Add. l. 20. ff. de legg.* Transcundum ergo jam est ad specialia quædam capita, in quibus vim & effectus Juris legitimos Jus illud Gentium commune obtinuit. De his enim primò, deinde de Jure Gentium Proprio, eoque pertinentibus agemus, & post illa, sine omni-

omnino aliquod Jus Gentium, disputabimus. Hanc enim disputationem, nisi istis antè cognitis, feliciter haur aggre-  
di vel tractare poterimus.

XXXIX. Cum Improbilas hominum sit inexplebilis, 2. *Polit. 5. p. m. 91.* & maxima pars injustorum factorum, quæ spontè faciunt homines, ferme proficiscatur ab Ambitione & Avaritia, 2. *Polit. 7. p. 113.* nec solum homines propter res necessarias injurias inferant, sed etiam ut gaudeant, nec cupiditatibus & desideriis suis excrucientur; 2. *Polit. 5. p. 89.* hinc ferè Bella quoque exstiterunt olim, & nunc item moveri solent, ut si forum conscientia (Justitiam Internam passim appellat Grotius) & Juris Naturalis decreta consulas, Bella maximam partem injusta fuerint pronuntianda: qualia quidem ad Juris Interni regulam examinata à Latrociniiis nihil distant, arbitran-  
te ita piè rectèque Grotio *lib. 3. de I. B. P. cap. 10. n. 1.* Sunt tamen etiam quædam bella Justa; esse utique secundum nostram theoriam possunt. Ut vero ipsum Jus est duplex, Naturale & Arbitrarium; ita utrumque suam in Bellis auctoritatem habet. Hoc tamen non omne, sed quod Gentium Jus diximus.

XL. Jus Naturæ quod attinet, illud primò exigit Justitiam Causæ, quod iniquè in aliquo bono fueris læsus. Deinde, ut illa sit satis Gravis læsio. Si enim Prætor propter modicam summam extraordinarium Restitutionis in integrum remedium impertiri noluit, *l. 3. ff. de in int. restit. & l. 9. in fin. ff. de dol. mal.* multò minus Natura propter exiguam læsionem subsidiarium, idque præternaturale, remedium Belli indulgebit.

XLI. Præterquam quod Justam Bello causam subesse,

esse, etiam Necessariam esse oportet. Si enim satisfactio aut reparatio injuriæ offeratur, aut exacta ulla alia ratione placida haberi possit, abstinendum est à cruento illo subsidario remedio. Quàm religiosè veteres Feciales hoc observaverint, suprà vidimus, dolemusque vehementer, ab illa sanctitate gentilium tam longè Christianos abesse. *Νατιυρα humana seu rationalis nequaquam fertur ad bellum, nisi κατὰ δούλογον πλῆν, ut in Græcorum proverbio, sive per modum subsidii, id est, si pax & societas, ejusq. vinculum jus, aliter quàm bello servari aut obtineri nequit: sive ubi Bellum, unum & solum superest instrumentum socialis status jurisq. tractandi.* Bæcler. ad Grot. lib. 1. cap. 1. p. 178.

XLII. Porro Naturæ Jus requirit, ut Bellum ad debitum referatur finem, Pacem, inquam, quæ si nihil sit habitura injuriarum vel insidiarum, ambabus manibus prehendi, & bello semper præferri debet. *Bella gerimus, ut pace fruamur. Nemo enim expetit, vel ut bellum gerat belli inveniendi causa, vel ut ferere bellum liceat. Videretur enim esse planè quispiam sanguinarius, qui etiam amicis (hoc est, quibus amicis uti liceat bonis conditionibus) bellum faceret, ut pugna atque cades fierent,* inquit Aristoteles, 10. Nicom. 7. §. 21. seqq. Quantò majori igitur sollicitudine à Christianis Principibus vel tentanda sunt bella, vel fugienda potius, imò iusta & necessaria etiam quantocytus abrumpenda: quibus omnibus & singulis in re tam atroci suscipienda vel tractanda convenit esse Christianissimis, hoc est, Christi præceptorum, & inprimis Charitatis observantissimis?

XLIII. Denique vult Jus Naturæ, Bella etiam iustè geri, ut ad obtinendum eorum debitum finem, etiam à bel-

À belligerantibus debita media modique hoc jure saltem permitti deligantur. Ut autem evidentius constaret, quis belli gerendi modus, seu Justus, non solum Juri Naturæ probetur, sed & ex instituto talis reputari possit, placuit gentibus tacito pacto, usuque, certa belli jura arbitraria constituere, ad modum belli vel legitime capeffendi, vel gerendi, vel finiendi determinandum pertinentia. Atque ita intelligendum est, quod Hermogenianus dixit, Jure Gentium introducta esse bella. *Add. Grot. 1. de J. B. P. cap. 2. n. 4.* Interim protinus monemus, effectus Belli legitimos ex Jure Gentium prodeuntes, si ad limam Juris Naturalis explorentur, partim tales deprehendi, ut graviter deficient, & ab hoc injustitiæ damnentur. Quod quoties belligerantium quis prospicit, vel animadvertit; Jus illud Gentium Externum ad Juris Interni regulas pie revocabit, illiusque defectus hinc emendabit.

XLIV. Ut igitur Bellum ratione primordii, dum suscipitur, sit Jure Gentium legitimum, ejus autoritate & auspiciis ut suscipiatur necesse est, penes quem est το κράτος Reipublicæ, utpote cujus magna pars est Jus Belli. Tale Bellum, inquit Grot. *lib. 1. de J. B. P. cap. 3. n. 4.* dici solet *Justum*, putà ex Jure Gentium, & quod singulares inde Juris effectus consequatur; perinde ut Justum Testamentum codicillis, Justæ nuptiæ servili contubernio aut concubinatui opponuntur, putà, quod tale testamentum talesque nuptiæ peculiare quosdam effectus ex Jure civili Rom. habeant. Hoc modo Justum Bellum eidem Grotio rectè dicitur *Publicum*: quod quale sit ex Hostium definitione à JCtis tradita intelligi potest. *Hostes* sunt, quibus bellum publice Populus Romanus decrevit, vel ipsi Populo

est sententia, *Ea omnia, quæ sunt Juris Gentium, prius fuisse iuris tantum civilis, sed paulatim serpsisse, aut velociter transvolasse ad reliquas gentes & regiones.* lib. 2. *controv. illustr. cap. 54. §. 4.* Sed videtur Vasquius loqui de quasi, seu improprie dicto Jure Gentium, quod Bachovius, hanc Vasquii sententiam expendens, Jus Gentium Secundarium appellat, nova significatione, & ab ea, quàm suprà hoc nomine proposuimus, planè diversa. Sed cum hoc sit Jus Civile plurium gentium, nos autem de proprie dicto simus solliciti, hæcenus ad nostrum institutum nihil facit. Nectamen, uti paulò antè monui, improbabile est, cum idem Jus Civile pluribus gentibus propter eandem Utilitatis rationem placuerit divisè, & potuisse quoque inter illas conjunctim recipi per modum & vim Pacti, mutuam obligationem inducentis: quod Grotius rectè in Jure Gentium Communi proprieque dicto requirit lib. 2. de J. B. P. cap. 3. §. 5.

XXXIII. Vir Clarissimus Jo. Henr. Bœclerus de origine Juris Gentium ita disputat ad Grotii lib. 1. cap. 4. §. 14. p. 169. *Quærendum est: An illa multe gentes Pactione aliqua induxerint, atque sibi invicem commune fecerint tale jus: an vero per Imitationem ab una gente ad aliam, atque ita tandem ad multas jus istud pervenerit. Posterior modus, qui potest impedire, quin sit & maneat tale jus, plurium gentium Jus Civile? Prior modus, qui solus idoneus est ad faciendum Jus Gentium, à gentibus scilicet constitutum, quàm sit demonstratu arduum, idoneis locis attingetur. Aperta certe pactio vix apparebit: igitur ad tacitam confugiendum erit. Facile quisque videt, disputare illum de Jure Gentium Communi; nam Jus Gentium Proprium quod diximus, expressè*  
*etiam*



etiam pactis constitui, non puto unquam in dubium vocaturum fuisse. Si igitur originem Communis illius Juris Gentium inquiras, duo illi modi à Bœclero propositi, non separandi, sed conjungendi sunt. Imitatio enim cernitur in Usu vel Juris Gentium Proprii, vel plurium gentium Juris Civilis, cujus utriusque exemplum sibi habere potuit propositum, Pactio tacita cernitur & præsumitur ex eodem Usu paulatim inter diversas pluresque gentes, impellente magis magisque varia Utilitatis ratione, pro communi Juris vinculo recepto.

XXXIV, Richardus Zouchæus, J.Ctus Anglus, hac de re ita differit, *Element. Jurispr. part. 1. sect. 4. Jus Gentium est rectè agendi norma, quæ Gentium vel Hominum plerorumque judicio comprobatur: eaque vel Ratiocinatione, vel Moribus introducta est. Ratiocinatio est, quæ per discursum rationis quid sit Utile humano generi excogitavit. Mores Gentium sunt, qui, quid conveniens sit humano generi, Experientia communi comprobarunt.* Nihil hic distinctè, nihil accuratè demonstratur, quin omnia magis etiam confundi & intricari videas Juris Romani, quos subjicit, textibus, l. 1. §. 4. ff. de Just. & Jur. §. 2. v. *Jus autem gentium. Inst. de J. N. G. & C.* quibus Jus Naturæ & Gentium, uti suprà vidimus, in unum *κυκεῖν* conjicitur. Si igitur Usu & Moribus aliquid pluribus gentibus Utile ac Conveniens deprehenditur, & hujus finis obtinendi gratia universalis norma actionibus, tanquam Juris regula & Lex proponatur, hoc ipsum sine Ratiocinatione fieri nequit, sed necessum est, ut hanc ad rem suam opem commode Prudentia Nomothetica. Prudentia vero est habitus *μετὰ λόγῳ ἀληθῆς*, cum vera Ratione seu Ratiocinatione conjunctus, quo quis de iis, quæ ad be-

tur, colliguntur, ut sub ratione Utilitatis inventa & à gentibus approbata illarum Civitatibus profint. Hinc inter alia ita loquitur Mevius in suo *Prodromo Jurispr. gent. communis Inspect. s. n. 9.* *Ratiocinatio ex naturalibus dictatis intendit rectitudinem vite & morum, natura integra quàm maximè congruam. At quæ parit Gentium jus, ex necessitatibus & usu vite humana depravationi reddita obnoxia, colligit, quid pro securitate & usu hominum quàm maximè commodum & expeditum. Ut utrumque Jus discrepat sine & mediis, sic & quæ ad id constituendum atque poscendum tendit Ratiocinatio. Quod ad evitandam utriusque confusionem, & errorem, Jus Naturale Ratiocinationis confundentium, notari meretur. Hæc ille.*

XXXVI. Sed operæ pretium fuerit, etiam hac de re audire Albericum Gentilem: qui cum vulgares illas Juris Gentium descriptiones proposuisset, quod omni generi humano commune est, sequentia subjicit: *ista non sic sunt capienda, quasi convenerint unquam gentes omnes, & Jus istud constituerint. Non sic dicunt: Non necesse est, sic capere verbum, Omnes, ut de Omnium usu quum dicitur, etiam de omnibus omnino gentibus intelligatur, quæ numero innumera, regionibus immensum disjuncta, moribus prorsum discrepantes, linguis variis manerent incognita. Non te decipias J Ctus magnus Hugo Donellus, qui definitiones sic accipis & propterea improbat quoque. Sed quod successive placere Omnibus visum est, id totius orbis decretum & concilium fuisse existimetur. Et vero Jus non scriptum, ut hoc est, item ut Consuetudo, aliter non inducitur, lib. 1. de Jur. belli. cap. 1. p. 11. Sed non unum in hoc J Cto hic notandum est. Primò enim malè distinguit, imò potius confundit Jus Naturæ & Jus Gentium propriè dictum, ceu cuius integrum, textum perlustranti non*

non potest non esse manifestum. Deinde cum suprà demonstraverim, Jus omnium gentium non esse nisi Jus Naturæ, meritò pingues illas definitiones rejecit Donellus. Hactenus vero rectè sentit Albericus, cum gentes sint innumeræ, multùmquæ distractæ, succèssive gentes in sui Juris placita consensisse. Modum vero, quo suo consensu illa approbaverint, & inter se, receperint, eundem fuisse indicat, quem ego demonstravi, putà illorum usu frequentato, propagato, inveterato, & pro vinculo societatis inter gentes admissio; perinde sicuti usu diuturno paulatim Jus non scriptum Consuetudinis adstrui solet. Quem modum etiam multis explicat & confirmat verbis Mevius in suo *Prodr. Insp. s.* ubi etiam singularis quædam opinio legitur, quo pacto Jus hoc dicatur *Omnium Gentium*; non quod aut omnes gentes in illud consentiant; aut receperint, sed quod pro justitia, pace & salute omnes opus habeant, seu ad communem omnium utilitatem spectat. n. s. Sed sicuti de modo constituti Juris Gentium bene loquitur, ita hæc litem desiderare videntur.

XXXVII. Quæ de Jure Gentium in genere, ejusque primaria specie, quam Commune Jus Gentium vocavi, disserui, velini omnia commode dextreque accipiantur, neque verba capientur. Horum aucupia ut tantò magis evitem, quædam ex superioribus adhuc explicabo. Dixi de quibusdam Juris Gentium capitibus per Præsumptionem constare, quod inter liberas gentes consensu illarum sint recepta. Cum enim usu & consuetudine paulatim illa obligatio inducatur, non apertè nec uno momento promulgetur, sed sensim sine sensu invalescat, & quasi gliscat; primus certitudinis, quæ de illa obligatione coe-

pta

pta quamprimum haberi poterit, videtur quadam Præsumptione niti. At ubi Gentes suum consensum evidentiore indicio, & fortè Factis testantur, plenè certi sumus, obligationem inter illas plenè inductam esse. Quod si denuò arguteris, etiam ex Factis hujusmodi de Consensu & Pacto gentium per Præsumptionem nobis constitutum esse; non quidem adversabor, cum nemini non sit cognitum, Præsumptiones non unius esse generis, & harum alias minùs, alias magis, alias maximè nos certos reddere posse. Unde etiam ultrò sequitur, Pacta Tacita, quibus Jus Gentium Commune innititur, posse generis non unius esse. Nam Tacitum potest intelligi variis modis. Primo, quando venit in necessariam consequentiam Expressi: & hoc quidem habetur pro Expresso. Deinde Tacitum intelligitur, quod venit ex natura actus: idq. etiam habetur pro Expresso. Tertiò Tacitum intelligitur, quod inducitur ex Præsumptionibus. Denique etiam Tacitum potest intelligi, quod Facto demonstratur. Franc. Mantica. de tacit. & ambig. convent. lib. 1. tit. 5. n. 30. & 31. Postremi generis Tacitum quod attinet, illud tale perhibetur comparatè, quatenus illud Tacitum dici solet, quod verbis non est expressum. Nam absolute si hoc Tacitum consideres, potius pro expresso habendum est. Quid enim interest, suffragio an facto Gentes suum consensum testentur? arg. l. 32. ff. de legib. Neque video, quid veteret, quò minus id, quod Jctus l. 2. ff. de pact. ait, Pacta etiam Re fieri, tam de Consensu per Facta, quàm per Verba expressè significato interpretemur; licet ad hoc tantum mentem Jcti restringat Borcholt. comm. ad tit. de Pact. cap. 2. n. 2. Quod si quis Consensum factis testatum, medium inter Voluntatem Expressam & Tacitam cum So-

cino Jun. Cravetta, Salyceto, Curtio Jun. collocet, præfenti instituto non officiet. Tacitus enim ille Consensus existimatur, comparatione facta cum eo, qui verbis sit expressis significatus. Expressus vero putatur, quod ad effectum. Imò Pactum quandoque potest dici partim Tacitum, partim Expressum. *Mant. d. l. n. 31. & 34.* Et quamvis regulariter plus juris sit in Expresso, quàm Tacito; interdum tamen hoc isto potentius est, veluti cum Jus, vel Prudentia, conventionem ob temporis vetustatem aliasq; rationes præsumit. *Mant. d. l. n. 26. & 29.*

XXXVIII. Denique quando Jus Gentium omne Utilitatis gratia comparatum aut constitutum esse docui, hoc fortè nemo in dubium vocabit, modò illud omnibus persuaferim, Jus omne Arbitrarium hunc finem sibi habere propositum, ejusque speciem Jus Gentium esse. Sub Utilitate Necessitatem complector. Quò enim magis res quædam nobis sunt necessariae, eò magis iis tanquam Utilibus, indigemus. ἡ ἀνάγκη διδάσκει τῶν συμφερόντων, *Necessitas utilium magistra*, inquit *Dionys. Halic. lib. 5.* Si quis vero præterea à me desideraverit, ut illas utilitates vel necessitates sigillatim exponam, præstabo quidem illud in præcipuis quibusdam & evidentioribus rebus: in omnibus ut id fiat, nec à quoquam plenè præstari, neque adeò rectè peti poterit. Nam, uti Cicero *lib. 2. de Invent.* ait, Quædam ex Utilitatis ratione etiam obscura in consuetudinem venerunt. *Add. l. 20. ff. de legg.* Transeundum ergo jam est ad specialia quædam capita, in quibus vim & effectus Juris legitimos Jus illud Gentium commune obtinuit. De his enim primò, deinde de Jure Gentium Proprio, eoque pertinentibus agemus, & post illa, sitne omni-

omnino aliquod Jus Gentium, disputabimus. Hanc enim disputationem, nisi istis antè cognitis, feliciter haur agredi vel tractare poterimus.

XXXIX. Cum Improbitas hominum sit inexplebilis, 2. *Polit. 5. p. m. 91.* & maxima pars injustorum factorum, quæ spontè faciunt homines, ferme proficiscatur ab Ambitione & Avaritia, 2. *Polit. 7. p. 113.* nec solum homines propter res necessarias injurias inferant, sed etiam ut gaudeant, nec cupiditatibus & desideriis suis excrucientur; 2. *Polit. 5. p. 89.* hinc ferè Bella quoque exstiterunt olim, & nunc item moveri solent, ut si forum conscientia (Justitiam Internam passim appellat Grotius) & Juris Naturalis decreta consulas, Bella maximam partem injusta fuerint pronuntianda: qualia quidem ad Juris Interni regulam examinata à Latrociniiis nihil distant, arbitrate ita piè rectèque Grotio *lib. 3. de I. B. P. cap. 10. n. 1.* Sunt tamen etiam quædam bella Justa; esse utique secundum nostram theoriam possunt. Ut vero ipsum Jus est duplex, Naturale & Arbitrarium; ita utrumque suam in Bellis auctoritatem habet. Hoc tamen non omne, sed quod Gentium Jus diximus.

XL. Jus Naturæ quod attinet, illud primò exigit Justitiam Causæ, quod iniquè in aliquo bono fueris læsus. Deinde, ut illa sit satis Gravis læsio. Si enim Prætor propter modicam summam extraordinarium Restitutionis in integrum remedium impertiri noluit, *l. 3. ff. de in int. restit. & l. 9. in fin. ff. de dol. mal.* multò minus Natura propter exiguam læsionem subsidiarium, idque præternaturale, remedium Belli indulgebit.

XLI. Præterquam quod Justam Bello causam subesse,

esse, etiam Necessariam esse oportet. Si enim satisfactio aut reparatio injuriæ offeratur, aut exacta ulla alia ratione placida haberi possit, abstinendum est à cruento illo subsidiario remedio. Quàm religiose veteres Feciales hoc observaverint, suprà vidimus, dolemusque vehementer, ab illa sanctitate gentilium tam longè Christianos abesse. *Natura humana seu rationalis nequaquam fertur ad bellum, nisi κατὰ δεινὸν πλῆν, ut in Græcorum proverbio, sive per modum subsidij, id est, si pax & societas, ejusq; vinculum jus, aliter quàm bello servari aut obtineri nequit: sive ubi Bellum, unum & solum superest instrumentum socialis status jurisq; tuendi.* Bæcler. ad Gros. lib. 1. cap. 1. p. 178.

XLII. Porro Naturæ Jus requirit, ut Bellum ad debitum referatur finem, Pacem, inquam, quæ si nihil sit habitura injuriarum vel insidiarum, ambabus manibus prehendi, & bello semper præferri debet. *Bella gerimus, ut pace fruamur. Nemo enim expetit, vel ut bellum gerat belli inveniendo causa, vel ut ferere bellum liceat. Videretur enim esse planè quispiam sanguinarius, qui etiam amicis (hoc est, quibus amicis uti liceat bonis conditionibus) bellum faceret, ut pugna atque cades fierent, inquit Aristoteles, 10. Nicom. 7. §. 21. seqq.* Quantò majori igitur sollicitudine à Christianis Principibus vel tentanda sunt bella, vel fugienda potius, imò justa & necessaria etiam quantocyus abrumpenda: quibus omnibus & singulis in re tam atroci suscipienda vel tractanda convenit esse Christianissimis, hoc est, Christi præceptorum, & inprimis Charitatis observantissimis?

XLIII. Denique vult Jus Naturæ, Bella etiam justè geri, ut ad obtinendum eorum debitum finem, etiam à bel-

4 belligerantibus debita media modique hoc jure saltem permitti deligantur. Ut autem evidentius constaret, quis belli gerendi modus, seu Justus, non solum Juri Naturæ probetur, sed & ex instituto talis reputari possit, placuit gentibus tacito pacto, usuque, certa belli jura arbitraria constituere, ad modum belli vel legitime capeffendi, vel gerendi, vel finiendi determinandum pertinentia. Atque ita intelligendum est, quod Hermogenianus dixit, Jure Gentium introducta esse bella. *Add. Grot. 1. de J. B. P. cap. 2. n. 4.* Interim protinus monemus, effectus Belli legitimos ex Jure Gentium prodeuntes, si ad limam Juris Naturalis explorentur, partim tales deprehendi, ut graviter deficiant, & ab hoc injustitiæ damnentur. Quod quoties belligerantium quis prospicit, vel animadvertit; Jus illud Gentium Externum ad Juris Interni regulas pie revocabit, illiusque defectus hinc emendabit.

XLIV. Ut igitur Bellum ratione primordii, dum suscipitur, sit Jure Gentium legitimum, ejus autoritate & auspiciis ut suscipiatur necesse est, penes quem est τὸ κύριον Reipublicæ, utpote cujus magna pars est Jus Belli. Tale Bellum, inquit Grot. *lib. 1. de J. B. P. cap. 3. n. 4.* dici solet *Justum*, putà ex Jure Gentium, & quod singulares inde Juris effectus consequatur; perinde ut Justum Testamentum codicillis, Justæ nuptiæ servili contubernio aut concubinatiui opponuntur, putà, quod tale testamentum talesque nuptiæ peculiares quosdam effectus ex Jure civili Rom. habeant. Hoc modo Justum Bellum eidem Grotio rectè dicitur *Publicum*: quod quale sit ex Hostium definitione à JCtis tradita intelligi potest. *Hostes* sunt, quibus bellum publicè Populus Romanus decrevit, vel ipsi Populo



pulo Romano. Cæteri Latrunculi vel Prædones appellantur. *l. 24. ff. de capt. & postlim. l. 19. §. 2. & l. 21. §. 1. ff. eod. l. 118. ff. de V. S.* Idem si fiat in aliis Rebus publicis, ut auctore eo bellum moveatur, qui habet summum imperium, quod erat penes Populum aliquando Romanum, Bellum hoc erit Publicum, & Justum.

XLV. Nec tamen hoc sufficit, ut bellum secundum Jus Gentium perfectè Justum sit: sed tum demum, si ita à Majestate civili sit publicè decretum, ut ejus significatio ab altera partium alteri solenniter seu more recepto facta sit: quod fieri solet per solennem Promulgationem, Indictionem, Denuntiationem seu Clarigationem. Unde tale Bellum hoc modo susceptum & significatum Grotio appellatur *Solenne ex Jure Gentium*. Nec tamen hic intelligo Solennitates Indictioni adhibitas, ex moribus & institutis quibusdam populis peculiaribus, veluti ut id fiat per caduceum, sagmina, verbenas, hastam sanguineam, ejus in hosticum missionem, & cætera de genere hoc, quorum suprà mentionem feci; *sed ut certò constaret, non privato ausu, sed voluntate utriusque populi, aut populi capitium, geri bellum. Nam inde nati sunt effectus peculiares, qui neque in bello adversus prædones, neque in eo, quod Rex gerit in subditos, locum habet. Gros. lib. 3. de I. B. P. cap. 3. n. 11.*

XLVI. In ipso bello, quod secundum requisita Juris Gentium Justum est, mutuo hostibus illata læsio ac detrimentum est licitum, sive id in personis, sive rebus contingat, etiamsi id eveniat ei, qui justa causa nititur, aut ei, qui ultra modum naturaliter fortè concessum læsus fuerit. Huc spectat illud Poëtæ.

*Tum*

*Tum* (bello solenniter denunciato) *certare odiis, tum res rapuisse licebit.*

Ubi cumprimis notanda est homonymia ejus, quod *Licitum*, vel *Licere* dicimus. Quandoque enim id dicitur *Licium*, quod omnino cum Honesto convenit, sic ut ad idem sis obligatus. Nonnunquam *Licium* est, quod quidem rectum est, ut tamen aliud eò laudabilius fieri possit. Tertiò & id perhibetur *Licium*, quod est ἀδιάφορον, ita ut sine vitio æquè fieri aut non fieri possit. Denique *Licium* dicitur, quod quidem salva honestate & officiorum regulis fieri nequit, ut tamen apud homines habeat impunitatem, imò interdum præterea Judiciorum censeatur mereri præsidium. Jam vero in bellis varia eveniunt, quæ *Licita* sunt, vel saltem dicuntur, sed alia atque alia ratione. Hinc illa vox Marcelli apud Livium; *Quid quid in hostibus feci, Jus belli defendit.* In postremi generis *Licium* quadrat illud Lucani: *Jusq; datum sceleri.*

XLVII. Et si autem hoc *Licentia* jus uti Grotius appellat lib. 3. de I. B. P. cap. 4. n. 6. latè grassetur; nam & infantes & feminas occidere, & captos quovis tempore obtruncare, & dedere se volentes, non autem in fidem receptos, aut sine conditione deditos, interimere, hoc jure belli gentium externo licet; veritum tamen est jure gentium saltem meliorum, ne veneno hostem perimere, tela illo inficere, aut aquas corrumpere liceat. *Armis bella, non venenis geri debere*, apud Val. Maximum legitur lib. 3. cap. 8. *Toxico illitis telis qui in hostem utitur, hunc ferum infamare veneno*, dixit Silius. Jus vero Naturæ quod attinet, vix quidquam intererit, quem hoc jure interficere

re liceat, gladio an veneno hoc perpetretur, siquidem cætera sint paria. *Grot. d. c. 4.*

XLVIII. Multò magis hoc Jure Gentium licitum est, res hostium corrumpere, atque diripere. Plena sunt historiarum monumenta, muros fuisse subversos, oppida & castella solo æquata, sale illud conspersum, aratro hostili circumactum, domicilia, imò & fata fuisse exusta. Sed nec sacra loca, nec religiosa hoc mero gentium jure fuisse excepta confirmant *l. 36. ff. de religios. & l. 4. ff. de sepul. viol.* modò vim & injuriam à mortuorum corporibus hostes abstineant. Neque sola vi licet suas res hostibus eripere, rumpere aut perdere, sed & ad eam rem Do- lo uti, à quo ramen perfidia absit: alioqui ne hoc quidem gentium jure Bonus ille Dolus censetur. *Grot. 3. de J. B. P. cap. 1.*

XLIX. Præterea in bello Jure gentium solenni quid- quid rerum hosti eripitur aut occupatur, in dominium occupantis eodem jure transit, sic ut illud non solum ipsi, sed & iis, qui ab illo in ejusdem possessione titulum habent, sit à gentibus relinquendum, imò pro re nata judi- ciali præsidio adferendum. *ὁ γὰρ νόμος, ἐμολογία τῆς θείας, ὡς καὶ τῆς πλειμονος ἐτάμνα τῶν νεατέρων ἐνάς φασι.* Lex namq. consensus quidam est & pactum, in quo bello victa victorum esse affirmant; inquit Aristoteles 1. Polit. 4. pr. Quæ ex hostibus capiuntur, jure gentium statim capientium fiunt. *l. 5. §. ult. ff. de acquir. rer. dom. §. 17. Inst. de R. D.* Neque interest hætenus, hosti an subditis hostium res fuerint erepta. Sed & si illa hosti fuerint in bello erepta, quæ ille eodem jure antè aliis extorsit, non posse hos ista vindicare à victoribus, Jure gentium certum est. *Grot. lib. 3. de J. B. P. cap. 8.*

L. Tali

L. Tali bello qui sed edunt, aut servitutem promittunt, aut capiuntur, Jure gentium Servi victorum fiunt. Capti vero tunc censentur secundum Pomponium, ubi intra praesidia sua eos hostes perduxerint. *l. 5. §. 1. ff. de capt. & postlim.* Et qui in pace pervenerunt ad hostes, si bellum subito exarserit, victorum servi efficiuntur, apud quos jam hostes suo facto (Grotius legit *fato*) deprehenduntur. *l. 12. pr. cod.* Neque ipsi tantum servi fiunt, sed & qui in ea conditione nascuntur. *Jure gentium servi nostri sunt, qui ab hostibus capiuntur, aut qui ex ancillis nostris nascuntur;* inquit Marcianus *l. 5. §. 1. ff. de stat. homin.* Res item cum hoste capto adquiruntur domino, atque hoc quidem Jure quidvis penè impunè in servos fieri licet, nisi quatenus forte modum servitutis statuit lex civilis. Istud confirmat Cajus: *In potestate sunt servi dominorum: quæ quidem potestas Juri gentium est. Nam apud omnes peræque gentes animadvertere possumus, dominis in servos vitæ necisq. potestatem fuisse, & quodcumque per servum acquiritur, id domino acquiritur. l. 1. §. 1. ff. de his qui sui vel ali. iur. §. 1. Inst. cod.* Notat vero Grotius, Jus illud gentium circa captivos, nec semper receptum fuisse, nec apud gentes omnes. *lib. 3. de J. B. P. cap. 7. n. 8.* Apud Christianos vero hoc Jus gentium pridem exolevit, eademque humanitate Mahumetistas inter se uti, testes sunt Chalcocondylas *lib. 3.* Leunclavius *lib. 3. & 17.* Busbequius *epist. 3.* Adeoque erit hoc jam exemplum Juri gentium Communis minus latè patentis. Confer *th. 23. supra.*

LI. Quemadmodum singulos bello captos servitutem personalem subire oportet, ita finito victoriâ bello, vel pars civitatis, vel universa civitas subacta, in ditionem

Mm 3

& im-

& imperium victoris transit. Ariovistus Cæsari dicebat, jus esse belli, ut qui vicissent, quemadmodum vellent imperarent, populumque Romanum victis non ad alterius præscriptum, sed ad suum arbitrium imperare consuevisse. *Cæs. lib. 1. de bell. gall.* Et sicuti res, quæ singulorum fuerunt, jure belli cum personis adquiruntur, ita & res civitatis unà cum illa in potestatem victorum transeunt. *In sua enim potestate non videtur habere, qui non est sue potestatis, inquit Ulpianus l. 21. ff. ad l. Jul. de adult. l. 218. ff. de R. I. l. 54. §. ult. ff. de acq. rer. dom. Grot. lib. 3. de J. B. P. cap. 8.*

LII. Ut propter perpetrata facinora delinquentes puniantur, Juri Naturæ conveniens est. Ut vero vel puniatur facinorosus, vel dedatur, Juris Arbitrarii placitum est. Quod cum etiam inter gentes sit receptum, etiam hoc Juris gentium caput est. Si enim designato facinore in aliam civitatem delinquens profugerit, non licet illi civitati, ubi delictum est commissum, persequi delinquentem armata manu extra suam ditionem. Itaque illa gens, apud quam degit, qui culpæ est compertus, alterum facere debet, ut interpellata vel ipsa puniat nocentem, aut deditione facta cum arbitrio interpellantis permittat. *Ceterum jus hoc deponendi ad penas eos, qui extra territorium profugerunt, hoc & proximè actis seculis in plerisque Europa partibus circa ea demum crimina usurpatur, quæ statum publicum tangunt, aut quæ eximiam habent facinoris atrocitatem. Minora mutua dissimulatione transmitti invaluit, nisi fœderis legibus propius quiddam convenerit. Grot. 2. d. J. B. P. cap. 21. n. 5. Cato certè Cæsarem Germanis ob bellum injustè illatum dedi voluit.*

LIII. Quidquid vi fit adversus hostem, id omne per Indu-

Induciarum tempus fit contra Jus Gentium, ut in concione ad milites loquitur L. Æmilius apud Livium. Nam Induciæ sunt conventio, per quam bello manente ad tempus hostilibus actibus abstinendum est. Et quamvis nova indictione belli, ubi Induciarum dies exierit, opus non est, Feciales tamen apud Romanos aliud observasse, testis est Livius *lib. 4.* ut ostenderent, quanto opere à bello & bellicis actibus abhorrerent, & quod non nisi justis atque necessariis causis eò adducerentur. Quod si Induciæ petitz & concessæ fuerint propter causas speciatim expressas, reliqua speciali conventionione non comprehensa per Inducias illicita sunt. Si igitur obsessi sepeliendorum cadaverum gratia Inducias impetraverint, & interea fortè auxilia aut commeatum recipere studeant, hæc vero armis arceantur, nihil contra Induciarum pacta committitur. *Grot. lib. 3. de J. B. P. cap. 21.*

LIV. Jus quoque Postliminii Jure Gentium introductum est, etsi ex Jure civili Romano alii atque alii effectus ei accesserint: ceu videre est *ex tit. ff. de capt. & postlim.* Est vero Postliminium jus, quod nascitur ex reditu in limen, id est, fines publicos. *Grot. lib. 3. de J. B. P. cap. 9. n. 2.* Nec solum Postliminii jus locum habet, ubi in nostra præsidia fuerit reversus, qui ex nostris fuerit captus, sed & si ille, vel resejus generis, in quo Postliminium esse placuerat, pervenisset ad amicos nostros, aut ad regem socium, vel amicum, putà qui partes in bello easdem sequuntur. Nam apud eos, qui amici quidem sunt, sed non earundem partium, bello capti statum non mutant, nisi ex speciali pacto. *l. 5. §. 1. & l. 19. §. 3. ff. de capt. & postlim. Grot. d. c.*

LV. Perfrequens etiam fuit quondam fidei ac securitatis inter gentes confirmandæ modus, datis Obsidibus.

Atque

Atque hi non solum Mares dabantur, sed & Feminae. Ita nobilis Cloelia una cum aliis virginibus Porcennae, Etruscorum regi obfes à Romanis fuit data. Nec solum Obsides dati fuerunt adulti, qui ipsi consentire in illam obligationem possent, sed & pueri, infantes, ac pupili. *Grot. lib. 3. de J. B. P. cap. 4. n. 14.* Sive igitur Obsides ex sua se conventionem obligassent, sive ab aliis fuissent traditi, & fides fortè aut securitas, cujus gratia exhibiti fuerant, læsa fuisset, hoc jure gentium puniri & trucidari poterant. Hinc Divitiacus apud Cæsarem conqueritur *lib. 1. de bell. gall.* Ariovistum obsides nobilissimi cujusque liberos poscere, & in eos omnia exempla cruciatus edere, si qua res non ad nutum aut ad voluntatem ejus facta sit. Mox addit, si Ariovistus rescivisset, quæ Cæsari conquestus sit, non dubitare se, quin de omnibus obsidibus, qui apud eum sint, gravissimum supplicium sit sumpturus. A Thessalis occisi olim ducenti quinquaginta: à Romanis Volsci Aurunci ad trecentos. *Dion. Halicarn. lib. 16.* Quod vero Obsides apud Romanos testari nequiverint, *l. 11. ff. qui testam. fac. poss.* & quod illorum bona in fiscum sint cogenda, *l. 31. ff. de jur. hsc.* videtur Juris civilis Romani proprium esse. Cujus rescripti hanc rationem videtur habuisse Commodus, quod eodem loco habuerit obsides, atque captivos; cum tamen isti verè captivi non sint, *Alber. Gentil. l. 2. de Jur. bell. cap. 19.* Cur etiam iidem testari fuerint prohibiti, ab eodem ibi docetur. Quod si Obsides fugam moliantur, iidem Jure Gentium necari possunt, quod in securitatem dati illa ratione eam maximè ipsi lædere conantur. Sic Tarentini, qui fugere tentarunt, retracti Romam, virgis caesi, & de saxo dejecti. *Liv. lib. 25.* Hinc Edu-

Eduardus III. Angliæ Rex accusabat Gallum, quod contra jus fœderis receperit obsidem fugientem. *Polyd. Virgil. lib. 19. Hist. Anglic.* Si item Obsides fuissent ea conditione traditi, ut, si vel unus eorum fugisset, soluta esset omnibus fides, atque unus fortè fugerit, Jure Gentium reliqui morte possunt adfici. Id quod ab Atheniensibus factum esse memorat *Thucydides lib. 4.* Addatur *Albericus Gentilis d.l. Grotius lib. 3. de J. B. P. cap. 20. Jo. Schilteri dissertatio Juridica de Jure & Statu Obsidum.*

LVI. Enarravi hæc quædam capita, Juris effectum ex placito gentium habentia, quæ si ad stateram Juris Naturalis appensa examinentur, partim recta sunt, partim dura, partim injusta prorsus & inhumana. Itaque Jus Gentium novâ adhuc distinctione dividere licebit, in *Verum & Putativum*. Istud appello, quod Juri Naturæ non repugnat. Hoc, quod ei adversatur, & cui adeò Jus Naturæ contradicit. Postremi enim generis quæ sunt, habentur quidem pro justis, sed à Jure Naturæ injusta pronuntiantur: & licet in foro humano tales sanctiones vel conventiones dent licentiam & impunitatem, atque hæcenus ceu Justæ venditentur, cum tamen in foro conscientiæ à Jure Naturæ damnentur, intrinsecus spectatæ sunt sanè illarum Justa sæpe Injustissima. Unde non solum tale Jus Gentium Grotius Externum, sed & Dominium Externum passim appellat, quod militantes jure gentium in rebus bello iniquo captis adquirunt. Scilicet Jus Naturæ, utpote à Providentia divina profectum, semper est rectum: Arbitrarium vero non rarò deficit. Qua de re plura disserui *Disput. de Jure Arbitrario th. 6. seq.* quod in Jure Gentium bellico tantò facilius evenire potuit, quò magis a-



nimos Bellum, res asperissima, efferare solet. Unde etiam Aristoteles reprehendit Lacones, quod leges suas tantum non unice militari studio accommodaverint, civesque eorum laboribus bellicis ita induruerint, ut facti sint *θηώδεες*, *feri. 7. Polit. cap. 14. p. 486. & 8. Polit. cap. 4. pr.* Quod si quis à me requirat, ut sigillatim illa capita percrensem, quæ Juri Naturæ adversantur, delegabo Grotium, qui pro me satisfaciet. Ille enim hæc inhumana & iniqua Juris Gentium scita non solum mitigat temperatque, sed sapè enervat penitus & rescindit: ceu videre est ex illius *lib. 3. de I. B. P. capitibus 11. 12. 13. 14. 15. 16.* Quam quidem rem aggressurus graviter his verbis præfatur *lib. 3. de I. B. P. cap. 10. n. 1. Legenda mihi retro vestigia*, & eripienda bellum gerentibus penè omnia, quæ largitus videri possum, nec tamen largitus sum. Nam cum primum hanc Juris Gentium partem explicare sum aggressus, testatus sum, Juris esse, aut Licere, multa dici eo, quod impunè fiant, partim etiam quod Judicia coactiva suam illis auctoritatem accommodent, quæ tamen aut exorbitant à recti regula, sive illa in jure strictè dicto, sive in aliarum virtutum præcepto posita est, aut cerè omittantur sanctius, & cum majori apud bonos laude.

LVII. Quod attinet Jus Gentium Verum, quod verè obligat, ejus decreta partim sunt Dura & Rigida, ut tamen Jure Naturæ simpliciter non damnentur. De his accipienda esse videntur postrema ex Grotio jam allata verba, quod omittantur sanctius, & cum majori apud bonos laude. Cumque Equitas sit *ἐπιεικής* & *ἐπιεικὴς* *ἡ δὲ τοῦ δικαίου*, correctio juris legitimi, etiam illius in his Juris Gentium placitis ratio diligentissimè est habenda, sive illorum rigor sit relaxandus & mitigandus, sive quædam generalius con-

concepta sint restringenda. Istius temperamenti exempla plurima proponit Grotius citatis paulò antè capitibus. Restringendo Aequitas suum officium faciet cum in aliis Juris Gentium quibusdam conventionibus, tum imprimis, ubi Foedera interpretationem poscunt. *Nam quia multa sunt dubia interpretationis, patet semper perplexandi materia;* inquit L. Corn. Lentulus apud Appianum circa finem belli Punici secundi lib. 14. Grot. lib. 2. de I. B. P. cap. 16. num. 22. seqq.

LVIII. Humanissimum vero est illud Jus Gentium, quo Legatorum securitatem iis munire placuit. Unde passim scriptoribus *Sancti, Sacrosancti, Inviolabiles* illi dicuntur. Imò tam sancti habentur Legati, ut, qui illos læserit, non solum humanum sed & Divinum jus violasse dicatur. Cicero de Haruspicum responsis: *Sic sentio, jus Legatorum cum hominum presidio munitum, tum etiam divino jure esse vallatum.* Et Verrina 3. *Legatorum jus divino humanoque vallatum presidio, cujus tam sanctum & venerabile nomen esse debet, ut non modò inter sociorum jura, sed & hostium tela incolume versetur.* Nam apud Romanos jura Legationis, de quibus Feciales judicabant, ut suprà audivimus, procul dubio partem Juris sacri constituerunt. *Cujac. lib. 11. obs. 5.* Sed cum etiam Philippus in Epistola ad Athenienses, Plutarchus in vita Æmylii, & Josephus lib. 15. *hist. ant.* impium facinus esse dicant, lædere Legatos, hujus rei etiam aliam causam habuisse videntur, fortè quod sanctius & solennius ipsis fides securitatis nomine sit data, atque adeò religiosius etiam reventia divini Numinis, unde Obligationis necessitudo cum primis apta est, conservanda. Bene Pomponius ad Q. Mutium: *Si quis legatum hostium*  
 N n 2 *pul-*

pulsasset, contra ius gentium id commissum esse existimatur, quia sancti habentur Legati. Et ideo si cum Legati apud nos essent gentis alicujus, bellum cum eis indictum sit, liberos eos manere; id enim Juri gentium conveniens esse. Itaque eum qui Legatum pulsasset, *Q. Mutius dedit hostibus, quorum erant legati, solitus est respondere. l. ult. ff. de legation.* Ulpianus Lege Julia de Vi Publica eum teneri ait, qui legatos, oratores, comitesve eorum pulsasset, aut injuriam iis fecisse arguetur. *l. 7. ff. ad l. Jul. de vi publ.*

LIX. Et si vero Legatorum, qui etiam Oratores Nuntii, Interpretes dicuntur, appellatio sit generalis, & vulgari loquendi consuetudine illa extendi soleat; quod tamen Jus Gentium attinet, hujus non perinde participes sunt illi, qui quidem vulgo Legati dicuntur, cum tamen secundum significationem maximè propriam non sint; sed iis tantum, vel certè præcipuè, quicunque invicem ab iis mittuntur, penes quos utrinque est τοῦ ξένου Rei-publicæ. Hinc ita docet Grotius: *Qualecunque est hoc Jus Gentium, ad eos Legatos pertinet, quos mittunt, qui summi imperii sunt compotes inter se. Nam qui extra hos legati sunt provinciales, municipales atque alii, non Jure Gentium, quod inter gentes est diversas, sed jure civili reguntur. lib. 2. de I. B. P. cap. 18. n. 2.* Qui ergo rectius vulgo in his sapiunt, solent illos, qui à minoris auctoritatis & conditionis Principe ad majorem destinantur Agentes seu Residentes, magnarum civitatum nuntios, Commissarios, Deputatos & Syndicos appellare. *Peregr. ad tit. C. de legat. n. 1. & 17.* Cæterum in hujusmodi appellationibus Usus sæpiusculè quid mutat, & felicius ferè hoc Legatorum discrimen jam lingua Gallica aut Italica exprimitur. Videantur Carolus Pascha-

lius,

lius, Fridericus à Marselaer, alique, qui de Legatis scripserunt. Illud quoque ex usu cujusque gentis vel civitatis erit dijudicandum, quod *Perezi, ad d. t. n. 17.* testatur, magnarum civitatum legatos habere pleraque jura & privilegia cum Legatis Principum communia.

LX. Cum ergo Legati, κατ' ἐξοχήν ita dicti, mittantur ab iis, & ad eos, penes quos est summa Reipublicæ potestas, seu Majestas civilis, atque illa hos mittendi facultas hujus quædam pars sit, usu nostri temporis illi solent duplicis generis constitui, Ordinarii & Extraordinarii. Isti sunt, qui aulis & consiliis eorum, ad quos mittuntur, incubant, donec ab eo, qui misit, revocentur. Extraordinariorum major est dignitas, qui temporarias legationes subeunt, vel officii, vel negotii, vel honoris gratia: ceu hos fines distinguit *Perezi, ad C. d. t. n. 2.* Negotiorum & Honoris varix possunt esse causæ. Legationem propter officium esse ait, si ad aliquid faciendum vel præstatidum sit obligatus, qui misit: qualis est Hispaniarum Regis ad Pontificem recens creatum legatio, ratione regnorum Siciliæ & Neapolitani, *Guicciard. lib. 7.*

LXI. Ad Hostes qui mittuntur, olim *Feciales*, & *Caduceatores*, nunc *Heraldi* dici consueverunt. De Fecialibus plura suprâ allata sunt. Caduceatores dicuntur legati pacem petentes, à caduceo, quem manu gestabant, & Græci κηρύκειον appellant. *Festus lib. 3. Suid. in v. κηρύκειον. Pollux lib. 8. Onomast. Gell. lib. 10. cap. 27.* Erat enim Caduceus, Mercurii virga, per quam ostendebatur Deus ille medius, sequesterque belli pacisque inter disidentes esse. Ad hanc similitudinem Oratores de pace virgam in manu gestabant, per quam sancti, intacti, inviolabiles etiam

ab hostibus ipsis habebantur. *Plin. lib. 29. cap. 3. Franc. Patrie. de regno & regis instit. Lib. 1. tit. 6.* Præter Caduceum etiam sagmina & verbenas gestare solebant, securitatis debitorum symbola: de quibus etiam exstat *l. 8. §. 1. ff. de res. divis.* Ad quam annotat Guil. Budæus *fol. 44. & 45. sequentia: Nosstrates, inquit, Caduceatores spintere hodie utuntur, quæ Armilla etiam dici potest, Blasonum lingua vernacula vocant. In præliis autem utuntur paludamento, quod eos velamentum sacrosanctos facit, id est, ab omni violentia tutos: vulgo Costa armorum vocatur.* Idem confirmat P. Greg. Thales. *syntag. jur. lib. 19. cap. 2. & l. 33. cap. 14.* Hinc apud Sleidanum *lib. 15.* legitur, quod à Francisco Galliarum Rege ad Carolum V. Imp. missus fuerit Fecialis, indutus veste solenni, sicut fieri consuevit. *Add. Herm. Kirchner. de jur. offic. & dignit. Legat. lib. 1. cap. 7. n. 64.* Ubi etiam explicat, quid sint Heraldus vel Heroldus: qui sunt exercitui gratiosi & accepti, rejecta Ænæ Sylviæ etymologia, qui *epist. 126.* ab Heroë hujus vocis originem ineptè arcescit. Meretur etiam de hac voce legi Vossius *de vit. sermon. lib. 2. cap. 9. p. 229.* Ab his, de quibus locuti sumus Heraldus planè sunt diversi, quorum meminit Wigulejus Hundius in *Genealog. Bavar.*

LXII. Jura Gentium circa Legationem sancita, ad duo summa capita pertinent, putà, ut admittantur, & ne violentur admissi. Utraque vero sanctio suas quasdam habet exceptiones. Non enim omnes admitti sine discrimine Jus Gentium præcipit, sed ne qui temere & sine satis gravi causa rejiciantur. Causa vero repudiandi Legatos justa potest esse non una. Vel enim aliquid desideratur in eo, qui misit, vel eo, qui missus est, vel in causa, pro-

sa, propter quam missus est. Quæ cum singula sufficere queant ad rejiciendos legatos, multò magis plura conjunctim id efficere poterunt. Exempla, quibus hæc illustrentur, legere est apud Grotium *lib. 2. de J. B. P. cap. 18. num. 3.*

LXIII. Ferè enim Legati mittuntur, vel ut ineatur amicitia, vel ut inita certis officiis declaratur, aut conservetur, vel ut extincta reparetur. Ferè inquam; nam alias, & quidem diversas causas non penitus excludo. Si quis igitur sciens eo utatur legato, qui sit exosus illi, ad quem mittitur, fueritque illi fortè aut Reip. infestus, is certè repudiari potest, quod natura amicitiae non patitur, ut ejus interpres sit homo suo merito exosus. Quod si ipse mittens legationem quidem sub specie officii aut amicitiae adornet, non seriò autem eum remagere gravis suspicio sit, quin potius ut vires, copias & consilia exploret, vel corrumperet, perniciosam temporis dilationem quærat, vel si bellum tam crudeliter sit gestum, ut de honesta pace spes nulla supersit, cæteris tunc paribus, Legati possunt non admitti; quippe ista omnia Amicitiae, quæ sincerè colenda, non fucò tingenda est, repugnant. *Peregr. ad C. d. t. n. 8.*

LXIV. Quin & pro Jure Gentium nonnunquam inter liberos populos Principesque observatur, ut antè explorandum sit, an legatos admissura sit Respublica, ad quam ituri sunt: aut ut ditioni illius Reip. vicini subsistant, donec exploraverint, an se sit admissura, aut etiam satis pro dignitate ejus, qui misit, exceptura. Quod si negligatur, sæpe illa Respublica, ad quam legatio adornatur, legatos in limine ditionis, antequam illam ingrediantur, com-

commorari & subsistere jubet, ut causa omnis cognosci antè, & si decreta fuerit admissio, pro dignitate excipi, comitesq; legatis adjungi possint. Aliquando temere ditionem ingressos regredi, aut planè ea excedere Respublica, ad quam iter adfectant legati, jubentur. Carolus V. Imp. Legatos Galliarum Regis, Venerorum & Florentinorum, ad bellum sibi indicendum missos deduci jussisse in locum, qui à comitatu suo abesset triginta milliaria, referunt Guicciardinus *lib. 19.* & Bellajus *lib. 3.*

LXV. Memorabile cum primis est exemplum à Ptolemæo missi, & à Lysimacho rejecti legati, Theodori, qui *ἀθεῖς* cognominabatur. Quo enim modo cum illo sincerum consilium, pacta inire, fidem ei dare, aut accipere ab eo cum effectu possis, qui supremum fidei & societatum arbitrum ac hospitalem ejeravit? Ex hac causa, non solum Jure Gentium, sed & Jure Naturæ tales legatos rejicere licet. Atheismus enim qui profitetur, fidei omnis, & societatis, & ordinis, & juris divini humanique contemptorem & everforem se profitetur, qui inter homines ne quidem tolerandus est, nedum ut aptus sit, qui Reipublicæ alteri aut se aut ipsam Rempublicam suam obligare idoneè queat, alterumve, cum quo ipsi negotiū sit, satis securum reddere. Cum vero Atheismus tantopere inter homines jam invaluerit, ut ne quidem latere cupiat, sed majores subinde vires adquirat, parumq; absit, quin gigantum malefano exemplo cælum ipsum huic addicti fratres rescindant, si pacta, foedera, amicitiae in perpetuum quidem conceptæ, vix sint solstitiales, atque hoc restibile vinerum, deficiente fide, quotannis, aut etiam sæpius eodem anno sit repastinandum; opus est vel maximè cum  
ad hanc,

ad hanc, tum ad rem omnem civilem rectè constituen-  
dam & administrandam iis hominibus & Ministris, qui ve-  
ram prudentiam, non simulatam adfectant: à quo lon-  
gissimè abfunt, qui optimo Politicorum vocabulo, sed sen-  
su pessimo insigniri superiori seculo coeperunt. *Thuan. lib.*  
*44. histor. Conring. de civ. prud. cap. 2. pr.*

LXVI. Denique hoc membrum quod attinet, non  
prætermittendum est, quod in assiduæ legationibus no-  
tavit post Albericum Gentilem Perezius ad d. 1. C. n. 2. &  
Grotius d. c. n. 3. in f. his verbis: *Optimo autem jure rejici*  
*possunt, quæ nunc in usu sunt legationes assiduæ, quibus quàm*  
*non sit opus, docet mos antiquus, cui illa ignorata.* Et si autem  
non sint necessariæ hæ legationes, eo ipso tamen quod  
usu gentium invaluerint, quo hujus Juris Gentium au-  
toritas nititur, sequitur, non posse ejus Principis legatum  
ab eo rejici, eò quod velit esse assiduus legatus, siquidem  
ipse suum assiduum legatum in istius Principis fede aut  
urbe regia habeat, ibique tutò ille & pro dignitate degat.  
Quod si utrinque aliud convenerit, aut placuerit, aut  
alia quædam gravior causa & ratio emerferit, pro re nata  
erit pronuntiandum. Sanè si vel voti vel consilii hæc res  
esset, præstaret morem hunc perniciosè receptum abro-  
gare. Nam veritatem adagii Gallici, assiduum legatum  
esse sine crimine proditorem, nimis multa exempla com-  
probant.

LXVII. Transeo ad alterum caput, quæ Jure gen-  
tium Securitas Legatis debeat: de qua non idem omnes  
sentiunt. Putant enim nonnulli, Legatos debere ita esse  
securos, ut non patiantur vim injustam, non autem ne  
patiantur vim judicalem. Posterius qui negant, & Lega-



torum securitatem ampliozem esse volunt, distinguunt inter crimen læsæ Majestatis, & reliqua omnia, putantque, propter istud puniri legatum posse, non item propter hæc. Perezius *d. l. n. 19.* existimat, in delictis nullam dari fori præscriptionem, sed unumquemque ubi deliquerit, & reperiatur, conveniri ratione pœnæ, cui se delinquendo obnoxium reddiderit, posse, *l. 20. ff. de judic.* Neque ab accusatione immunes legatos præstari muneris sui dignitate, ut quam reatu excluderint. *l. un. C. ubi senat. vel clariss. l. 12. C. de dignit.* ne beneficium ipsis tributum cedat in detrimentum ejus Reip. ad quam missi fuerint. Sed rectius post alios Grotium sentire arbitror, si Legati ab injusta vi tantum tuti sint, nihil in eo magni aut præcipui esse. Cum vero Legatorum munus non tantum sit utile, sed sæpe summè necessarium, utique gentes majorem iis ac præcipuam quandam securitatem tribuere voluisse videntur: id quod Grotius confirmat partim illarum voluntate expressa, partim præsumpta. Et licet Juris Naturalis autoritas sit maxima, neque temerè delicta, quibus illud violatur, debeant esse impunita, non tamen necessum est, neque conditioni Legatorum ex Jure gentium convenit, ut puniantur illi ab ea Republica, ubi deliquerint, sed possunt remitti ad suum dominum cum elogio, postulata ab eo vindicta, vel deditione. Nam securitas legatorum utilitati, quæ ex pœna est, præponderat, inquit bene Grotius *d. cap. n. 4.*

LXVIII. Sed neque tunc ad pœnam properandum est, ubi Legati fortè quid contra Rempublicam, ad quam missi, fuerint moliti. Hinc Livius de Legatis Tarquinii, qui proditionem Romæ concitaverant, ait: *Quamquam*  
*vise*

*visi sunt commisisse, ut hostium loco essent, Jus tamen Gentium valuit.* Sed sicuti alia Jura Arbitraria sæpe exceptionem necessitatis admittunt, ita & hoc, puta, ut si imminenti periculo, quod Reipublicæ concitaverit Legatus, aliter obviam iri nequeat, retineri, interrogari, ac pro re nata etiam occidi queat. Postremum ubi venerit, vult Grotius, qui valde circumspicere hoc argumentum tractat, id fieri non per modum pœnæ, sed naturalis defensionis.

LXIX. Hæc ergo Securitas debetur Legatis ab illa Republica, ad quam fuerunt missi, modò illi ab ea antè sint admissi; tunc enim ex Jure Gentium per tacitam conventionem est obligata. At ubi denuntiatur Reipublicæ missuræ legatos, ne hi mittantur, alioqui eos pro hostibus fore, tum si contra quid factum fuerit, pro re nata expelli, vinciri, imò & interimi possunt. Nec enim hæc securitatis lex ad eos pertinet, qui non accepta venia fines Reipublicæ transeunt, ituri ad ejus hostes, aut ab iis venientes, aut hostilia molientes. Ita Hispani Galliarum regis legatos ad Turcam destinatos, in Pado captos occiderunt. *Parut. lib. 2.* De Flandriæ civitatum legatis à Maximiliano I. Imp. captis videri potest Cranzii Saxoniam *lib. 12. cap. 33.* Ex veteri autem historia congesta legere licet apud Grotium *d. c. n. 5.* Ubi igitur admissa fuerit legatio, non solum apud inimicos, sed & apud hostes ex Jure Gentium Legati præsidium habent. *Nam in bello plurima incidunt negotia, quæ nisi per legatos transigi non possunt, & ipsa pax vix est ut aliter coëat,* inquit Grotius *d. c. n. 6.*

LXX. Atque hinc credo in bello etiam novum illud inter gentes jus existisse, ut securitas tribuatur Tubicini-  
 bus: qui ulro citroque missi, & internuntii belligeran-

tium esse solent. Sanè cum videantur veterum caduceatorum vicem & munus obire, quibus in bello pacem esse dixit Diodorus Siculus, non repugnabo, si quis hoc antiquum gentium jus, ad Tubicines fortè extensum, dicere malit. Jo. Sleidanus, cum *lib. 17. Comment. exposuisset*, in quam sententiam clarigatio, literis concepta, Carolo V. fuerit à foederatis denunciata, hæc subjicit: *Hanc epistolam per adolescentem quendam nobilem atque tubicinem, uti fieri solet, ad Cæsarem mittunt in castra prope Lantishutum. Cæsar quamvis indignè hoc tulit, neque epistolam accepit, incolumes tamen atque illæsos dimisit, etiamsi ab iis venissent, qui Cæsaris judicio rebelles, adeoque jure gentium veri hostes non essent.*

LXXI. Professus suprà sum, non solùm Legatos, sed & eorum comites esse inviolabiles. *l. 7. ff. ad l. Jul. de vi publ.* Sed & hoc producitur ad vasa & supellectilem Legatorum, uti ex antiquis Fecialium carminibus cognovimus. De his ita pronunciat Grotius *d. cap. n. 8.* *Hæc sancta sunt accessione, & proinde quatenus legato videtur.* Nam lex gentium disertè & primario ipsis Legatis prospicere voluit. Sed cum hi non possint esse sine ministris & comitibus, quò omnia respondeant & dignitati mittentis, & ejus, ad quem mittitur, hinc quoque his Securitas debetur, quatenus Legatorum partes sunt, & instrumenta, & quatenus usus sit iis, ut aliorum major, aliorum minor sit dignitas vel conditio, adeoque in quibusdam faciliùs & graviùs læsio contingere queat, quàm in reliquis. Quod si illi comites gravius quid deliquerint, postulari eorum deditio à Legatis poterit, quam si is facere detre-

cter,

cter, debitamve satisfactionem denegat, eo, quo antè dictum est, modo cum ipso est agendum.

LXXII. Quod si hoc Jus gentium in Legatis fuisset læsum, sæpissime bello illam injuriam vindicatam esse legimus, cujus exempla historię tam sacrę quàm civilis monumenta larga manu suppeditant. Eorum quædam indicat Grotius *d.c.n. ult.* & in suis ibi Annotatis plura admetitur. Pertinet huic illud Quintiliani: *Si civis pulsatus est, actio injuriarum est: si magistratus, majestatis: si Legatus, bello & jure gentium agitur.* Non autem placet Talionis hac in causa jus, quod à nonnullis probatum & exercitum esse novimus, videlicet ut legatus ab eo veniens, qui malè habuerit legatum, pari modo vicissim tractetur. Jus enim Gentium non solum mittentis dignitati, sed & ejus, qui mittitur, securitati prospicere ac cavere voluit. Hactenus de Jure Gentium Communi, ejusque capitibus quibusdam pro instituti nostri ratione disseruimus.

LXXIII. Nunc ergo dicendum est de Jure Gentium Proprio, quod expressis ferè pactis inter gentes certo numero definitas constitui nitique suprà adfirmavi: cujus obligatio uti illas invicem obstringit, qui definitè suæ utilitati peculiaris hæc placita condiderunt, ita hoc Jus Gentium Proprium nec extendi solet aut potest ad alias gentes, veluti Jus Gentium Commune. Ferè, inquam, expressis pactis hoc Jus Gentium Proprium niti dixi. Neque enim impossibile, aut inusitatum videri cuiquam debet, si inter paucas, & fortè duas gentes consuetudine, adeoque pacto tacito, aliquando Jus aliquod gentium peculiare introductum dicatur. Nam non raro supplices, & qui se dedidissent, occisos, & hanc atrocitatem Jure gentium com-

inuni defensionem fuisse legimus. *Grot. 3. de J. B. P. cap. 4. n. 10. 11. 12.* Certè Romanorum mos ille pendè fuit perpetuus, ut hostium duces militesque capti aut dediti triumphi die occiderentur. In Græcia, cujus fuere gentes Rebus publicis diversis distinctæ, consuetudine meliori Jus gentium circa deditos & supplices Proprium videtur esse inductum. Nam Arrianus in deditos editam à Thebanis stragem, ait fuisse non Græci moris, *ἢ ἡ ἑλληνικὴ σφαγή.* Ac similiter Thucydides *lib. 3.* de his loquens ait, *Mos Græcorum est, tales non interficere.* Idem confirmant Diodorus Siculus, Sopater, & alii.

LXXIV. Velim autem diligenter hic notetur, quod cum juris Gentium Communis placita magnam partem sint dura, aspera & rigida, Jure Gentium Proprio illa asperitas more vel pactis expressis mitigari, aut iniquitas omnis tolli non solum possit, sed & in nonnullis capitibus mitigata aut sublata sit, cum primis quarum mores religionis Christianæ disciplina emollivit, & charitatis regulas iis commendavit. Vide supra *th. 50.*

LXXV. Pacta illa seu placita Juris Gentium Proprii Ulpiano dicuntur *Conventiones publica. l. 5. ff. de pact.* Mox ita pergit: *Publica conventio est, quæ fit per pacem, quotiens inter se duces belli quadam paciscuntur.* Grotius Publicas Conventiones dividit in Fœdera, Sponsiones & pactiones tales alias. *lib. 2. de J. B. P. cap. 15. n. 2.* Cæterum cum Sponsio sit, quæ quidem concipitur de re ad Rem publicam pertinente, ab his autem, qui à potestate summa neque mandatum neque auctoritatem ejus rei habent, illam à Jure Gentium excludimus. Nam licet aliquando hujusmodi Sponsiones à Republica post ratæ habeantur, atque hinc soli-

solidum juris effectum consequantur? desinunt tamen hoc ipso Sponsiones esse, atque in aliud nomen transeunt. Neque enim tam hic spectandum est, an de publica re vel causa, quàm an autoritate ipsius Reip. sit conventio concepta; hæc enim demum propriè est Conventio publica: quæ de re plura commentatus sum ad d. c. Grotii.

LXXVI. Publicæ hæ conventiones modò latius patient, modò inter perpaucas & fortè duas gentes sunt constitutæ: ut adeò *Jus Gentium Proprium* hinc possit subdividi in *latius patens*, & *illo arctius*. Illud est, quò satis multæ gentes, hoc, quo paucæ admodum pactis ad definitum usum comparatis confociatæ mutuò obligantur. Hujus arctioris uti exempla sunt obvia passim, ita nec latius patientis defunt. Cum enim publica conventio sit, quæ sit per pacem, secundum Ulpianum, talis conventionis luculentum exhibet exemplum Germania suo Instrumento pacis, cujus obligatio latè paret, & non solum ad Ordines Germaniæ, sed & præcipuas Europæ gentes pertinet, suoque vinculo eas continet. Si quoque illa pacificatio, quæ jam Noviomagi sub incude est, felicem exitum habitura est, plures certè gentes, Respublicas & Principes ejus obligatione seu jure comprehendentur. Sed & hic verba captari nolim. Etsi enim *Jus Gentium Commune*, & *Proprium*, in easdem species divisisse videamur; est tamen utriusque divisionis magna differentia. Juris enim Gentium Communis ea est natura, ut ejus placita pluribus quidem gentibus utilitatem adferant, non tamen ad singularum Rempublicam restrictam, sed quæ propter communem utilitatem à plurimis vel omnibus saltem moratioribus recepta sint, aut vero recipi ea conducat. Jus vero

Gen.

Gentium Proprium est ferè talè, ut vel duæ vel plures gentes mutuò quidem obligentur, sed ad diversas res aut præstationes, communi quidem consilio & pactione conveniunt, sed ad usum proprium vel singularum vel paucarum gentium determinatas. Deinde quando Multas gentes dico, vel illud absolutè, vel comparatè intelligi potest. Prior acceptio in Jure gentium Communi, posterior in Proprio potissimùm locum habet. Exemplis quidem res omnis fieri posset illustrior; sed in scirpo nodus non est quærendus.

LXXVII. Caterum ex usu Gentium cum primis hodierno conventio publica Pacis possit constitui duplex, una Principalis, altera Accessoria. Ista est, quæ spectat ipsum finem principalem, Pacem, quatenus illa ad quamque pro modo conventionis pertinet. Accessoria conventio publica est, quando evictio, securitas ac patrocinium singulis gentibus pacificatione comprehensis à reliquis promittitur, ratione eorum, quæ cuique ex conventionione publica debentur. Hanc Accessoriam conventionem solent veteri Francorum vocabulo *Guarantiam*, atque ita auctoritatem suam alteri accommodare, seu patrocinio suo alterum tueri, *Guarentare*, *Guarentilare*, vel *Guarentizare*, dicere. Vide Vossium *lib. 2. de vit. serm. cap. 20. p. m. 334. & cap. 23. p. 350. Lindenbr. ad Cod. LL. Antiq. in v. Warentem*. Ejusmodi Guarantia placuit etiam muniri Instrumentum Pacis, de quo dixi. *vid. ejus Artic. 17. §. Pax vero conclusa, cum seq.* Quod præsidium quàm sit sæpe lubricum, experientia satis testatur, idque pluribus hic ostendere nil attinet. Sed & ille mos hodie non est infrequens, ut ejusmodi Guarantiam promittant Respublicæ, arbi-

arbitræ pacis delectæ, licet ipsius pacis conditiones aliâs ad illas vel omnino non, vel saltem principaliter non pertineant.

LXXVIII. Sed inter Gentes publicarum conventionum notissimæ & frequentissimæ sunt *Fœdera*, quæ auctoritate, voluntate aut jussu summæ potestatis civilis fiunt, sic, ut si iis non stetur, tota Respublica vindictæ divinæ humanæque se obnoxiam reddat. Hæc vero vel sunt *Æqualia*, vel *Inæqualia*. De utrisque Grotius *lib. 2. de J. B. P. c. 15.* Utrorumque possunt & solent diversi esse fines. Vel enim fiunt pacis causa: de quibus dixi. Vel societatis bellicæ gratia, eaque tendunt vel ad *ἑπαιχίαν* tantum, ad tuendos fortè fines duntaxat, aut ut auxilia promittantur ad certum bellum, aut in certos hostes: vel etiam tendunt ad *ἑπαιχίαν*, quando auxilia promittuntur ad quodvis bellum, contra quemvis hostem, hoc est, secundum Thucydidem, τὰς αὐτὰς ἐχθρὰς καὶ φίλους νομίζειν, eosdem hostes & amicos habere. Tale quondam fuit fœdus Achaicum: de quo Polybius. Tali fœdere sunt consociati Pagi Helvetici, & Belgii fœderati provinciæ: quæ licet unam videantur civitatem præferre propter vim fœderis, sunt tamen distinctæ civitates: cui rei demonstrandæ genuina principia suppeditat Aristoteles *3. Polit. o. p. 169.* & Grotius *de Antiquitate Reip. Batav.* Præterea Fœdera etiam iniri solent Commerciorum causa, ut illa tutius, aut majori emolumento frequentari possint: quale inter Tyrrenos & Carthaginienses olim fuisse, eodem *cap. 6. lib. 3. Polit. p. 167.* memoratur. Quin & plures fines fœdera pacturi sibi habent propositos, quod usus satis confirmat, & quoque citato loco testatur Aristoteles, de Carthaginiensibus & Tyr-



rhenis referens, quod non solum commerciòrum, sed & ~~omnium~~ gratia fœdus constitutum habuerint.

LXXIX. Cum vero in moralibus latius pateat Officii quàm juris nomen, & saltem non semper utriusque sit eadem autoritas & necessitudo; etiam Jure Gentium recepta esse videmus quædam Officia, quæ in excipiendis, dimittendis, tractandis, ditionem alienam transeuntibus, castellum aliquod prætereuntibus, aut nostro comitatu deducendis legatis, magna sedulitate ab istarum rerum peritis observari solent. Atque hæc omnia ex instituto gentium descendere certum est. Huc pertinent illa Xenia & Lautia, que Legatis dari vel offerri solent, pisces, avena, vinum honorarium, uti Cato ait, & si quæ sunt ejus generis alia. *l. 18. §. 12. ff. de muner. & honor. l. 2. in f. ff. de legatione.* Ejusdem generis esse videtur, quod Thuanus memorat *lib. 57.* Caroli IX. Galliarum Regis exsequias à plerisque Europæis Principibus, & quoque Londini ab Elisabetha Angliarum Regina fuisse celebratas. Atque hæc sunt Juris Gentium genuina & præcipua capita, de quibus strictim dicere volui, quod fusè ab aliis, & nonnulla justis voluminibus sint tradita, atque hæc præsentì instituto sufficiant.

LXXX. Ne tamen in crimen immeritò vocer, ac si ea, quæ ad Jus Gentium quàm maximè pertinere videntur, neglexerim, aut præterierim: aut illorum expectationi desim, qui *Hugonis de Roy* libellum, *De eo, quod justum est*, legerunt, etiam illius de Jure Gentium sententiam paucis prolatam examinabo. Videtur quidem ille Autor de Jure Gentium passim & bene loqui & bene sentire; dum tamen id enixè agit, ut quocunque modo veterum Jcutorum de Jure Naturæ & Gentium effata & confusam

sam doctrinam deferdat, sæpe nec bene loquitur, nec bene sentit. Jus Gentium inter ea jura refert, quæ ab homine ortum habent: quod propter necessitatem & utilitatem de tempore ad tempus in gentium usum moresque pervasit: quod toto cælo à Jure Naturæ (quod ille non solum aliorum exemplo Jus Gentium Primarium, sed novo Antiquum vocat) distet: quod moribus introductum sit. Hactenus bene. Reliqua ferè favent priscæ confusione, qualia sunt hæc: quod Jus Gentium Primarium versetur circa prima principia rationis, & ex iis conclusiones morales faciliores, ac absolutè necessarias: Jus Gentium Secundarium circa secunda principia & conclusiones ex ejusdem quidem rationis præmissis deductas, sed difficiliore, auxiliares, nec per se ita necessarias: & similia alia, quæ missa facio omnia, cum ex superioribus faciliè emendari, vel saltem illud chaos cognosci queat.

LXXXI. Nimis vero absurdum mihi semper fuit visum, quod Juris Gentium duo summà capita constituerit, quorum primum sit, *Res dividere*, alterum, *Punire fontes*. Dividunt quidem etiam Gentes inter se res, easque maximi pretii, provincias, regna; uti vero Divisio est facti, ita jura dominii quæ fortè divisionem exigunt, non tantum ex pactis gentium placitisq; arbitrariis, sed sæpe ex Jure Naturali suam mensuram accipiunt: id quod etiam suprà *lib. 6.* paucis indicavi. Imò ipsa dividendi facultas ex universali dominio à Deo in Adamum, & ab hoc in genus humanum translato promanat. Itaque cum neque societates naturales absque dominii jure esse aut conservari, nec Justitiæ aut Liberalitatis officia absque eo exerceri possint, & quoque naturæ jure Furtum sit veritum, Do-

minii saltem universaliter considerati jura ad Jus Naturæ referenda sunt. Vide quæ Aristoteles *lib. 2. Polit. capp. prioribus* contra Platonem, & Boetius ad Grotium *lib. 2. de I. B. P.* contra primævam rerum omnium communio- nem à Poëtis inventam eruditè disputat. Cautiùs aliî hoc argumentum tractarunt, qui docent, Naturam quæ- dam jussisse aut vetuisse *namque*, simpliciter omniquè tempore agenda vel omittenda: alia vero *concedit* pos- sito nempe, si hoc aut illud placuerit hominibus. Ita sim- pliciter justum esse ajunt, Deum colendum esse: hypo- theticum præceptum esse, si homines velint bona sua pri- vatim possidere, tum alteri, quod privatim possidet, eripi- endum non esse. *Conring. disp. de Jure. lib. 49.* Sed hanc quidem Juris Naturalis differentiam aliàs considerabimus.

LXXXII. Alterum Juris Gentium caput cum Hugo de Roy dixisset esse, *Punire fontes*, agnovissetque hoc re- ctius ad Jus naturæ referri, his sibi verbis prospectum vo- luit *lib. 1. tit. 4. sub fin. In explicatione Juris Gentium non ea tractatur puniatio, qua juris naturalis est, sed ea, qua Juris Gentium est.* Deinceps *tit. 6. n. 7.* hæc subjicit: *Jus puniendi fontes ex Jure Naturali ortum trahit: ex Jure Naturali Ratio- nali fundamentum habet: ex Jure Gentium confirmationem, & ex jure cujusque gentis proprio, hoc est, Civili certam ac determinatam formam accepit.* Hujus Autoris vestigia legis- se, eundem certè errorem errasse videtur Mevius in *prodr. in sp. s. n. 46.* Nolo hic prolixus esse, etsi multa hic mone- ri possent. Relegamus hinc illam hypothésin, vix amplius dupondio dignam, esse aliud Jus Naturale simpliciter, seu animalium etiam, & Jus Naturale Rationale. Jus vero puniendi fontes proximè cohæret cum Legislatoria pote-  
state

state & ordine judiciorum; quæ generatim considerata unà cum jure puniendi fontes ad Jus Naturæ rectè referuntur. Quod uti etiam hic Autor fecit, ita malè ad Bella vindicandorum criminum causa suscepta, *non punire fontes*, restringit, etiamsi his bellis certi modi atque effectus ex gentium placito sint præfiniti. Neque levior is error est, quod etiam iis bellis, quæ defensionis necessariæ gratia suscipiantur, propositum esse velit, *Punire fontes*. Quantum enim, quæso, invicem distant; *Defendere, & Punire*? Ita multi luci tenebras, rebus planis tricas, & expeditæ veritatis inquisitioni obscuritatem, confusionem & impedimenta præponunt.

LXXXIII. Quod si Joannis Feldeni de Jure Gentium sententia admitteretur, denuo per veterem *μεταμόρφωσις* illud in Jus Naturæ transiret. Dicit enim quod JCtis Romanis Jus Gentium sit facultas ad actus & negotia peregrinis competens, cui Jus Civile opponatur hoc effectui, ut peregrinos illud excludat. in *Annot. ad Grot. lib. 2. de I. B. P. cap. 2. §. 18. & 19. & ad cap. 8. §. 1.* Hanc sententiam non planè rejiciendam esse monet Pufendorfius loco suprâ citato. Imò favere illi videtur Marcianus JCtus l. 15. ff. de interd. & releg. *Deportatus; inquit, civitatem amittis, non libertatem, & speciali quidem jure civitatis non fruitur, jure tamen gentium utitur; emit enim & vendit, locat, conducit, permutat, fœnus exercet, & cetera similia.* Verum enim verò licet quidem deportatis & peregrinis non perinde negotiis jure naturæ determinatis interdictum sit, aut interdici potuerit, quemadmodum communione juris civilis; non tamén ideo quæ Juris Naturalis propria sunt, Juris gentium nomine comprehendi,

& res multum distinctæ confundi debebant. Itaque & hæc explicatio tantum in patrocinium inveterati erroris inventa est.

LXXXIV. Supremus ergo labor superest, ut demonstrem, Esse aliquod Jus Gentium; absque hoc enim si fuerit, oleum & operam omnem jam impensam perdidero. Argutabitur fortè quispiam, debuisse hanc disputationem reliquæ tractationi omni præmitti, non autem postponi. Quid enim opus est inquirere, quid & quale sit Jus Gentium, si nondum sit certum, an ullum Jus Gentium sit vel exstet. Ordinem naturæ si videas, rectè hoc moneri fateor. Cum vero doctrina omnis arcesci debeat non à notioribus natura, sed nobis notioribus, ideo hæc præmittenda esse duxi, ut, remota omni homonymia, designatis Juris gentium speciebus suis distinctis nominibus, explicatis item præcipuis illius juris capitibus, planè & perspicuè tradi & intelligi possit, si ne omnino aliquod Jus Gentium, quale nos illud descripsimus, divisimus, variis singularibus exemplis illustravimus.

LXXXV. Investiganti igitur mihi causas, ob quas hodie tantopere Jus Gentium omne impugnatur, quatuor præcipuè occurrunt, quibus in hanc dubitationem multi videntur abrepti. Primò quidem non sit illis verisimile, quod omnium gentium consensu Jus aliquod arbitrarium inter ipsas sit constitutum. Deinde quod nulla appareat tam generalis consuetudo, vel usus omnium gentium, ex quo illarum in hoc Jus factus consensus vel pactum tacitum colligi aut præsumi queat. Tertiò, quod Gentes & Principes factis suis subinde profiteantur, ac si Jus Gentium, quod vulgò venditatur, ad se nihil pertineat, suæque scien-  
hæc

hæc fabula minimè conveniat. Denique, quod illa capita, quæ ad Jus Gentium referri solent, partim Jure Naturæ sustineantur, ut adeò Juris gentium arbitrarii fictione opus non sit, partim omni jure destituantur. Singula argumenta quanti sint ponderis primum expendemus, atque ubi deprehenderimus, esse illa levis aut nullius momenti, veritas magis magisq; elucescet.

LXXXVI. Primi argumenti ea est sententia, quod nullum sit Gentium Jus, ab omnibus & singulis gentibus comprobatum aut conditum. Hoc vero faciliè largimur, & jam largiti sumus *th. 11. 12. 36.* ostendimusque, quomodo istiusmodi minùs accuratæ loquendi formulæ vel emolliendæ vel emendandæ sint. Esse vero aliquod Jus Gentium Proprium, quale illud *th. 24. 73. & seqq.* descripsimus, manifestius esse credo, quàm ut probatione indigeat: utique ab ea abstinēbimus, ne, sola libidine dissentienti quosdam duci, existimasse videamur. Quis enim nescit, aut dubitat, varias gentes variarum conventionum publicarum obligatione arbitraria inter se consociari? Redit ergo tandem vis argumenti hujus eò, non esse aliquod Jus Gentium Commune quod diximus. Caterum ex quàm multis inter complures gentes usitatis placitis, quorum præcipua vidimus, evidenter apparet, præter Jus gentium Proprium, esse etiam aliquod Jus Gentium Commune, atque hoc non solum à Proprio, sed magis etiam à Jure Naturæ discriminatum. Hoc postèrius ubi deinceps diligentius monstravero, non minùs sensui & experientiæ, quàm Juri Gentium communi quisquam adversabitur.

LXXXVII. Alterum argumentum tangit modum, quo Gentes istiusmodi Jus inter se Commune pepigerint, inque

inque illud consenserint. Non equidem existimandum est, quod legis sancienda causa gentes omnes in unum convenerint, sed quod illud Jus propter communem utilitatem tacito consensu gentium approbatum, & ab omnibus receptum est. *Vinn. ad §. 1. Inst. de J. N. G. & C. n. 2.* Et sic uti rarò apparent juris omnis per usum seu consuetudinem, eaque vel propriam, vel imitatione expressam, introducti initia; *arg. l. 20. ff. de legg.* ita Juris Gentium Communis originem & propaginem multò minùs quisquam juxta temporum seriem & translato de gente in gentem usu demonstrabit. Sufficit nobis, quod aliunde constet, esse quædam Jura gentium, eaque inter illas pro legibus & olim & nunc observata esse, et si originem & modum eorum primigenium non nisi conjectura verisimili, adsequi possimus. *Consuetudinis jus*, inquit Cicero *lib. 2. de Invent.* esse putatur id, quod voluntate omnium sine lege vetustas comprobavit. In ea autem jura sunt quædam ipsa jam certa propter vetustatem. Confer *ib. 15. & seqq.*

LXXXVIII. Neque tertium argumentum quidquam proficit. Non enim procedit illa ratiocinatio, Jus aut lex sæpe negligitur nec observatur, ergo Jus aut Lex non est, vel esse definit. Non equidem inficias ibo, esse quædam Juris gentium capita, quæ per desuetudinem abrogari queant, quod vel magnum usum inter gentes liberas non habeant, adeoque contraria voluntate facilius abrogari queant, vel à necessitate non sint commendata; inodò in desuetudinem vel abrogationem gentes illæ, quarum non iniquè interest, consentiant, quarum voluntate olim illa decreta fuerunt sancita. Quod attinet illa Juris gentium capita, quæ nimis sunt rigida, eorum vel abrogationem vel

vel saltem temperamentum commendat æquitas naturalis: at planè iniquorum juber Naturæ jus, & multò magis Christiana pietas, etiamsi iniquè vel impiè dissenserint alii. Illa vero Juris Gentium placita, quæ nihil habent vitii aut iniquitatis, & multò magis quæ utilitate aut necessitate fuerunt introducta, temere mutari aut abrogari à quibusdam gentibus nequeunt, præsertim si id cum reliquarum præjudicio sit futurum. Nam quod in Jure civili privato obtinet, ut renunciatio societatis omni fraude careat, multò magis in hac gentium societate locum habet. *l. 14. ff. pro soc.* Si qui igitur Principes aut gentes pro re nata non patiantur se adstringi Juris Gentium placitis, nolintque suas actiones juxta has regulas examinari, non certè ea propter perinde autoritas omnis Juris gentium, sicuti observantia ei, & pactis fides detrahitur. Hæc enim sublestat fidei, injustæ causæ, & Deo hominibusque insultantis impotentis dominatus sunt argumenta, quibus Providentia divina sæpè nervum incidere, adfectatæ tyrannidi modum ponere, & juris hujus impatienti ferociæ frenum injicere, pœnasque irrogare solet.

LXXXIX. Sed maximum præsidium in postremo argumento videtur esse reliquum, quasi hoc commentitio Jure Gentium nihil sit opus, cum liberarum gentium actiones solo Jure Naturæ regiqueant, & quædam Juris gentium capita sint talia, quæ juris ne quidem nomine insigniri mereantur. Fassus jam sum, esse quædam hujus notæ gentium placita, quæ si Juri Naturali aut pietati Christianæ repugnent, non solum antiquari posse, sed & debere, monui, utpote quibus nunquam ulla vis obligandi adstrui potuit, quod semper Juris Naturalis vel divini in-



tercesserit maxima autoritas. An vero Gentes & Civitates solo Jure Naturæ contineantur, excluso omni Jure inter illas voluntario sive Communi sive Proprio, diligentius expendendum est. Erre erit, ut nonnullorum, qui hoc adfirmant, verba audiantur.

XC. Familiam inter eos ducat Thomas Hobbes, qui etiam alios in suam sententiam pertraxisse videtur. Is *lib. de Cive cap. 14. §. 4.* ita docet: *Legem Naturalem esse vel Naturalem hominum, vel Civitatum, quæ vulgò Jus Gentium appellatur. Præcepta utriusque, inquit, eadem sunt: sed quia civitates semel instituta induunt proprietates hominum personales, lex, quam loquentes de hominum singulorum officio naturalem dicimus, applicata totis civitatibus, nationibus, sive gentibus, vocatur Jus Gentium.* Hæc Hobbesiana cum recitasset Samuel Pufendorfius *de Jur. Nat. & Gent. lib. 2. cap. 3. §. 22.* sequentia mox subjicit: *Cui sententia & nos planè subscribimus, nec præterea aliud Jus Gentium voluntarium seu positivum dari arbitramur, quod quidem Legis propriè dictæ vim habeat, quæ gentes tanquam à superiore profecta stringat.* Robertus Sharrok, quamvis sibi præcipuè refutandum delegisse videtur suum civem Hobbesium, hac tamen in re & ipse ei consentit, his verbis suam professus sententiam *lib. de Offic. cap. 10. p. 129.* *Nec quidem à Jure Natura Jus Gentium quidquam mihi videtur differre, audacterq; pronuntiare aulim, neminem fore Principem jure gentium offensivum, qui ad hic positam naturæ normam se in omnibus accommodaverit.* Adjicit deinde exempla de fœderibus, legatis aliisque ad Jus Gentium pertinentibus causis, in quibus si quis iniquè lædatur, peccari tunc contra Innocentiam, Fidem, Philantropiam, Charitatem, præcepta Juris Naturalis.

XCL. Duo

XCI. Duo in his præprimis sunt notanda. Etsi enim perlibenter Pufendorfio concedamus, Jus Gentium non esse proditum istiusmodi Legibus, quæ à superiori sint conditæ; non tamen ideo Jus Gentium corrueat. Esto, quod juxta receptum loquendi usum Lex speciatim denotet illam actionum humanarum regulam, quæ à Legislatore subditis sit lata; non tamen ideo Pacta omni, neque etiam propriè dicto jure sunt privanda. Sicuti enim ne quidem Natura, ita nec Legislatores omnibus negotiis causisque certam Juris normam præfiniverunt; adeoque quam libertatem Natura Legislatoribus permisit, ut hi actiones Jure Naturæ non comprehensas legibus latis determinare queant, eandem libertatem privati ab utrisque habent, ut sibi invicem per pacta, Juri Naturæ aut Legibus civilibus non adversa, leges dicere, iisque se adstringere possint. Et magis etiam nobis favet, quàm Pufendorfio citatus Bœclerus *ad Grot. lib. 2. de I. B. P. cap. 4. n. 9.* qui disertè ibi ait, Jus gentium esse, quod utilitatum suarum respectu consensus gentium liberè constituit: & ab hoc planè diversum Jus Naturæ facit. Etiam si igitur Gens libera una altera non est superior, neque altera alteri Legem speciatim acceptam dicere potest; si tamen ipsis placeat pactis se obstringere, utique vero jure inter se continentur, sicut si una gens fidem fallat, alteram vel reliquas hoc ipso se superiores hactenus constituat, ut se cogere possint ad fidem servandam. Quemadmodum enim ejusdem Reip. duo subditi si conventionibus se obstrinxerint, alter alterum fraudem conventioni facientem judiciali autoritate cogere, & jus suum actione persequi; ita, deficiente inter liberas gentes communi judicio,

cio, altera alteram perfidam bello, si cætera paria sint, ad conventiona præstanda cogere potest. Et quamvis bellorum eventus dubius & incertus sit, si tamen contra perfidam gens illa bellum suscipiat, quæ pactis satisfecerit, jure bellum capeſſet, & non solum reliquas gentes justitiæ studiosas, sed & ipsum Deum supremum fidei sequentem & arbitrum faventem habebit.

XCII. Alterum animadversione dignum hoc est, quod causa obligationis Juris arbitrarii proxima à causa ejus remora non distinguatur, atque ita multiplici errori fenestra aperiatur. Leges enim arbitrarie strictè dictæ à voluntate legislatorum, Pacta & Conventiones à paciscentium vel contrahentium libera voluntate & consensu proximam obligationis causam habent. Tam vero Legum quàm Pactorum obligatio sustinetur his Juris Naturalis regulis, tanquam fundamentis, Majestati civili & Legislatoribus justè imperantibus est parendum, & Fides data est servanda. Id quod pluribus docui *Disp. de Jure Arbitrario*. Si quis igitur causam remotam obligationis Juris arbitrarii confundat cum causa proxima, aut hac spreta, ad istam omnem auctoritatem juris arbitrarii revocet, ille Jus omnè arbitrarium una litura delebit, & non nisi unam Juris speciem, Naturale, superesse profitebitur.

XCIII. Eò vero cum hætenus neminem prolapsum esse meminerim, nemo non agnoscat, perperam à Sharrochio Juris Gentium capita promiscuè ad Jus Naturæ, expulso penitus isto Jure, redacta fuisse. Jam quidem uno id exemplo declarabo, ex quo simul innotescet, esse ali-quod Jus Gentium proprium, à Jure Naturæ planè distinctum. Verustissimum fœdus est, quod Regibus expulsis Popu-

Populo Romano Porfenna dedit, quo nominatim comprehensum fuisse, *Ne ferro nisi in agricultura uterentur*, Plinius lib. 14. cap. 4. scribit. Quis, quæso, dixerit, Romanos Jure Naturæ ad hoc fuisse obligatos? Obligati igitur fuerunt ex suo consensu & voluntaria conventione, à qua non recedendum temerè, sed fidem datam etiam hac in re servandam esse, in subsidium Natura jubet. Non equidem diffiteor, esse quasdam Fœderum aliarumve publicatum conventionum conditiones, seu materias, quæ & à Jure Naturæ normam, & insuper à Jure Gentium Proprio parendi necessitatem acceperint. Imò fieri potest, ut etiam cum istis Jus Gentium Commune aliquando concurrat; sed si animum rectè advertas, aliud ex obligatione Juris Naturalis, aliud præterea ex voluntario consensu Gentium debebitur, nisi fortè sollicita paciscentium diligentia duplici vinculo maluerit eos adstringere, quorum & fides & conscientia suspecta fuit visa.

XCIV. Hobbesii vero divisio, docentis, Legem Naturalem aliam esse Hominum, aliam Civitatum, atque hanc etiam Jus Gentium vocitari, planè inepta, & nisi fallor, etiam ad tegendum veterum Juris errorum comparata est. Neque enim ex hac diversitate subjectorum diversum nascitur Jus Naturale, sed utrobique unum est idemque, quod etiam agnoscere videtur ipse Hobbesius, quando ait, esse eadem utriusque præcepta; imò sunt eadem ejusdem quoque Juris Naturalis præcepta, homines, quæ sunt tales, obligantia, sive civili sive alia societate sint conjuncti. Uti vero certum est, Gentes & Civitates, quæ sunt tales, primariò etiam inter se Juris Naturalis debere esse observantes; ita quoque certissimum esse ostendit

cum Ratio tum Experientia, quod plurima inter illas negotia intercedere queant, quæ à Jure Naturæ nullam determinatam obligationem, sed demum ex illarum libero consensu & pacto acceperint: unde sanè aliud & à Jure Naturæ diversi generis jus emergere omnino necessum est. Res plana est in Jure Gentium Proprio, quòd fœderum, aliarumve conventionum publicarum conditiones ferè soleant esse tales, quas uti Natura arbitrio Gentium determinandas permisit, ita quoque aliunde obligationis originem & causam non habent, Narrat Livius lib. 30. Scipionem inter alias hanc quoque legem Carthaginiensibus dixisse, *Ut elephantos quos haberent domitos traderent, neque domarent alios.* Stipulata hoc fuit gens Romana: promisit illi civitas Carthaginiensium. Quis vero dicet, hanc fuisse ad hoc obligatam ex Jure Naturæ, de quo nulum jus Naturæ constituit? Quis non hic agnoscit conventionem planè liberam, & ex pacto unicè natam obligationem?

XCV, Autor Anonymus *Dissertationis Epistolica de principis Justitiae & Decoris* pag. 16. seq. ita docet: *Est Jus Gentium duplicis naturæ: unum quod propriè loquendo est Juris naturalis; sed denominationem illam mutuatum est, quia est jus, quod genti cum gente, nationi cum natione intercedit, licet in suo formali non differat à Jure naturali: quale est illud Jus Legatorum. Aliud est, quod in suo formali non convenit cum lege naturali, sed cum lege humana, & jure permisivo naturali introductum est: vocaturq; Jus Gentium, quia inter gentem & gentem locum habet, vel quia plurimum gentium consuetudine & usu legis rigorem accepit: quale est illud, quod tela & instrumenta bellica, nec fontes veneno inficere licet, aut hostem per*

*per subornatum sicarium interficere. Mihi enim licet jure naturali omnibus modis nocere inimico, & ea media adhibere, quibus confido hostem in ordinem posse redigi, si citra perfidiam fiat. Obtinet tamen inter gentes moratiores, talia non amplius ex aequo in hostem intentari, ne nimium intendantur pericula ab utraque parte: atque ideo tales leges mutari possunt, & saepe mutantur, sicut contingit in legibus humanis. Priores leges gentium mutationem non admittunt, quia ex Jure Naturali Imperante, aut Prohibente; non permissivo fluunt. Visum fuit non inconueniens fore, si hujus scriptoris verba disputationi contra Hobbesium instituta subrexi, quod ille in Praefatione ad Lectorem profiteatur, primum scriptio-  
nis scopum sibi propositum esse, ut Hobbesiana dogmata adstruat & explicet. Hoc vero dum videri vult agere, multa subinde emaculat atque emendat. Non igitur ille omne Jus gentium exemplo Hobbesii sublatum it, sed ostendit Jus Naturae, cujus etiam inter liberas gentes praecipuus debet esse usus, vulgò & confusè Jus Gentium appellari: quo tamen cum suo Hobbesio perperam refert Jus omne legatorum. Rectè vero tradit, esse ab hoc diversum Jus Gentium propriè dictum, quod pactis libera voluntate usuque gentium prodictis innitatur, normamque det iis rebus seu actionibus, quae determinatam formam aut regulam à Jure naturae non acceperint. Quod Jus Naturae ille Permissivum aliorum exemplo vocitat: contra quod alibi disputavimus.*

**XCVI.** Si igitur plerisque negotiis, de quibus liberae gentes inter se communicant, Jure Naturae praefinita norma non est, singulae vero suis opibus salva esse nequeunt, sed multiplici indigentia pressae, aliarum officia,

cia, commercia, auxilia & amicitiam desiderant; ipsa Necessitas pactis gentes conjungit, ut quæque suo desiderio certò & constanter potiatur, & ad præstanda officia vel commercia fide data se obstringant. Quemadmodum igitur Homo natura expetit societatem, & ad illam inmundam etiam per Indigentiam compellitur; ita quoque Natura, utcumque benefica est, nulli genti solidam felicitatem tribuere voluit, sic ut aliarum amicitia non indigeret; sed sua dona ita providè partita est, ut etiam integræ gentes & civitates indigentia compulsæ aliarum præsidium & opem quærerent. Sicuti vero illa indigentia variorum bonorum desideria, & sæpe subito excitat, eaque modò diuturna, modò brevia esse jubet; ita quoque horum officiorum communicatio non semper æterno jure, sed magis arbitrario dirigitur. Illud vero intergentes arbitrio earum constitutum jus non potest esse aliud, quàm quod quærimus Jus Gentium. *Etiā contra civitates civitatibus remedio opus est: quo nomine aliquando plures civitates unam inter se societatem inibant, vel ut una fierent, velut fœdere quodam se invicem ad auxilia devincerent. Mov. in prodr. insp. s. n. 4.*

XCVII. His accedit tot gentium Confessio, qua nulla melior aut fortior probatio haberi potest, ad Jus Gentium nunquam non provocantium. Quoties enim una ab altera se lasam esse conqueritur, non semper invito Jure Naturæ, sed Gentium id factum esse causatur. Quæ igitur vesania fuerit, illos velle nexui Juris Gentium eximere, qui ad illud provocant, & se aliosque ejus obligationi obnoxios esse profitentur? *Frequens ad consuetudinem gentium inter gentes provocatio, argumentum est hujus necessitudinis.*

dinis. Unde non ineptè colliges, tacita quadam illarum convention-  
tione Jus Gentium niti. Quod multoties in historiis legimus,  
populos & principes diversarum civitatum de iis, quæ juri gen-  
tium assignamus, se invicem reos agere, accusare, indignari, in-  
dicium est inter illos vinculi communis. *Mev. d. l. n. 54.* Neque  
est, quod quis regerat, errore nominis vel me vel gentes  
duci, quasi Jus Naturæ intelligant, ubi Jus Gentium appel-  
lant. Etsi enim id fortè interdum contingat, plerumque  
tamen ad verum Jus Gentium, quod à Jure Naturæ distin-  
ctum est, illos provocare jam demonstrabo, singula Juris  
Gentium Communis capita suprâ proposita eo fine perlu-  
straturus; nam Jus Gentium Proprium à Jure Naturæ di-  
versum esse jam ostendi.

XCVIII. Si qua Civitas graviter sit læsa, illa, dene-  
gata satisfactione, Jure Naturæ propitio bellum movere  
poterit, etiamsi illud non fuerit denunciatum. Quippe  
jure naturæ qui alterum ex proposito læserit, nec satisfacere  
rit læso, simul ei potestatem dat injuriam vindicandi da-  
mnumq; datum reparandi. Unde *Ælianus* ex *Platone* ait,  
quod ad propulsandam vim suscipitur bellum, non à ca-  
duceatore, sed à natura indici. Ex gentium vero instituto  
hoc amplius requiritur, ut præcedat belli denuntiatio, ea-  
que apud multas solennis. Hinc Galli misso Romam ca-  
duceatore, *Fabium Ambustum* vocaverunt in crimen,  
quod bello non indicto contra jus gentium arma in ipsos  
tulisset, referente *Plutarcho in Numæ. Grot. lib. 3. de I. B. P.*  
*cap. 3. n. 6.*

XCIX. Veneno infectis armis hostem interficere,  
etiam Juris Gentium, non Naturalis, placitum esse, jam  
suprà monui *lib. 47.* Et licet fortè illud minus latè pateat, à

Rr

melio-



melioribus tamen gentibus illud ex pacto tacito admitti experientia docet. Quemadmodum autem tela veneno inficere hoc jure fas non est; ita quoque aquas hostium veneno corrumpere, & similia perpetrare, pridem gentibus displicuit. Saltem à moratoribus eodem fortè reſeretur, ſi qua gens inter hoſtes peſtilentiam malitiòſè excitare, eaque illos vincere ſatagat. Ita Florentini intra urbem Senarum, & Turcarum Imperator, cum Chalcedem oppugnaret, aſinorum atque equorum cadavera putreſcentia intra opidum machina quadam, quam Itali Briccolam vocant, projecerunt. Ejus enim ea vis fuit, ut vaſti etiam molares in ſublime illius impetu torquerentur. Bononienses quoq; Mutinam cum obſiderent, cadavera jumentorum in urbem jecerunt: cumque fortè aſini cadaver ſoleis argenteis præditum in fontem, quibus abundat urbs, cecidiſſet, celebre ei nomen apud poſteros prædidit. *Sigon. lib. 18. de regn. Ital. p. m. 74.*

C. Ut quaſlibet hoſtium quorumlibet res perdere vel diripere liceat, item Juris Gentium placitum eſt. Tantùm enim abeſt, ut Jus Naturæ hanc licentiam beligerantibus omnino concedat, ut ſæpe & interdicit. Ut res hoſtium, quocunq; bello captæ, in dominium occupantium tranſeant, modò illud jure gentium ſolenne ſit, ejusdem generis placitum eſt. Huic mori autoritatem conciliavit ὁμολογία, pactum gentium, ceu ex Ariſtotele demonſtravi ſupra *th. 49.* Ante illum Plato *lib. 1. de Legg.* dixit, πάντα τὰ τῶν νικημένων ἀγαθὰ τῶν νικάντων γίνεσθαι, *omnia devictorum bona eſſe vincientium.* Hunc morem Xenophon *lib. 7.* appellat νόμον ἐν πᾶσιν ἀνθρώποις αἰδίων, *placitum quod inter omnes gentes perpetuò obtinuerit.* Brennus ad Romano-

rum

rum legatos apud Plutarchum in Camillo: *Antiquissimam legem sequimini ducem, quæ fortibus res largitur ignavorum. Ut quovis bello capti quibusvis victoribus serviant: Ut delinquentes vel dedantur, vel puniantur: Ut Induciis constitutis cessent actus hostiles, durante tamen bello, & quæ de Postliminio supra dixi, omnia Juris arbitrarii inter gentes recepti placita sunt. Induciarum earatio fuit, ut eo tempore, quo præfinita erant, nihil hostile gereretur, sed summa à bello quies esset, atque aliqua etiam societatis cum iis, quibuscum pacta erant, species & imago: quas qui violassent, Jus Gentium violasse existimabantur.* Verba sunt Sigonii lib. 1. de antiq. jur. Ital. cap. 1. p. m. 122. uti idem verbis Livii confirmat.

CL. Quid ad hæc Pufendorfius? Apud multos quoque, inquit l. c. sub vocabulo Juris Gentium venire solent quædam consuetudines, inter plerasque gentes, saltem quæ cultiorum & humaniorum sibi famam vindicant, potissimum circa bellum tacito quodam consensu usurpari solite. Postquam enim etiam cultiores inter gentes maximum fuit decus habitum, bello gloriam querere, id est, in eo præstantiam suam præ cæteris hominibus ostendere, quod quis multos homines auderet, & dextrè calleret perdere, adeoque in bella non necessaria, aut injusta vulgò est procursum: ne ambitionem suam invidia nimis exponerent magni bellatores, usurpata omni licentia justî belli, humanitatis, & magnanimitatis quædam specie bellorum atrocitatem temperare multis est visum. Unde orta consuetudines circa exemptiones certarum rerum & personarum à vi bellica, modum nocendi hostibus, modum tractandi captivos, & similia. Cæterum consuetudines illæ licet videantur continere obligationem ex pacto saltem tacito ortam, tamen sibi legitimam bellum

*bellum gerens eas neglexerit, modò contrarium earundem per  
jus naturæ rectè fieri possit, nullius alterius peccati arguatur,  
quàm cujusdam ruditatis; quod quis sese ad numeros velut eo-  
rum non composuerit, quæ bellum inter artes liberales habe-  
tur. Non secus atque imperitia inter gladiatores accusatur,  
qui alterum non juxta regulas artis vulneraverit. Igitur si  
quis juxta gerit bella, solo naturæ jure, neglectis illis consuetudi-  
nibus, ea potest regere, ni forte ob commodum aliquod suum  
easdem malis observare. At qui injustis grassatur bellis, vel  
ideo illas rectè sequitur, ut saltem cum aliquo temperamento  
selestus sit. Hæc ille.*

CII. Nolo omnia ad vivum refecare, ne ab institu-  
to longiùs discedam. Agnoscit Pufendorfius, tacito quo-  
dam consensu inter plerasque gentes consuetudines quas-  
dam circa bellum usurpari: videri quoque illas continere  
obligationem ex pacto saltem tacito ortam, & tamen  
illas posse negligi ab eo, qui legitimum bellum gesserit,  
modò juris naturalis observans fuerit. Talia hæc sunt,  
ex quibus liquidò colligas, velle illum *ὁμολογεῖν τῇ ἐπιχειρήσει*,  
videlicet, nullum esse Jus Gentium. Si enim actus bellici  
non solo Jure naturæ reguntur, sed insuper ex tacito gen-  
tium consensu norma iis est præscripta, quæ obligatio-  
nem continet, hujus perfectò juris quis non potest esse  
negligens, etiam si Juris Naturalis observans fuerit, modò  
Juris gentium leges sint tales, quæ isti non repugnent.  
Itaq; si qui belligerantes contra has quidquam occipiant,  
aut in bello agant, non certè ab aliis ruditatis, sed injus-  
titiz accusantur. Imò tantum abest, ut hæc injustitia  
istiusmodi quæ sita voce sit elevanda, ut potius divina hu-  
manaque jura violasse existimentur, qui Jura gentium  
teme-

temeraverint. Exempla ejus rei larga manu suppeditant Historici, & nos jam quædam attulimus. Ipse illæ gentes, quæ laxi juris gentium fortè insimulantur, non solent jus illud repudiare, aut profiteri; quod ejus obligationi non sint aut nolint esse obnoxie, sed quaslibet alias causas obtendere, & potius negare, jus gentium à se violatum esse. Eò quidem rem rediisse fateor, quod bella non eadem sollicitudine ac religione suscipiantur ac gerantur, quemadmodum fortè olim: illi vero degeneres mores paucarum sunt gentium aut Principum, & fortè illorum, quibus Deum hominesque offendere, injuriis lacerare, omne numen negare, aut præsentì utilitati omnia jura postponere, nulla religio est. Malè profectò de publico merentur, qui ita philosophantur, ut magis magisque præsidia securitatis, utilitatis aut salutis gentium destruantur.

CIII. Ille quoque per Obsides cavendi modus gentium moribus & consensu est receptus. Quamvis enim iis Gentibus quibusdam fortè casibus etiam Jure Naturæ debeatur securitas; quo tamen modo iis cautio præstetur, juramento, an nuda promissione, prædibus an prædiis, an vero obsidibus, meri arbitrii res est.

CIV. De Legatis item res est manifestior, quam ut in dubium vocari debeat. Sed & hac de re diversum sentiens audiendus est Pufendorfius, cujus hæc sunt verba d. I. *Inter præcipua capita Juris gentium voluntarii Grotius numerat jus Legationum. Ubi arbitramur, ipso jure natura Legatos esse inviolabiles, etiam apud hostem, siquidem speciem legatorum non speculatorum præferant, quamdiu in eum, ad quem missi sunt, hostilia non moluntur; & si fors ordinario*  
*modo*

*modo per tractatus domini sui commodum præ alterius commodo quarant. Cum enim ejusmodi persona sint necessaria ad pacem conciliandam, servandam, aut arctius per fœdera & pacta adstringendam, quam ipsum jus natura omnibus modis honestis amplecti jubet, utique & cavisse censetur idem jus securitati personarum, sine quibus finis ab eodem praeceptus obtineri nequit. Scilicet cum prospiceret, sibi sanctum Legationis jus cum primis objici posse, etiam illud diffingere, & ad Jus Naturæ referre studet. Præcipit quidem Jus Naturæ, Neminem esse lædendum: at Legatorum, etiam ab hostibus venientium, & fortè perpetrata injuria etiam hostilia denuntiantium, ut sit singularis, solennis, ac præcipua quædam securitas, qualis à nobis suprâ descripta est, non Juri Naturæ, sed arbitrio gentium utique accepta ferenda est. Neque etiam supponendum est, pacis conficiendæ gratia unice Legatos ad hostes mitti? atque hoc si fortè fiat, non tamen Jus Naturæ vult, ut ne puniantur legati propter delicta in ipsum jus naturæ impingentia in illa Republica, ubi illa commissa sunt? quod tamen Juri Gentium consentaneum esse suprâ probavimus.*

**CV.** Si usum quoque Gentium videamus, omnes hoc Jus Legationis ad Jus Gentium, et ipsarum placito ortum habens, referunt. Duo solum testimonia insigniora adducam, alterum ex veteri, alterum ex recentiori historia. Plura enim qui desiderat, adeat Grotium, & alios, qui hoc argumentum peculiaribus libris excoluerunt. Venerat ad Brennum Galliæ regem Clusinos oppugnantem cum aliis legatus Q. Fabius Ambustus, qui cum regi quietia consilia persuadere non posset, Clusium ingressus, & eruptione cum obsessis facta Gallum quen-

dam

dam proceritate corporis & forma insignem prostravit. Brennus igitur deos testatus, violato jure gentium, quod apud omnes sit nationes sacrosanctum, cum, qui ut legatus venisset, hostilia perpetrasset. Verba sunt Pultarchi in Camillo p. m. 220. Alterum recitabo verbis Sleidani ex lib. 15. Comment. Gallia rex, qui facile poterat scire, Caesarem de se gravem habiturum querimoniam ad principes, legationem decernis amplissimam. Legati cum venissent Nancejum, oppidum Lotharingia, subsistunt, & cautionem Caesaris expectant. Fecialem enim Rex pramiserat Spiram, ejus rei causa, cum literis ad Caesarem, & privatim etiam ad Principes Electores, quibus literis petebat, suis legatis publica fide caveri. Cum autem Fecialis eo venisset, indutus veste solenni, sicut fieri consuevit, sistitur à Granvellano, cui & literas reddit sui Regis ad Caesarem scriptas, cum aliter non posset, & sui causam adventus explicat, & Legatis, qui non ita procul absint, jure gentium caveri petit. Jussus manere domi, & diligenter observatus, ne quis ad ipsum colloquendi causa veniret, quarto post die dimittitur asperrimis verbis: Imprudenter ipsum fecisse, & magnum adisse capitis periculum, qui sit ausus eo venire; nam Regem, qui sit hostis Germania, non habere quod agat intra fines Imperii, neque Jus Gentium illi communicandum esse: redeat ergo domum, & hoc Regi suo renuntiet: non esse vero, quod post hac aut ipse vel quis alius accedat, & nunc quidem ipsi condonari factum atque remitti, clementia quadam Caesaris magis, quam pro ipsius merito, sed caveat imposterum, alioqui non laturum impune; nam fecisse contra leges feciales, nec in Caesaris domicilium ei licuisse venire, nisi de illius permissu. Quod ad literas attinet, quas habere se dicat, ita Regem esse de Republica Christiana, & imprimis de Germania meritum, ut in hoc rerum statu Caesar neque

neque velis neque debeat eas recipere, ne per illius usitatum scribendi genus atque promissa vel ipse vel etiam alii decipiantur. Hoc responsum gallice per scriptum ei datur. Sic ergo remittitur cum literis Regis ad Cæsarem scriptis atque Principes, & additi fuerunt equites nonnulli, qui Nancejum usque perducerent. Ea re cognita, Legati magnis erant in angustiis, valde solliciti, quomodo sine periculo domum redirent: collato autem consilio cum Lotharingia Principe Antonio, noctu clanculum discedunt, inq. Galliam propinquam revertuntur. Multa hic occurrunt notatu digna circa Jus Gentium, in Legatis & Fecialibus receptum: quæ utique de Jure Gentium propriè dicto sunt intelligenda, neque ad Jus Naturæ referri possunt, nisi quis iniquè de Cæsare senserit, ac si illè Jus Naturæ regi communicandum esse omnino negasset. Et si igitur non inficias ivero, quibusdam casibus vel temporibus Legatis etiam Jure Naturæ prospectum esse, sæpissime tamen illorum securitati, dignitati vel immunitati non nisi arbitrariis gentium placitis consultum esse existimo.

CVI. Unum denique adhuc, exemplum adferam, quo dubito an ullum ad probandam Juris Gentium existentiam ejusq. usum sit certius & evidentius: quod cum sit obvium, & quotidie frequenterur, miror iis, qui talia argumenta sollicitè aliàs conquisiverunt, illud, quod equidem sciam, non venisse in mentem. Notum est, homines, sive una, sive pluribus diversis civitatibus continentur, varia rerum & commerciorum communicatione indigere; neque enim omnis fert omnia tellus. Quia vero magna est rerum varietas, necessum est res cum re conferatur, & illarum pretia exæquentur, siquidem justè recteq; de iis iniri debeat commercium. διὰ πάντα συμελητὰ  
δὲ πᾶς

δεῖπνος εἶναι, ἐν ἑστὶν ἀλλὰ, Quapropter quarum verum sit permutatio, eas res oportet esse ejusmodi, ut inter se quodammodo comparari possint; inquit Philosophus *s. Nicom. 5. §. 21.* Quippe sine commerciis non potest esse inter homines Societas: commercia vero exerceri nequeunt sine æqualitate: neque hæc haberi potest sine συμμετρία, & rei unius cum altera comparatione. Qualem sortitem idem Philosophus construxit *d. c. 5. §. 45.*

**CVII.** Et si vero aliàs, quæ σύμμετρα & συμβλητὰ sua natura sunt, debeant esse ejusdem generis, aut similitudinem inter se habere, veluti res ὁμογενεῖς, eodem participantibus genere, ut numero singuli numeri, magnitudine figuræ singulæ: hac sanè ratione res permutandæ non sunt symmetræ, utpote ἀνομοιογενεῖς, genere & natura multùm dissimiles: at ratione usus, qui per commercium quæritur, mensuram & exæquationem res quamvis sua natura dissimilimæ recipere possunt. Hac de re ita loquitur Philosophus: *Res inter se tam dissimiles ac dispares, si verum querimus, nulla communi mensura inter se convenire possunt: sed quod ad utilitatem indigentiamq; attinet, commode possunt d. c. §. 46.* Et porro hinc colligit, omnino necesse esse, ut sit aliqua rerum tam diversarum ratione usus humani, magis minusve necessarij, communis mensura. *d. c. 5. §. 27. & 47.*

**CVIII.** Hæc communis Mensura est duplex, altera Naturalis, Indigentia: altera ex conventionem & instituto hominum, Nummus. Priorem ita describit Aristoteles: *Ergo unum quiddam esse oportet, quod cetera omnia metiatur. Hoc porro re quidem vera Usus, seu Indigentia est, qua omnia continet. Nam si nulla re egerent homines, aut si non similiter*

S:

ege.



*egerent; vel nulla, vel non eadem esset permutatio. d. c. §. 27. seq.* Hoc igitur vult, res commercio humano obnoxias, cujuscunque illarum sunt generis, æstimationem, & per hanc pretii gradus non recipere secundum dignitatem naturæ suæ; sic enim Mus, inquit hic Thomas, animal sensibile, præferendus esset pulcherrimæ Margaritæ: sed quatenus quibusque homo plus minusve indiget, sive illam indigentiam necessitas, sive etiam luxus flagellet. Rem vero ita omnino se habere, hoc argumento esse posse addit Philosophus, quod sublata vel utriusque, vel alterutrius indigentia, cessent inter eos commercia rerumq; permutationes.

CIX. Cum enim præsci mortales ante Nummum inventum simplici rerum permutatione uterentur, non uno incommodo illa laboravit, atque inter alia etiam eo defecit, quod non semper, nec facile concurrebat, ut, cum tu haberes, quod ego desiderarem, invicem haberem, quod tu accipere velles; *l. i. ff. de contrah. empt.* ideo commercia multis modis impedita fuerunt, & indigentia sæpissime satisfieri non potuit. Ut igitur omnibus illis veteris Permutationis difficultatibus obviam iretur, & pro cujusque hominis usu, indigentia ac desiderio justè commodeq; commercia procederent, ex hominum instituto & placito successit altera mensura, Nummus, quo rerum omnium pretia exactè definire, atque hoc instrumento commerciorum aptissimo homines uti, tantoq; expeditius suis necessitatibus eo succurrere possent. Unde Aristoteles ita ait: τὸ νόμισμα, στοιχείον καὶ πῆγας τῆς ἀλλαγῆς ἐστίν, Nummus est elementum & terminus permutationum. *1. Polit. 6. p. m. 34. pr.*

CX. In-

CX. Interest vero illum audire plenius de Nummi Origine differentem. Itaque lib. 1. Polit. c. 6. p. 31. his utitur verbis: *Cum longinquius commodum quod hinc (ex Permutatione) capitur, factum esset, importandis rebus, quibus egebant, & exportandis, quibus abundabant, necessario usus Nummi comparatus est. Non enim facile comportantur alio cuncta res, quae sunt naturae vitae necessaria. Quapropter ad commercia huiusmodi quiddam pepigerunt inter se dare, & accipere. Quod cum ipsum unum esset eorum quae utilia sunt, continebat in se usum facilem ad vitam; cuiusmodi est ferrum & argentum, & si quid huiusmodi est aliud. Primum quidem simpliciter definitum magnitudine & pondere: postremum autem nota impressa, ut liberet ipsos cura ponderandi. Nota enim posita est quantitatis indicium. Primò igitur ostendit Philosophus, quibus causis non tam mori, quam adacti homines Nummi usum amplexi sint, quod prisca illa rerum Permutatio gravibus involuta difficultatibus Indigentiae explendae non sufficeret: quas alias distinctè explicavi. Deinde quod Nummus successerit in locum Indigentiae, quo perinde uti hanc, rerum diversarum diversissima pretia homines metiri possent. Nummus res inter se dispartes apta quadam compositione & convenientia concordans efficit. Nihil est enim, cuius pretium non metiatur Nummus. s. Nicom. 5. §. 48. & 49. Et lib. 9. Nicom. c. 1. §. 3. κοινὸν μέτρον ἔννομισμα, communis mensura Nummus appellatur. Et χρηματὶ λόγῳ πάντε, ὅσων ἡ ἀξία νομισματικῇ μετρεῖται, Opes appellamus omnia, quorum pretium metitur Nummus. 4. Nicom. 1. §. 4. Et quia Nummus ea re vicem supplet Indigentiae, ideo eidem Philosopho dicitur ἔννομισμα ὑπάλλαγμα τῆς χρησίας, succedaneus & vicarius indigentiae.*

Ss 2

CXI. At-

CXI. Atque hac vice & æstimationis officio ut tanto rectius fungi Nummus possit, non ex qualibet materia is confici debet, etiamsi magnum huic pretium statuerint homines: quomobrem gemmæ & margaritæ Nummis adhiberi nequeunt; sed talis requiritur materia, quæ in quantascunque partes cudi, duci, fundi, fingi, possit, quæ rerum quantacunque pretia exquisitè metiri, & ut minimi nummi multiplicati magni ponderis nummum ejusq; pretium exæquare possint. Sunt igitur Nummis constantibus aptissima Metalla, quæ etiam nomen suum inde traxisse videntur, quod ad μεταλλαγήν commutationem rerum maximè sint oportuna. *P. Victor, in comment. ad d. c. Polit.* Inter illa vero illorum usus eminet, quæ rariora sunt; pretiosiora, neque decidua materia detrита vilescunt, sed quæ præ aliis bonitate, uti ajunt, interna commenduntur. Debet enim Nummus esse οὐκ ἑξυμνητός, *instar fidejussoris*, qui pro merce data accipientem securum faciat, quod pro illo vel eandem vel ejusdem pretii aliam alio tempore comparare possit. *s. Nicom. s. §. 38.* Quo igitur rarior & pretiosior Nummi fuerit materia, eo rectius Fidejussoris vice fungi, securioremq; accipientem reddere potest. Itaque cum inter metalla facile principem locum ad Nummi usum sibi Aurum vindicet, & Antonius in contumeliam naturæ vilitatem auro fecisset, opus hoc proseriptione dignum judicavit Plinius *lib. 33. c. 3.*

CXII. His ita præmissis, propius ad institutum nostrum accedemus, investigaturi à quibus & quo Nummus modo sit mensor pretiorum constitutus, ejusq; usus receptus. Paucis id jam indicatum, nunc pluribus est explicandum. *Aristoteles d. c. s. Nicom. §. 29. seq.* hac de re ita disse-

differit: τὸ νόμισμα γέγονε κτ' συνθήκην. καὶ διὰ τὸ ὄνομα  
 ἔχει νόμισμα, ὅτι ἔφύσκει, ἀλλὰ νόμῳ ὄντι, καὶ ἐφ' ἡμῶν μετέβαλ-  
 λεν καὶ ποιῆσαι ἄχρηστον. *Ex hominum quasi compacto & con-  
 vento factus est Nummus. Atque is hanc ob causam νόμισμα  
 dicitur, à legis vocabulo: quia non natura, sed lege (ex insti-  
 tuto humano) valet. Estq; in nobis situm, eum mutare,  
 inutilemq; reddere.* Paulò post cum dixisset, unum quid re-  
 quiri, quod mensuris vice fungatur, & omnium rerum  
 pretia definit, Nummum hoc esse ait, ἐξ ἀποθέσεως, *homi-  
 num instituto & ex conditione.* §. 47. Rectius illam vocem  
 transtulit Argyropolus: *Ex positione*, scilicet hominum.  
 Cum his textibus convenit ille ex 1. Polit. c. 6. adductus,  
 cujus hæc verba huc pertinent: *ἑἰς τὴν αὐτὴν συνθέντες πρὸς σφᾶς  
 αὐτοὺς δίδοναι καὶ λαμβάνειν*, *Hujusmodi quiddam pepigerunt  
 inter se dare & accipere*, homines, quod rebus permutan-  
 dis & commerciis tractandis tanquam instrumentum in-  
 serviret.

CXIII. Apparet ex his, Nummi usum non esse re-  
 ceptum inter unam paucave familias, neque inter unius  
 emporii, neque unius civitatis vel Reip. cives, sed inter  
 plures gentes liberas, quotquot veteris permutationis  
 ejusq; difficultatum pertasæ, hanc faciliorem & expeditio-  
 rem commercandi rationem fuissent amplexæ. Quippe  
 notum est, commercia non tam inter unius emporii vel  
 civitatis homines, quàm diversas gentes & Rerum publica-  
 rum cives frequentari. Hinc Philosophus *cod. cap. 6. p. m.*  
*31.* ait, illos imprimis, qui maximè locis fuissent disjuncti,  
 permutatione fuisse usos, ὡν καὶ τὰς διήσεις ἀναγκαῖον πει-  
 ῖναι μετὰ δόσεις, *qua pro cujusque egestatibus necesse erat, sibi in-  
 vicem impertiri:* & mox addit, καθάπερ ἐπὶ πολλὰ ποιεῖ καὶ τῶν

βαρβαρικῶν ἰθὺν καὶ τὴν ἀλλὰ γὰρ, *Quemadmodum adhuc multa faciunt barbararum gentium in permutatione.* Proinde illud Aristotelicum συνέθεσις, omnium optimè vertit Jo. Genesius Sepulveda: *Publico Gentium consensu constitutum est.*

CXIV. Ex quibus uti tota l. r. ff. de contrah. empt. ita etiam hæc illius verba hinc intelligi poterunt: quod ad Nummum talis electa fuerit materia, cujus publica ac perpetua æstimatio difficultatibus permutationum æqualitate quantitatis subveniret. Etsi enim ea sit Nummi conditio, si ejus naturam & originem inspicias, ut, sicuti hominum arbitrio ejus usus fuit receptus, ita quoque libere repudiari ac rejici possit; sit tamen finem & commodum videas, quibus Nummus est definitus, nihil æquè commerciiis promovendis prodest, quàm, ut *perpetua*, quantum fieri potest, ejus sit æstimatio: quemadmodum nihil iis perinde obest, quàm ejus crebra mutatio. Unde etiam ipsarum rerum & mercium pretia frequentius, quàm Nummorum mutari videmus. Hanc igitur ad rem publica autoritate opus est Majestatis civilis, quæ ratione convenientis pretii quorumlibet Nummorum quantitatem exigat: quam olim appensis ad libellam nummis rudibus adhuc, &, ut Thucydides appellat, ἀόφιστοις, non signatis, examinabant: unde *impensarum*, *expensarum* aliaq; istiusmodi nomina Latinis manserunt. *Plin. lib. 33. c. 3.* Cum vero Nummi usus magis magisque invalesceret, & subinde ab hominibus & gentibus receptus esset, nota seu character publica autoritate nummis insigniri cœpit, fidem & indicium quantitatis aut pretii faciens

ciens, ut ita ponderandi molestia commercantes libera-  
rentur. Atque tunc argentum *signatum*, Thucydidi *ἄσημον* dictum fuit.

CXV. Quamvis igitur Paulus JCrus d. l. i. videri  
queat hoc voluisse significare, *publicam* debere esse æsti-  
mationem, eo, quo jam expositum fuit modo; omnino ta-  
men mihi persuasum habeo, non solum hoc, sed præter-  
ea his etiam verbis id illum exprimere voluisse, eam de-  
bere esse Nummi conditionem, ut illius quantitas & æsti-  
matio publico Gentium usu & consensu approbetur, vel  
probari, si non subito ubique, saltem paulatim, possit.  
Cum enim commercia non unius urbis aut regionis limi-  
tibus circumscribantur, sed per omnes gentes populosq;  
vagantur, necessum est, ut si Nummus eorum usibus ubi-  
que gentium inservire debeat, ejus quoq; valor publico  
gentium suffragio comprobetur. Hinc cum Theodorus  
Zuingerus in suo Theatro narrasset, quo tempore Romæ  
Nummus fuisset percussus, hæc adjicit verba: *Qui capit*  
*deinceps ubique gentium cudi, & communis esse*, putà ad usum  
& varia commercia liberarum gentium, quæ Nummo pri-  
mum invento avidè ejus usum arripuerunt, rebusq; æsti-  
mandis & permutandis adhibuerunt.

CXVI. Modum quod attinet, quo Nummus inter  
Gentes fuerit receptus, disertis verbis adfirmat Philoso-  
phus, factum id esse *ἔξ συνθήκης*, ex pacto, conventionē &  
*ἰνstitυτο* illarum, *ἔξ ὑποθέσεως*; quod Zuingerus in suis Anno-  
tationibus ex Mathematicorum disciplina explicat. Quem-  
admodum enim iis *ὑποθέσεις* dicuntur, quæ postulare so-  
lent, ut sibi concedantur; ita inquit, Nummum debere  
esse rerum omnium mensuram, hominum gentiumq; est

*lib.*

*inmens*, id est, hominum concessione, conventionem & consensu ita decretum est, Nummoq; id tributum, quod hoc inter se ita statuerint, & concesserint homines. Sicuti igitur tot alia inter Gentes jura fuere recepta, ita quoque hoc de Nummi usu placitum, pacto fortè primùm expresso, quod mox aliæ atque aliæ gentes imitatz, non solum in suas quæque civitates, sed quoque inter se receperunt, sic ut paulatim tacita conventionem Nummi usus penè inter omnes aut plerasque gentes fuerit receptus; ut dubitem, an ullum Juris Gentium exemplum magis possit exhiberi evidens, ad illud demonstrandum, quodq; simul tam exactè modum prodat, quo propagari, & juris auctoritatem adipisci solent ea, quæ diuturno usu gliscientia tacito pacto confirmantur, ipsaq; liberas etiam gentes suæ obligationis vinculo continent.

CXVII. Illustrabo hoc ipsum una Nummi specie. Notum est omnium manibus versari Ducatos: de quibus fertur, quod primò omnium in Italia sint cusi. Cum enim Urbibus Italiz ab Imperatoribus Constantinopolitanis, extinctis jam Occidentalibus, vel eorum Exarchis Ravennatensibus Duces essent præfecti, ab his primùm aurei nummi, qui ab illis nomen traxerunt, & Ducati appellati sunt, originem habuerunt, sic ut alii hanc Nummi speciem Duci Romano, alii Veneto, Joanni Dandalo acceptam ferant, patrocinantem isti in hoc ambitus judicio Hieronymo Rubeo *lib. 3. histor. Ravenn. p. 170. seq.* huic Joanne Nicolao Doglionio in sua Venetiâ triumphante & semper libera. Ille Nummus non solum in Italia ubique fuit approbatus, sed ad ejus imitationem plurimi Ducati cudi cæperunt ubique in Germania, Belgio, Dania, Suecia, Polo-

Polonia, Hungaria Transylvania, ipsoq; Turcico Imperio; sic ut apud nos præ omnibus &c alius Ducati Turcici, characteribus Arabicis insigniti, sint acceptissimi, eorumq; usus in Europa, Asia & Africa plurimarum gentium liberarum conventionem frequentetur. Quod si ad remotissimas terras gentesq; Americanas vel alias suscepta itinera explores, eorumq; descriptiones sive veteres sive recentissimas perlustres, ubique terrarum æquè facili consensu Nummi usum paulatim receptum esse deprehendes.

CXVIII. Neque est quod quisquam objiciat, sæpe tamen vel Nummos repudiari à gentibus, vel mercium venditionem denegari, licet nummi offerantur, in quibus nihil desiderari possit. Prius enim quod attinet, fieri multis modis potest, ut Nummi à gentibus non iniquè rejiciantur, quod pretio iis tributo vel quantitas vel qualitas non conveniat, vel quod inexpectata mutatio aut aliud quoddam incommodum iis acciderit, ut idoneus esse desierit, qui Fidejussoris vice fungatur. Quod concernit posterius, fieri etiam potest, ut non iniquè commercia denegentur, oblati licet nummis, in quibus nihil sit vitii. Nam si domini rerum ipsi iis indigeant, melior utique eorum debet esse conditio, neque compelli tunc possunt, ut res suas inviti vendant. Quin etiam licet ipsi fortè iis non indigeant, sed Princeps aut Respublica; horum non iniquo jussu subditis interdici potest, ne res suas vendant, neque illas exportent ad alias gentes, neque ab his emi & exportari sinant: ne quid dicam, posse quosdam non solum homines, sed etiam populos, se vel omnium, vel quarundam rerum commercio reddere indignos. Si igitur termini habiles, uti vulgò loquuntur, constituentur,

T t

&amp; ca



& ea à Numinis & commerciiis semoveas, quæ iis forte fortuna aut raro accidunt; talem plerumque & apud plerasque gentes ex illarum conventionem valet Numinis usus, ut sit mensuræ priorum, & instrumentum commerciorum.

CXIX. Cum igitur ad hæc & istiusmodi placita omnes gentes uno ore provocent, in illa consentiant, & singulæ se ad illa obligatas profiteantur, temere profectò illud vinculum rescindere velle videntur, qui hoc Jus Gentium impugnant. Quorum doctrina quò majori cum periculo salutis publicæ est conjuncta, ita ejus exitium studium bonamque mentem profitentur, qui gentibus, civitatibus, principibus hoc consilium jam ante hac commendarunt, ut ipsorum arbitrato Collegium aliquod Fœcialium communi conventionem constituatur, in quo controversiæ inter gentes ortæ primò omnium cognoscantur, disceptentur & judicentur, neque bello nisi extrema necessitas viam aperiatur, sic ut illud in eos demum suscipiatur, qui fortè judicatum facere nolint, aliisve modis hujus Collegii auctoritati ac decretis contumaciam suam objiciant. Videri quidem hæc multis ideæ bonæ mentis, & si tempora moresque spectes, ridere poterit. Quemadmodum vero multi Philosophi & Historici Optimam Remp. vel Principem optimum secundum suæ contemplationis ideam expresserunt, suosque imitatores saltem in partibus invenerunt, qui illorum dogmata in usum Reip. suæ magno cum fructu transfulerunt; ita profectò hæc idea non est ejus notæ, cujus Platonica rerum omnium communio, sed & talem haberi posse, non est impossibile, ejusque utilitas futura esset longè maxima.

CXX. Quod

CXX Quod si omnibus gentibus aut plerisque hoc persuaderi nequeat, saltē Christianis tantō magis illud debebat esse commendatum, quō enixiūs Servator suos sectatores ad pacem & charitatem obstrinxit. Optent igitur hoc Christiani Principes singuli, quod fecisse ajunt Henricum IV. Galliarū Regem, quo nemo ingenio manuq; fuit promptior. Et si optant, cur non idem institutum etiam velint, quod in ipsorum arbitrio & potestate est? Qui civitatibus regendis præsunt, Justitiæ debent esse observantissimi. Hujus quō quis fuerit studiosior, eō lubentius hoc consiliū amplectetur. Si qui vero ambitione, avaritia, imperitandi libidine & insolentia aliisque vitiis ducti bella ex bellis ferere, plurimumque per cades hominum sanguinem effundere, pro ludo aut gloria ac potentia materia habeant, his certē hoc consiliū nullo modo probari potest, cum illud in præsidium non eorum sit cessurum, qui injurias inferre velint, sed qui pati nollint. Quippe hoc consilio admissō, potentior inferiorem non opprimit, quia Deum & Justitiā superiores se agnoscit, unde tantum abest, ut quid decedat potentia & dignitati alicujus Regis, ut potiū tantō major sit futura ejus laus animique generositas. Infirmior qui sit, non suspectas habebit aut sibi formidabiles potentioris vires; non tanto sumptu & subditorum ad extremam paupertatem præcipitantibus impensis alentur milites & exercitus: similes, invidia & similes pestes vel cessabunt, vel certē non faciliē tunc in cruenta bella prorumpent. Otio vero depellendo & ignavia declinanda alia, eaque commoda, & Christiano orbi plurimū profutura remedia supererunt.

CXXI. Quod si neque hoc sperare vel obtinere liceat, saltem Germanicarum gentium felicitatem ac tranquillitatem mei consilii votique summam esse velim. *Illud enim perpendendum relinquo, annon Principes Germania singuli propemodum singulas habeant Respublicas, & totum S. R. Imperium non sit verè una Respublica, ut multa adhuc habeat communia omnibus. Relinquo, inquit Conringius, hoc perpendendum aliis. de pace perpet. inter Imp. Ordin. sect. 2. concl. 17. Cui addatur Bachov. ad Wesenb. in quib. caus. pign. vel hyp. tac. contr. n. 5. Quidquid ejus rei sit, magis magisque in partes Ordines Imperii discedere, discipulus prioris posterior dies docet. Quò enim majori contentione quisque sibi instar Reipublicæ fingit, format, adstruit, eò magis universi Imperii compagem laxari necesse est. Gravissimas hinc calamitates & olim & nunc sensit Germania, quibus medendis Regimentum, mox summum aliquod Tribunal, nuper & alterum, instituta sunt: atque his tot saluberrimæ & prudentissimæ sanctiones legesque accesserunt. Nondum tamen persuasum Ordinibus esse videtur, quod examini, idem & apud expedire: quin eorum nonnulli vel suo Marte, vel alieno, & quidem extero, adjuti à communione Reipublicæ non solum se abstrahunt, sed hostes in ejus viscera sæpe attrahunt, ut securitati & tranquillitati publicæ nunquam satis prospectum vel cautum sit, tantoque majorem laudem mercantur summi Viri, qui Comitibus jam congregati Imperio quanto possunt studio & ope ea parte subvenire satagunt, qua illud maximè laborat. De Ætolis refert Polybus lib. 4. quod neque pacis neque belli leges norint, sed utroque tempore contra jus gentium & omnium hominum instituta, quod semel destinassent, perfecerint.*  
*Achai*

Achai vero, inquit idem Autor cumprimis bonus, iudicio Ciceronis, lib. 2. mirificè per concordiam mutuam crevere, nostra memoria. Nam cum multi ante hac tempora essent conati Peloponnesius persuadere, ut communibus consiliis omnium saluti consulere, neque tamen perficere, quod instituerat, quisquam posuisset, quod non studio defendenda communis libertatis, sed ad stabiliendam quisque suam dominationem id negotium suscipere, nostra hac atate tale tantumq, ea res incrementum cepit, vel potius adèd perfecta est, ut non solum ad amicitiam sociali fœdere inter se jungendam coierint; sed etiam legibus, ponderibus, mensuris, pecunia denique eadem utantur: ad hoc, magistratibus, senatoribus, iudicibus iisdem: atque uno verbo, quò minùs universa propemodum Peloponnesus pro urbe unica possit cense, id unum obstat, quod non eorundem mentium ambitu omnes eius incolæ capiuntur. Cetera apud illos & in commune & per singulas urbes similia sunt atque eadem. Paulò pòst memorat princeps ille Historicorum, Achæorum fide & consiliis civitates usas fuisse ad componenda quibus urgebantur mala: fuisse illis unam semper Reip. administrationem, per quam soliti fuerint ad Aequalitatem & Libertatem, quæ inter ipsos viguit, invitare: eos autem, qui vel propriis opibus, vel Regum auxilio freti suas sibi civitates servire coegerint, continuè bello petiisse, & in ordinem rede gisse. Huic Achaico fœderi geminum est, quod inter civitates Helvetiorum, & alterum, quod inter septem Provincias Belgicas obtinet. Eadem omnium initia, horum majora incrementa. De exitu eorum nil addam, nisi quod ex similibus causis similes sint metuendi eventus. Achaico fœderi Rempublicam Imperii nostri æquiparavit vir cele-

berrimus Gothofredus, ac si ejus membra simili vinculo  
 contineantur. Hoc si ita sit, si paulò aliter se habeat,  
 annon, proscripta Ætolorum Anarchia, maximo Imperii  
 & singulorum Ordinum bono Collegium aliquod Fecia-  
 lium excitari, cui res ad pacem bellumque & continen-  
 dam Reip. nostræ adversus molitiones siue internas siue  
 externas communionem pertinentes, certis legibus, qua-  
 les quidem nostrarum rerum conditio suggeret, com-  
 mitti queant, prudentiorum deliberationi relin-  
 quo, commendo.

## SOLI DEO GLORIA.



ANT 1318106













3  
1184